

comp
18

400h.

Cleues - Romanus

1 P 532.725

11657

Q. V. D. L.

Soli Comae pro huiusmodi
Baro pro. Quia huiusmodi
Comae me huiusmodi

Quia de iure nemo potest
pro deo.

Eiusdem Illustris Comitis Domi de Gaviac
Venerabilis Domini Probationis donat Langue.

The first edition of this version

BK, it. books, 34 (Spencer)

Clemens I (p. 100)

Ad. A-1335

DE
CONSTITVTIONIBVS
APOSTOLICIS,
B. Clemente Romano auctore,
LIBRI OCTO,

Nunc primùm è tenebris eruti, & ad orthodoxam
fidem astruendam apprimè utiles.

IO. CAROLO BOVIO, EPISCOPO
Ostunensi interprete.

EIVSDEM SCHOLIA IN LOCA, QVAE
dubitationem aliquam habere videntur.

Rerum, & verborum memorabilium Index.



*Cum priuilegio summi Pontificis, Cas. Maieſtatis,
& Illuſtriſſimi ſenatus Veneti.*

Venetiis, ex Officina Iordani Zileti. M. D. L X III.

per D. Danilium approbat. 1578.

DE
CONSTITUTIONIBUS
APOSTOLICIS
B. Clementis Romani Pontificis
LIBRI OCTO.

Imprimus in Aedibus
Regiae Universitatis
IO. CAROLO BOETII EPISCOPI
Ordinis Praedicatorum
S. Theologiae Professoris
K. M. P. S. Universitatis



Universitätsbibliothek
der Universität Wien
K. M. P. S. Universitäts

IOANNI MORONIO,

S. R. E. Episcopo, Stanislao Hosio,
Ludouico Simonetæ, Bernardo Na-
uagerio Presbyteris Cardinali-
bus, & sedis Apostolicæ in
Concilio Tridentino
Legatis,

Ioannes Carolus Bouius

Episcopus Osnunensis. S. P. D.



*V*M tenuitatem meam non
ignorarem, nunquam adhi-
bui diligentiam, ut quæ in o-
ptimarum artium studijs me
diocri exercitatione versatus, comprehen-
dissem, atq; annotassem, ea extra priuatos
parieteseducta, in notitiam aliorum per-
uulgarem. Quòd si in omni ratione ac cursu
studiorum meorum faciendum mihi vn-
quam fuit, certè seruandum maximè erat
hoc tempore, atq; eo loco, in quo congrega-
tis magna frequentia excellentibus inge-
nijs,

Epistola

nys, exquisitaq; doctrina viris, amplissimum Orbis Christiani theatrum habemus. Quid enim ego in tanto hominum eruditissimorum cœtu excogitare possem, vel tam nouum, quod illorum singularem in omni uarietate literarum scientiam suggeret, vel tam accuratum, quod non eorum iudicio leue & contemnendum videretur.? Sed tamen hoc consilium sequenti mihi, et vehementer probanti, occasio quædam oblata perpetuum meum illud silentium præcidit, & me ab hac periclitatione ingenij remotum, quasi in arenam prodire coegit. nam cum nuper in Clementis Romani libros incidissem, quibus ille descriptam ab Apostolis Ecclesiæ formam, & omnem rerum sacrarum rationem accuratè est complexus, primum (quod est meum antiquitatum ecclesiasticarum studium) auide legi, deinde, ut quæ legeram, atque in ijs obseruaueram, memoriæ firmitus haberent,

nuncupatoria .

rerent , cæpi insigniores ex ijs sententias in latinum sermonem conuertere . tùm recitata à nonnullis in conuentu Patrum ex Clementis libris verba , valdè ad id, quod tunc agebatur , apta , prima indicia fuerunt , quibus abditi iam pridem ij libri, & à paucis cogniti, hominibus pijs, & rerum diuinarum studiosis proderentur. Deinde cùm prolatis alijs ex ijs testimonijs , sermonibusq; illorum , qui eorum auctore delectabantur, celebrius iam fieret Clementis nomen , institi vehementius , & ad integram, atq; absolutam totius operis interpretationem me contuli . In quo labore , alijs studiorum meorum occupationibus impeditus , fortasse non perseuerassem , nisi multis sermonibus cum viris grauissimis ea de re habitis , ijs quasi prædibus fidem meam obstrinxissem . Verti igitur, et (quantum me vires tulerunt) dedi operam , vt Clemens à tenebris , atque obliuione hominum

Epistola

*num vindicatus, in Ecclesiæ luce, et viro-
rum religiosorum manibus versaretur.
Cumq; mecum cogitarem, cui nam eum
commendarem, & ipsius quasi patroci-
nium deferrem, vos mihi potissimum oc-
curristis, quorum nomini dicatus Cle-
mens, in hanc Ecclesiæ celebritatem pro-
dired. Nam si mihi in eo præstantis alicu-
ius viri auctoritas querenda fuit, profectò
vos cum dignitate vestra, tum eius per-
sona, quam hic sustinetis, munere, princi-
pem in Ecclesiâ locum obtinetis. Si cui ho-
norem habere velim, hæc ipsa sanctissima
munera, quibus præestis, faciunt, ut vos an-
te alios, omnium studijs colendos atque ob-
servandos intelligam. Quòd si illud specta-
re debemus, ut ea potissimum munera mit-
tamus, quæ illorum, ad quos mittuntur,
studio atque instituto conveniant, èn san-
ctissimi atque amplissimi Legati trado vò-
bis exemplum, ad cuius similitudinem,
eam,*

nuncupatoria.

eam, quam formãdam suscepistis figuram, fingere atque expolire possitis. Nulla per hos dies quæstio proposita est, nulla à patribus paulò grauior deliberatio habita, quam non ijs libris enucleatè expositam ac declaratam videamus. Quæ vos de restituenda veteri disciplina cura cogitatioq; sollicitat, eam nulla alia ratione adiunari posse arbitror, quàm ope eorum librorum, qui cum Ecclesia nati, pietatem maiorum nobis consignatam testatamq; commendant. Quare accipite huius meæ lucubrationis munusculum, quod à mea exiguitate profectum, spero vobis, & omnibus ijs, qui religionis pietatisq; studio ducuntur, non iniucundum futurum.

THE HISTORY OF THE

REIGN OF HENRY THE SEVENTH
OF ENGLAND
BY
JAMES HALLAM
ESQ.
OF LINCOLN'S INN
IN TWO VOLUMES
VOL. II.
LONDON:
PRINTED BY J. JOHNSON, ST. PAULS CHURCH-YARD, 1733.

IO. CAROLI BOVII

EPISCOPI OSTVNENSIS

IN CLEMENTIS LIBROS

P R A E F A T I O.



NTEQVAM Clementem latinè loquentem audiamus, libet præfari quædam, quæ non aliena à propositi muneris ratione uidebuntur. Tractabo autem Prolegomena illa, quæ Philosophi in principiis librorum quærere consueuerunt: ea uerò (quantum ad præsens institutum attinet) sunt septem, scopus, utilitas, an sit legitimus liber, inscriptio, numerus librorum auctoris, partitio horum librorum in capita, ordo lectionis, methodus. Primùm ergo uideamus scopum, hoc est quænam sit finis propositus scriptori, ad quem omnis disputatio sit referenda.

LEGISLATOR noster, & Ecclesiæ fundator CHRISTVS, ordiens propagandæ religionis initium, eas nobis credendi, atque uiuendi leges dedit, quæ uniuersam fidei summam, rationem sacramentorum, ac uitæ degendæ præcepta continerent. Haud faciliè autem Dei cultus amplificari, neque pietas coli potuisset, nisi mandata, quæ de huiusmodi rebus uniuersa quadam ratione, & generatim tradita fuerant, in certos ac proprios modos essent distributa. uidemus enim in omni optimè constituta ciuitate, eum morem disciplinamque haberi, ut legum descriptione definita sint singula rerum agendarum munera, qua tam ii, qui aliis præsunt, quàm qui eorum potestati obediunt, intelligant, quantum sibi impositum sit muneris, quo loco, quo tempore, qua ratione ac modo unumquodque sit agendum. Huiusmodi autem dispositionem

* * atq;

P R A E F A T I O.

atq; moderationem rerum Saluator noster mandauit Apostolis, quorum consilio & legibus, institutam à se Ecclesiam, regendam atque tuendam commisit. Cum enim Dominus se ita Apostolos misisse affirmet, quemadmodum ipse à Patre missus fuisset, constet autem eum (ut alia ipsius œconomiae munera prætermittantur) à Patre missum, ut legislatoris, moderatoris, Episcopi munere fungeretur; necesse est Apostolos eorum munerum potestatem obtinuisse à Domino, qua ad gubernationem Ecclesiae, & ad reliquam instituti operis substructionem absoluendam uterentur. quibus etiam cum dixit, Qui uos audit, me audit, & qui uos spernit, me spernit; significauit Apostolicarum præceptionum auctoritatem perinde futuram, atque si ipsius mandatis obtemperantes, ad illas seruandas compelleremur. Hac igitur auctoritate præditi Apostoli, ut diuinum cultum constituerent, & Euangelicas leges stabilirent, post Domini ascensionem, fidelium cœtu in ordines distributo, singulis ordinibus officia, & propriam uiuendi normam dederunt; sacra, ceremonias, preces, ieiunia, ritus, solennia omnia instituerunt; fidem, hoc est credendi legem, pro ratione temporum explicauerunt. Hæc uerò omnia Apostoli in Ecclesiis, in quibus Euangelium nunciauerant, uoce ac uerbis traderunt. Quanquàm aliqua etiam epistolis præceperunt, quæ non ita multa sunt, *Cetera enim (inquit Apostolis) cum uenero disponam.* Et alio in loco, *Tenete traditiones, quas accepistis, siue per sermonem, siue per epistolam.* Has igitur traditiones, quæ nullis literarum monumentis ab Apostolis commendatæ sunt, sed sermone, & non scripta institutione ad Ecclesias peruenerunt, collegit in unum Clemens Pauli familiaris ac comes, atque iis octo libris digestis: ut uerè affirmare possimus, propositum esse Clementi, dispositum D E I cultum, ritus sacrorum, ceremonias, obseruationes, ordines, statum Ecclesiae, & præcepta ad eum pertinentia, iis libris complecti. atque is quidem est horum librorum scopus.

Venio

P R A E F A T I O.

VENIO ad utilitatem, quam puto esse tantam, ut credam hos libros diuinitus nobis oblatos hoc tempore, quo oppugnatur legum Ecclesiasticarum auctoritas, in dubium ueniunt Apostolicæ traditiones, labefactantur sacra, euertuntur solennia, omnis denique pietatis cultus extinguitur. Quæ cum fiunt, ipsa Euangelii summa, & fidei caput concidat necesse est. quod declarat Sanctissimus Pater Basilius in libro, quem de Spiritu sancto inscripsit, in quo de iis ipsis non scriptis traditionibus disputans, *Si conemur (inquit) non scriptas consuetudines, quasi non magnam uim habentes reijcere, eò deueniemus, ut præcipuas Euangelij partes labefactemus, immo ad nudum nomen prædicationem redigamus.* Quam sententiam iis calamitosis temporibus ueram esse experimur. nam dum contemptis ceremoniis, quæ ad excitandam, atque fouendam pietatem humanæ imbecillitati sunt necessariae, religio ad nudum Euangelium reuocata est, confusionem & fidei obliuionem inductam uidemus. Quid dicam de Episcopis, Presbyteris, Diaconis, & reliquis inferiorum graduum ordinibus, quorum hic mystica institutio explicatur, & eam ad Dominum, uel ad Apostolos pertinere intelligimus? quæ res Ecclesiasticam Hierarchiam contra hæreticorum errores constituit.

LICET quoque iis in libris cernere continentiae leges, aliarum rerum, quas adiaphoras uocant necessitatem, iusta mortuorum, liberi arbitrii facultatem, operum ad salutem consequendam uim, in tuendis leuissimis officiis diligentiam, tantam quantam nunc in maximis mandatis seruandis nemo adhibet. Quod si nostrum officium expendere & considerare libuerit, facile iis libris intelligemus, quantum munus sustineamus, quis nobis id imposuerit, quid præstare debeamus, quo studio, qua diligentia, qua uigilantia, quantis animi, & corporis uiribus in eo sit elaborandum, quanto uirtutum ornatu instructos nos ad id præstandum accedere oporteat. Quæ, & si nos deterrent à tanto onere, & desperatione debilitant, tamen non ni-

P R A E F A T I O .

hil proficimus cùm officii nostri admoniti , antiquam pietatem imitari , uel certè studio & amore prosequi conamur. Atque ut omnia simul complectar, cùm duobus malis laboret Ecclesia, hæresum immanitate, & corruptorum morum deprauatione, ad utrunque malum magnaiis libris adhibentur remedia . Nam nihil ferè oppugnant hæretici, quod horum librorum auctoritas non defendat; & quæ ii, ueluti Christianæ pietati contraria, per errorem & superstitionem in Ecclesiam irrepsisse affirmant, ea in ipsis Ecclesiæ incunabulis instituta, atque ab antiquissimis illis Ducibus approbata, & per tot sæculorum ætates continuata, ad nos peruenisse cognoscimus. Disciplinam uerò Ecclesiasticam quid magis constituere potest, quàm ueteris illius Ecclesiæ proposita nobis ad imitandum forma? quam cùm intuemur, animum ad pietatem erigimus, & priscae uirtutis studio incendimur; cùm uerò illam cum iis, quæ nunc usuueniunt comparamus, intelligimus, quàm omnia conuersa, ac propè iam ad interitum perducta sint. Quare si perditis Ecclesiæ rebus subuenire, & has ruinas restituere cupimus, ea in primis quærere debemus, quæ antiquorum temporum disciplinam nobis proponunt, & expressam Apostolicæ religionis imaginem oculis nostris subiiciunt.

SED uideo non defuturos quamplurimos, qui ne sententiarum, quas defendunt impietas tam graui testimonio refutetur, eleuabunt horum librorum auctoritatem, affirmantes, eos esse apocryphos, & ab Ecclesia iam pridem eiectos . Quare necesse est de illo tertio capite pertractare, quo in Prolegomenis quæritur, An liber sit auctoris, cui inscribitur, legitimus atque germanus. Ad id autem de præsentis scriptore confirmandum, primi prodeant Canones Apostolorum, perpetuo constantique omnium Græcorum, multorum Latinorum patrum consensu, atq; approbatione recepti . in quorum ultimo, inter eos libros, qui in Ecclesiis ueluti sacrosancti habendi sunt, numerantur octo libri de Constitutionibus, auctore Clemente

mente, scripti Episcopis; quos, inquit, non oportere per-
uulgari, propter mystica, quæ in iis sunt scripta.

SEQUITUR Ignatius, qui Ecclesiæ Antiochenæ secundus
post Petrum præfuit. nam is in duodecim Epistolis, quas
cum Romam ad supplicium duceretur, in itinere ad Ecce-
lias misit, Institutiones Clementis ita est imitatus, ut non
solum earum dogmata atq; præcepta expresserit, sed etiam
ex iis sæpe sententias totidem uerbis exscriptas transtule-
rit, easdem figuras, idem dicendi genus seruauerit, eas-
dem rationes in suis sententiis confirmandis, atq; in alie-
nis confutandis attulerit. Quæ singula separatim in suis lo-
cis annotabo. nunc tantum quædam proferam, quæ id a-
pertè ostendent. In epistola ad Trallianos, institutam Pa-
rasceuis, sabbati, atque diei dominici obseruationem iis-
dem uerbis, quibus Clemens, refert ad passionem, sepul-
turam & resurrectionem Domini. In Epistola ad Philip-
penses, præcipiens Quadragesimam, eandem præceptio-
nis causam, eademq; uerba adducit, quæ Clemens. quod
idem seruauit in hebdomade passionis, Parasceue, & quar-
ta feria. Sabbatismum in principio nascentis Ecclesiæ
aliqua ex parte seruatum, eodem modo instituit. In Epi-
stola ad Magnesios docens nil præter sententiam Episcopi
agendum; *Non licet, inquit, sine Episcopo baptizare, neque of-
ferre, neque sacrum facere.* Et deinde nonnullis interiectis
uerbis, *Ut Dominus sine Patre nihil facit, (non possum enim
inquit, facere à me ipso quicquam)* sic nec uos sine Episcopo, neq;
Presbyter, neque Diaconus, neque Laicus. Et ad Heronem
scribens, *Nihil, inquit, sine Episcopis agito; sunt enim sacerdo-
tes, tu sacerdotum minister.* Illi baptizant, sacrificant, ordi-
nant, manus imponunt. Quæ omnia totidem uerbis tran-
slata sunt à Clemente. In Epistola ad Trallianos, iubet re-
uereri Episcopum ueluti Christum. atque ut ostenderet
fontes, ex quibus præceptum hauserat, dixit id faciendum
ex Apostolica constitutione: quam secutus in omnibus fe-
rè Epistolis, Hierarchiam Ecclesiasticam designat ad imi-
tationem Clementis. In Epistola ad Mariam, & in Epi-
stola

stola ad Magnesios ; Diaconos, inquit, obtinere locum CHRISTI, Episcopum DEI, Presbyteros referre cœtum Apostolorum ; quo nihil frequentius in Clementis libris reperias. Multa prætereo, quæ de DEI Patris auctoritate, Verbi origine, Spiritus sancti natura iisdem sententiis atque uerbis, quibus Clemens, accuratè disputauit: quem etiam imitatus est, cum CHRISTI dispensationem secundum carnem exposuit: & cum aduersus hæreticorum errores Catholicam fidem defendit, in quibus omnibus latum unguem à Clemente non discessit.

QVOD si quis hoc non satis esse uelit, neque omnino ex eo id effici putet, quod nos probandum suscepimus, propterea quòd Ignatius, nec librorum, neq; eorum auctoris mentionem ullam faciat, (quod ad constituendam auctoritatem testimonii necessarium uidetur) nos non dicimus Ignatium Clementis ueluti horum librorum auctoris mentionem facere: illud autem satis esse iudicamus, quòd Ignatius hos libros cognouit, uidit, atque ita probauit, ut ex eorum sententiis & uerbis, suas Epistolas conflauerit, ac totam Ecclesiarum, quas docebat institutionem, ad eorum exemplum expresse- rit. Quare certum ex eo ducitur argumentum, nec nuper scriptos hos libros esse, neque in apòcryphis omnino numerandos, quos prima illa Ecclesia habuit, & Apostolici uiri cognitos probatosque in sua scripta transtulerunt. Quod ut necessaria ratione colligimus, sic illud non leui coniectura assequimur, hos libros ab Ignatio Clementi tributos. Is enim ea, quæ ex iis libris hausit, ab Apostolis disposita, atque instituta fuisse, non obscure affirmat. Clementem autem Petri & Pauli auditorem appellat, ut facile quis intelligat, Ignatii testimonio Apostolicas constitutiones ei tribuendas, qui Apostolorum auditor fuisset. Non ignoro autem esse, nonnullos, qui has ipsas, quarum auctoritate utimur, Ignatii Epistolas in eandem suspicionem adducant: quos rectè facturos existimo, si patientur nos Irenæi, Athanasii, Eusebii, Hieronymi auctoritatem ipsorum

P R A E F A T I O.

rum iudicio anteponere. Ii enim has Epistolas agnoscunt, & eas ipsas esse, quarum ii mentionem faciunt, ex partibus Epistolarum, quas in suis scriptis inserunt, intelligimus. Quod si ex ceremoniis, quas non probant, atque ab illius temporis consuetudine alienas existimant, eas suspectas facere uolunt, est id quidem omnino superbum & arrogans, ex sententiis, quas ipsi ueras opinantur, uelle de ueterum scriptorum auctoritate coniecturam facere, & ad suum iudicium, aliorum disciplinam accommodare; cum potius hæ sententiæ condemnandæ sint, quæ a certissimis probatissimisque priscorum monumentis dissentiant, quam ea in dubium reuocanda, quæ cum opinionum, quas ii tuentur nouitate non cohæreant. Ac de Ignatio quidem hætenus.

ATHANASIVS, cuius testimonium grauissimum esse debet, horum librorum mentionem facit, & de iis præclare sensit, in ea Epistola ad Ammum Monachum, in qua libros Canonicos numerauit. Aggregat enim Apostolorum doctrinam (ita enim eos appellat) in ordinem eorum librorum, qui quidem in Canonem relati non sunt, sed tamen ab iis, qui pietatis & ueri cultus rationem percipere expetunt, non contemnendi: de quo librorum genere post Canonicos libros scribit iis uerbis, *Sed ut res sit accurata, & exactior, hoc quoque adyccio, scribens necessario, quod extra hos, sunt alij quoque libri. non in Canonem quidem redacti, sed quos legi à patribus decretum est, ijs, qui nunc accedunt, & uolunt in pietatis, uerique cultus ratione initiari. Sapientia Solomonis, Sapientia Sirach; & Esther, & Iudith, & Thobias, et Doctrina, quæ dicitur Apostolorum, & Pastor; qui sunt tamen non aspernandi.*

ATHANASII iudicium secutus Eusebius, neque in eis scripturis hos libros numerauit, quæ pro Canonicis ab omnibus Ecclesiis receptæ erant, neque in apocryphis, sed in eis, quas non omnes Ecclesiæ agnoscebant. In quo etiam ordine statuit quosdam libros, qui olim omnium Ecclesiarum consensu non ita probati, nunc ab omnibus
sine

sine controuersia pro canonicis habentur. Sed praestat, ut Eusebii locum proferam. Is enim in primo libro Ecclesiasticae Historiae, connumeratis scripturis ab omnibus receptis, subiungit haec uerba, *In eis, quae sunt in controuersia, cognita tamen sunt à multis, numeratur Epistola Iacobi, quae appellatur, & Iudae, & Petri secunda, & secunda ac tertia, quae dicuntur scriptae à Ioanne, siue is sit Euangelista, siue eiusdem nominis alius. Aggregetur quoque in nothas scriptura de Actis Pauli, & Pastor, & Apocalypsis Petri; praeterea Epistola Barnabae, & Institutiones Apostolorum, quae appellantur, praeterea, ut dixi, Apocalypsis Ioannis.* Vides cum quibus libris connumerentur ab Eusebio institutiones Apostolorum. Ex quo perspicuum fit, à ueteribus non esse dubitatum de ueritate doctrinae, sed num essent ii libri in Canonem sacrarum scripturarum referendi. Quod certè nunquā obtinuerunt, neque nos eis tantam auctoritatem tribuere uolumus.

HANC uerò fuisse Eusebii sententiam, declarant eius uerba, quae mox sequuntur. in quibus haeticorum commenta, & compositas in fraudem fidelium fabulas, quae nomine Apostolorum erant inscriptae, ab hoc gemino librorum ordine segregauit. Reddens enim rationem, cur eorum librorum, qui non ita ab omnibus Ecclesiis reciperentur, mentionem fecerit, sic inquit, *Necessario horum quoque catalogum fecimus, discernentes, quae secundum Ecclesiasticam traditionem, uerae, germanae, & certae scripturae haberentur; & praeterea illas, quae non sunt illae quidem in testamento, & in controuersiam ueniunt, sed tamen à multis Ecclesiasticis agnoscuntur; idq; ea de causa fecimus, ut & has scripturas cognosceremus, & eas, quae nomine Apostolorum ab haeticis circumferuntur, continentes Petri, Thomae, Matthiae, & quorundam aliorum Euangelia, uel Andreae, Ioannis, & aliorum Apostolorum Acta, quorum nullus omnino ex Ecclesiasticorum traditione uir mentionem faciendam censuit. multumq; in ijs dicendi Character, ab Apostolico more dissidet, ipsaq; sententia, & eorum, quae dicuntur institutum, à uera atque orthodoxa norma longissimè aberrans, manifestum facit, haec haeticorum commenta fuisse; quo,*
neque

P R A E F A T I O.

neque in nothis sunt numeranda, sed ut absurda atque impia rejicienda. Habemus Eusebii censuram, id tantum iis libris detrahentis, ut propter quorundam dubitationem, eos in Canonicarum scripturarum numerum non aggregauerit.

HORVM duorum æqualis Cyrillus Hierosolymitarum Episcopus, in decima octava Catechesi, ut probaret mortuos reuiuiscere, ex quinto Clementis libro, iisdem penè uerbis, usus est renascentis Phœnicis similitudine: eius uerba hæc sunt, Quærunť Graci resurrectionem è mortuis manifestam magis; & aiunt, quod & si reuiuiscunt animalia, quæ diximus, tamen hoc fieri, quoniam non omnino interierunt; & quærunť aliquod animal, quod manifestè corruptum reuiuiscat. Noñit Deus eorum incredulitatem; atque auem ad hoc condidit Phœnicem, quæ (ut scribit Clemens, & multi narrant) cum sit soligena, post quingentorum annorum circuitum, ad Egyptiorum regionem aduolans, resurrectionem demonstrat, eamq; non in desertis locis, ne mysterium esset occultum, sed in clara urbe, ut res incredibilis manibus tractaretur. Extructo enim sibi tumulo ex thure, smyrna, atq; aromatibus, post absolutum annorum cursum eò accedens, euidenter moritur, atque corrumpitur. postea ex illius mortuæ corrupta carne, uermis quidam gignitur, qui in auem formatur.

QUANTO opere iis libris delectatus sit Epiphanius, declarant eius scripta aduersus hæreses, in quibus frequenter Apostolicæ Constitutionis mentionem facit. Nam in primo libro attulit uerba translata ex proœmio, in quo scriptum extat, Dei plantationem, & uineam esse Catholicam Ecclesiam. Et in tertio disputans aduersus Aerium, solennem sextæ & quartæ feriæ obseruationem, & exquisitum illud ieiunium, quod sex diebus ante Pascha seruabatur, confirmat unâ cum reliquo ueteris Ecclesiæ ritu, ex ea Apostolorum Constitutione, quæ in octauo libro scripta reperitur. Et in eodem tertio libro eam de alenda barba, & capillo præceptionem producit, quæ extat in primo libro harum institutionum. Quæ uerò fuerit de iis libris Epiphaniï sententia, quam ipse exposuit, cum contra Au

*** dianos

dianos disputaret, dicam cum reliquos numerauero, qui horum librorum mentionem faciunt, in quibus est Chrysostomus, qui in Homilia LIII. in Matthæum, hos libros nominat iis uerbis, *Quomodo autem quidam sacerdotes ex hominibus ordinantur, manifestè in libro octauo Canonum Apostolorum dicitur. Qui autem ex hominibus ordinatus est, quantum ad Deum non est Diaconus, aut Sacerdos.* Hanc sententiam in eo ipso libro, quem Chrysostomus nominat, totidem uerbis scriptam inuenies.

Hos ipsos Apostolorum Canones, quorum Clementem auctorem facit, nominat Ioannes Damascenus in quarto de fide orthodoxa libro, cum recenset sacrorum librorum uolumina.

PROCLVS quoque Patriarcha Constantinopolitanus hos libros agnoscit, in quodam capite De Traditione diuini sacrificii, & Oecumenius in Commentariis in Epistolam primam ad Timotheum; & S. Nicolaus Methonensis Episcopus, in eo libello, in quo probat uerum Corpus & sanguinem Christi contineri in Eucharistia.

QVAMPLVRIMA alia eiusdem rei testimonia ex uetere monumentis, quæ non dum edita sunt, præsertimq; ex prima & octaua Synodo excerpta, collegit in unum Romanæ homo doctus, & illustrandæ Ecclesiasticæ antiquitatis laude excellens Guglielmus Sirlætus Protonotarius; cuius lucubrationes, ad stabiliendam horum librorum auctoritatem fortasse aliquando in lucem prodibunt. Nos tamen interea facilè iis contenti esse possumus. nam cui hæc satis non sunt, certè eum neque aliis auctorum testimoniis crediturum existimo.

RELIQVVM est nunc, ut de sexta Synodo aliquid dicam, cuius sententia ii libri damnari uidentur. Omitto ea, quæ uerè dicere possem, Canones illos, qui sextæ Synodo tribuuntur, potiùs, quàm Clementis libros esse damnandos, ut qui à sexta Synodo nullo modo prodierint, sed à conuentu quodam Græcorum Constantinopoli sint editi, in quo ii pleraq; à recta religionis norma aliena de-
creue-

P R A E F A T I O.

creuerunt. Confirmatum est enim in eo cœtu Concilium illud Afrorum à Cypriano coactum, in quo statutum est hæreticos ad Ecclesiam se recipientes iterum baptizandos. Alia quoque aduersus sanctissimas Ecclesiæ Romanæ leges sunt diffinita; quò factum est, ut Ecclesia hos Canones, quanquã plurimi multa utilia haberent, nunquã in Sanctionibus Canonicis numerauerit.

SED hoc totum aduersariis omitto: alia ratione agam, Habeant Canones aliquam auctoritatem, ut qui si non ab Ecclesia, at ab hominibus doctis, & rerum diuinarum scientia præditi sint compositi. quid ait Canon? *Ordinationibus Sanctorum Apostolorum per Clementem, iam olim ab ijs, qui in fide aliena sentiunt, adulterina quedam & à pietate aliena introducta sunt, quæ diuinorum dogmatum elegantem ac decoram speciem obscurarunt.*

SENTENTIAE horum patrum sanctissimi ac doctissimi Patris Epiphanii iudicium oppono. is enim negat iis libris aliquid à fide alienum contineri. nam in tertio libro, cùm refutaret Audianos ad horum librorum auctoritatem confugientes, de iis ita scripsit. *Ad hoc Audiani proferunt Apostolorum ordinationem, quæ quidem apud multos reuocatur in dubium, sed tamen non est improbanda. nihil enim habet peruersum in fide aequæ confessione, sed neque in Ecclesiastica gubernatione & Canone.* Non potuit Epiphanius expressius horum librorum auctoritatem commendare. Duo sunt, quæ nostræ religionis summam continent. recta fidei sententia, & Ecclesiæ disciplina. in iis duobus (inquit Epiphanius) nihil habet absurdi Apostolorum ordinatio.

QVOD si quis contenderet in sequenti tempore hos libros fuisse deprauatos, cùm prius integri fuissent; primum accipio id, quod Canon apertè affirmat, libros esse Clementis, germanam & integram (ut paulò post Canon inquit) habuisse olim Apostolorum doctrinam. An uerò ii libri fuerint postea hæreticorum erroribus aspersi, puto hoc melius posse lectione ipsa librorum iudicari, quàm cuiusquam auctoritate uel sententia statui. Iampridem

P R A E F A T I O.

explosæ sunt omnes ueterum hæreticorum sententiæ, omnia, de quibus aliquo tempore dubitatum est, ita nunc sunt certa atq; explorata, ut unusquisq; , qui modò in Ecclesia educatus, catholicam normam tenere studeat, possit uera à falsis, integra à corruptis discernere. Percurrat hos libros qui uelit, & singulas eorum sententias expendat; nihil profectò in iis inueniet, quod Christianæ pietati non sit maxime consentaneum, quodque non appareat ab Euangelii fontibus manasse. quin etiam multorum errorum labem iam tum ab hæreticis Ecclesiæ inuectam, in iis libris ita repulsam uidebit, ea ad cauendum remedia adhibita, atque ita totius Christiani mysterii rationem expositam, ut Clemens non ab hæreticis deprauatus, sed ipse hæreticorum impietatem labefactasse uideatur.

ILLUD autem negandum non est, uideri aliquando Clementem de Spiritu sancto exiliter loqui, de Verbo quoque, & si ille præclarè sentit, tamen duriores quasdam interdum uoces fundere, quæ certè defendi omnia possunt, & suam propriam habent rationem atque sententiam; de quibus cum ad illum locum peruenero, dicam quid sentiam.

SED tamen ut concedamus Paulianos, Arianos'ue, siue etiam Macedonianos, aliquas uoculas iis libris iniecis-
se, quibus opinionis suæ prauitatem possent defendere, erit'ne obsecro uerum, ut ideo integrum amittamus Clementem? aut num minima eius cicatrix reliquum corpus obscurabit, & quia næuum in corpore non probamus, egregiam atque omnibus numeris absolutam speciem contemnemus? Si quid habet Clemens ab hæreticis inculcatum, & resectum, id quanquam est exiguum, cum reliquis partibus comparatum, faciliè cognoscitur. nam ut in nitidissima ueste leuis macula, sic in hoc præclarissimo opere modica peruersio eminet atque apparet. Est autem illud considerandum, quòd si libri hi, ab hæreticis (ut Canon ait) deprauati fuissent, id tantum ex ea parte accidere potuisset, quæ illorum sententias attingeret, quæ uerò ad hæreticos

P R A E F A T I O.

reticos nihil pertinerent, integra mansissent. Quare, cum Ecclesiæ descriptionem ac disciplinam, (quam ferè omnem Clemens iis octo libris est complexus) in controuersiam eius ætatis hæretici non uocauerint, ut qui unam fidei sententiam perstrinxerint, non est cur suspicemur eam hæreticorum deprauatione minus sinceram relictam. Acrius autem, qui post primam Ecclesiæ ætatem, ex æquare ordinis, & plerasq; obseruationes, quarum hic mentio fit, euertere est conatus, tantum abest, ut hos libros corruperit, ut nullis ualidioribus armis aduersus eius insaniam pugnare possimus. Si quis dicat hæc de ceremoniis, & de diuino cultu præcepta, permixta iis libris fuisse à superstitionis, qui Euangelii, & Christianæ pietatis leges ignorarent, primum Canon testatur ab hæreticis deprauatos libros fuisse, qui ut suas sententias fidelibus probarent, eas horum librorum testimonio commendari uoluerunt. Deinde si externi cultus, & ceremoniarum uestigia in omni antiquitate nusquam apparerent, possent, quæ à Clemente præciuntur, in eam uenire suspicionem, ut ad Apostolicam institutionem minimè referenda uiderentur. Sed cum nullus ferè ex antiquis illis patribus reperiatur, qui hos ipsos uiuendi ritus à Clemente expositos, non uehementer approbet, eosq; ad Apostolorum auctoritatem, atque ad illius temporis consuetudinem pertinere non iudicet, pleraq; etiam ab illo tradita (quod est omnium maximum) constanti perpetuaq; omnium gentium, omniumq; sæculorum consensione sint in Ecclesiis obseruata, dubitandum non est, ea à Clemente ita fuisse exposita, atq; tradita, quemadmodum ipse ab Apostolis accepisset. Quod si illud dicant Clementis uituperatores, satis esse ad eleuandam eius testimonii fidem, si minima ex parte ii libri sint deprauati, uel in aliquo suspecti; leuia enim errata fidei, & parua iis in rebus dubitationes, non solum illam rem in qua est offensum, euertunt, sed etiam uniuersam sententiæ summam perturbant. quod quidem dici posset, si ex Clementis libris noua pietatis dogmata constituenda essent. Quod

si an

P R A E F A T I O .

fi antiqua & probata solùm confirmare, uel Apostolicam pietatis formam intueri sit in animo, nullus, credo, in Ecclesia liber tam receptus, tamque omnium iudicio probatus reperietur, qui uberiores nobis harum rerum facultatem præbere possit. quem, ut scriptoris auctoritas non probet, saltem ita commendat uetustas, ut à nemine magis priscae Ecclesiae testimonium petendum censeam. Nemo enim iis libris unquam adimet, quin detracto illis Apostolicæ auctoritatis nomine, sint tamen certi fidelesque illorum temporum testes: à quibus, ueluti ab inspectoribus earum rerum, quas narrant, primæui illius temporis ritus, mores, instituta, religionis originem, Ecclesiae incunabula possimus cognoscere. Quæ certè amplam materiam nobis præbent, non solùm Ecclesiae constituendæ, sed etiam nouæ huius impietatis refutandæ.

ARGUMENTANTVR quoque detractores ex his ipsis libris, quòd in iis quædam reperiri affirmant, peruersa, atque inter se pugnantia: alia uerò puerilia atque indigna omnino tanti auctoris nomine. Ad quæ respondebo, cum de methodo agam, ostendamque (ut spero) ex uia & ratione, quam auctor tenuit, nihil esse iis in libris noui graue, non constans, nihilque quod uiro Apostolico meritò non sit tribuendum.

VENIO ad inscriptionis causam: nam ea quoque in Prolegomenis quæri solet. Inscriptio semper ferè, libri scopum indicat. id fit, cum ab eo, de quo tractandum est, appellatio ducitur. quod in horum librorum inscriptione est seruatum. dicuntur enim *διατάξεις ἀποστόλων* hoc est præscripta, & institutiones Apostolorum. &, ut uox ad communem loquendi usum accommodetur, constitutiones, siue ordinationes possunt dici. Estque huius uocis ea uis, ut disciplina lexque ab aliquo præscripta significetur; quod totius operis instituto aptissimè conuenit.

REPERIO autem hos libros uariè à patribus appellatos; nam, ut uidimus, Athanasius doctrinam Apostolorum nominat, Chrysostomus & Ioannes Damascenus Canones;

P R A E F A T I O.

nones ; Oecumenius Diatyposim, hoc est informationem & institutionem . quæ tamen uoces, in inscriptione idem ualent, atque in uarietate nominum, eadem est rei uis , & significatio . communius, uerò & frequentius est , ut Diataxes inscribantur ; quam uocem sæpe , cum de iis ageret , usurpauit Ignatius, ususq; est ea Paulus , huiusmodi Eccle siasticæ œconomix leges præscribens .

NON est omittendus numerus eorum librorum Clementis, qui quidem in cognitionem nostram peruenire potuerunt . Epiphanius, qui huius scriptoris libris præcipuè est delectatus, eorum librorum , qui de Recognitionibus inscribuntur, mentionem facit, ex quibus, disputans contra Gnosticos, nonnulla est mutuatus . ii libri quòd continent Petri pleraq; Prouincias, docendi causa obeuntis peregrinationes , Itinerarii nomen obtinuerunt : quos erroribus refertos esse, auctor est idem Epiphanius, & in Apologia Origenis Ruffinus, qui eos in Latinum conuertit. eis autem nò modò permisti errores adinuunt auctoritatem ; sed etiam ille casus parentum & fratrum Clementis, qui cuiusdam fabulæ potius argumentum, quàm ullam ueritatis similitudinem uidetur continere ; in quo tamen illud ex Apostolicis constitutionibus compertum habemus, Nicetam, & Aquilam Clementis fratres fuisse . Scripsit quoq; decem libros, quorum argumenta exposita sunt in calce libri tertii de Recognitionibus . Agnouit antiquitas eius epistolas, in quibus una ad Corinthios penè sacræ scripturæ auctoritatem obtinuit . Canon tamen ille Apostolorum duabus dat auctoritatem, quæ uicio temporum interierunt . relictæ uerò nobis sunt aliæ epistolæ Clementis nomine inscriptæ, ex quibus Romani Pontifices, & Triburienſe Concilium, atq; Vansenſe, aliqua tranſtulerunt. Quas tamen certum est, non esse eas, quarum meminit Epiphanius in primo contra hæreses libro ; in quo scribit laudari in iis epistolis uirginitatem , atque omnes Prophetas, ex eoq; sumi argumentum contra Hebionem illos uituperantem . Quæ quidem in iis peruulgatis epistolis nò legimus, leguntur

P R A E F A T I O.

leguntur autem in eis multa translata ex Itinerario, quæ illarum auctoritatem reddunt leuiorem: in quibus unum de quotidiana lotionē corporum, quasi ea ad mentis mundaiciem pertineat, est omnino non ferendum. Hebionitæ enim cum quotidianos baptismos haberent, corruptis Clementis libris, Petrum fecerunt illorum baptismorum auctorem. Tributi sunt etiam Clementi Dialogi quidam inter Petrum & Appionem habiti, quos Eusebius respuit. Libros autem Clementis à Hieronymo conuersos (ut ipse testatur in fine interpretationis commentariorum Origenis in Epistolam ad Romanos) iudico has ipsas esse Apostolorum constitutiones. quid enim ille in uertendis Apocryphis tantopere insudaret, præsertim si sciret palmam sibi à Ruffino præreptam? Doctrina uerò Apostolorum, qua Latinæ Ecclesiæ hætenus caruissent, digna profectò erat, in cuius interpretatione tantus uir laboraret.

QVANTVM attinet ad librorum diuisionem, huius operis argumentum digestum est octo libris. In quorum primo traduntur officia pertinentia ad communem uitam. nam primùm exponuntur aliqua præcepta moralia ueteris legis, quibus adiunguntur alia perfectiora ex Euangelio, quod dicitur Caput & explemētum legis. Deinde proponuntur præcepta, quibus prohibetur cultus & ornatus corporis, admonenturq; fideles ne otiosi discurrant, sed domi suis rebus dent operam, præscribiturq; eis, quid domi agere debeant; interdicitur ipsis lectio librorum Ethnicorum, danturq; legendi libri ex ueteri testamento; admonentur iidem, quid in iis libris obseruare debeant; Traditur præceptum ex Solomone de cauenda illecebra mulierum; instituuntur uxores, quemadmodum uiris obtemperare debeant, & erga ipsos fungi officio: quarum probitas etiam Solomonis testimonio commendatur. Denique in balneis ab earum societate repelluntur uiri, & quædam alia officia eis seruanda præscribuntur. In secundo libro exponuntur mores & officia Episcopi, in quibus copiosè agitur de illo graui ac præcipuo eius munere, quod uersatur

P R A E F A T I O.

tur in recipiendis conciliandisque pœnitentibus; de quorum statu multa præclarè scribuntur. Præterea tractatur diligenter de Decimis Episcopo debitis, deque earum dispensatione. Item de honore habendo, & de obedientia præstanda Episcopis; simulq; de Presbyteris ac Diaconis; quam scilicet ii personam, siue figuram referant. Præterea de iudiciis Episcoporum iustè exercendis. quibus expositis, describitur forma, qua Ecclesiastici conuentus ab Episcopo celebrari debeant, ac quemadmodum peregrini recipiendi sint, & laici ad conuentus inuitandi, quos bis in die Ecclesiam adire oporteat, ac templa dæmonum & ludos omnino uitare. de quibus multa utilia præciuntur.

TERTIVS liber de uiduis ac de illarum statu pertractat. in quibus quædam iniecta sunt de oblationibus, à quibus nam hæ sint recipiendæ. in eodem libro interdicitur mulieribus docendi munus, rerumq; sacrarum administratio; quod etiam ad omnes Laicos pertinere ostenditur. Assignantur Episcopis & Presbyteris certæ quædam ac propriæ functiones, deinde redit oratio ad officium uiduarum, in quo mentio fit officii Diaconissarum in baptismo mulieribus administrando. Cuius rei occasione exponitur diuina initiatio baptismi, & præscribuntur mores illorum, qui sunt initiandi. Deniq; agitur de officio Diaconi, & de ordinatione Episcopi, atque de officio Presbyteri, quæ occasione quadam, atq; obiter uidentur allata.

QUARTVS liber tractat de pupillorum cura suscipienda, de collectis conferendis accipiendisque, de officio parentum & liberorum, dominorum & seruorum, de subiectione & obedientia magistratibus exhibenda. denique de uirginibus.

QVINTVS de Martyribus omni cultu atq; officio prosequendis, de persecutionibus & ærumnis pro Christi nomine perferendis, simulque de moderatione adhibenda in morte pro fide obeunda; item de resurrectione, cui adiunctæ sunt quædam morales admonitiones, de Idolorum cultu fugiendo, de dierum festorum celebritate seruanda: cui

* * * * fer-

P R A E F A T I O.

sermoni accedit digressio de Passione Domini, & institutio certorum dierum, in quibus ieiunium seruandum sit.

SEXTVS liber hæreticorum errores complectitur, quibus ex aduerso opponit Catholicam Apostolicæ fidei doctrinam, commendat legem à Mose scriptam, explanat legem naturalem, differit de humanis traditionibus, & de inductis obseruationibus, quas Euangelium uel sustulit, uel mutauit.

SEPTIMVS tradit præcepta de uita & moribus ex lege Moysis, quæ coniungit cum iis, quæ longè excellentius, atque perfectius lex Euangelica præcepit. Iis absolutis tractat de baptismo eiusq; ceremoniis, nec non de iis, qui baptismi sacris sunt initiandi: repetit quædam de ieiuniis, & festis diebus, quibus additæ sunt præclaræ quædam, & diuinæ formulæ rogandi Deum cum præconio laudum, & gratiarum actione. instituit Catechumenos, exponens consecrationem aquæ, olei, & mystici chrismatis; connumerat Episcopos ab Apostolis institutos; quibus postremò accedunt quædam præces solennes certis diei temporibus conceptæ.

OCTAVVS liber prosequitur omnium ferè rerum mysticarum argumentum. primùm disputat de Charismatibus, hoc est de iis muneribus, quæ Spiritus sanctus ad regendam & conseruandam Ecclesiam distribuit; in quibus Episcopatum numerat, cuius omnem mysticam institutionem præclare exponit, cum quo sermone simul omnem ritum sacrorum, omnem rei diuinæ rationem, ceremonias, solennes preces, admirabili Eucharistiæ sacrificio adiunctas complectitur. Deinde ad reliquorum graduum institutionem descendit. cui sermoni cum inuississet nonnullas alias mysticas benedictiones, & pauca quædam de oblationibus, descendit ad propria quædam præcepta certis personis atque officiis accommodata. qui in cætum fidelium sint admittendi, qui ue repellendi; quandiu Catechumeni instituendi; quibus diebus ab operis cessandum sit; quando, ubi, quomodo supplicandum; iusta mortuis quibus

P R A E F A T I O .

quibus diebus soluenda; quibus nonnulla alia minuta sunt permista, quæ cum uix in summam colligi possint, suis locis lectori patebunt. Denique pulcherrima Ecclesiasticæ Hierarchiæ descriptione totum opus clauditur.

EST autem intelligendum hanc per capita, partitionem, & synopsis, quæ singulis capitibus præposita est, non uam esse, singuli enim libri ab Auctore perpetua oratione sunt continuati. quam rem illud maximè ostendit, quòd sæpe sequentis capitis initium continuatur cum fine capituli superioris, ut ex utroque integra constet oratio. fit etiam in quadam synopsis, Hegesippi & Tertulliani mentio; quos Apostolicis temporibus inferiores fuisse neminem arbitrator ignorare. Vidi ego codicem in quo capita non eodem modo diuidebantur, & minùs interrupta erat oratio. Is uerò, qui hanc Capitum distributionem composuit, uidetur interdum in synopsis scribenda negligens fuisse, ut quæ non semper capiti ex omni parte respondeat, nec cõtineat plenum & integrum rei, qua de agitur argumentum.

SEQUITUR ordo librorum, qui nihil est aliud, nisi librorum inter se connexio & dispositio quædam, quæ cum ratione & uia tractatur, ita aptos efficit libros, ut sequens liber à priori pendeat. quod scriptor ita assequitur, si diuidendi arte aptè utatur; Gaudeant enim (inquit Plato) qui hac methodo uti sciunt. mihi uerò omnes hos libros, singulasque eorum partes diligenter consideranti, non uidetur accurata ulla partitio à Clemente in iis libris disponendis adhibita. Nam si prima octo librorum argumenta expendere uelimus, inueniemus ea nullo uinculo connexa esse, neque inter se ita coherere, ut mutuus ordo sponte existat, & ex natura rei distributio nascatur. Quin etiam in ipsis libris uidemus quædam crebrò inculcata, ut in eis collocandis diuisione ex arte uti nullo modo possimus. Necessè enim esset aliqua sæpe repetentes, partes ita diuidere, ut aliquando alia aliam contineret, quod est diuisionis uitium uel maximum. Tenuit igitur Clemens Christianam illam simplicitatem Apostolorum discipulo dignam,

P R A E F A T I O.

sicq; ordinem est secutus, ut à rebus confusionem tolleret, exquisitum illud artificium contemneret. non enim negari debet, aliquando ordinem in nonnullis locis notari posse, sed cum nec de industria quæsitum, neque summa arte elaboratum.

ERIT etiam utile, si scriptoris methodum cognouerimus. methodum autem uoco docendi uiam, & argumenti tractationem. quam ad subtilem illam Philosophorum rationem non reuoco. ut quærenda nobis sint demonstrationum genera, diffinitiones, componendi & resoluendi uix, à notioribus nobis, uel naturæ progressiones. quibus modis & uis scientiæ & facultates utuntur. non hæc instrumenta Apostolicus Philosophus ad docendum adhibuit, ut quæ Christianæ institutioni, quam sibi tractandam proposuerat, non ita erant accommodata. Omnia igitur rerum probandarum argumenta Clemens ducit à scripturarum auctoritate. nam siue uitæ ac morum præcepta tradat, siue rerum Ecclesiasticarum formam doceat, siue Christi Oeconomiam, ac rerum diuinarum rationem demonstraret, singula ita efficit, ut ea, uel in sacris literis explicata ostendat, uel ex iis necessaria consequutione colligat. Atque ea laus præcipua ac summa Clementi tribuenda est, quòd nemo ex scriptoribus sacris, scripturarum locis sit usus tam propriis tamq; ad docendum accommodatis. quare ex multis utilitatibus, quas hi libri continent, hæc quoque magna habenda est, quòd ex iis plerasque ueras ac germanas scripturarum sententias intelligimus. Scripturas autem duobus modis tractauit Clemens, nam aut earum auctoritate est usus, proferens ex iis testimonia, quibus sua dicta confirmantur, aut eas in sua scripta ita transtulit, & in oratione inclusit, ut sententias ex suis & scripturæ uerbis contextas, perpetuo stylo continuauerit. quod cum sit, grauitas & sanctior quædam dignitas orationis existit. Eas uerò frequenter composuit ex uerbis Pauli, quem omni ex parte est imitatus, ut faciliè intelligatur disciplinam Clementis, præsertim eam, quæ pertinet ad mores & uitam in omni

P R A E F A T I O .

ni statu regendam , ex Pauli præceptis translatam , atque ad eius generis similitudinem expressam .

I L L V D quoq; uerè possumus dicere, Clementis libros ex coaceruatis , & in unum locum collectis sacrarum literarum partibus constare. Vñus est autem ueteris testamenti interpretatione septuaginta Interpretû , ut quæ illo tempore erat in usu, & ab omnibus sacrosancta habebatur . nã Euangelistæ quoque & Paulus hebraicè doctus, ea uti uoluerunt; nec erat illo tempore (credo) alia interpretatio , quæ omnibus esset peruulgata , cùm Apostoli Aquilam , Theodotionem , & alios , qui uetus testamentum sunt interpretati , ætate longè antecefferint : quo fit , ut sententiæ plerunque ab hac communi & uulgata interpretatione dissideant , aliqua etiam ex iis in nostro Canone non reperiuntur . Constat enim ex Epiphanio septuaginta Interpretes in uertendo , eam rationem secutos, ut ueluti explanantes scripturam, aliqua de suo adderēt , alia ueluti superflua relinquerent . non solùm enim interpretum , sed etiam Prophetarum , (ut idem Epiphanius inquit) functi sunt munere .

Q V A T V O R docendi generibus scriptura frequenter utitur . unum est, quod dogmaticum uocant, aliud in imperando ac præcipiendo consistens *προσακτικόν* Græcè dicitur . tertium quo aliquid definitur & quasi suis terminis describitur , proptereaq; *ὀριστικόν* appellatur . quartum est propheticum , quod pertinet ad prædictiones . Ex iis Clemēs dogmaticum & præcipiens frequenter usurpat , definiens non est ipsi adeò frequens . is enim docendi modus nō præcipit , neque decreto statuit , sed quid ad rem aliquam adipiscendam uel fugiendam sit opus , designat & præscribit , cuiusmodi est illud , Qui non tollit crucem suam , & sequitur me, nō est me dignus . Et illud , Nisi mādaucaueritis carnem filii hominis , & biberitis eius sanguinem , non habebitis uitam in uobis . Quærendum etiam esset an Prophetico genere aliquando sit usus . fortasse enim nonnulla , quæ nondum uiuis omnibus Apostolis acciderant , potuerunt ab
ipsis,

P R A E F A T I O

ipsis, ut mox futura, præscribi, & prædictione designari.

Q U O D attinet ad genus sermonum, cum Clemens disciplinam ex Apostolorum sermonibus exceptam, atque fidelibus traditam, in Ecclesiis uellet esse perpetuam, eam iis octo libris est complexus, in quibus suppressa sua persona, omnem sermonem tribuit Apostolis, putans, opinor, maiorem auctoritatem habituram orationem, si quæ ab Apostolis præcepta accepisset, ea Apostolos ipsos faceret exponentes. Dixi autem eum suum nomen suppressisse, propterea quod ex propria persona non est præfatus, quanquam se aliquando faciat ex cœtu loquentium unum, socium Apostolorum, & in rebus agendis administrum. Ex quo intelligitur, huiusmodi scribendi genus esse quasi mistum ex dialogo, & ex eo genere in quo perpetuo orationis cursu res narrantur, quod *διεξοδινόν* uocant. Nam ex ea parte, qua personæ loquentes inducuntur, uidetur dialogi similitudinem habere; quatenus sermones non habentur inter ipsos loquentes, sed à principio in Apostolorum personam instituta oratio eandem formam conseruat, quasi ipsi Apostoli hos libros conscripserint, potest in fustum illud & perpetuum genus referri.

I N iis sermonibus duo sunt diligentissimè animaduertenda, unum est illud, aliqua facta uel instituta Apostolorum, non eo ordine à Clemente exposita esse, quo ab ipsis sunt gesta uel præcepta: nam pro argumento rei, quam tractabat, mentionem fecit Clemens earum actionum, quæ ad rem propositam pertinebant, in quibus euenit aliquando ut illa primo loco narrantes fecerit Apostolos, quæ tempore inferiora erant iis, quæ post commemorantur. Alterum est attendendum, quæ à Clemente in personam Apostolorum dicuntur, non ita intelligi præcepta ab Apostolis, ut omnes uno tempore atque unum in locum conuenientes, uniuersa, quæ iis octo libris continetur, præscripserint, sed esse quædam, quæ diuersis temporibus, separatim, ac non ab omnibus præcepta sint, in quæ Clemens cum incidebat, continuo illa referebat ad institutionis auctorem, eumq;

P R A E F A T I O .

eumq; more suo , loquentem inducebat. Iis duabus rebus obseruatis, multa quæ uidentur pugnantia, uel præposterè dicta, conciliantur, & ad distinctam rerum seriem rediguntur. Ex hoc enim accidit, ut Clemens cùm res postulat, loquentem faciat Iacobum fratrem Domini, quem tamen mortuum fatetur in quinto, & septimo lib. & in secundo libro Ioannes sui Euangelii, & Apostoli Actorum mentionè faciant, quæ tamen, euident est, ultimo loco scripta fuisse. Ita anteuertit aliquando Clemens, & anticipat rerum Ecclesiasticarum institutiones, easdem nonnunquam in postremum locum reicit, præponens ea, quæ lôgo pòst tempore acciderunt: quod totum methodo, quam tenuit, tribuendum censeo. Nam cùm, excluso nomine Auctoris, res narrentur ab Apostolis, quemadmodum ipsi eas gesserunt, atq; instituerunt, necesse est, ut cùm mentio fit certæ rei, ad unum, uel plures Apostolos pertinentis, is, qui eius auctor extitit, loquatur, & sui facti se auctorem faciat. ita euenit, ut quæ tempore posteriora sunt, plerunq; primo loco commemorentur, uel quæ multo ante acciderunt, ab iis dicantur, quos mortuos iam conslet. proptereaq; non sunt quibusdam in locis (quo ad temporum seriem attinet) sequentia cum superioribus continuanda. Id si consideretur, quæ perturbata & confusa putantur, apparebunt aptissimè disposita, Clemensq; uituperatorum reprehensione, atq; calumnia facilè liberabitur. Dictionem autem eam est secutus Clemens, quæ rerum, quas tractabat sanctitati conueniret. Simplici utitur oratione, casta, subtili, pressa, quam tamen concinnitate quadam ita elimauit, ut non modò nihil habeat horridum, atq; icinum, sed etiam mediocri cultu expolita uideatur. Attico more plerunque mutat numeros, etiam nonnunquam personas. sequitur *ἀκατάλληλον* illud & *ἀνανταρόδονον*, quod fit, cùm uel orationi sequens membrum non respondet, uel cùm oratio suspensa sustinetur, nec habet aliquid quo nixa consistat. In uertendo autem satisfecisse me suscepto muneri existimarem, si adhibita ueritate sententiarum, aptisq; ad loquendum uerbis

P R A E F A T I O.

uerbis Clementeum scribendi genus effem imitatus. Sed
 sententias (ut spero) ita expressi, ut in iis fidelis interpre-
 tis diligentia non desideretur. quòd uerò attinet ad uer-
 ba, uoluisssem quidem semper iis uti idoneis, atq; huiusmo-
 di, quæ à Latini sermonis consuetudine non abhorrent;
 sed cùm Ecclesiastica tractarem, nephas esse duxi, ab eis
 nocibus discedere, quæ iam pridem ab Ecclesia receptæ,
 suam quandam habent religionem: cùm præsertim eas lo-
 quentium consuetudine tritas, usus iam emolliuerit. Ple-
 runq; etiam cùm mystica occurrebant, quæ penè in singu-
 lis uerbis totidem continent sententias, uerbum pro uer-
 bo necessariò reddens, non potui omnem orationem ad
 ueterem illam purè loquendi normam dirigere. Ac cùm
 frequenter in eas sententias inciderem, de quibus summæ
 sunt nobiscum cum Ecclesiæ aduersariis concertationes,
 malui in iis uertendis uerba sequi Græcum quiddam olen-
 tia & peregrinum, quàm existimari, paululum à uerbis de-
 flectens, sententiarum integritatem deprauasse. De simi-
 litudine uerò scriptorum, scio eam præcipuam haberi lau-
 dem interpretis, si is eius, quem transferendum suscepit
 uirtutes imitatione assequi studeat. In quod quidem stu-
 dium me aliquid operæ, ac laboris contulisse non nego, sed
 non eo animo, ut sperarem interpretationem meam Cle-
 mentis laudes assecuturam. non enim adeo insaniebam,
 sed ut (quod à diligenti interprete præstari erat æquum)
 aliqua ex parte latino stylo eius formæ similitudinē adum-
 brarem. In quo, & si intuens meam tenuitatem, atque in
 huius generis facultate inopiam, quicquam laude dignum
 efficere me non potuisse intelligo, fir tamen illud in opta-
 tis, ut cùm illam politissimam elegantiam genere dicendi
 meo attingere non potuerim, hoc saltem, *δευτερον πλῶν*
 (quod aiunt) sim assecutus, ut opera mea Clemens quasi
 ciuitate Romana donatus, nostris hominibus, Græca non
 plenè intelligentibus, perspicuè atq; enucleatè loquatur.

C O N S T I T U T I O N V M

CONSTITVTIONVM

SANCTORVM APOSTOLORVM

B. CLEMENTE ROMANO

A V C T O R E ,

L I B E R P R I M V S .

I O . C A R O L O B O V I O

E P I S C O P O O S T V N E N S I ,

I N T E R P R E T E .

Catholica doctrina de laicis. C A P . I .



APOSTOLI, & Presbyteri omnibus, qui ex Gentibus crediderunt in Dominum Iesum Christum; gratia vobis, & pax ab Omnipotente Deo per Dominum nostrum Iesum Christum abundet in cognitione ipsius. Dei plantatio est catholica

Ecclesia, & uinea eius electa: illi, qui crediderunt in infallibilem pietatem ipsius; qui fruuntur aeterno regno eius per fidem; qui acceperunt uirtutem ipsius, & armati sunt communicatione Sancti Spiritus per Christum, & timorem eius induerunt, participes preciosi, & immaculati sanguinis Christi; qui fiduciam acceperunt, ut Omnipotentem Deum inuocarent, cohæredes & consortes facti dilecti filii eius. Audite doctrinam sacram, qui amplectimini promissionem eius, ex

B mandato

mandato Saluatoris, æquiparandam glorioſis uocibus ipſius. Attendite filii Dei omnes, ut in obedientia Dei uitam agatis, eſtoteque in omnibus placentes Chriſto Deo noſtro: nam ſi quis iniquitatem ſecutus, faciat, quæ uoluntati Dei aduerſantur, is ueluti gens iniqua à Deo æſtimabitur.

C A P. I I.

Exo. 20. **A**BSTINETE animum ueſtrum ab omni cupiditate, & iniquitate. nam in lege ſcriptum eſt, Non
 „ concupiſces uxorem proximi tui, non agrum eius, non
 „ ſeruum, non ancillam, non bouem, non iumentum
 „ eius, neque aliquid, quod proximi ſit: quoniam om-
 „ nis harum rerum cupiditas à malo prouenit. Nam qui
 uxorem concupiſcit, uel ſeruum, uel ancillam proximi, iam mente adulter, ac fur cenſetur (niſi eum pœniteat) ac iudicatus eſt à Domino noſtro Ieſu Chriſto, per quem gloria Deo in ſæcula, Amen. Inquit enim in Euangelio (in ſummam redigens, & ſtabiliens, ac perficiens legis Decalogum) In lege ſcriptum eſt, Non mœchaberis. ego autem dico uobis, hoc eſt in lege, quæ per Moſem ſcripta eſt, ego locutus ſum: nunc
Matt. 5. uerò, idem ille uobis dico, Omnis, qui aſpexerit uxorem proximi ad expetendam eam, iam corde ſuo mœchatus eſt. ita mœchus iudicatur, qui animi cupiditate ardet. Qui uerò bouem, uel aſinum concupiſcit, nonne in eam cogitationem uenit, ut furetur? ut ſuum faciat? ut abducatur? Rurſus qui agrum cupit perſeuerans in huiuſmodi affectione, nonne improbè facit? ut cùm fines proferre uelit, cogat poſſeſſorem, uiliſſimi uendere. Ait enim quodam in loco Propheta,
 Væ

„ Væ coniungentibus domum domui, & agrum agro *Isa. c. 5.*
 „ continuantibus, ut proximo auferant aliquid: propte-
 „ rea dicit, Numquid habitabitis soli super terram? au-
 „ dita sunt enim in aures domini Sabaoth hæc. Et alio *Deu. 27.*
 „ in loco, Maledictus, qui transfert terminos proximi
 „ sui; & dicet omnis populus fiat. Ideo inquit Moses, *Deut. 19.*
 „ Non commouebis fines proximi tui, quos posuerunt
 „ patres tui. Ea de causa igitur formidines, mortes, iu-
 „ dicia, damnationes à Deo talibus hominibus immi-
 „ nent. Iis uerò, qui Deo sunt obedientes, una est Dei
 „ lex imposita, quæ simplex, uera, uiua existit, Quod
 „ in te ab altero fieri non uis, id tu in alterum ne feceris.
 „ Non uis ut aliquis in uxorem tuam turpiter coniiciat
 „ oculos, animo eam uitandi? nec tu in uxorem proxi-
 „ mi tui improbè oculum defigas. Non uis uestimētum
 „ tuum tolli? neque tu alterius uestimentum tollas. Non
 „ uis percuti, contumeliam ferre, petulantiam perpeti?
 „ neque tu in alium hæc ipsa committas.

*De non referenda contumelia, & de non ulciscendo eum,
 qui iniuriam intulit. CAP. III.*

„ **A**T maledicit aliquis tibi, tu benedic ei; quoniam
 „ scriptum inuenitur in libris Numerorum, Qui be- *Cap. 24.*
 „ nedicit tibi, benedictus est, & qui maledicit tibi, ma-
 „ ledictus est. Eodem modo in Euangelio scriptum est,
 „ Benedicite maledicentibus uobis. Cùm iniuriam pa-
 „ timini, nolite iniuriam referre, sed æquo animo pati.
 „ quoniam inquit Scriptura, Noli dicere, ulciscar inimi-
 „ cum meum de iis, quæ in me iniustè fecit; sed expecta
 „ ut pro te uindictet Dominus, & ultionem inferat iniu-
 „ riam inferenti tibi. Etenim rursum in Euangelio ait,

B 2 Diligite

Matt. 5 Diligite inimicos uestros, & benefacite iis, qui ode-
 „ runt uos, & orate pro calumniantibus, & persequen-
 „ tibus uos, & eritis filii patris uestri, qui in cœlis est,
 „ quoniam solem suum oriri facit super malos, & bo-
 „ nos, & pluit super iustos, & iniustos. Attendamus igi-
 „ tur dilecti iis mandatis, ut eis obsequentes, filii lucis
Eph. 4. inueniamur. Ferte igitur serui, & filii Dei uos inuicē.
 Vir aduersus eius uxorem ne sit superbus, neque elat-
 tus, sed facilis, ac benignus, cupiens tantum propriæ
 uxori placere, atque ei indulgere, cum honore illi stu-
 dens gratificari.

De cultu, & ornatu; atque de peccato ex eo pro-
ueniente. CAP. IIII.

NE QVE ornatui studebis, quo aliqua alia mulier in
 te capiatur. Nam, siue ab ea uictus peccabis,
 mors à Deo æterna tibi parata est, & sensu doloris a-
 cerbè cruciaberis: siue flagitium non facies, sed illa re-
 pulsa non consenties. at hoc ipso peccasti, etiam si non
 feceris, quoniam solùm propter ornatum tuum illa-
 queasti mulierem, ut tui cupiditate flagraret. Fecisti
 enim ut quæ hoc passa est, per concupiscentiam in te
 mœcharetur. sed non ita es in culpa, quoniam non
 morem gessisti ei, quæ tui amore irretita fuerat. Non
 enim tu illam concupiuiisti. Et quoniam illi non es ob-
 secutus, misericordiam inuenies à Deo, qui dixit,
 Non mœchaberis, & non concupisces. Nam si illa,
 cùm te uidit, uel intempestiuè obuiam tibi facta est,
 mente plagam accepit, & ad te misit, tuque ut pius
 reiecisti eam, illa uerò corde sauciata est, tu tamen
 quia iuuenis formosus es, & ornatus incedis, ut ideo
 illa

illa tui amore capta fit, reus iudicaris peccati illius,
 tanquam is qui causam scandalo illius dedisti, & in uæ
 incidisti. Quare roga Dominum Deum, ut nihil mali
 „ tibi propterea, contingat. non enim te hominibus pla *Gal. 8.*
 „ cere oportet in peccatum; sed Deo in sanctitatem, &
 „ uitam; ac quietem æternam amplecti. Pulchritudi-
 nem tibi à natura, Deo auctore collatam, noli adiecto
 cultu, exornare, sed humiliter eam aduersus homines
 ita cohibe: capillum comæ non nutriendum, sed potius
 illum detondens, & adimens, ne tu pruritu uexatus,
 & caput lacerationis expers conseruans, uel unguen-
 tis perfundens, inducas tibi mulieres, quæ hoc modo
 illaqueant, uel illaqueantur. Neque uerò uestitu
 uti uelis comparato ad decipiendum: neque femora-
 lia uel crepidas pedibus tuis improba arte consuas, sed
 tantum iis utere, quæ ad grauitatem, & usus necessa-
 rios pertinent. Neque auream palam in digitos tuos
 induas, quoniam hæc omnia scortationis sunt argu-
 menta, quibus qui præter id, quod decet, studet, iniu-
 stè facit. Fidelis enim cum sis, & homo Dei, non li-
 cet tibi nutrire capillum, & in unum complicare,
 quod est delicatum, & molle, uel discerniculo discrimi-
 nare, neque uerò intortum calamistris crispare, uel
 flauum facere: quoniam quidem lex uetat in Deutero
 „ nomio, inquit, Non facietis uobis rotunditatem ex *Leu. 19.*
 „ coma capitis uestri, neque incisiones. Neque uerò licet
 barbæ pilos corrumpere: neque hominis figuram præ
 „ ter naturam mutare. Non incidetis (inquit lex) super- *Leu. 21.*
 „ ficiem barbæ uestræ. Hoc enim mulieribus decens crea-
 tor Deus statuit, uiris indecorum esse iudicauit. Tu
 uerò hæc faciens, & ut tibi placeas legem uiolans, in
 odio eris apud Deum, qui creauit te secundum imagi-
 nem

CONSTIT. S. APOSTOLORVM

nem suam. Si igitur cupis Deo placere, contine te ab omnibus, quæ odit ipse, & nihil facias, quod animo eius displiceat.

Quòd non oportet esse curiosum de ijs, qui malè uiuunt, sed proprio operi inuigilare. CAP. V.

Psal. I. **N**OLI quasi peruolare, discurrere, & uagari per plateas intempestius speculator eorum, qui perditè uiuunt: sed arti tuæ, & operi tuo incumbens quære ut facias, quæ sunt Deo accepta, & Christi sermones in memoriam reuocans, assiduè meditare. Inquit enim Scriptura, In lege eius meditaberis die, ac nocte. scilicet, cùm in agro ambulas, cùm domi sedes, cùm in lectulo cubas, cùm manè surgis: ut in omnibus intelligas. Quòd si diuitiis abundas, & ut te sustentis arte, opus non habes, noli circumcursare, & intempestiuè obambulare.

Quos scripturæ libros legere oporteat. CAP. VI.

SED siue ad fideles, & eiusdem sententiæ homines accedis conferens cum iis, uitalia uerba loquere: sin minus accedis, intus sedens percurrere legem, Reges, Prophetas, psalle hymnos Dauid, lege diligenter Euangelium, quod est horum complementum.

Quòd oportet abstinere ab omnibus exteris libris. CAP. VII.

ABSTINE te ab omnibus Gentilium libris. Quid enim tibi cum externis libris, uel legibus; uel falsis Prophetis? quæ quidem leues à fide abducunt. Nam quid tibi deest in lege Dei, ut ad illas gentium fabulas

bulas confugas? Nam si Histórica percurrere cupis,
 habes Reges, si Sophistica, & Poetica; habes Prophe-
 tās; & Iob, & Prouerbiorum auctorem; in quibus om-
 nis Poeticæ, ac Sapientiæ accuratam rationem in-
 uenies; quoniam Domini Dei, qui solus est sapiens,
 uoces sunt. Quod si cantilenas cupis, habes Psalmos:
 si rerum origines nosse desideras, habes Genesim: si le-
 ges, & præcepta, gloriosam Dei legem: Ab omnibus
 igitur externis, & diabolicis libris uehementer te con-
 tine: ueruntamen legem quoque perlegens, inducta
 illa, atque adiecta, quæ appellantur, reiice. Quod si
 non omnia, at quædam, quæ sunt in traditionibus se-
 niorum, Deuteroses quæ appellantur. Solum autem hi-
 storix causa illa lege, ut cognoscas, & glorifices Deum,
 qui te à talibus, ac tantis uinculis liberauit. Habeas au-
 tem præ oculis ad cognoscendum quid sit naturalis
 lex, quid sint traditiones, & illa inducta, atque adiu-
 cta, quæ in deserto iis, qui uitulum conflauerunt, sunt
 imposita. Lex enim est, id quod locutus est Domi-
 nus, antequam populus in Idololatriam incideret, & ui-
 tulum conflatilem faceret illum Aegyptiorum Apim:
 Hoc est Decalogus. Quæ uerò illis peccantibus uincu-
 la accefferunt, illa tibi ne attrahas: Saluator enim noster
 nullam aliam ob causam uenit, nisi ut saluaret reos re-
 seruata iræ, & impleret legem, & Prophetas; & uincu-
 la adiecta humanarum traditionum; & inductorum,
 uel solueret, uel mutaret. Ideo inuitans nos dicebat,
 Venite ad me omnes, qui laboratis, & onerati estis, &
 ego reficiam uos. Tu ergo perlegens legem consenta-
 neam Euangelio, & Prophetis; lege etiam Reges, ut
 intelligas quot Reges iuste uixerunt, eos à Deo auctos
 fuisse, & iis promissionem uitæ æternæ apud ipsum
 per-

Matt. II.

permanſiſſe. Quot uerò Reges à Deo defecerunt, rebel-
lione ſua breuì tempore interiſſe, iuſto iudicio Dei, &
uita eius priuatos fuiſſe, pro requiete æternum ſuppli-
cium conſecutos. Hæc cùm leges, multùm fide au-
ctus ædificaberis in Chriſto, cuius corpus, & mem-
brum exiſtis. Inambulans autem in foro, & lauare uo-
lens, uſere uirili balneo, ne ſi nudatum corpus tuum
mulieribus turpiter aperueris, aut ſpeciem uiris non
conuenientem aſpexeris, uel irretitus inueniaris, uel
ipſe in te irretias mulieres, quæ tam facilè capiuntur.
Caue igitur ab iis ne laqueis impediās animam tuam.

De Mulieribus malis.

CAP. VIII.

Prou. 7. **D**ISCAMVS enim in ſapientia quid dicat ſanctus
ſermo. Fili cuſtodi ſermones meos, præcepta mea
reconde tibi, dic ſapientiæ ſororem eſſe, & pruden-
tiam amicam acquire tibi, ut cuſtodiat te à muliere ex-
tranea, & mala, ſi te uerbis blandis adoriatur. Nam
à fenestra domus ſuæ proſpiciens in plateas, quem ui-
derit ex filiis inſipientibus adoleſcentulum, uecordem
prætereuntem in foro, in biuiis domus ſuæ, & loquen-
tem in tenebris ueſpertinis, quando quies nocturna
fuerit, & caliginofa: mulier autem occurrit illi; orna-
tu meretricio ad faciendum iuuenem euolare à corde:
uaga autem eſt, & diſſoluta; domi non quieſcunt pe-
des ſui. Nam modò foris uagatur, modò in plateis
per omnes angulos inſidiatur. deinde, apprehenſum
oſculata eſt eum, & impudenti uultu affata eſt eum.
Hoſtia pacifica mihi eſt, hodie reddo uota mea, idcir-
cò exii obuiam tibi, deſiderans faciem tuam, inueni
te: intexui funibus lectulum meum, ſtraui tapetibus

ex

„ ex Aegypto , asperſi cubile meum croco, domum me-
 „ am cinnamomo ; ueni , & fruamur amicitia , donec il-
 „ luſceſcat dies ; ueni , & implicemur amore . & reliqua ,
 „ quibus ſubiungit , Decepit illum multus ſermo , & la-
 „ queis labiorum protraxit illum . Ipſe autem ſequitur
 „ eam delinitus . & rurfus dicit ; Noli attendere mulieri *Prou. 5.*
 „ prauæ ; mel enim ſtillat à labiis mulieris fornicariæ ,
 „ quod breui tempore impinguat guttur tuum . Poſtea
 „ amarius felle inuenies , & acutius gladio ancipiti . Et
 „ rurfum, Fuge , & ne moreris , neq; figas oculum tuum
 „ in illam : multos enim uulnerans percuffit , & innume-
 „ rabiles ſunt , quos interfecit . Quod ſi non feceris , mu-
 „ taberis , inquit , in nouiſſimis tuis, quando conſumen-
 „ tur carnes corporis tui, & dices, Quomodo odio habui
 „ doctrinam ; & redargutiones iuſtorum declinauit cor
 „ meum ? non audiui uocem erudientis me , & docenti
 „ me non accommodaui aurem meam : propemodum
 „ factus ſum in omni malo . Ne pluribus testimonia pro-
 „ ducamus . Quòd ſi aliqua omiſimus , ſapientes ipſi
 „ uobis legentes bona, ex ſacris ſcripturis confirmemini,
 „ fugientes omnia praua , ut ſancti reperiaini in uita
 „ æterna apud Deum .

*De ſubiectione mulieris ſtudioſæ erga uirum ſuum , &
 temperatæ. CAP. IX.*

MULIER ſubdita eſto uiro tuo ; quoniam caput
 mulieris uir eſt : uiri ambulantis in uia iuſtitix ca-
 put eſt Chriſtus ; Chriſti caput eſt Deus, & Pater eius.
 Igitur poſt omnipotentem Deum noſtrum , & Patrem
 præſentis , & futuri ſæculi dominum , omnis ſpiritus ,
 & omnis uirtutis creatorem , & poſt dilectum eius fi-
 C lium

CONSTIT. S. APOSTOLORVM

lium Dominum nostrum IESVM Christum, per quem
 gloria Deo; time tuum uirum ò mulier, & reuerere,
 illi soli placere studens, illi obsequens in ministeriis
 tuis: ut in te beatificetur uir per Sapientiam dicentem
 „ per Solomonem hæc uerba, Mulierem fortem quis in-
 „ ueniet? æstimabilius est lapidibus preciosis. Quæ talis
 „ est confidit in ea uir suus, talis spoliis non indigebit.
 „ Operatur enim uiro bona omnibus diebus uitæ suæ,
 „ ducens lanam, & linum; fecit utilia manibus suis. Fa-
 „ cta est quasi nauis mercaturam faciens, de longè con-
 „ gregans uictum suum. Et surgit de nocte, deditque ci-
 „ baria domui, & opera ancillis. Considerans agrum
 „ emit eum, & de fructibus manuum suarum plantauit
 „ possessionem. Accingens lumbos suos sustulit brachia
 „ sua, & gustauit quod bonum est operari, & non extin-
 „ guitur lucerna eius in tota nocte. Cubitos suos exten-
 „ dit ad utilia, manus suas firmat ad fufum. Manus suas
 „ aperuit pauperi, & palmam extendit mendico. Non
 „ curat de iis, quæ sunt domi uir eius: omnes. n. qui apud
 „ eum sunt, uestiuntur stolis duplicibus. Chlamydes
 „ fecit uiro suo: ex byffo, & purpura uestimenta. Con-
 „ spicius in portis uir eius quando sedet in confessu cum
 „ senioribus habitantibus. Sindones fecit, & uendidit
 „ Phœnicibus, cingula Chananæis. Gloriam, & hono-
 „ rem induit, & gauisus est in diebus nouissimis. Os eius
 „ aperuit sapienter, & opportunè, & ordinem misit lin-
 „ guæ suæ. Angustæ sunt semitæ domus suæ, & pa-
 „ nem ociosum non comedit. Aperuit os suum sapien-
 „ ter, & conuenienter. Lex misericordiæ in lingua eius.
 „ Surrexerunt filii eius, & ditatam laudauerunt eam: &
 „ uir laudauit eam. multæ filiæ possederunt diuitias.
 „ multæ fecerunt uirtutem. Tu autem supergressa es, &
 „ superasti

„ superasti omnes. Falsa gratia, & uana pulchritudo
 „ mulieris ne sit tibi: mulier.n.pia benedicitur,& timens
 „ Deum ipsa laudatur. Date ei de fructibus labiorum
 „ eius, & laudatur in portis uir eius. Et rursum, Mulier
 „ fortis corona uiro eius. Et rursum, Multæ mulieres ædi-
 „ ficauerūt domū. Didicistis qualia encomia mulier tem-
 „ perata, & uiri studiosa capit à Domino Deo. Si fidelis,
 „ & grata Deo cupis esse ò mulier: noli te ornare, ut pla-
 „ ceas alienis uiris, & meretricum plicaturas, uestitus,
 „ calceamenta imitari, ad alliciendum eos, qui huiusmo-
 „ di rebus tenentur. Nam quanquàm tu non peccandi
 „ studio hoc nefas commisisti, sed tantum cultus causa;
 „ tamen non ideo effugies pœnam, quia illo ornatu coe-
 „ gisti aliquem, ut ad te concupiscendum induceretur.
 „ neque adhibuisti cautionem, ut neque tu in pecca-
 „ tum incideres, nèque alii in scandalum. Quòd si tu
 „ quoque peccabis, laxata libidine, & tu deliquisti, & il-
 „ lius animæ rea facta es. deinde cùm in uno peccaueris,
 „ ueluti in desperationem adducta, in alio rursum delin-
 „ ques, ut quæ omnem sensum doloris amiseris, quem-
 „ admodum affirmat diuinus sermo, Impius cùm in *Pro. 18.*
 „ profundum malorum uenerit, contemnit: aduenit ei
 „ tristitia, & opprobrium. Talis.n.mulier deinde, ultra
 „ modum faucia, illaqueat animas insipientium. Videamus
 „ igitur quomodò triumphum agat de talibus di-
 „ uinus sermo, Odi supra mortem mulierem, quæ est *Eccl. 7.*
 „ laqueus, & plaga animæ. Ligatæ sunt manus eius. Et ali- *Pro. 11.*
 „ bi, Quasi in auris aurea in naribus suis, sic mulieri in- *Pro. 25.*
 „ sapienti pulchritudo. Et rursum, Sicut in ligno uer- *Pro. 21.*
 „ mis, sic perdit uiros mulier malefica. Et rursum, Me-
 „ lius est habitare in angulo aperto, quàm cum muliere
 „ procaci, & contentiosa. Nolite igitur imitari uos ta-

les mulieres cùm sis Christianæ . S; uerò fidem seruare uelis uiro tuo, stude ut illi tantùm placeas. In plateis uerò caput tuum uela. Nam si te texeris, ab aspectu tui arcebis curiosos . Noli depingere os tuum, quod fecit
 „ Deus . nihil est. n. in te, quod ornatum desideret . quo-
 „ niam omnia, quæ fecit Deus , erant ualde pulchra : accessio autem ornamenti in pulchro est importuna , & artificis laudem dedecorat . Demissis oculis uiam tuam ingredi, obuoluto capite, quemadmodum decet mulieres .

Non debere mulierem lauare unà cum uiro . CAP. X.

Hæc duo aduerbia ordinatè & modestè, usurpauit. S. Ignat. ad Heronè .

DEUITA confusam unà cum uiris in balneo lotionem . multa enim sunt retia mali . Mulier fidelis cum uiris ne lauet : nam si contegit faciem , ut ab alienorum uirorum aspectu os suum uerecundè occultet ; quomodò nuda cum uiris talis mulier in balneum intrabit ? Muliebre si sit balneum, cum pudore ordinatè, & modestè lauet , neque superfluam lotionem faciat , neque multam, neque frequentem , neque in meridie ; sed si fieri potest , neque de die . Hora sit tibi constituta balneo decima . Oportet .n. te , fidelis cùm sis , omni occasione, & undique superuacaneam oculorum sedulitatem declinare .

De contentiosa , & procaci muliere . CAP. XI.

CONTENTIONEM uerò tuam aduersus omnes , maximè uerò aduersus uirum præcide, fidelis cùm
 S. Ignat. ad Trall. sis , ne uir tuus si infidelis fuerit , uel gentilis , propter te offensus , Deum blasphemet, & tu illius uæ hæreditatem

„ tatem apud Deum adepta reperiaris. Væ enim, inquit, *Isa. 52.*
„ ei, propter quem nomen meum blasphematur inter
gêtes. Quòd si fidelis uir tuus fuerit, cogetur tanquàm
scripturarum peritus dicere uerbum, quod in Sapien-
„ tia inuenitur scriptum, Melius est habitare in deserto, *Pro. 21.*
„ quàm cum muliere procaci, & contentiosa. Quare
mulieres per pudorem, & mansuetudinem, religionem
ostendite in conuersionem, & exhortationem fidei
externis omnibus, siue mulieribus, siue uiris. Et
si his paucis admonitas instituimus uos so-
rores, & filia, & membra nostra, ipsæ quoq;
tanquàm sapiêtes absq; ullo uitæ pro-
bro permanete. Quærite ut disci-
plinam cognoscatis, per quam
poteritis ad Domini nostri
regnum bona ipsius uo-
luntate peruenire,
& requie-
scere.

CONSTITVTIONVM SANCTORVM APOSTOLORVM

B. CLEMENTE ROMANO

A V C T O R E ,

L I B E R S E C V N D V S .

De Episcopis , Presbyteris , & Diaconis . C A P . I .



Mat. 12

E EPISCOPIS audiuius à Domi
no nostro , Pastorem , qui constituitur
Episcopus per Ecclesias in omni pa
roecia oportere esse sine crimine , in
quem non cadat reprehensio , exper
tem omnis iniquitatis hominum , non
minorem annis quinquaginta ; quod quodammodò
in hac atate iuueniles perturbationes , & externas ca
lumnias superauit aduersus blasphemias , quæ multis
à quibusdam falsis fratribus infliguntur , qui non no
runt uerbum Dei , quod est in Euangelio , Qui locutus
„ fuerit uerbum ociosum , reddet de eo rationem Domi
„ no in die iudicii . Et rursus , Ex uerbis tuis iustificaberis ,
„ & ex uerbis tuis condemnaberis . Sit igitur , si fieri po
test , eruditus , & peritus in scientia uerbi conuenienter
ætati . Quòd si in parua paroecia grandior natu aliquis
non reperitur , qui testimonio probatus , & sapiens in
Episcopum constitui possit , iuuenis uerò ibi est , testi
monium habens eorum , qui cum eo uixerunt , Episco
patus munere illum dignum esse , in mansuetudine , &
modestia senectutem præ se ferens , & probatus talium
testimonio commendetur ; is cōstituatur in pace . Nam
Solomon

Solomon duodecimum agens annum, in Israele regna-
 uit; & Iofias octo annos natus regnavit in iustitia. Item
 Ioias in septimo anno præfuit populo. Quare quan-
 quam iuuenis, at mitis esto, timidus, & quietus. quo-
 niam per Ifaiam Dominus Deus inquit, Ad quem re-
 spiciam nisi ad humilem, & quietum, & timentem ser-
 mones meos per omnia? Item in Euangelio hoc mo-
 do, Beati mites, quoniam ipsi hæreditabunt terram. *3. Reg. 6.
2. Para-
lip. 34.
2. Para-
lip. 23.
Isa. 66.
S. Ignat.
ad Trall.
Matt. 5.*
 Sit uerò & misericors; quoniam rursus dictum est, Bea-
 ti misericordes, quoniam ipsi misericordiam cōsequen-
 tur. Sit etiam bonæ conscientiae: omni malitia, atque
 improbitate uacuus: quoniam rursus dictum est, Bea-
 ti mundo corde, quoniam ipsi Deum uidebunt.

Qualem oporteat esse Episcopum, & reliquos Clericos. CAP. II.

SIT igitur sobrius, temperans, moderatus, constans, *1. ad Ti-
mot. c. 3.*
 placidus, non uiolentus, non percussor, sed æquus;
 non contentiosus, non auarus, non neophytus, ne in
 superbiam elatus, in iudicium, & in laqueum incidat
 diaboli. quoniam omnis, qui se exaltat, humiliabitur. *Luc. 14.*
 Talem uerò oportet esse Episcopum, qui sit unius uir
 uxoris, quæ quidem semel nupserit. Bene suæ domui
 præfideat. Sic. n. probetur, cū ordinationem capiens
 in Episcopatus loco collocatur, si sit honestus, fidelis,
 moderatus; si uxorem honestam habeat, uel habuerit;
 si filios religiosè educatos, & in disciplina Domini in-
 stitutos produxerit; si domestici uenerabiliter, reue-
 renterque omnes illi obediunt. Nam si secundum car-
 nem propinqui dissident ab eo, & parere ei nolunt;
 quoniam modo, qui extra domum propinqui futuri
 sunt, ei parebunt?

CONSTIT. S. APOSTOLORVM

In quibus oporteat probari propositum Episcopum. CAP. III.

PROBETVR igitur an uacet omni culpa in iis, quæ ad communis uitæ usum pertinet. Scriptum est enim,
Leu. 21. Exquirite diligenter assumendum in sacerdotium. Sit igitur expers iræ, quoniam, inquit Sapia, Ira sapientes perdit. Sit misericors, non illiberalis, charitate præditus; quoniam dicit Dominus, *Ioan. 13.* In hoc cognoscetis omnes, quod mei discipuli estis, si diligetis uos inuicem. Sit facilis ad communicandum, studiosus uiduarum, hospitalis, promptus ad suppeditandum, ac ministrandum paratum se exhibens, sine pudore inferuiens, noscens quisnam dignior sit, ut accipiat.

Quod non oportet singulis uiduis suppeditare, sed aliquando nupta præponenda est: & quod uoratori, ebrio, inertī non est ministrandum. CAP. IIII.

NAM si quæ uidua sit, quæ possit sibi necessarios uitæ usus parare, alia uerò sit non uidua, sed tamen quæ uel propter morbum, uel propter alendos filios, uel propter manuum imbecillitatem egestate laboret, in hanc potius manum porrigat. Si quis uerò heluo, ebriosus, iners, inopia rerum uitæ necessariorum prematur, non est is subsidio dignus: neque uerò Dei
Pro. 19. Ecclesia. Scriptura enim de iis inquit, Quoniam abscondens piger manum suam in sinu, non poterit ad-
Eccl. 4. mouere ipsam in os suum. Et rursum, Piger compre-
Pro. 23. hēdit manus suas, & comedit carnes suas. Omnis enim ebrius, & fornicator mendicabit, & induetur scissa, & lacera somnolentus. Et alibi, Si dederis ad phialas & calices oculos tuos, postea ambulabis nudior pistillo.
Ignat. ad Tharsen. Verè enim pigritia mater est famis.

Quod

Quòd oportet Episcopum non esse acceptorem personarum in iudicando, & moribus moderatum, & uicti frugalem. CAP. V.

NE sit autem Episcopus acceptor personarum; neque diuitem reuereatur, uel assentetur ei, præter id quod decet, neque pauperem contemnat, uel opprimat. Non accipies enim, inquit Deus Mosi, personam diuitis: neque pauperis misereberis in iudicio; quoniam domini iudicium est. Et rursus, Iustè persequeris iudicium. In cibo & potu frugalem, & parcum se præbeat Episcopus, ut possit sobrius esse, dum corripit homines carentes disciplina; nec sit sumptuosus, nec delicatus, nec uoluptuosus, neque bonorum ciborum uorator. Sit autem patiens, lógaminis in admonitionibus, copiosus in docendo, meditatione, ac studio inuigilans in Dominicis libris; nimius in lectionibus, ut scripturas diligenter exponat. Euangelium interpretetur conuenienter Prophetis, & legi. Interpretationes ex lege, & Prophetis procedant ad conuenientiam, & similitudinem Euangelii. Ait enim Dominus, Scrutamini scripturas, quoniam ipsæ testimonium perhibent de me. Et rursus, De me enim Moses scripsit. Præ omnibus autem discriminator bonus sit, legem, & traditiones diuidens, ac demonstrans, quæ sit lex fidelium, & quod sit uinculum infidelium, ne quis in uincula incidat. Attende igitur diligenter uerbo o Episcope, ut quatenus fieri potest, omnia ad uerbum interpreteris. Et in multa doctrina abundè nutrias, & illumines populū tuum illuminatione legis. Immittite, enim, inquit Deus, ipsis lumen scientiæ, quòd adhuc tempus est.

Exo. 23.

Deu. 16.

Ioan. 5.

D *Quòd*

*Quòd Episcopus non debet esse turpis lucri cupidus, nec fideiussor, neque
Aduocatus. CAP. VI.*

NE quærat Episcopus turpe lucrum, maximè in gen-
tibus; detrimentum patiatur potius, quàm inferat;
ne sit iniuriosus, nec rapax, nec expilator, nec diuitiarũ
cupidus; ne inopes odio habeat; ne sit loquax; ne falsũ
testimonium dicat; ne sit iracundus; ne contentiosus,
ne uitæ negotiis impediatur; ne fideiubeat pro ullo,
nec sit aduocatus in pecuniarum litibus; ne sit ambi-
tiosus, nec duplicis mentis, neque bilinguis, neque ad
calumniam, neque ad detrahendum præbeat aures;
ne sit hypocrita; ad festa gentium ne accedat, uanis
deceptionibus non utens; ne sit cupidus, nec avarus,
quoniam hæc omnia infesta Deo sunt, & dæmonibus
amica. Hæc omnia Episcopus laicis confirmando de-
nunciet, inducens eos, ut eius mores imitentur. Ti-
moratos enim, inquit, facite filios Israel. Sit sapiens,
humilis; præceptor in disciplinis Domini; bonæ men-
tis, qui abrenunciauerit omnibus, quæ sunt in uita, ma-
lis studiis, & omnibus ethnicis cupiditatibus. Sciat be-
ne præcipere; sit acutus in cognoscendis malis, iisque
uitandis; amicus omnibus; iustus; iudicio præditus.
Et denique quæcunque bona in hominibus reperiun-
tur, ea Episcopus in se possideat. Quoniam si uacau-
erit iniustitia Pastor, proprios discipulos coget, & con-
suetudine sua compellet, ut suarum actionũ digni imi-
tatores existant, ut inquit quodam in loco Propheta,
Isa. 24. Et erit sicut sacerdos, sic & populus. Etenim Domi-
nus noster, & magister Iesus Christus filius Dei, incœ-
pit prius facere, & postea docere, ut inquit Lucas, Quæ
incœpit Iesus facere, & docere. Propterea dicit, Qui fe-
cerit,

„ cerit, & docuerit, hic magnus uocabitur in Regno Dei.
 Speculatores enim oportet uos Episcopos fieri popu-
 lo; quoniam & uos speculatorem habetis Christum.
 Igitur efficiamini uos quoque boni speculatores popu-
 „ lo Dei; quoniam ait Dominus per Ezechielem, Spe- *Eze. 33.*
 „ culatorem dedi te domui Israel, & audies de ore meo
 „ uerbum & custodies. Et annuntiabis eum ex me, di-
 „ cente me iniquo, Morte morieris, & non locutus fue-
 „ ris, ut auerteres iniquum ab iniquitate sua. Iniquus il-
 „ le in iniquitate sua morietur, & sanguinem illius de ma-
 „ nu tua requiram. Tu uerò si annunciaueris iniquo, ut
 „ auertatur à uia sua, & non fuerit auersus, ipse in iniqui-
 „ tate sua morietur, & tu animam tuam liberafti. Simili-
 „ ter si gladius belli uenerit, & constituerit populus spe-
 „ culatorem ad custodiã, & uidens eum uenientem non
 „ indicauerit, & ceperit animam, anima quidem pecca-
 „ to ipsius capta est, sanguis uerò de manu speculatoris
 „ requiretur, quoniam non significauit tuba. Si au-
 „ tem significauerit buccina, & non cauerit, qui audi-
 „ uit, & uenerit gladius, & ceperit eum, sanguis ipsius
 „ erit super ipsum, quoniam non cauit audiens bucci-
 „ nam: qui uerò cauit, animam suam liberauit, & spe-
 „ culator, quoniam significauit, uita uiuet. Gladius
 est iudicium; tuba sacrum Euangelium; speculator,
 constitutus in Ecclesia Episcopus, quem oportet an-
 nunciantem contestari, & confirmare de iudicio. Nisi
 annunciaueritis, & contestati fueritis populo, in uos
 peccatum ignorantium recidet. Ideo carentes discipli-
 na admonete, & redarguite cum libertate, ignorantes
 docete, scientes confirmate, errantes reducite. Eadem
 de iisdem rebus dicētes, non peccabimus fratres. Nam
 ex frequentibus sermonibus uerisimile est, aliquos pu-

dore deterritos , quanuis semel aliquid boni facturos ,
Ezec. 2. & mala declinatu-
 rus. Inquit enim per Prophetam Do-
Ezec. 3. minus, Contestare ipsis hæc, fortè audient uocem tuã .
Exo. 15. & rursum. Si fortè audiant, si fortè quiescant . Et Mo-
 ses dicit populo; Si auribus audiueris Dominũ Deum,
 & feceris bonum & rectum in oculis eius . Et rursum ,
 Audi Israel, Dominus Deus tuus unus est . Et Domi-
 nus in Euangelio sæpe inculcat illud , Qui habet aures
 audiendi , audiat . Et sapiens Solomon dicit, Audi fi-
 li disciplinam patris tui , & ne abiicias legem tuæ ma-
 tris . Atque hucusque quidem non audiuerunt ; nam
 cùm audire uiderentur , perperam audiuerunt , relin-
 quentes unum, ac solum uerum Deum, in perniciosas,
 & graues hæreses inducti, de quibus alio loco dicemus.

Qualem oporteat esse initiatum. CAP. VII.

COGNITVM autem sit uobis charissimi, quòd ba-
 ptizati in mortem Domini Iesu , ampliùs peccare
 non debent . Nam ut mortui peccandi potestate sunt
 priuati , sic qui commoriuntur Christo, peccandi con-
 suetudinem amittunt . Quare non credimus fratres
 eum , qui lauacrum uitæ est adeptus , postea iniquo-
 rum flagitia facturum : qui uerò post baptismum pec-
 cavit , nisi peccati dolore sit affectus , & delictis finem
 faciat , condemnabitur in gehennam.

*De eo , qui iniuste accusatur , uel de eo , qui redar-
 guitur. CAP. VIII.*

SI quis ab Infidelibus per calumniam accusetur , eo
 quòd unà cum eis flagitiosè non uiuat , sciat quòd
 talis

talis beatus apud Deum censetur, quemadmodum in
 » Evangelio Dominus dicit, Beati eritis cum exprobra- *Mat. 5.*
 » uerint uobis, uel persecuti uos fuerint, uel dixerint con-
 » tra uos omne malum uerbum, mentientes propter me;
 » gaudete & exultate, quoniam merces uestra multa est
 » in coelis. Si quis igitur blasphemiam patiatur in re fal-
 » sa, is beatus est existimandus. Dicit enim Scriptura,
 » Vir reprobus intentatus apud Deum. Quod si quis ali-
 » quam rem iniquam egisse conuincatur, is non modò
 » sibi obfuit, sed etiam communi Ecclesiæ corpori, &
 » doctrinæ blasphemiam intulit. Quasi non facientibus
 » nobis illa, quæ bona esse dicimus, & arguemur à Do-
 » mino, Quoniã dicunt, & non faciunt. Vnde tales ue- *Mat. 23.*
 » rē conuictos & redargutos uitabit cum libertate Epi-
 » scopus, si mores non mutauerint.

Quòd integrum oportet esse Episcopum. CAP. IX.

NON solùm enim offensione uacare Episcopum
 oportet, sed etiam acceptorem non esse persona-
 rum, in bonitate corrigentem peccatores. Quod si ip-
 se non bona conscientia præditus, personis gratificatus
 fuerit, propter turpem quandam & quæstuosam mu-
 nerum perceptionem parcat impiè peccanti, permit-
 tens eum in Ecclesia manere, negligens diuinam il-
 » lam, & Dominicam uocem dicentem, Iustè quod *Exo 23.*
 » iustum est persequeris, non accipies personam in iudi- *Deu. 16.*
 » cio, non iustificabis impiũ, non capies munera propter
 » animam; munera .n. obcæcant oculos sapientum, &
 » euertūt uerba iustorum. Et in aliis inquit, Educite nra *Ioan. 5.*
 » lum de uobis. Et Solomon dicit in Prouerbiis, Eiice *Pro. 22.*
 » pestilentem de consilio, & exhibit cum eo contentio.

Quòd

CONSTIT. S. APOSTOLORVM

Quòd Episcopus sine iudicio parcens peccatori, est in culpa. CAP. X.

IIs igitur rebus non attendens, inconsideratè par-
cet, cui debetur pœna. Quod Saul fecit in Agag,
& Heli in filiis, qui non nouerant Dominum, qui ta-
lis est, prophanauit propriam dignitatem, & Dei Ec-
clesiam, quæ sua parœcia continetur. Iniustus est ille,
& Deo, & sanctis hominibus, ut qui causam scandali
dederit multis nuper illuminatis; & Catechuminis, at-
que ætate iuuenibus, quem uæ manet, & mola asinà-
ria in collo, & profundum, cui obnoxius factus est.
Nam propter omissi iudicii iniquitatem, uidētes talem
uirum sibi præesse, ipsi inter se disceptabunt, lapsique
in eundem morbum, unà cum illo interire cogentur,
ut populus cum Roboam & cum Core, ii, qui eum ad-
iuuerunt. Quòd si peccator cernet Episcopum, & Dia-
conos criminis expertes, & gregem purgatū, primū
non audebit per contemptum in ecclesiam intrare, per-
cussus conscientia. Quòd si id nihili faciens ingredie-
tur, continuò refutabitur, ut Ozar cū arcam attre-
tasset, & ut Achar in furto muneris, & ut Giezi in pe-
cuniis Naaman; & statim pœnas dabit, uel correptus
à Pastore in pœnitentiā reducetur. Circūspiciens
enim omnes singillatim, & in nullo maculam inue-
niens, neque in Episcopo, neque in populo sibi subie-
cto, pudore affectus cum multis lacrymis egredietur,
pacificè commotus, & grex relinquetur purgatus: ille
uerò ingemiscet in conspectu Dei, & pœnitentiā aget
de iis, quæ peccauit, & habebit spem, grexque totus
uidens illius gemitum, admonebitur, quòd peccator,
si pœnitentiā egerit, non perit.

Quomodo

2. Re. 6.

Ios. 7.

4. Reg. 5.

Quomodo oporteat Episcopum iudicare eos, qui peccant. CAP. XI.

QVARE, ò Episcopo, stude mundicie operum excellere, cognoscens locum ac dignitatem tuā, tanquā locum Dei obtinens, eo quòd præs omnibus Dominis, Sacerdotibus, Regibus, Principibus, patribus, filiis, magistris, atque subditis simul omnibus. Sicquē in Ecclesia sede cū sermonem facis, ut potestatem habens iudicandi eos, qui peccauerunt: quoniam
 ,, uobis Episcopis dictum est, Quodcunque ligaueritis *Mat. 18.*
 ,, super terram, erit ligatum in cœlo, & quodcunque sol-
 ,, ueritis super terram, erit solutum in cœlo.

Doctrina, quomodo oporteat se gerere cum pœnitentibus, & huius rei exemplauaria. CAP. XII.

IVDICA igitur, ò Episcopo, cum potestate, tanquā Deus, sed pœnitentes recipe. Deus enim, misericordiarum Deus est. Increpa peccantes; admone eos, qui non conuertuntur; hortare stantes ut perseuerent in bonis; pœnitentes recipe, quoniam Dominus Deus cum iureiurando promisit remissionem se concessurum pœnitentibus de iis, quæ peccauerunt. Dicit enim per ipsum Ezechiel, Dixi eis, Viuo ego dicit Dominus Adonai. Si uolero mortem peccatoris, sed ut conuertatur impius à uia sua mala & uiuat. Conuertimini igitur à uis uestris malis, & ut quid moriemini domus Israel? Hic sermo fiduciam dedit peccatoribus, ut si pœnitentiam egerint, salutis spem habeant; ne aliquando sensu doloris amisso, se tradant iniquitatibus, sed habentes spem salutis, conuersi clament ad Deum pro peccatis suis, & pœnitentiam agant ex corde, placentes

EOS uerò, qui non peccauerunt, tales manere oportet, neque descendere ad experientiã peccatorum, ne opus habeant dolore, tristitia, gemitu pro remissione. Quid enim scis homo cùm peccasti, si unum diem uicturus es in hac uita, ut pœnitentiam agere possis? quoniam incertus est tuus è uita discessus, & in peccato morienti, nulla pœnitẽtia relinquitur, ut inquit per *Psal. 6.* Dauid, In Inferno quis confitebitur tibi? Oportet igitur paratum esse in bonis, ut sine tristitia illud iter peragamus. Propterea hortatur diuinus sermo per sapientem Solomonem dicens, Tibi prępara in exitum opera tua, & para in agrum; ne desit nobis aliquid ex bonis, quemadmodum quinque in Euangelio uirginibus propter stultitiam defuit pietatis oleum, & extinctis diuinę cognitionis lâpadibus, expulsę sunt à sponso. Propterea securus manet omnis, qui uitę suę parcit, & perseuerat sine peccato, ut iustitias à se prius peractas, sibi conseruet. Tu igitur ita iudica tanquã *Exo. 23.* Deus iudicium exercens. Iudicium enim, inquit, Domini est. Primùm igitur potestate reum iudica, deinde cum misericordia, humanitate, & indulgentia eum concilia, promittens ei salutem, si morem mutauerit, & ad pœnitentiam redierit. Pœnitentem corripiendo *Luc. 15.* recipe, memor Domini dicentis, Quòd gaudium fit in Cœlo super uno peccatore pœnitentiam agente.

De dicentibus, recipiendum non esse pœnitentem. CAP. XIII.

SI pœnitentem non receperis, infidiatoribus trades, *Psal. 73.* oblitus Dauid dicentis, Ne tradas bestiis animam confitentem

confitentem tibi. Ideo inuitans ad pœnitentiam Iere-
 mias inquit, Num cadens non refurgit, uel se conuer-
 tens non conuertitur? Quoniam conuersus est popu-
 lus meus conuersione audaci, & deuicti sunt in ele-
 ctione ipsorum. Conuertimini, qui elongati estis, &
 ego medebor contritionibus uestris. Recipe igitur pœ-
 nitentem, sine ulla dubitatione omninò, neque impe-
 diaris ab iis, qui crudeliter dicunt, non oportere cum
 iis coinquinari, neque sermonis communionem habe-
 re. Hæc. n. consilia sunt hominum ignorantium Deum,
 atque eius prouidentiam de agrestibus beluis, ferisque
 indomitis. Non enim uident quòd oportet non com-
 munionem sermonis cauere à peccatoribus, sed ope-
 ris. Iustitia enim iusti super ipsum erit, & iniquitas ini-
 qui super ipsum erit. Et rursus, Terra si peccauerit
 mihi, ut præuaricetur præuaricationem, & extendam
 manum meam in illam, & conteram super eam uirgam
 panis, & immittam famem, & exterminabo ab ea ho-
 minem, & iumentum. Et si fuerint tres uiri in medio
 eius, Noe, Iob, & Daniel, ii in iustitia sua saluabunt
 animas suas, dicit Dominus Adonai. Manifestè de-
 clarauit Scriptura, quòd iustus si uiixerit cum iniquo,
 non perit cum eo. In hoc enim Mundo iusti, & iniu-
 sti unà congregantur societate uitæ, non sanctitatis;
 neque in hoc peccant sancti. Imitatores enim sunt Pa-
 tris sui, qui est in Cœlo; qui Solem suum oriri facit su-
 per iustos & iniustos; & pluit super bonos & malos; &
 nullum ex hoc periculum imminet iusto: nam in sta-
 dio & uictores cernuntur, & uicti; in corona soli, qui
 generosè certauerunt. Nemo uerò coronatur, nisi qui
 legitimè certauerit. Vnusquisque de se confitebitur,
 & nō perdet Deus iustum cum iniusto. quoniam apud

E eum

*Ier. 8. &
 eadē. hēt
 sententiā
 Ignat. ad
 Eph.*

*Eze. 18.
 Eze. 14.*

*Ignat. ad
 Phila. lel
 phi.
 Matt. 5.*

2. Ti. 2.

Gen. 7. eum expers peccati uita immunis est à supplicio: nam
Gen. 19. nec Noe aqua obruit, neque Lot incendio consum-
Ios. 2. psit, neque Raab unà cum aliis interemit.

Quòd nemo pro alio punitur, sed unusquisque pro se rationem reddit. CAP. XV.

QVO'D si scire uultis ea, quæ nobis euenerunt; Iudas cùm esset nobiscum accepit sortem ministerii eam, quam nos accepimus; & Simon Magus accepit sigillum in Domino. Sed uterque cùm se prauum ostendisset, alter suffocatus est, alter contra naturam uiolans attritus est. Et in arca Noe, & filii eius erant, sed solus Cham improbus repertus, in filio poenas dedit. Quanquàm parentes pro filiis non puniuntur, neque filii pro parentibus, neque serui pro dominis, neque propinqui pro propinquis, neque amici pro amicis, neque iusti pro iniustis, sed unusquisque de suis operibus rationem est redditurus. Nam neque Noe pro Mundo poenas pendit, neque Lot pro Sodomitis, igne flagrauit; neque Raab pro Ierichuntis interfecta est, neque Israel pro Aegyptiis. Non enim cohabitatio condemnati iustos cum iniustis, sed eiusdem propositi, ac uoluntatis consensio. Non oportet igitur ad cædem paratis, nec iis, qui odio homines habent, neque criminum studiosis, & per occasionem mortem inferentibus, mentem adhibere, alius enim pro alio mortem non subit, sed priorum peccatorum catenis unusquisque constringitur, & ecce homo & opus eius.

Quòd

Quòd oportet infirmis in fide , opem ferre. CAP. XVI.

OPORRET autem uos opem ferre infirmis periclitantibus, & errantibus, & quoad fieri potest, sermonis exhortatione sanare eos, & liberare à morte. non enim opus habent, qui ualent, medico, sed qui ægrotant, quoniam non est uoluntas coràm Patre, ut
 „ pereat unus ex paruulis. Non enim hominum duri
 „ cordis uoluntatem expendere oportet, sed Dei & Patris cunctorum, quæ est per Christum dominum nostrum, cui honor in sæcula. Amen. *Mat. 18.*

Quòd non oportet Episcopum obsequi laico seditioso. CAP. XVII.

NON enim est æquum, caput cùm sis ò Episcopo, caudæ obsequi, hoc est laico homini seditioso in alterius perniciem, sed Deo soli. Imperare enim debes subditis, non parere: nam, neque filius imperat patri secundum originis rationem, nec seruus domino secundum potestatis rationem, neque discipulus magistro, neque miles Regi; ita neque laicus Episcopo. nam quòd dicitur, Ne uideantur cum iniustis consuetudinem habentes, sermonis doctrina quasi contagione inquinari, uel communicare cum eorum peccatis; Ezechiel præcicens hanc improborum suspicionem, in
 „ quit, Quid uos dicitis ipsis parabolam hanc in terra
 „ Israel: Patres comederunt uuam acerbam, & dentes
 „ filiorum obstupescunt, Viuo ego dicit Adonai Dominus. Si dicetur in uobis hæc parabola in Israel; quoniam omnes animæ meæ sunt: Quomodo anima patris, ita anima filii mea est: anima quæ peccauerit ipsa
 „ morietur. Vir autem, qui erit iustus faciens iudicium

» & iustitiam . Et deinceps exponens reliquas uirtutes
 » concludit dicens, quòd hic iustus est , uita uiuet, dicit
 » Dominus Adonai . Et si genuerit filium pestilentem
 » fundentem sanguinem, & in uia patris sui iusti nò am-
 » bulauerit. Et subiungens reliqua; quæ sequuntur, tan-
 » dem infert , Vita non uiuet , omnes iniquitates has fe-
 » cit, morte morietur . Sanguis eius super ipsum erit. Et
 » dicere quòd non portauit filius iniquitatem patris , &
 » iustitiam ipsius , qui iustitiam , & misericordiam fecit ,
 » & dices eis , Anima , quæ peccauit , ipsa morietur . Fi-
 » lius non portabit iniquitatem patris , & pater non por-
 » tabit iniquitatem filii . Iustitia iusti super ipsum erit,
 » & iniquitas iniqui super ipsum erit . Et paulò post ait ,
 » Si auerterit se iustus à iustitia sua, & fecerit iniustitiam,
 » secundum omnes iniquitates non recordabuntur : in
 » præuaricatione, quam præuaricatus est , & in peccato ,
 » quo peccauit , in eo morietur . Et post pauca infert ,
 » Cùm auerterit se impius ab impietate sua , quam fecit,
 » & fecerit iudicium , & iustitiam; hic animam suam ser-
 » uauit, & auertit se ab omnibus iniquitatibus suis, quas
 » fecit ; uita uiuet & non morietur . Et infrà , Secundum
 » uias uestras iudicabo uos domus Israel , ait Dominus
 » Adonai . Videte filii nostri charissimi quàm misericors
 » cum iustitia sit Dominus & Deus noster , bonus & be-
 » nignus, qui innocentem non absoluit, reum, & se con-
 » uertentem recipit, atque uiuificat , non relinquens su-
 » spicandi locum acerbè iudicare uolentibus, ac omnino
 » declinare peccantes , & nullam societatem cum eis ha-
 » bere sermonum consolatoriorum, qui ad poenitentiam
 » possint inducere . Contra quos Deus per Isaiã inquit
 » Episcopis, Consolamini consolamini populum meum,
 » Sacerdotes loquimini ad cor Ierusalem .

Quòd

Quòd oportet Sacerdotem neque contemnere peccata, neque esse promptum ad puniendum. . CAP. XVIII.

OPORTET igitur uos, ipsum audientes, hortari eos, qui in peccatum inciderunt, & ad pœnitentiam inuitare, & bonam spem iniicere, ac non existimare uos delictorum cõmunione habituros ob charitatẽ, quæ erga illos ostenditur. Libenter uerò pœnitentes admittite, gaudẽtes illorum causa cū misericordia, & humanitate, iudicantes eos, qui deliquerunt. Nā si aliquem in ripa fluminis ambulante, & labi incipientem, baculo impuleris, & in flumen deieceris, cui potius manum eras porrecturus, certè occidisti fratrem cū labenti dexteram præbere debeas, ne penitus intereat, ut populus admoneatur, & ne, qui peccauit, omnino pereat. Oportet autem te, Episcope, neque contemnere populi peccata, neque pœnitentes uitare, ne tanquam imperitus corrumpas gregem Domini, & uile efficias eius nomen nouum, quod est impositum eius populo; & exprobrabitur tibi, sicut antiquis pastoribus; de quibus Dominus per Ieremiam dicebat, *Ignat. ad Philad.*

„ Pastores multi corruerunt uineam meam, inquinauerunt hæreditatem meam. Et alibi, Contra pastores incitatus est furor meus, contra agnos irascar. Et in aliis; Vos sacerdotes, qui uilificatis nomen meum. *Isa. 62. Jer. 12. Jer. 23. Malach. I.*

De pœnitentia, & quis sit eius modus, & quomodo rectè peragatur. . CAP. XIX.

CVm aliquem peccauisse cognoueris, exacerbatus iube eum foras eiici, & exeunte illo exacerbentur Diaconi, ac quæsitum detineant extra ecclesiam, ingressique

gressique pro eo te rogent: etenim pro peccatoribus Saluator patrem rogauit, ut in Euangelio est scriptum, *Lu. 23.* Pater dimitte eis, non enim sciunt quid faciunt. Tunc tu iubebis illum intrare, & expendens an poeniteat, & dignus sit, qui in Ecclesiam omnino recipiatur, afflictum illum diebus ieiuniorum pro ratione peccati hebdomadas duas, uel tres, uel quinque, uel septem, dimitte, dicens ei quaecunque conueniunt ad peccatorem corripiendum, & increpatum doce, & admo-
Pf. 129. ne, ut maneat apud se, & humiliter se gerat; rogetque Deum, ut sit sibi benignus, & dicat. Si iniquitates obseruaueris Domine, Domine quis sustinebit? Quoniam apud te est propitiatio. Nam quiddam huiusmodi innuit illud, quod in Genesi dictum est Cain. *Gen. 4.* Peccasti, quiesce. hoc est, ne addas. Nam quod cum, qui deliquit, oportet proprii delicti pudore affici, satis demonstrat sermo Moysis pro Maria dictus, quando rogabat ut ei peccatum remitteretur. ait enim Deus Moysi, Si pater eius spuiisset in faciem illius, nonne uerecundia affecta esset? septem dies eiiciatur extra castra, & postea ingrediatur. idem nos facere debemus, & eos, qui se peccatorum poenitere dicunt, segregare per certum tempus secundum proportionem peccati, deinde poenitentia peracta, recipere tanquam patres filios. *Num. 12.*

Quod sine reprehensione oportet esse Episcopum, tanquam formam subditorum. CAP. XX.

QUOD si Episcopus ipse in offensione fuerit, quomodo amplius prodibit ad quærendum crimen alicuius? uel ad coarguendum aliquem, cum ob gratifica-

tificationem personarum, uel ob munerum perceptio-
nem nec ipse, neque Diaconi bonæ conscientia præ-
diti fuerint? Nam cum Magistratus petit, & iudex ca-
pit, nunquam ad finem perducitur iudicium. Quod
si cum furibus societatem habeant, & iudicio uidua-
rum non attendant, non poterunt qui Episcopo sub-
sunt, adiuuare Episcopum: dicent enim ei quod est in

- „ Euangelio scriptum, Quid aspicias festucam in oculo *Matth. 7*
„ fratris tui; trabem uero in proprio oculo non confide-
ras? Caueat igitur Episcopus cum suis Diaconis, ut
audiat sermonem huiusmodi, hoc est, ne det occasio-
nem. Nam peccator cum uidet aliquem similia suo-
rum operum facientem, confirmatur, ut eadem fa-
ciat. Deinde improbus ex illo uno occasionem accipi-
ens, cum aliis operatur (quod absit,) atque ita per-
uertitur ouile. Cum enim plures sunt peccantes, ma-
ior existit improbitas, quæ ab illis committitur. Pec-
catum enim non repressum, fit deterius, & in alios graf-
„ satur: Quoniam paruum fermentum totam massam *Gal. 5.*
„ corrumpit, & fur unus uniuersæ genti fraudem illam *Eccl. 10.*
„ inuehit, & muscæ mortuæ corrumpunt unguenti sua-
„ uitatem, & Rex si audiat sermonem iniustum, omnes *Prou. 29*
eius ministri fiunt iniusti. Sic ouis scabiosa cum aliis
communicat morbum, nisi separentur ab ea oues inte-
græ: & homo pestilens à multis cauendus est; & canis
rabidus, nisi coerceatur, periculosus est omnibus,
quos attigerit. Si igitur hominem iniquum ab Eccle-
sia non separemus, faciemus domum Dei speluncam
latronum. non enim oportet in peccantibus conniue-
re, sed coarguere, admonere, urgere, ieiuniis affli-
„ gere, ut aliis timorem incutias: Timoratos enim (in-
„ quit) facite filios Israel. Oportet enim Episcopum pec-
catorum

catorum prohibitorum per admonitionem effici, iustitiæ scopum, præparatorum à Deo bonorum præconem, & futuræ in iudicio iræ nuncium, ne Dei plantationem ob negligentiam contemnens, audiat quod in

Ose. 10.

Osea dictum est, Quare reticulistis impietatem, & fructum eius uindemiastis?

Quòd oportet Episcopum curare, ne populus peccet, cum sit eius scopus.

CAP.

XXI.

OMNIVM curam habeat Episcopus, eorum, qui non peccauerunt, ut perseuerent sine peccato, & eorum, qui peccant, ut pœnitentiam agant. Dicit enim Dominus uobis, Videte ne contemnatis unum ex paruulis istis. Et pœnitentibus remissionem concedere oportet; nam eo ipso quo delinquens, uero affectu dicit, Peccaui in Dominum; respondet Spiritus sanctus, Dominus remisit tibi peccatum; confide non morieris. Recognosce igitur ò Episcope dignitatem tuam, quòd sicut ligandi potestatem accepisti, sic etiam & soluendi. Obtinens igitur soluendi potestatem, recognosce te ipsum, & secundum dignitatem loci tui, in hac uita uersare, sciens quòd de pluribus rebus ratio abs te requiretur. Cui enim (inquit) depositum est multum, abundantius repetetur ab eo. Nam peccati expers reperitur nemo, excepto eo, qui propter nos factus est homo; quoniam scriptum est, Nemo mundus à sordibus, neque si unum diem uixerit. Atque ob hanc causam ueterum iustorum, & Patriarcharum, uitæ consuetudinesque conscriptæ sunt, non ut iis exprobremus, cum illa legimus, sed ut nos pœnitentiam agamus, & bonam spem habeamus nos remissionem

Matt. 18

Lu. 12.

Iob. 25.

remissionem consecuturos. Nam in illorum sordibus
 nostra securitas, & admonitio consistit, quòd ueniam
 „ obtinebimus. Scriptum est enim, Quis gloriabitur ca- *Proh. 20*
 „ stum se habere cor? uel quis confidit mundum se esse
 à peccato? Nemo igitur sine peccato uiuit. Tu igitur,
 quo ad potes, conare reprehensione carere, & de om-
 nibus sollicitus esto, ne quis propter te scandalum pas-
 sus pereat. Laicus enim de se solo est sollicitus, tu au-
 tem de omnibus, ut qui maius onus habes, & grauius
 sustines pondus. Scriptum est enim, Et dixit Dominus *Nu. 18.*
 „ ad Mosè & Aaron, Accipietis peccata sacerdotii. Qua
 re tanquàm de pluribus rationem redditurus, de om-
 nibus curam suscipe; ac sanum quidem conserua, pec-
 cantem castiga, & ieiunio afflictum remissione releua,
 & ingemiscentem recipe, omni Ecclesia pro illo rogan-
 te, manuq; ei imposita permitte deinde illum esse in
 ouili. Somnolentos autem & inertes conuerte, confir-
 ma, hortare, cura, sciens quanta merces tibi parata
 sit, cùm hæc facis, quemadmodum contrà quantum
 periculum tibi immineat, si hæc negligas. Inquit enim
 „ negligentibus populum Episcopis Ezechiel, Væ pa- *C. 34.*
 „ storibus Israel, quoniam pascebant semetipsos: non
 „ greges pascunt pastores, sed seipsos. Lac comeditis, &
 „ lanis induimini, crassum occiditis, oues non pascitis.
 „ Quod infirmum fuit, non consolidastis, & quod ægro-
 „ tum, nõ sanastis; quod fractū, non alligastis; quod
 „ abiectum est, non reduxistis, & quod perierat, nõ quæ-
 „ sistis, sed in potentia corrigebatis illas, & cum super-
 „ bia; & dispersæ sunt eo quòd non esset pastor; & factæ
 „ sunt in deuorationem omnibus feris syluæ. Et rursum,
 „ Et non quæsiuerunt pastores oues meas, & pascebant
 „ pastores se ipsos, oues autem meas non pascebant. Et

» paulò post , Ecce ego aduersus pastores , & exquiram
 » ego oues meas de manu ipsorum , & cessare faciam eos
 » ne pascant oues meas , & non pascant ampliùs pasto-
 » res se ipsos , & liberabo oues meas de manu ipsorum ,
 » & non erunt ipsis in escam . Et subiungit , populo di-
 » cens , Ecce ego iudicabo inter ouem & ouem , arietem
 » & arietem . Num parum erat uobis quòd pascua bona
 » depascebatis , & reliquias pascuarum conculcastis pe-
 » dibus uestris , & oues conculcationes pedũ uestrorum
 » comedebant ? Et paulò post subiungit , Et cognosce-
 » tis quòd ego Dominus , & uos oues pascuarum mea-
 » rum . Homines mei estis , & ego Deus uester , dicit
 » Dominus Adonai .

*Quòd pastor negligenter se gerens cum ouibus , pœnas dat , & ouis non
 obediens pastori , punitur . CAP. XXII.*

AVDITE Episcopi , & audite laici quomodo dicit
 Deus , Iudicabo inter arietem , & arietem , & inter
 ouem , & ouem . Et ad pastores dicit , Iudicabimini pro-
 pter imperitiam uestram , & perditionem ouium . Hoc
 est , Inter Episcopum & Episcopum iudicabo : & inter
 laicum & laicum , & inter Principem & Principem .
 Sunt enim rationales hæ oues , & hi arietes , non irra-
 tionales , ne fortè dicat laicus , ego ouis sum , non pa-
 stor , & nullam rationem mei habeo , sed pastor uide-
 bit , & ipse solus de me rationem est redditurus . Nam
 quemadmodum si ouis bonum pastorem non sequa-
 tur , lupis exponitur ad interitum , ita si malum pasto-
 rem sequatur , in euidentem mortem incidit : uorabit . n.
 eam pastor . Quare fugiendi sunt pastores perniciosi .

Quomodo

*Quomodo oporteat subditos obedire presidentibus
Episcopis.* CAP. XXIII.

PASTOREM bonum laicus honoret ut dominum,
ut Pontificem Dei, ut magistrum pietatis. Nam
qui illum audit, Christum audit; & qui illum spernit, Luc. 10.
Christum spernit; qui uerò Christum non recipit, non
recipit eius Deum ac patrem. Nam qui uos audit, in-
quit, me audit; & qui uos spernit, me spernit, & qui
me spernit, spernit eum, qui misit me. Item Episcopus
laicos, ut filios diligat, fouens ac complectens charita-
tis studio tanquàm oua ad pullos procreandos, uel
tanquàm pullos in ulnis tenens ad educandas gallinas;
omnes admonens, omnes, qui quidem reprehensione
opus habent, obiurgans, sed non percutiens, adigens
ad pudorem, sed non ad euerfionem, castigans ad con-
uerfionem, coarguens ad correctionem, & rectitudi-
nem uiæ. Quod est ualidum conserua, hoc est, quod
est firmum, fide securum custodi, populum pacificè
pascens; infirmum consolida, hoc est, quod tentatio-
nem patitur, admonitione confirma. Aegrotum sa-
na, hoc est; quod laborat ex fide in incertitudine, per
doctrinam cura. Fractum alliga, hoc est, quod erra-
uerat, uel quod comminutum, uel disruptum fuerat
peccatis in errore uiæ, alliga per consolatoriam ad-
monitionem, leuatum delictis & bona spe iniecta re-
creatum, sic robustum ad Ecclesiam reuoca, reducens
ad gregem. Abiectum restitue, hoc est, in peccatis
reperitum, & in pœnam segregatum, non permittens
foris manere, sed apprehendens, & conuertens reduc
ad ouile, hoc est ad populum immaculatæ Ecclesiæ.
Quod perierat quære, hoc est, eum, qui ob multitudi-

nem peccatorum de salute desperauerat, ne sinas funditus interire; eum, qui ob multum torporem atque inertiam, somnolentus factus est, & qui propter grauem somnum, suæ uitæ est oblitus, & à proprio ouili ita longè discessit ut in lupos incideret, tu require, & correptum conuerte, & sobrium esse hortare, atque spem iniice, non permittens illum dicere id, quod à quibusdam dicitur, Quòd impietates nostræ in nobis sunt, & in ipsis tabescimus, & quoniam modo uiuimus? Si igitur fieri potest, transferat in se Episcopus peccatum, & dicat ei, qui peccauit, Tu modò conuere, & ego mortem debitam tibi, in me suscipio, ut Dominus mortem nobis & omnibus debitam, in se suscepit. Nam bonus pastor animam suam ponit pro ouibus suis; mercenarius autem, qui non est pastor, cuius non sunt oues propriæ, uidet lupum uenientem, hoc est diabolus, & relinquit oues, & fugit, & lupo diripit eas. Intelligere igitur oportet, quòd cùm erga peccatores misericors sit Deus, cum iureiurando pœnitentiam promisit. Qui ergo peccat, & promissionem Dei de pœnitentia ignorat, & longanimitatem, ac patientiam eius nescit; præterea uerò sanctas Scripturas eam prædicantes, cognitæ non habet, ut qui abs te eas non didicerit, is ad interitum ruit, tu uerò tanquàm pastor beneuolus, & custos bonus, inuestiga numerans gregem, & quod deest, quære, quemadmodum Dominus Deus, & bonus Pater noster, cùm misisset filium suum pastorem bonum, & saluatorem, magistrum nostrum Iesum, mandauit ei ut relinqueret nonaginta nouem in montibus, & pergeret ad quærendam errantem, & inuentam, super humeros attolleret, & ad gregem ferret lætus quòd perditam

Ioa. 10.

,, nit pro ouibus suis; mercenarius autem, qui non est
,, pastor, cuius non sunt oues propriæ, uidet lupum
,, uenientem, hoc est diabolus, & relinquit oues, &
,, fugit, & lupo diripit eas. Intelligere igitur oportet;
,, quòd cùm erga peccatores misericors sit Deus, cum
iureiurando pœnitentiam promisit. Qui ergo peccat,
& promissionem Dei de pœnitentia ignorat, & longanimitatem, ac patientiam eius nescit; præterea uerò sanctas Scripturas eam prædicantes, cognitæ non habet, ut qui abs te eas non didicerit, is ad interitum ruit, tu uerò tanquàm pastor beneuolus, & custos bonus, inuestiga numerans gregem, & quod deest, quære, quemadmodum Dominus Deus, & bonus Pater noster, cùm misisset filium suum pastorem bonum, & saluatorem, magistrum nostrum Iesum, mandauit ei ut relinqueret nonaginta nouem in montibus, & pergeret ad quærendam errantem, & inuentam, super humeros attolleret, & ad gregem ferret lætus quòd perditam

tam ouem reperisset. Eodem modo te obedientem præbeò Episcopo, quærens quod perierat, dirigens, quod aberrauerat, reducens quod recesserat; potestatem . n. habes reducendi, & absoluendi uulneratos in remissione. Propter te Saluator dicit paralytico in peccatis, Remittuntur tibi peccata. Fides tua te saluauit, uade in pace. Pax autem, & portus tranquillus est, Dei Ecclesia, cui absoluendo peccatores restitue sanos, immaculatos, alacres, studiosos, laboriosos in operibus bonis. Vt peritus & clemens medicus medere omnibus
 „ in peccato errantibus. non enim opus habent, qui ualent, medico, sed qui ægrotant. Venit enim filius ho
 „ minis saluare, & quærere quod errauerat. Quoniam *Matt. 9.*
 „ ergo medicus es Ecclesiæ Dei, adhibe medicamentum *Ignat. ad Polyc.*
 „ accommodatum unicuique ægroto: Omnibus modis
 „ cura, sana, saluos restitue Ecclesiæ. Pasce gregem. noli *1. Pet. 5.*
 „ eū superbia præesse tanquàm dominans, sed tanquàm *Isa. 40.*
 „ pastor bonus in sinum congregans agnos, & pregnan-
 „ tes consolans.

Periculosum esse, reo non audito, iudicare, & pœnam in reum statuere, antequàm sermone redargutus sit.

CAP. XXXIII.

SIT autem probus, bonus, māsuetus, simplex, uerus, nō durus, non contumax, non imanis, nō gloriosus, non misericordiæ expers, non inflatus, non acceptor hominum, non timidus, non duplex, non illudens populis subiectis, non abscondens ab eis Dei leges, & sermones de pœnitentia, non promptus ad eiiciendū, & expellendum, sed cautus; non obiurgator; non præceps; non admittens testimonium contra aliquem si-
 ne

ne tribus testibus, iisq̃ue, quorum mores pridem sint testimonio probati, & qui neque inimicitiiis, neque inuidia ducantur. Reperiuntur enim multi, qui aliorum malis lætantur, dicaces, triplicis linguæ, fratres odio habentes, operam dantes, ut Christi oues dissipent; quorū sermones si temerè audire uoles, disperges tuū ouile, & trades lupis in cibum, hoc est Dæmonibus, & prauis hominibus: quin potius non hominibus, sed in figura humana feris, Ethnicis, Iudæis, & hæreticis impiis. Nam ad expulsū ab Ecclesia, statim accedūt perniciosi lupi, & eum tanquā agnum uorare existimant, suum lucrum illius interitum credentes. Etenim horum pater diabolus homicida est. Et qui ob temeritatem iudicii tui iniustè damnatus est, mœstitia affectus, & imbecillitate animi oppressus, uel ad gētes trāsfugiet, uel hæresibus impediatur, & omnino ab Ecclesia atque à spe in Deum abalienabitur, & implicabitur impietati: tuq̃ue illius interitus reus efficieris. Non enim est æquum promptum esse ad eiiciendum peccatores, tardum ad recipiendum reuertentem, & paratum ad abscindendum, durum ad ægrotos curandum.

Ioan. 8.

Prou. 1.

Matt. 7.

Nam de talibus diuina Scriptura dicit, Pedes eorum in malitiam currunt, ueloces sunt ad effundendum sanguinem. Contritio & labor in uis eorum, & uiam pacis non cognouerunt. Non est timor Dei ante oculos eorum. Via pacis est Saluator noster Iesus Christus, qui docuit nos cū dixit, Remittite, & remittetur uobis: date & dabitur uobis. hoc est date remissionem peccatorum, & remittentur uobis delicta, quemadmodum & per orationem, nos instituit ut Deo dicemus, Dimitte nobis debita nostra, sicut & nos dimittimus debitoribus nostris. Nisi ergo uos dimiseritis pec-

catoribus

catoribus, qua ratione remissionem peccatorum uestrorum obtinebitis? Nonne contra ipsi uos alligamini dicentes dimittere cum non dimittitis? Nonne uestro ipsorum ori aduersamini dicentes, dimittimus, non dimittentes? Scitote enim quod, qui innocentem eiicit, uel redeuntem non recipit, interfector fratris existit, & eius sanguinem fundit, ut Cain sanguinem Abel fratris; sanguisque eius clamans ad Deum requiretur. Nam iustus ab aliquo iniuste occisus, in requiete apud Deum manebit in æternum. Eodem modo si quis temerè ab Episcopo fuerit eiectus. Ille, qui eiectus innocentem, tanquam peccatorem, acerbior interfector censetur, cum non respiciat ad Dei misericordiam, nec memor sit illius erga poenitentes bonitatis, neque talium rerum scopos habeat eos, qui multitudinis peccatorum in poenitentia remissionem impetrauerunt. Quare audacior existimandus est interfecore corporali is, qui infontem reiicit, eodem modo qui poenitentes non recipit, dissipat quæ Christi sunt, contra illum ueniens. Nam ut Deus iustus est in peccatoribus condemnandis, sic etiam misericors in poenitentibus recipiendis. *Miser* *Psa. 150*
ricordiam enim, & iudicium canebat de eo pius
Dauid.

*Quod magnum exemplum poenitentiae proponitur nobis Dauid,
 & Neniuita & Ezechas, & eius filius Manasses.*

C A P.

X X V.

NECESSÉ est autem, Episcopo, ut ante oculos habeas exempla præteritorum, iisque peritè utaris ad regendum eos, qui uel asperis, uel lenioribus

bus opus habent sermonibus. Præterea uerò æquum est ut in iudicando, Dei sententiam sequaris: & si Deus iudicat peccatores, uel conuersos, item tu eodem modo iudices. Etenim nonne Dauid lapsum increpatum per Nathan dicentemque se pœnitere, continuò morte liberauit? inquit, Confide non morieris. Ionam nolentem Nineuitis prædicare, iussit à mari atq; à Cete deuorari, orantem in uentre Cete ab interitu in uitam reduxit. Ezeciam paululum in superbiam elatum cum lacrymis rogantem, crimine liberauit. Audite, ò Episcopi, utile ad tales res exemplum. Scriptum est enim in quarto Regum, & in secundo Paralipomenon libro

2. Reg. 12. dierum, his uerbis, Et mortuus est Ezecias, & regnauit filius eius Manasses. duodecim annorum erat cùm

Reg. 4. c. 21. „ regnare cœpisset, & quinquaginta quinque annis regnauit in Ierusalem; & nomen matri eius Epsiba. Fecitque malum in conspectu Domini, non abstinuit ab

„ abominationibus gentium, quas exterminauit Dominus à facie filiorum Israel; & conuersus est Manasses &

„ ædificauit excelsa, quæ dissipauit Ezecias pater ipsius, & statuit columnas Baal, & erexit altare Baal, & fecit

„ Lucos sicut fecerat Achab Rex Israel. Et fecit altare in domo Domini, in quo dixit Dominus ad Dauid &

„ ad Solomonem filium eius, Quoniã in ipso ponam nomen meum. Et statuit Manasses altare, & in ipso seruiuit Baal, & dixit, Erit nomen meum in æternum: &

„ ædificauit altaria in duobus atriis domus Domini militiæ cœli. Et ipse traduxit filios suos per ignem in Gebenænom, & ariolatus est, magicisque artibus operam dedit, & habuit Pythones, uates, coniectores, &

„ Seraphin, & abundauit ut faceret malum in oculis Domini, ut irritaret eum. Et posuit fusile, & sculptile

Luci

„ luci imaginem , quam fecit in domo Domini , in quo
 „ elegit Dominus ponere nomen suum illhic in Ierusa-
 „ lem sancta ciuitate in æternum , & dixit , Non faciam
 „ pedem meum moueri à terra Israel , quam dedi patri-
 „ bus ipsorum . Verùm si custodiuerint omnia quæcun-
 „ que mandauì ipsis secundum mandatum , quod man-
 „ dauit seruus meus Moses , & non audiuerunt . Et se-
 „ duxit eos Manasses ut facerent malum in conspectu
 „ Domini super gentes , quas deleuit Dominus à facie
 „ filiorum Israel . Et locutus est Dominus ad Manassèm ,
 „ & ad populum eius in manu Prophetarum seruorum
 „ eius dicens , Eo quòd fecit Manasses Rex Iuda abomi-
 „ nationes has malas , ab omnibus , quæ fecit Amor-
 „ ræus in conspectu eius , & peccare fecit Iudam in ido-
 „ lis suis , hæc dicit Dominus Deus Israel , Ecce ego
 „ porto mala in Israel , & Iudam , ut omnis , qui audit
 „ illa , personent ambæ aures eius ; & extendam super
 „ Israel mensuram Samariæ , & pondus domus Achaab ,
 „ & delebo Ierusalem tanquàm tabulam , quæ deletur ,
 „ & euertam in faciem suam , & tradam reliquias hære-
 „ ditatis meæ , & dabo eos in manus inimicorum ipso-
 „ rum , eruntque in uastitatem , ac in rapinam omnibus
 „ inimicis ipsorum , eo quòd fecerunt mala in oculis
 „ meis , & sunt irritantes me à qua die eduxi patrem ip-
 „ sorum à terra Aegypti , usque ad hanc diem . Insuper
 „ sanguinem innocentem effudit Manasses multum ue-
 „ hementer , donec impleuit Ierusalem usque ad os , præ-
 „ ter peccata ipsius , quibus peccare fecit Iudam , ut fa-
 „ ceret malum in oculis Domini . Et eduxit Dominus
 „ duces copiarum Regis Assur , ceperuntque Manassèm
 „ in uinculis , & uinxerunt compedibus ferreis , duxe-
 „ runtque Babylonem , & erat uinctus , & totus ferro

» circumdatus in carcere, & dabatur ei furfuraceus pa-
 » nis pondere modicus, & aqua cum aceto in mensurâ,
 » ut uiuere posset. Et erat oppressus, dolensque ualdè.
 » Et postquàm uehementer afflictus est; quæsiuit faciem
 » Domini Dei sui, & humiliatus est uehementer à facie
 » Domini Dei patrum ipsius, & orauit ad Dominum
 » dicens,

Oratio Manassis Regis Iuda.

CAP. XXVI.

» **D**OMINE Omnipotens Deus patrum nostrorum
 » Abraam, Isaac, & Iacob, & seminis ipsorum iu-
 » sti, qui fecisti cœlum, & terram cum omni ornatu
 » eorum; qui ligasti mare uerbo mandati tui; qui con-
 » clusisti abyssum, & consignasti eum terribili, & glo-
 » rioso nomine tuo; quem omnia pauent, & tremunt à
 » facie uirtutis tuæ: quoniam importabilis magnificen-
 » tia gloriæ tuæ, & intolerabilis ira in peccatores com-
 » minationis tuæ, immensa, & inuestigabilis miseri-
 » cordia promissionis tuæ, quia tu es Dominus miseri-
 » cors, longanimis, multæ misericordiæ, & pœnitens
 » super improbitates hominum. Quoniam tu Deus se-
 » cundum bonitatem probitatis tuæ, promissisti pœni-
 » tentiæ remissionem peccantibus in salutem. Tu igitur
 » Domine Deus iustorum non posuisti pœnitentiam
 » iustis Abraham, Isaac, & Iacob, qui non peccaue-
 » runt, sed posuisti pœnitentiam super me peccatore,
 » quoniam peccaui super numerum arenæ maris. Mul-
 » tiplicatæ sunt iniquitates meæ Domine, multiplicatæ
 » iniquitates meæ; & non ampliùs dignus sum figere o-
 » culos, & intueri altitudinem cœli à multitudine ini-
 » quitatum mearum: Incuruatus multo uinculo ferri,
 » quo-

„ quoniam irritaui furorem tuum , & malum in conspe-
„ ctu tuo feci , statuens abominationes , & multiplicans
„ offensiones . Et nunc inclinans genua cordis mei , ro-
„ gans bonitatem tuam ; peccaui Domine , & peccata
„ mea ego cognosco , sed peto , rogans te , remitte mihi
„ Domine , remitte mihi , & ne simul perdas me cum
„ iniquitatibus meis , neque in æternum iratus conser-
„ ues mala mihi , neque condemnes me in infimis locis
„ terræ . Quia tu Deus , Deus pœnitentium , & super
„ me ostendes bonitatem tuam , quoniam cùm sim indi-
„ gnus , saluabis me secundum multam misericordiam
„ tuam , & laudabo te semper omnibus diebus uitæ meæ ;
„ quoniam te laudat omnis uirtus Cœlorum , & tua est
„ gloria in sæcula . Amen .

„ E T audiuit uocem suam Dominus , & misertus
„ est eius , & facta est circa ipsum flamma ignis , & lique-
„ facta sunt omnia circa ipsum ferramenta , & sanauit Do-
„ minus Manassæ à tribulatione eius , & reduxit eum
„ Ierusalem ad regnum suum . Et cognouit Manassæ
„ quòd Dominus ipse est Deus solus , & seruiuit soli Do-
„ mino Deo in toto corde eius , & in tota anima eius , &
„ putatus est iustus . Et sustulit Deos alienos , & sculpti-
„ le à domo Domini , & omnia altaria , quæ ædificauerat
„ in domo Domini , & omnia altaria in Ierusalem eiecit
„ extra ciuitatem , & direxit altare , & sacrificauit super
„ ipsum sacrificium salutaris & laudis . Et dixit Manas-
„ sæ Iudæ , ut seruiret Domino Deo Israel , & dormiuit
„ in pace cum patribus suis , & regnauit Amon filius e-
„ ius pro eo , & fecit malum coràm Domino , secundum
„ omnia quæcunque fecerat Manassæ pater eius in pri-
„ mis , & irritauit Dominum Deum suum . Audistis filii
„ charissimi quemadmodum Dominus Deus eum , qui

CONSTIT. S. APOSTOLORVM

idola coluerat, & multos infantes occiderat, leuiter castigatum recepit, & dimissis delictis, eum in regnum reduxit. Non solum enim poenitentibus indulget, sed etiam pristinam dignitatem restituit.

Contra eos, qui ex contemptu peccant, sit exemplum Amon.

C A P.

X X V I I.

NVL L V M peccatum idololatria reperitur grauius: ea est enim contra Deum impietas, sed tamen ipsa quoque per ueram poenitentiam condonatur. Si uerò quis de industria peccet tentans Deum, quasi non ulciscntem mala; is remissionem non consequitur, quamuis secum ipse dicat, Sit mihi propitius Deus, quoniam ambulabo in euersione cordis mei prauī. Talis fuit Amon Manassis filius. Inquit enim scriptura, Et cogitauit Amon cogitationem transgressionis malam; & dixit, Pater meus à iuuentute multa iniquè fecit, & in senectute poenitentiam egit; & nunc ego ambulabo prout concupiscit anima mea, & postea conuertar ad Dominum. Et fecit malum in conspectu Domini supra omnes, qui fuerunt ante ipsum, & exterminauit eum Dominus Deus cito à terra eius bona; & irruerunt in eum serui sui, & occiderunt ipsum in domo ipsius, & regnauit annos duos solos.

4. Reg.
21.

Quòd Christus Iesus uenit peccatores saluare per poenitentiam.

C A P.

X X V I I I.

AT TENDITE laici, ne quis uestrum cogitationē Amon in corde suo confirmet, & breui tempore pereat. Eodem modo Episcopus conseruet quantum potest

potest, eos, qui non peccauerunt, ut sine peccato per
 seuerent; & eos, qui à peccatis conuertuntur, cura-
 tos recipiat. Si uerò poenitentem contra misericordiam
 non admiserit, peccabit in Dominum Deum suum, iu-
 stificans se ipsum supra illius iustitiam, & non recipiēs
 quem ille recepit per Christum; propter quem misit fi-
 lium suum in terram hominibus tanquàm hominem;
 propter quem uoluit de muliere illum nasci cùm esset
 factor mulieris & uiri; cuius causa non parcens cruci,
 & morti, ac sepulturæ, permisit illum pati, cùm esset
 natura impassibilis; filius dilectus, Dei uerbum, ma-
 gni consilii angelus, ut morti subiectos, morte libera-
 ret. Hunc irritant non recipientes poenitentem. Is enim
 me Matthæum, cum essem prius publicanus, uocare *Matt. 9.*
 non est ueritus, & Petrum, qui eum ob timorem ter
 negauit, cùm is per poenitentiam ipsum placasset, & *Mat. 26.*
 amarè fleuisset, in gratiam recepit, pastoremque pro-
 priorum agnorum constituit. Et Paulum coapostolum
 nostrum, qui multa nobis prius intulerat mala, & blas-
 phemauerat in nomèn sanctum: pro persecutore Apo- *Act. 9.*
 stolum fecit, uas electionis illum instituens, & alteri *Luc. 7.*
 cuidam mulieri peccatrici inquit, Remittuntur tibi pec- *Ioan. 8.*
 cata multa, quoniam dilexisti multum. Quandam
 aliam peccatricem statuerunt seniores coràm eo, & re-
 iecto in eum iudicio exierunt. Cognitor uerò cordium
 Dominus, cùm quæsisset ab ea, nū seniores ipsam con-
 demnassent, illaque negasset, dixit mulieri, Vade ne-
 que ego te condemno. Hunc Saluatorem, Regem,
 & Dominum, & Deum nostrum Iesum Christum ò
 Episcopi, tanquàm scopum uos habere, huius imitato-
 res uos esse oportet, mites, quietos, clementes, mise-
 ricordes, pacificos, mansuetos, promptos ad docen-
 dum.

dum, ad conuertendum, ad recipiendum, ad cohortandum, non percussores, non iracundos, non petulantes, non gloriosos, non superbos, non uinolentos, non ebrios, non inanes sumptus facientes, non delicatos, non sumptuosos, non tanquàm alienis, sed tanquàm propriis Dei donis utentes, tanquàm bonos dispensatores factos, tanquàm eos, à quibus Dominus rationē est postulaturus. Sufficientem habeat uictum. & uestitum Episcopus, usui, & dignitati accommodatum: non utatur Dominicis rebus tanquàm alienis, sed moderatē: dignus est enim operarius mercede sua. De licatus ne esto, ne leuis, sed tantum expetat, quæ faciūt ad conseruandam naturam.

Mat. 10.

De primitiis & decimis, & quomodo debeat Episcopus ex ijs ipse capere, uel eas cum alijs communicare.

C A P. X X I X.

QVÆ ex decimis, & primitiis secundum mandatum Dei dantur, ut Dei homo consumat, uoluntaria, quæ occasione pauperum offeruntur, rectē dispense orphanis, uiduis, afflictis, & peregrinis egentibus; ut qui habet Deum harum rerum rationē ab eo reposcentem, qui hanc dispensationem illi commisit. Omnibus egentibus cum iustitia tribuentes, ipsique iis utentes, sed non abutentes; comedentes de iis, sed non soli uorantes, egenisque impertientes, Dei offensionem uitabitis. Nam si soli hæc consumetis exprobrabitur uobis à Deo dicente, tanquàm insatiabilibus, & uoratoribus, Lac comedebatis, & lanis uestiebamini. Et in alio loco, Numquid habitabitis soli super terram? Propterea in lege præceptum est uobis, Diliges proximum tuum sicut te ipsum. Atque hæc non ideo dici-

Exe. 34.

Isa. 5.

dicimus, ut non capiat fructum laborum uestrorum. Scriptum est enim, Non infrenabis os boui triturantis; *Deu. 25.* sed moderatè, & cum iustitia. Vt igitur in area laborans in somnis bos comedit quidem, sed non totū absumit, sic uos laborantes in area, hoc est in Ecclesia Dei, de Ecclesia comedite, more Leuitarum ministrantium in tabernaculo martyrii, quod per omnia Ecclesiæ figuram referebat, etiam uero ex nomine martyrium Ecclesiæ tabernaculum designabat. Hic igitur leuitæ tabernaculo assidentes, de iis, quæ Deo offerebantur ab omni populo, donis, partibus, primitiis, decimis, sacrificiis, oblationibus sine prohibitione partem habebant ipsi, & uxores eorum, filii & filiæ eorum. Quoniam autem eorum officium erat tabernaculo ministrare; propterea sortem terræ nō acceperunt in filiis Israel, quod *Num. 8.*

oblationes populi fors Leui, & fors tribus eius. Vos igitur hodie, o Episcopi, estis populo uestro sacerdotes. Leuitæ, qui ministrant sacro Tabernaculo sanctæ, & catholicæ Ecclesiæ, atque assistentes ad altare Domini & Dei nostri, & adducentes ei rationales & incruentas hostias per Iesum magnum Pontificem. Vos laicis, qui inter uos sunt, estis Prophetæ, Principes, Duces, & Reges, mediatores Dei, & fidelium ipsius, participes uerbi ac nuncii, cognitores Scripturarum ac tubæ Dei, testesque eius uoluntatis, qui omnium peccata portatis, & de omnibus rationem redditis, quibus (ut audistis)

grauiter minatur sermo, Si abscōderitis ab hominibus *Lu. 11.*

clauem scientiæ. quibus periculum damnationis imminet, nisi annunciaueritis uoluntatem eius, populo uobis subiecto; quibus certa merces à Deo parata est, & gloria ineffabilis laudabiliter, & rectè ministrantibus in Tabernaculo sancto. Nam quemadmodum ue-

strum

CONSTIT. S. APOSTOLORVM

strum est onus, ita ministeria uictus, atque alios neces-
Ignat. ad sarios usus uos capitis. Imitatores enim estis Christi,
Polycar & ut ipse omnium nostrum peccata portauit in ligno
pum. affixus, immaculatus pro iis, qui supplicio digni erāt,
 sic uos populi peccata in uos ipsos transferre oportet.
Isa. 53. Dictum est enim de Salvatore in Isaia, quòd hic pec-
 „ ta nostra tollit, & pro nobis dolet. Et rursus, Ipse pec-
 „ cata multorum portauit, & propter iniquitates ipso-
 rum est traditus. Quemadmodū igitur uos scopi estis;
 ita scopum habetis Christum. Vt igitur ille omnium
 uestrum scopus est, sic uos laicorum uobis subiecto-
 rum. Nolite enim existimare facile, uel leue esse Epi-
 scopatus onus. Conuenit igitur, ut quemadmodum
 onus sustinetis ipsi, ita quoque fructuum primi parti-
 cipes sitis, & egentibus partem suppeditetis, ut qui ra-
 tionē reddituri estis ei, qui falsas rationes à uobis non
 est accepturus. Oportet enim eos, qui Ecclesiæ affidēt,
 ali de Ecclesia. Quippè sacerdotes, Leuitas, assessores,
Nu. 18. ministros Dei, ut in libro Numerorum scriptum est de
 „ sacerdotibus, Et dixit Dominus ad Aaron, Tu & filii tui
 „ & domus patris tui accipietis peccata sanctorum sacer-
 „ dotii uestri. Ecce dedi uobis custodiam primitiarum
 „ de omnibus sanctificatis à filiis Israel. Tibi dedi ipsa in
 „ munus, & filiis tuis post te in legem æternam. Et hoc
 „ erit uobis à sanctificatis, à fructibus, & à donis, & ab
 „ omnibus sacrificiis, & ab omni delicto, & de peccatis.
 „ & quæcunque reddunt mihi, ab omnibus sanctis tibi
 „ erunt & filiis tuis. in sanctuario comedite ipsa. Et pau-
 „ lō post, Omnes primitiæ olei, & uini, & frumenti, quæ-
 „ cunque dederint Domino, tibi dedi ipsa. Primogeni-
 „ ta omnia tibi dedi, & dices omne donum omne primo
 „ genitum hominis & iumentum mundi & immundi, & ho-
 stia,

„ stia, & pectoris, & humeri dexteri ad sacerdotes perti-
 „ net, & reliquos inferuientes Leuitas. Audite hæc uos
 laici, & electa Dei Ecclesia Dei. Etenim antea popu-
 lus, Dei populus & gens sancta uocabatur: uos quoq;
 igitur estis sancta Dei & sacra Ecclesia descripta in cœ-
 „ lo, regale sacerdotium, gens sancta, populus acquisi- *Exo. 19.*
 tionis, sponsa ornata Domino Deo, Ecclesia magna, *1. Pe. 2.*
 Ecclesia fidelis. Quæ prius dicta sunt, nunc auribus
 percipe, primitiæ Pontifici Christo, & ministrantibus
 ei, Decimæ salutaris initium nominis Iesu. Audi sa-
 cra catholica Ecclesia, quæ decem plagas effugisti, &
 Decalogum accepisti, & legem didicisti, & fidem es a-
 depta, & in Iesum credidisti, & de nomine eius appel-
 lata es, & in consummatione gloriæ ipsius firmata: quæ
 tunc uictimæ erant, nunc orationes sunt, preces & gra-
 tiarum actiones; quæ tunc primitiæ, & decimæ, partes
 & dona, nunc oblationes; quæ per sanctos Episcopos of-
 feruntur Domino Deo per Iesum Christum, qui pro ip-
 sis mortuus est. Ii enim sunt Pontifices uestri, sacerdo-
 tes uestri, Presbyteri sunt Leuitæ uestri, qui nunc sunt
 Diaconi, Lectores, Cantores, Ostiarii; Diaconissæ ue-
 stræ, uiduæ, uirgines, orphani uestri: iis omnibus supe-
 rior Pontifex est.

In cuius figuram, & dignitatem quilibet de Clero sit constitutus.

C A P. X X X.

EPISCOPVS uerbi minister est, scientiæ custos, me-
 diator inter Deum & uos in seruitute, quam Deo
 impendit; is pietatis magister est, is post Deum pater
 uester, qui per aquam uos regenerauit in adoptionem
 filiorum Dei; is Princeps & dux uester, is Rex uester &
 Dynasta,

*Psa. 118.
S. Ignat.
ferè eadè
scripsit ad
Magnes.
& ad alios.
Epi
stola uerò
ad Trall.
hæc ipsa
repetens,
mentionē
facit apo
stolicarū
constitut.*

dynasta. Denique is terrenus Deus post Deum, cui à uobis honor debetur : nàm de eo & similibus Deus dicebat. Ego dixi dii estis & filii excelsi omnes. & diis non maledices. Episcopus .n. supra uos sedeat , ut qui Dei dignitate ornatus est , quatenus clero præest & omni populo imperat . Diaconus huic assistat ut Christus patri, & ministret ei in omnibus sine reprehensione, quem admodum Christus à se ipso nihil faciens, quæ grata sunt patri facit omnino. Diaconissa in figuram Spiritus sancti honoretur à uobis, nihil sine Diacono agens uel loquens, quemadmodum nec paracletus à se ipso aliquid loquitur uel facit, sed glorificans Christum, expectat eius uoluntatem. & ut nemo in Christum credere potest sine doctrina spiritus, sic sine Diaconissa nulla mulier accedat ad Diaconum uel Episcopum. Presbyteri in formam Apostolorum à uobis censeantur; magistri sint sciētiæ Dei, quoniam Dominus nos mittens dicebat, Euntes docete omnes gentes, baptizantes ipsos
,, in nomine Patris, & Filii, & Spiritus sancti, docētes ipsos
,, seruare omnia, quæ mandauì uobis. Viduæ & orphani in figuram altaris existimentur à uobis, uirgines in figuram turibuli & incensi honorentur.

Quòd res tremenda est hominem se ipsum demittere ad dignitatem aliquam sacerdotalem ut Coritæ, ut Saul, ut Ozias.

C A P. X X X I.

QUEMADMODVM non erat licitum alienigenam & eum, qui non esset Leuita, aliquid offerre, uel ad altare accedere sine sacerdotibus; ita uos sine Episcopo nihil facite. Quòd si quis sine Episcopo faciat aliquid, frustra illud facit: non enim in opus ipsi imputabitur. Vt .n. Saul cùm sine Samuele obtulisset, audiuit
quoniam

quoniam frustrà fecisti . sic laicus omnis sine sacerdote
 perficiens aliquid , frustrà facit . Et ut Ozias Rex cùm
 non esset sacerdos, & sacerdotum sacra administrasset, 1. Reg. 13.
 in lepram incidit propter iniquitatem; sic omnis laicus 4. Re. 15.
 non effugiet supplicium, si Deum contempserit, suos- 2. Pa-
 que sacerdotes despexerit, sibi que honorem arrogau- ralip. 26:
 rit, non imitatus Christum, qui non ipse se glorificauit S. Ignat.
 ut fieret sacerdos, sed expectauit ut à patre audiret, Iu- in Ep. ad
 rauerit dominus & non pœnitebit eum, Tu es sacerdos Magne.
 in æternum secundum ordinem Melchisedech. Quòd Psa. 109
 si sine patre Christus ipse se non glorificat, quomodo
 fieri potest ut homo ipse se in sacerdotium proiciat, nō
 accepta dignitate à superiore, & ea faciat, quæ solis lici-
 ta sunt sacerdotibus? Non'ne Coritæ quanquam de tri- Nu. 16.
 bu leui erant, incendio consumpti sunt cùm in Mo-
 sem & in Aaron insultassent, & de iis, quæ ad se non
 spectabant, pugnassent? & Dathan, & Abiron uiui in Nu. 17.
 Infernum descenderunt? Et uirga cùm germinasset,
 multorum insaniam compressit, & à Deo Pontificem
 institutum indicauit. Decet igitur & uos fratres sacri-
 ficia uestra, siue oblationes Episcopo afferre, ut Pontifi-
 ci uel per uos, uel per Diaconos. etiam uerò primitias,
 & decimas, & uoluntaria ei afferte. Ipse enim cognoscit
 oppressos & cuilibet tribuit, quantum satis est, ne
 quis sæpe eodem die, aut eadem hebdomada ac-
 cipiat, alius uerò nihil omnino. Aequum
 est enim iis, qui uerè oppressi sunt,
 potius in usus suppeditare,
 quàm iis, qui oppressi
 esse existiman-
 tur.

*De conuiuio, & quemadmodum oporteat singulos Cleri ordines ab inui-
tantibus honorari. CAP. XXXII.*

Luc. 14. **Q**VI ad Agapas, siue (ut Dominus nominauit)
S. Ign. ad Smyrn. ad conuiuium instituerunt uocare Presbyteras:
quam norunt Diaconi oppressam, eam frequenter uo-
cent. Seponatur autem in conuiuio quod pastori con-
suetum est dari, dico autem id quod ad primitias per-
tinet, ueluti sacerdoti, etiam si conuiuio non adsit, in
honorem Dei, qui ei sacerdotium commisit. Quan-
tum autem unicuique Presbyterarum datur, eius du-
S. Ignat. ad Mag. plum detur Diaconis in honorem Christi. Presbyte-
ris uerò, ut qui laborant in uerbo doctrinæ, duplex quo-
que seponatur pars in gratiam Apostolorum Domini,
cuius locum sustinent, tanquam consiliarii Episcopo-
rum, & Ecclesiæ corona. Sunt enim ii Senatus & con-
fessus Ecclesiæ. Si Lector sit, capiat partem unam in
honorem Prophetarum. Eodem modo Cantor & O-
starius. unicuique igitur gradui, laici debitum hono-
rem tribuant, in donis atque in omni uitæ ueneratio-
ne. Non autem facile molesti sint præpositis, sed
per ministros, quæ uoluerint, significant, hoc est per
Diaconos, quibus cum maiori libertate poterunt uti.
non enim ad Omnipotentem Deum accedere licet, ni-
si per Christum. ita laici omnia, quæ uolent, per Dia-
conum manifesta Episcopo faciant, sicque de illius
sententia ea perficiant. Neque enim olim in sacro
sanctuario offerebatur uel gerebatur aliquid sine sa-
Mala. 2. cerdote. Labia enim sacerdotis custodient scientiam,
,, & legem exquirent de ore ipsius, ait quodam in loco
Propheta. Quoniam Angelus Domini Omnipoten-
tis est: nam si ii, qui dæmones colunt, in nefariis &
abomi-

abominandis impurisq; eorum sacris, etiam nunc sancta imitantur (ac longo quidem interuallo piaculum si in comparationem ueniat, à pietate distet) ueruntamen si ii in illis impiis religionibus sine sacerdote nihil offerunt, nihil faciunt, sed os lapidearum statuarum sacerdotem putant, à quo expectant sibi præcipi quid faciuri sint, & quæ ille præceperit omnia exequuntur, nihilque nisi de eius sententia agunt, in honoreque habent sacerdotem, eiusque nomen sacrosanctum existimant in honorem inanimarum statuarum, cultumque improborum spirituum : si inquam illi, cum inania falsaque opinentur, in nullaq; re firma spem suam collocent, tamen sanctitatem imitari conantur, quanto est æquius uos, qui clarissimam fidem certissimamque spem obtinetis, & gloriosam æternam infallibilem promissionem amplectimini, in præpositis colere Dominum Deum, existimantes os Dei, esse Episcopum.

Quæ sit dignitas Episcoporum, & Diaconorum. CAP. XXXIII.

NAM si Aaron postquam nunciauit Pharaoni sermones nomine Moïsis, Propheta dictus est, Moïses uerò Pharaonis Deus, scilicet uti Rex simul, & Pontifex (ut inquit ad eum Deus) Deum posui te Pharaoni, & Aaron frater tuus erit tuus Propheta; cur non uos quoque internuncios uerbi Prophetas esse existimetis, eosque ut Deos reueramini?

Quomodo oporteat laicos parere Diaconis. CAP. XXXIII.

NUNC enim uobis loco Aaron Diaconus est, loco Moïsis Episcopus. quòd si Moïses à Domino appellatus

CONSTIT. S. APOSTOLORVM

pellatus est Deus, à uobis quoque Episcopus Dei loco in honore habeatur, & Diaconus sit tanquàm eius Propheta: Nam quemadmodum Christus sine Patre nihil agit, ita Diaconus nihil agit nisi de sententia Episcopi. Et quemadmodum Filius sine patre non est, ita neque Diaconus sine Episcopo. Et quemadmodum Filius est obediens Patri, ita Diaconus omnis Episcopo paret. Et quemadmodum Filius nuncius est & propheta Patris, ita Diaconus nuncius est & propheta Episcopi. Propterea omnia, quæ à Diacono geruntur, significantur Episcopo, & per eum ad exitum perducantur.

Quòd non licet Diaconum sine Episcopo aliquid agere.

C A P. X X X V.

IN summa autem nihil agat Diaconus sine Episcopo, nec cuiquam quicquàm det, nisi de illius sententia. Nam si clam Episcopo alicui egenti præbuerit aliquid, in contumeliam Episcopi præbebit, cumque calumniæ subiiciet, ut qui negligere uideatur eos, qui egestate oppressi sunt. Qui uerò Episcopo sermone uel factis detrahit, Deum offendit, non audiens eum, qui dixit; Diis non maledices. non. n. de lapidum & lignorum piculis legē ferebat, quæ suo falso nomine sunt abominabilia, sed de sacerdotibus, & iudicibus, quibus dixit, Dii estis, & filii excelsi omnes.

Exo. 22.

Psal. 81.

Quòd

*Quòd non oportet Diaconum præter Episcopi sententiam dare
aliquid; nam in calumniam Episcopi hoc aget.*

C A P.

XXXVI.

SI uides, Diacone, aliquem inopia premi, admonito Episcopo illi suppedites, nec clam in eius contumeliam quicquam agas, ne murmurationem in illum excites. Non enim contra illum murmuratio orta uidebitur, sed contra Dominum Deum, & audiet Diaconus & alii, quæ Aaron & Maria in Mosem oblocuti, audiuerunt. Quomodo non timuistis loqui
 „ contra Mosem seruum meum? Et rursus idem Moses iis, qui in eum conspirauerant, inquit, Non enim
 „ contra nos murmuratio uestra est, sed contra Dominum
 „ Deum nostrum. Nam cum laicus, qui dixerit racan, uel stulte, non impunè abiturus sit, ut qui nomē Christi contumelia affecerit, quid dicemus de Episcopo? per quem Dominus in ordinatione Spiritum sanctum uobis dedit; per quem sanctam doctrinam didicistis, & Deum cognouistis, & in Christum credidistis; per quem cogniti estis à Deo; per quem cōsignati estis oleo exultationis, & chrismate sapientiæ; per quem filii lucis facti estis; per quem Dominus in illuminatione uestra, Episcopi manus impositionem testimonio suo cōprobans, in singulis uestrum suam sacram uocem emisit,
 „ dicens, Filius meus es tu, ego hodie genui te. Per Episcopum, ò homo, adoptat te Deus in filium. Cognosce filii dexteram matris tuæ, & dilige eum, qui secundum Deum tuus pater est, & illum reuerere.

Exo. 16.

Quomodo

CONSTIT. S. APOSTOLORVM

*Quomodo oporteat honorare sacerdotes, & uenerabiles existimare,
cū sint patres spirituales. CAP. XXXVII.*

Exo. 20. **N**AM si de parentibus secundum carnem lex diuina inquit, Honora patrem tuum, & matrem tuam, ut bene tibi sit, & qui maledixerit patri uel matri, morte moriatur. quanto magis de spiritualibus parentibus uobis præceptum est, ut eos honoretis, & diligatis tanquàm beneficos legatosque ad Deum, qui uos per aquam regenerauerunt, uerbo quasi lacte educauerunt, in doctrina nutriuerunt; in mandatis confirmauerunt; saluari corpore, & precioso sanguine dignos reddiderunt; à peccatis soluerunt, & sacrosanctæ Eucharistiæ participes effecerunt; diuinæ promissionis consortes, cohæredesque statuerunt? Hos uenerabiliter colite uariis honoribus: ii enim à Deo uitæ & mortis potestatem acceperunt in peccatoribus iudicandis, damnandisque in mortem ignis æterni, nec non in liberandis iis, qui redeunt, & in uita illis præstanda.

Quòd sacerdotes sunt præstantiores Principibus, & Regibus.

CAP. XXXVIII.

HOS Principes & Reges uestros putatote, & tributa tanquàm Regibus penditote. De uestro enim illos, & domesticos illorum ali oportet, quèadmodum Samuel præcepit populo de Rege in primo Regum, & Moses de sacerdotibus in Leuitico, eodem modo nos de Episcopis uobis præcipimus. Nam si tunc populus proportionem, tanto Regi munera præbebat, quanto magis nunc Episcopus decreta sibi à Deo stipendia capere debet ad se alendum, & clericos, qui apud eum sunt?

Quòd

Quòd si aliquid orationi addendum est , plura hic capiat, quàm ille olim. Ille enim rem militarem tātum ad ministrabat , belli pacisque moderator ad tuenda corpora , hic uerò Dei sacerdotium administrans, corpus, & animam periculis liberat . Quanto igitur anima corpore est excellentior , tanto sacerdotium Regno præstat . Ligat enim id & soluit supplicio , uel indulgentia dignos . Ideo Episcopum diligere debetis , ut patrem , timere , ut Regem , honorare , ut dominum . Fructus uestros & opera manuum uestrarum in uestram benedictionem illi offerentes primitias uestras , decimas , partes , dona uestra dantes ei ut sacerdoti Dei ; primitias inquam frumenti , uini , olei , pomorum , atque omniū , quæ Deus præbet uobis . Et erit oblatio tua accepta in odorem suauitatis Domino Deo tuo , & benedicet Dominus operibus manuum tuarum , & multiplicabit Dominus bona terræ tuæ , quoniam benedictio in caput tribuentis reuertitur .

Quòd quemadmodum leges decimas dare præciunt , ita & Evangelium. CAP. XXXIX.

INTELLIGENDVM est autem , quòd quanquàm Dominus liberauit uos à seruitute adiectorum uinculorum , & eduxit uos in refrigerium , non ampliùs
 „ sinens uos sacrificare bruta animalia pro peccatis , solutos illis expiationibus , emissariis , assiduis lotionibus , & asperfusionibus ; non tamen oblationibus uos liberauit ,
 „ quas sacerdotibus debetis , & beneficentiis erga eos ,
 „ qui egent . ait enim Dominus noster in Euangelio , Nisi
 „ abundauerit uestra iustitia plusquàm scribarum & Phariseorum , non intrabitis in regnum Cœlorum . Ita er-

Leu. 16.

Matt. 5.

CONSTIT. S. APOSTOLORVM

Psal. 3. go abundabit iustitia uestra, si de sacerdotibus, orphanis, uiduis maiorem curam suscipietis, ut scriptum est, *Pro. 15.* Dispersit, dedit pauperibus, iustitia eius manet in sæculum sæculi. Et rursus, Per eleemosynam & fidem *Pro. 11.* delentur peccata. Et rursus, Anima benedicta omnis simplex. Ergo ita facies quemadmodum Dominus præcepit, & dabis sacerdoti iusta sua, primitias de area & torculari pro peccatis tanquàm mediatori, atque inter nuncio posito inter Deum & eos, qui expiationibus & deprecationibus opus habent. Te enim dare oportet, illum distribuere tanquàm œconomum, & dispensatorem rerum ecclesiasticarum. Neque enim ab Episcopo tuo rationem petere debes, neque eius dispensationem obseruabis quomodo eam peragat, quando, cum quibus, ubi, bene, uel malè, uel conuenienter. Habet enim iudicem Deum, qui in eius manus hanc dispensationem commisit, & dignum eum effecit sacerdotio tanti loci.

Admonitio decem mandatorum. CAP. XXXX.

HABE præ oculis timorem Dei, memor omni tempore decem Dei mandatorum.

- 1 Diligito Deum unum, ac solū omnibus uiribus tuis.
- 2 Noli attendere Idolis, & huiusmodi aliis tanquàm diis inanibus, uel ratione carentibus, uel dæmonibus.
- 3. Ignat.*
ad Mag. 3 Intellige Dei opera diuersum sumpsisse exordiū per Christū, & sabbatizabis per eum, qui cessauit ab operando, nō autem à prouidendo sabbatismū, qui est meditatio legum, non manuum cessatio.
- 4 Omnem absurdam cupiditatem abiice.
- 5 Omnem iniuriam, quæ ad hominum perniciem pertinet,

pertinet, iram omnem.

6 Honora parentes tanquàm ortus tui auctores.

7 Dilige proximum, sicut te ipsum.

8 Impartire uictum egentibus.

9 Periurium & iusiurandum uanum uita: non enim innocens iudicaberis.

10 Non appareas coràm sacerdotibus uacuus, & uoluntaria assidue offer, nec ab Ecclesia Dei absis: summo mane, ante omne opus, & iterum uesperè gratias agens Deo, eo quòd tibi uitam est largitus. Operare, perseuera, labora, offer Domino uoluntaria tua. Honora enim, inquit, Dominum tuis iustis laboribus, præbe peregrinis unum, uel duo, uel quin

que minuta. Congrega tibi cœlestes diuitias, quas *Matt. 6.*

nec tinea, neque fur demolitur. Sicque faciens noli iudicare Episcopum tuum, neque collaicum: nam si fratrem iudicas, factus es iudex, à nullo ad hoc munus electus. Nam solis sacerdotibus concessum est

Deu. 1.

ut iudicent, quoniam dictum est eis, Iustum iudicium iudicate, Et rursum, Estote trapezitæ probati.

Ioan. 7.

Vobis enim permissum non est, immo contrà iis,

Damasce

qui iudicandi potestate carent, dictum est, Nolite iudicare, & non iudicabimini.

nus de si.

Orthod. lib. 4.

Matt. 2.

*De accusatoribus, & calumniatoribus, & quòd non oportet iudicem
ijs facillè credere, uel non credere, sed cum diligenti inquisitione.*

C A P. X L I.

OPORRET tamen ut Episcopus rectè iudicet, sicut scriptum est, Iustum iudicium iudicate. & alio in loco, Cur à uobis ipsis non iudicatis quod iustum est? Imitamini ergo peritos argentarios. Vt enim improbos numos reiiciunt, probatos recipiunt,

Ioan. 7.

In secunda aucto.

I 2 sic

*ritate, ui
detur al-
ludere
ad præce-
ptū Pauli
in prima
ad Corin-
th. cap.
6.*

fic Episcopus debet quæ à reprehensione absunt, retinere; quæ uitium habent uel curare, uel si im-
medicabilia fuerint, proiicere, & non statim abscin-
dere, neque cuius temere fidem habere. Accidit e-
nim ut aliqui uel propter æmulationem, uel propter
inuidiam contra fratrem falsam accusationem institu-
ant, quod duo senes Babylone fecerunt in Susannam,
& Aegyptia mulier in Ioseph. Tu igitur cum sis ho-
mo Dei, noli tales criminationes facillè admittere, ne
perdas innocentem, & occidas iustum. Nam qui ta-
lia recipere uult, iræ magis, quàm pacis pater est. Vbi
autem ira reperitur, inde abest Dominus: nam ira cum
sit Satanæ amica (illam inquam, quæ præter rationem
excitatur) per falsos fratres nunquam in Ecclesia con-
cordiam esse patitur. Quare quos tales cognoscitis de-
mentes, contentiosos, alienis malis gaudentes, iis no-
lite fidem habere, sed cauete ne quid à talibus contra
fratrem audiatis: quoniam in oculis eorum nihil insi-
det, præterquàm cædes, & in quo minus quis suspi-
catur, confodiunt uirum. Tu ergo mentem adhibe
accusatori, sapienter obseruans eius uitæ consuetudi-
nem, quæ, ac cuiusmodi fuerit; & si comperies eum
uerum dicere, fac secundum præceptionem Domini,
apprehensumque accusatum remotis arbitris corrige,
ut ad poenitentiam redeat. Quod si obsequi noluerit,
uocatis duobus, uel tribus uiris, monstra ei delictum,
admonens eum in mansuetudine, & disciplina. Quo-
niam in corde bono requiescet sapientia, & in corde in-
sapientum non cognoscitur.

*Pron.
Cap. 14.*

Quod

*Quòd oportet peccatores separatim increpare, & pœnitentes recipere
secundum ordinationem Domini. CAP. XLII.*

SI igitur persuasus fuerit in ore trium uestrum, bene habet; quòd si obdurauerit, dic Ecclesiæ; si Ecclesiam non audierit, sit tibi tanquàm Ethnicus & publicanus, nec illum ampliùs ueluti Christianum in Ecclesiam admiseris, sed ueluti Ethnicum uitaueris. Pœnitentiam agere uolentem recipere; non enim prius Ethnicum uel publicanum in communionem recipis, quàm eum præteritæ impietatis pœniteat. nam pœnitentibus locum pœnitentiæ statuit Dominus noster Iesus Christus.

Exempla de pœnitentia.

CAP. XLIII.

ET ENIM ego Matthæus unus ex duodecim, qui in hac doctrina loquuntur uobis, sum Apostolus, & cùm prius publicanus essem, nunc per fidem misericordiam consecutus sum, pœnitentiamque egi de præteritis actionibus, & dignus factus sum, ut essem Apostolus, ac prædicator uerbi. Et Zachæus, quem Dominus recepit in pœnitentia illi supplicantem, item publicanus antea fuerat. Iam uerò milites, & publicanorum turba, cùm accederent ad dominicum de pœnitentia sermonem, audierunt à Propheta Ioanne post baptismum, Nihil plusquàm quod ordinatum est uobis, facite. Eodem modo Ethnici spem uitæ non amiserunt, si per pœnitentiam incredulitatem abiecerint. Quare uti publicanum, & Ethnicum habeas illum, qui de opere malo correptus, pœnitentiam agere recusat. Et Ethnici, si postea dolere, & ab errore redire

redire uolent, eos in Ecclesiam recipimus, ut uerbum audiant, non tamen communionem habemus cum eis, quousque recepto baptismi sigillo, initiati sint. Eodem modo pœnitentes, quousque pœnitentiæ fructum non ostenderint, permittimus ecclesiam ingredi, quò uerbum audientes funditus non intereant: non habeant autem communionem orationis, sed discedant post lectionem legis, Prophetarum, & Euangelii; ut per discessum meliores euadant in uitæ consuetudine; studentes ad conuentus quotidie uenire, & precibus operam dare, quò & ipsi recipi ualeant, & eos, qui uident compungant, cautioresque fiant, uerentes ne in similia incidunt.

Quòd non oportet inimicum animum habere aduersus illos, qui semel bis'ue peccant. CAP. XLIIII.

NO LI tu abominari ò Episcopo eum, qui uno, altero'ue peccato lapsus est: nec illum Dominico sermone prohibeto, neque à communi uictu reiicito; quoniam neque Dominus recusabat cum publicanis & peccatoribus cibum capere. quod cùm ei à Pharisæis obiiceretur, dicebat, Non opus habent, qui ualent, medico, sed qui ægrotant. Versamini igitur, & consuetudinem habete cum iis, qui propter peccata segregati sunt, eos procurantes, consolantes, confirmantes, dicentesque iis, Corroboramini manus dissolutæ, & genua debilitata. Consolari enim oportet lugentes, & parui animi hominibus alacritatem iniicere, ne ob magnitudinem mœstitiæ in dementiam incidunt, quoniam pusillanimis ualde inspiens est.

Matt. 9.

*Heb. 12.
6.*

Quo

Quomodo oporteat recipere pœnitentem, & quomodo cum peccatoribus agendum sit, & qui sint ab Ecclesia abscondendi.

CAP.

XLV.

SI quis conuersus pœnitentiæ fructum ostenderit, ad orationem eum admitti oportet, uti filium illum perditum & prodigum, qui consumptis bonis cum meretricibus, porcos pascebat, & siliquis satur fieri expetebat, cum nemo illi daret. Deinde cum pœnitentia ductus, & ad patrem reuersus, dixisset, Peccaui in Cœlum, & coram te, & non sum amplius dignus uocari filius tuus. eum amantissimus pater cum musicis recepit, redditaque illi lueteri stola, anulo, & calceamentis, atque occiso uitulo saginato, lætatus est cum amicis. Idem fac tu Episcopo. Sed quemadmodum Gentilem per lauacrum recipis, post eius institutionem, ita hunc per manuum impositionem uti per pœnitentiam purgatum, omnibus pro eo rogantibus, in pristinum statum restitues, & erit ei in locum lauacri impositio manuum. Nam per impositionem manuum nostrarum credentibus Spiritus sanctus datur. Ac si quis ex firmis fratribus obiiciat tibi, quòd hunc in gratiam recepisti, dic ei, Tu semper mecum Lu. 15.
 es, & mea omnia tua sunt; gaudere debebas & lætari quòd frater hic tuus mortuus erat, & reuixit, perierat, & inuentus est. Quòd autem Deus pœnitentes non modò recipit, sed etiam eos in pristinum gradum restituit, idoneus testis est sanctus Dauid, qui post commissum in Vriam delictum, rogabat Deum dicens, Redde mihi exultationem salutaris tui, & spiritu Ps. 50.
 tu principali confirma me. Et rursum, Auerte faciem tuam à peccatis meis, & omnes iniquitates meas dele.
 Cor

- „ Cor mundum crea in me Deus, & spiritum rectum in-
 „ noua in uisceribus meis. Ne proicias me à facie tua,
 „ & Spiritum sanctum ne auferas à me. Tu igitur uti cle-
 mens medicus, peccatores omnes cura, utens accom-
 modatis ad salutem medicamentis, non modò secan-
 do, urendo, nouaculam adhibendo; sed etiam alli-
 gando, exiccando, iniiciendo medicamenta leuia, ci-
 catricem obducentia, emolliendo sermonibus conso-
 latoris. Si uulnus altum fuerit, reficito suauis unguen-
 to, ut repletum reliquis partibus æquetur. Si sordes
 collegerit, nouacula perpurgato, hoc est sermone ad
 incidendum idoneo. Si intumuerit, id acri collyrio
 complanato, hoc est iudicii minis. Si serpat, cautē-
 rio cohibeto, tabemque excidito, ieiunii acrimonia.
 Quòd si hæc feceris, uiderisque à pedibus usque ad ca-
 put non prodesse fomenta: non oleum, non fascias, sed
 serpere tabem superareque omnem medicinam, uelu-
 ti cancrum omnia membra exedentem, tunc re mul-
 tum considerata, ac deliberata, adhibitisque aliis peri-
 tis medicis, tabidum membrum abscindito, ne totum
 Ecclesiæ corpus contabescat. Noli igitur esse facilis ad
 abscindendum, neque cito ad dentatam ferram cur-
 ras, sed primùm utaris cultello abscessum diuidens, ut
 causa, quæ dolorem faciebat expulsa, corpus sine dolo-
 re conseruet. Quòd si aliquem impœnitentem, atque
 obduratum uideris, tunc cum tristitia & luctu medici-
 nam respuentem, ab Ecclesia abscinde. Tollite enim
 „ malum de uobis, & timoratos facite filios Israel. Et rur-
 „ sum, Non accipies personam diuitis in iudicio, & pau-
 „ peris non misereberis in iudicio, quoniam iudicium
 „ Domini est.

Exo. 23.

Quòd oportet Iudicem, non esse acceptorem personarum.

CAP.

XXXVI.

QUOD si falsa fuerit criminis accusatio, uosque pastores unà cum Diaconis uel ob personarum gratiam, uel ob munerum pactionem falsum pro uero acceperitis, uolentes criminatori gratificari, reumque accusatum illum quidem, sed innocentem ab Ecclesia eieceritis, rationem reddetis in die Domini. Quoniam *Exo. 23.*
 „ scriptum est, Innocentem & iustum non occides; non
 „ capies munera ut percutias animam. Munera enim ex-
 „ cæcant oculos sapientum, & perdunt uerba iusta. Et
 „ rursum, Iustificantes impium pro donis, & quod ius- *I sa. 5.*
 „ tum est à iusto tollentes. Cauete igitur à condemnan-
 „ do aliquo iniustè, & ab improbis defendendis. Væ *I sa. 5.*
 „ enim dicenti bonum malum, & malum bonum; ama-
 „ rum dulce, & dulce amarum; ponenti lucem tenebras,
 „ & tenebras lucem. Nam si alios iniustè condemnatis,
 „ ipsi contra uos pronuntiatis. quoniam ait Dominus,
 „ Quo iudicio iudicatis, iudicabimini, & quo condemna- *Matt. 7.*
 „ tis, condemnabimini. Quare si nulla personarum ratione
 „ habita, iudicaturi estis, cognoscite eum, qui falso testi-
 „ monio accusat proximum, ostenditeque esse calu-
 „ niatorem, inuidum, interfectorem, perturbatorem,
 „ oratione inconstantem, sibi pugnantem in iis, quæ lo-
 „ quitur, & uerbis proprii oris conuietum. Laqueus. n.
 „ ualidus insidet in eius labiis: quem refutatis eius men-
 „ daciis, seuerè iudica, & gladio ignis trade, facque tu
 „ in eum, quemadmodum ille cogitabat in proximum
 „ facere. Nam quod locutus est; quantum ad eum atti-
 „ net, occidit fratrem, iudicis auribus occupatis. Scri- *Deu. 19.*
 „ ptum est autem, quòd fundens sanguinem hominis,

K pro

pro sanguine ipsius effundetur, & tolles sanguinem innocentem à te effusum.

Quomodo oporteat calumniatorem punire. CAP. XXXVII.

E IICITE eum extra coetum uestrum ueluti fratris interfectorem: deinde interiecto tempore, si se poenitere confessus fuerit, premite eum iciuniis, postea manu ei imposita recipite, prius tamen fide accepta, se neminem posthac turbaturum. Quod si reuersus in Ecclesiam, eodem modo seditionem moueat, & studio contentionis comparans crimina, non desinat fratrem perturbare, & uexare; exterminate eum, ueluti hominem pestilentem, ne Ecclesiam Dei euertat. Talis enim homo ciuitatem perturbat, & si intra Ecclesiam manet (quod decorum non est) illi existit inutilis, & superfluum, inquinans, quantum in se est, Christi corpus. Nam si quidam homines, qui à suo ortu superflua membra reliquo corpori adiuncta habent, ueluti digitos, uel carnis processus, propter turpitudinem illas eminentias abscindunt, nihilque fit iis indecorum, cum per artificem naturalem corporis habitum recipiunt, quanto magis id facere debetis uos Pastores, cum sit Ecclesia corpus perfectum constans ex integris membris in Deum credentibus in timore Domini & charitate: scilicet cum inuenitur membrum aliquod superfluum, improba sapiens, & reliquum corpus deturpans, atque perturbans, seditione, contentione, detractone; affrens ei timores, molestias, maculas, detractones, crimina, perturbationes, & huiusmodi Diaboli opera: operam dans ueluti ad id delectus à Diabolo ut nihili fiat Ecclesia per blasphemias, tumultus, contentiones, dissensiones:

sensiones. Is igitur extra Ecclesiam iterum eiectus à cœtu Domini meritò abscinditur; ornatiorq; est Dei Ecclesia, quàm antea, cùm illud superfluum, & à se alienum membrum nutriebat. Ideo neq; in blasphemiam ampliùs, neque in contemptum incurrit, liberata improbis, dolosis, contumeliosis, ferocibus, proditoribus, honestati infestis, uoluptuosis, uanæ gloriæ cupidis, deceptoribus, ostentatoribus, qui sibi proposuerunt dispergere, imino uerò dissipare agnos Domini. Tu autem Episcopo stude unà cum clero tibi subiecto, rectè tractare uerbum ueritatis, quoniam dicit Dominus, Si obliquè contra me ambulatis, & ego contra uos obliquè ambulabo. Et alio in loco, Cum sancto sanctus eris; & cū innocente innocens eris, & cū peruerso peruerteris. Sàctè igitur ambulate, ut laude potius à Domino, quàm contrà reprehensione digni iudicemini.

Leu. 26.

Psa. 17.

Quòd oportet Diaconum leuare onus Episcopi & leuiora gubernare.

C A P. X X X X V I I I.

CONCORDIAM tenentes ò Episcopi, pacem inter uos seruate, misericordes & fratrum amantes, accurato studio pascite populum, unanimi mente docentes uobis subiectos eandem sententiam habere, & idem de iisdem rebus sentire. Ne sint in uobis schismata; sitis autem unum corpus & unus spiritus perfectus eadè mente, & eadè sententia secundum Domini mandatum. Atque omnia quidem Diaconus ad Episcopum referat, ut Christus ad patrem refert, sed quæ potest ipse, per se gubernet, accepta ab Episcopo potestate, ut Dominus à patre & creandi & prouidendi potestatem accepit. Grauiora Episcopus iudicet. Verùm

*Ignat. ad
Trall. ad
Mag. ad
Smirn.*

K 2 esto

CONSTIT. S. APOSTOLORVM

esto Diaconus Episcopi auditus, oculus, os, cor, anima. Nesit in multis sollicitus Episcopus, sed tantum in præcipuis, quemadmodum Ithor Mosem admonuit, & eius consilium probatum fuit.

Quòd non est conueniens Christiano controuersia, & al tercatio.

C A P. XXXIX.

PRÆCLARA Christiani laus est, cum nullo habere negotium. Quòd si ex aliqua uexatione, uel tentatione lis alicui oriatur, curet ut ea transigatur, etiam si detrimentum pati debeat; nec ad Ethnicum iudicium accedat, sed nec patiatur mundanos magistratus de nostris ius dicere. Nam per illos diabolus Seruos Dei uexat, & nobis notam inurit, quasi non habeamus nos unum sapientem, qui possit inter partes ius administrare, & controuersias componere.

Quòd non oportet fideles coràm infidelibus litigare, neq; ex ijs aliquem testem uocare aduersus Christianum. C A P. L.

NON cognoscant ergo gentes controuersias, quæ inter uos oriuntur, neque contra uos infidelium testimonia recipiatis, neque ab iis iudicari uelit, neq; *Mar. 12.* iis aliquid tribuatis commodi, metus'ue causa: Sed red dite quæ sunt Cæsaris Cæsari, quæ Dei Deo; ueluti tributum, censum, didragmum; quemadmodum Dominus noster cum dedisset staterē, molestia liberatus est. *Mat. 17.* Opta igitur potius detrimentum pati, & iis, quæ ad pacē pertinent, intende non solum erga fratres, sed etiam erga infideles. Nam si in commodis uitæ iacturam pateris, in iis, quæ ad Deum pertinent, damni nihil facis,

cis, cùm pius sis, & secundum Christi mandatum uiuas. Quòd si fratres inter se de iis rebus controuersias habent (quod absit) hoc ipso Præpositi intelligere debetis, quòd qui tales sunt, fratrum in Domino officio nō funguntur, sed potiùs, infensorum inimicorum: atque unus quidem ex ipsis inuenietur, mitis, probus, filius lucis, alius uerò immanis, contumax, iniustus. Condemnatus igitur, mulctetur, segregetur, pœnas odii aduersus fratrem pendat. Deinde si eum pœniteat, recipiatur, sicque castigati homines leuiora uobis reddent iudicia. Oportet etenim inter se condonare iniurias, non eos, qui iudicant, sed eos, quibus iniuria illata est, quemadmodum Dominus pronunciauit cùm ego Petrus eū interrogassem, Quoties in me frater meus peccabit, & remittam ei usque septies? Et ipse respondisset, Non dico tibi usque septies, sed usque septuagies septies. Tales enim Dominus uult suos esse discipulos, nihilque omnino eos habere aduersus quenquàm ueluti effrenatam iram, uel immanē furorem, uel iniustam cupiditatem. Ira perturbatos igitur reducite in amicitiam, inimicitias irretitos in concordiam, quoniam ait Dominus, Beati pacifici, quoniā ipsi filii Dei uocabuntur.

Mat. 18.

Matt. 5.

Quòd oportet in secunda sabbatorum cognoscere causas. CAP. LI.

IUDICIA uestra fiant in secunda sabbatorum, ut si qua controuersia ex sententia uestra oriatur usque ad sabbatum, libera sit uobis facultas, qua possitis illam controuersiam componere, & pacem conciliare inter eos, qui litigant. Adsint autem iudicio Diaconi & Presbyteri integrè iudicaturi, ueluti Dei homines cum iustitia. Cùm utraque persona uenerit, prout lex iubet,

iubet, ambo qui litigant, statuuntur in medio tribuna-
li, iisque auditis, sanctè iudicium pronunciate; stu-
dentes ante sententiam Episcopi, eos conciliare, ne
exeat supra terram iudicium in peccatorem, prout in
tribunali consortem participemque causæ habet Chri-
stum Dei. Quòd si qui, eo quòd non rectè ambulant
in Domino, de blasphemiiis erunt ab aliquo redargu-
ti, eodem modo audite utramque personam, accusa-
toris & rei, non corrupti muneribus, neque in alte-
ram partem propensi, sed cum iustitia tanquàm uitæ
Dent. 16. æternæ mortisque sententiam ferentes. Iustè enim
(inquit) Quod iustum est, persequeris. nam qui iure
à uobis supplicio afficitur, atque eiicitur, à uita, glo-
riaque æterna expellitur, & apud homines sanctos, in-
famia notatus, & apud Deum iudicatus habetur.

*Quòd non oportet pro omni delicto eandem pœnam inferre, sed
differentem pro uarietate peccati. CAP. LII.*

NOLITE pro omni peccato eandem sententiam
ferre, sed unicuique propriam pœnam statuite
cum multa prudentia, iudicantes singula delicta par-
ua ac magna; atque aliter quidem æstimabitis pecca-
tum operis, uel sermonis; aliter propositi uel conuicii,
uel suspicionis. Atque alios quidem minis subiicies, a-
lios subsidiis pauperum, alios ieiuniis affliges, alios
segregabis pro delicti magnitudine. Nam lex quoque
non omnibus delictis eandem pœnam decreuit, sed
aliter puniebat quæ in Deum, & quæ in sacerdotem,
& in sacrum, & in hostiam committebantur; aliter quæ
in Regem, & Principem, atque ea, quæ in militem,
& in subditum æqualem, siue quæ in seruum uel in bo-
na,

na, uel in bruta delinquebantur. Et rursum non erat eadem ratio peccati in parentes, atque consanguineos, & non eodem modo uindicabantur, quæ ex proposito fiebant, & quæ casu, atque illis quidem mors per crucem, uel per lapides pœna statuebatur; iis multa uel uerbera, uel talionis pœna. Quare uos quoque diuersis delictis diuersas pœnas imponatis, ne fortè aliqua iniuria interueniens, prouocet Deum ad iram. Nam si quod iniustum iudicium exercebitis, eius à Deo mercedem capietis. Sicuti enim iudicio iudicatis, iudicabimini. *Matt. 7.*

Quales oporteat esse accusatores, & iudices. CAP. LIII.

SEDENTES igitur pro tribunali, præsentibus ambabus personis (non enim eos dicemus fratres, quousque pacem inter se conciliauerint) exquirite diligenter de iis, quæ in iudicium adducuntur. Et primùm de accusatore, an nunc primùm accusauerit, an aliorum nomen detulerit; num ex similitudine ipsorum, uel ex contentione crimen natum uideatur: qualis sit eius uitæ consuetudo, ac cum talis bonæ conscientiæ reperi- tus fuerit, tamen non habeatur fides soli. Est enim id contra leges, sed habeat is alios testes similibus moribus præditos, prout lex iubet, In ore duorum uel trium stabit omne uerbum. Eam autem ob causam diximus, mores illorum inuestigandos esse cuiusmodi sint, quoniam sæpenuerò euenit, ut duo uel plures in re mala testimonium dicant, & concorditer falsum defendant, quod factum est Babylone à duobus senibus in Susannam, & Samariæ à filiis iniquorum in Nabuthæ, & in Ierusalem à multitudine Iudæorum in Dom-
minum *Matt. 18.*
Dan. 13.
3. Reg. Cap. 21.

minum, & in Stephanum eius protomartyrem. Testes igitur sint mites, iræ expertes, boni, charitate præditi, temperantes, continentes, ab improbitate alieni, fideles, pii. nam talium hominum, propter mores firmum, & propter uitam eorum uerum censendum est testimonium. illorum, qui tales non sunt, testimonium nolite probare, etiam si aduersus aliquem concordēs esse uideantur. Præceptum est enim in lege, Non eris cum multis in malicia; Non accipies auditum uanum; Non sedebis cum multitudo ut declines iustum. Rursum reum quoque cognoscere debetis qua consuetudine, ac quibus moribus sit, si probatæ uitæ, si sine crimine, si sanctitatem amplectatur, si uiduarum, peregrinorum, & pauperum curam habeat, si fratres diligat, si turpis lucri cupidus non sit; non uorator, non pecuniarum direptor, si sit temperans, ac non asotus, uel ebrius, uel helluo, si sit clemens, & ad largiendum paratus.

Exo. 23.

33

*Quòd fieri potest, ut alicui ex prioribus malis in secundis
habeatur fides.* CAP. LIIII.

SI enim ille præteritorum delictorum habet præiudicium, iam ex parte aliqua uera putanda sunt crimina, quæ ei nunc obiciuntur, nisi ius ipsi faucat. Fieri enim potest, ut ille aliquando peccauerit, à præsentī uerò crimine innocens sit. Quare in iis diligenter inuigilantes, in reum cautas firmasque sententias proferte. ac si post segregationem is ueniam petat, procumbatque Episcopo, & peccatum confiteatur, recipite ipsum, neque illum calumniatorem impunitum dimittatis, ne in alium rectè uiuentem calumniam excogitet,

cogitet, ne'ue aliquem alium inuitet ad eadem facien-
dum. Neque uerò conuictum sine nota relinquantis,
ne alius in eandem culpam incidat. Nam nec testis
prauorum impunitus manere debet, neque delin-
quens pœnam effugere.

Quòd non oportet in iudicijs alteram tantùm partem audire.

C A P.

L V.

DICIMVS non oportere iudicia ex altera tantùm
parte constituere: nam si unam tantùm personam
audiueritis absente altera, neque se defendente aduer-
sus obiectum crimen, temereque sententiam damna-
tionis tuleritis, rei interitus, & participes criminis
esse apud Deum iustum iudicem reperiemini. Nam
qui alterius iudicio præest, similis est eius, qui cau-
dam canis manibus tenet. Quòd si Babylonios senes
imitati fueritis, qui falso testimonio dicto Susannam
morti addixerunt, illorum iudicio ac pœnæ obstricti
eritis, quoniam Susannam Dominus per Danielem è
manu iniquorum eripuit; eos uerò, qui sanguinis il-
lius rei erant, igni adiudicauit; uos autem per ipsum
,, increpauit dicens, Sic facti filii Israel nōn iudicantes, *Dan. 13.*
,, neque, quod uerum est, cognoscentes, condemnastis
,, filiam Israel, reuertimini ad iudicium, quia falsum te-
stimonium locuti sunt contra eam.

*Exempla iusti iudicij, externorum iudicum in sententijs
cautio.*

C A P.

LVI.

ASPICITE mundana iudicia, quorum potesta-
ti uidemus tradi homicidas, adulteros, ueneficos,
L sepul-

sepulchrorum perfossores, latrones; de quibus cū quæsiuerunt præfecti iudicio, ab iis, qui illos in iudiciū adduxerunt, demum interrogant reos, an illa ita se habeant? Quibus affirmantibus, non continuò eos ad supplicium mittunt, sed per plures dies quæstiones exercent cum multo consilio, & uelo interiecto. Tandem uerò is, qui sententiā mortis in reum pronunciaturus est, sublatis manibus aduersus solem, se innocentem ab illius sanguine contestatur. Quod illi faciunt quam Ethnicī, & diuini numinis ignari, ultionisquē à Deo propositæ propter innocentem damnationem.

Quòd non oportet fideles contra se inuicem aliquid habere.

C A P.

L V I I.

Vos uerò cū sciatis quis sit Deus uester, & cuiusmodi sint eius iudicia; quoniam nam modo poteritis prauo animo in aliquem iudicii uestri sententiam ferre; quæ statim à Deo cognoscitur? Ac si iustè iudicatis, iusta præmia capietis nunc & in futurum; si iniustè, paria consequemini. Nos ergo fratres consulimus uobis, ut à Deo potius laudem, quàm uituperationem consequi uelitis; quoniam laus hominum à Deo uita æterna est, quemadmodum contrà mors æterna paratur. Quare estote iusti iudices, pacifici, iracundia uacantes: nam qui sine causā irascitur fratri, reus erit iudicio. Quòd si accidat ex casu aliquo commoueri uos in aliquem, sol non occidat super iracundiam uestram. Irascimini (inquit Dauid) & nolite peccare. hoc est cito conciliamini, ne ira confirmata, recordatio offensionum fiat, & peccatum efficiat. Animæ enim recordantium mala in mortem, inquit Solomon.

Eph. 4.

Ps. 4.

mon. Dicit autem Dominus noster & Saluator Iesus Christus in Euangelio, Si offers donum tuum ad altare, & ibi recordatus fueris quòd frater tuus habet aliquid contra te, dimitte ibi munus tuum ante altare, & uade prius & reconciliare fratri tuo, & tunc ueniens offer donum tuum. Donum autem, quod Deo offertur, est cuiusque oratio & Eucharistia. Quare si quid aduersus fratrem tuum habes, uel ipse aduersus te, nec orationes tuæ exaudientur, neque Eucharistiæ tuæ recipientur propter subiectam iracundiam. Oportet autem assiduè orare fratres. Sed quoniam Deus eos, qui in iracundia iniustè cum fratribus inimicitias habent, non exaudit etiam si ter in hora orauerint; ideo necesse est omnes inimicitias, & animi imbecillitatem deponere, ut corde puro & immaculato orare ualeamus. Quanquam inimicos quoque diligere Dominus præcepit: minimè uerò amantes odio habere.

„ Et legislator inquit, Non odio habebis omnem hominem; non habebis odio fratrem tuum mente tua: redargutione redargues fratrem tuum, & non accipies per ipsum peccatum: non odio habebis Aegyptium, quoniam aduena fuisti apud eum; non odio habebis Idumæum, quoniam frater tuus est. Et Dauid dicit, Si retribui retribuētibus mihi mala. Quare si uis Christianus esse, sequere legem Domini: solve omne uinculum iniquitatis: in te enim Dominus potestatem reposuit dimittendi peccata fratri, quæ in te commissæ sunt usque septuagies septies, hoc est ad quadringenta nonaginta. Quoties igitur dimisisti fratri tuo, ut nolis eidem etiam nunc dimittere? Quanquam Zachariam audiuiſtis dicentem, Vnusquisque malum proximi uestri ne cogitetis in cordibus uestris.

Matt. 5.

Leu. 19.

Dent. 23

Ps. 7.

Zach. 8.

CONSTIT. S. APOSTOLORVM

Tu uerò tamen iniuriarum memor es, & conseruas inimicitias, & ad iudicium uocas, atque iram respicis; & oratio tua impeditur. Quòd si quadringenta nonaginta offensiones dimisisti fratri tuo, tamen auge præterea mansuetudinem tuam in bonitatem per te ipsum; & quamuis ille non faciat, tu tamen stude dimittere proximo, ut efficiaris filius Patris tui, qui est in cœlis, & cùm oraueris, exaudiaris tanquàm amicus Dei.

Quòd oportet Episcopos ea, quæ pertinent ad pacem, suggerere laicis per Diaconos. CAP. LVIII.

Mat. 10.

IDEO, ò Episcopi, cùm ad orationem peruenietis post lectionem, post psalmodiam, post Scripturarum doctrinam, Diaconus astans prope uos, alta uoce dicat, Ne quis contra aliquem; Ne quis in hypocrisi. Vt si inter aliquos dissensio reperta fuerit, conscientia perculsi rogent Deum, concilienturque cum fratribus. Etenim si domum aliquam intrantes ante omnia dicere debent, Pax huic domui, ueluti pacis filius, pacem largientes iis, qui ea digni sunt, uti scriptum est, uicinis & longinquis, quos nouit Dominus, quòd sunt sui, multo magis eos, qui Ecclesiam Dei ingrediuntur. Oportet in primis pacem precari. Quòd si quis aliis eam precatur, multo magis ipse in pace reperiatur, ueluti filius lucis. Nam, qui illam in se non possidet, non est dignus, qui eam aliis concedat. Ideò opus est ut in primis habeat pacem ipse. Nam, qui ipse secum non dissidet, neque cum alio contendet, sed erit pacificus, amicabile, congregans quæ Domini sunt, cooperatore eius factus ad multiplicandum ei illos, qui salui fiunt in concordia. Qui enim inimicitias & dis-

fidia

fidia excogitant, nec non contentiones ac iudicia, improbi & alieni à Deo iudicantur.

Communeratio uariae prouidentiae, & quemadmodum Deus à principio per quamlibet generationem uocauit omnes ad poenitentiam. CAP. LIX.

DEVS enim cùm misericordiae Deus sit, à principio singulas generationes ad poenitentiam uocauit per iustos ac Prophetas. Atque illos quidem, qui ante diluuium fuerunt, per Abel, & Sem, & Seth, praeterea per Enos, & per Enoch, qui fuit translatus, instituit: eos, qui in diluuiio reperti sunt, per Noe; qui erat Sodomis, per hospitalem Lot; eos, qui post diluuium nati sūt, per Melchisedech, per Patriarchas, per sanctū Iob; qui in Aegypto fuerunt, per Mosē; Israelitas per eūdem Mosē, & per Iesum Leb, Phinees & reliquos; eos, qui post legem fuerunt, per Angelos, & per Prophetas; eosdem per propriam incarnationem ex Virgine factam; illos, qui fuerūt paulò ante eius corporalem manifestationem, per praecursores Ioannem: eosdem per eundem, etiam post natiuitatem ipsius (Dicebat. n. *Matt. 3.*) Poenitentiam agite, appropinquauit enim regnum coelorum) eos, qui post eius passionem fuerunt, per nos duodecim, & per uas electionis Paulum. Nos ergo, qui digni facti sumus, ut essemus testes aduentus ipsius cū Iacobo fratre Domini, & aliis septuaginta duobus, & septē Diaconis eius ex ore Domini nostri Iesu Christi audiuius, & perfectè scientes dicimus, quae sit uoluntas Dei bona, placens & perfecta per Iesum Christum nobis demonstrata, ut nullus intereat, sed uniuersi homines unanimi sententia credentes ei, & unanimē laudem ferentes in eum, uiuant in aeternum.

Quod

Quòd uoluntas Dei est, ut omnes homines sint concordēs in pietate ad imitationem cœlestium Virtutum. CAP. LX.

Mat. 12.

HOC est enim illud, quod docuit nos Dominus dicere Patri suo, cùm oramus, Fiat uoluntas tua sicut in cœlo & in terra, ut quemadmodum cœlestes naturæ incorporearum uirtutum omnes concorditer glorificant Deum, ita & in terra omnes hominēs uno ore, unoq̃ue affectu glorificent solum Deum, unum, ac uerum per unigenitum Christum. Voluntas igitur sua est laudari ipsum concorditer, adorari unanimiter. Ea est enim uoluntas ipsius in Christo, ut multi sint, qui saluentur in ipso. nec ei damnum demus, neque Ecclesiam extenuemus, neq; numerū minuamus per unam animam hominis à nobis interemptam, quæ cùm potuisset saluari per pœnitentiam, periit non modò per propriam iram, sed etiam per uestras insidias, & impleuistis quod scriptum est, Qui non congregat mecum, dispergit. Ac cū talis dissipator fueris, eris etiam ouium aduersarius, Dei inimicus, agnorum corruptor, quorum Dominus pastor fuit; nos congregatores ex uariis gentibus & linguis in multo labore, in periculo, in fatione assidua, in uigiliis; ieiuniis, humi cubationibus, persecutionibus, plagis, carceribus, ut Dei uoluntati obsecuti implemus triclinium recumbentium, hoc est sacram & catholicam Ecclesiam gaudentibus & exultantibus iis, qui sunt uocati; laudantibusq; & glorificantibus Deum, qui illos per nos ad uitam uocauit. Vos igitur quoad per uos fieri potuit, dispersistis, Vos uerò laici pacem inter uos seruare studentes Ecclesiam amplificare, & eos, qui putantur agrestes, ad illam reducere; mansuefacere, atque restituere. Ea q̃ue sum
ma

ma repromissionis merces à Domino proponitur. Si *Ier. 3.*
separaueris ab indigno dignum, & preciosum, quasi
os meum eris.

*Descriptio Ecclesiæ & Cleri, & quid unus quisque ex congregatis Cle-
ricis & Laicis in Synaxi facere debeat.*

CAP. LXI.

TV uerò ò Episcopo esto sanctus, uacans culpa, nō
percussor, non iracundus, non immanis, sed ædifi-
cator, conuersor, paratus ad docendum, patiens, beni-
gnus, mitis, longanimis, monitor, consolator tanquàm
Dei homo. Cùm uerò Ecclesiam Dei conuocas, uelu-
ti magnæ nauis gubernator, iube cum omni sciētia cœ-
tus celebrari, præcipiens Diaconis tanquàm nautis, ut
disponant loca fratribus, tanquàm Epibatis cum omni
diligentia & sanctitate. Ac primùm sit longa domus,
ad Orientem, conuersa, ex utraque parte pastophoria
habens ad Orientem, quæ nauis habeat similitudinem:
In eius medio sit Episcopi sedes, ad cuius utrunque la-
tus confideant Presbyteri, & Diaconi assistant succin-
cti & expediti. Hi enim sunt ad nautarum & muralium
præfectorum similitudinem. Horum cura laici in altera
fedeant cum omni quiete & ordine; mulieres quoque
separatim sedeant, silentium seruantes. Medius Lector è
loco superiori stans, legat libros Mosis, Iesu Nauæ, Iudi-
cum, Regnorum, Paralipomenon de reditu: præterea
Iob, Solomonis, sexdecim Prophetarum; seruata le-
ctionum uicissitudine. Alius Dauid hymnos canat, &
populus initia uersuum concinat. Post hæc acta no-
stra, & Epistolæ Pauli cooperatoris nostri, quas ad Ec-
clesias misit secundum institutionem Spiritus sancti.

Deinde

Deinde Diaconus uel Presbyter legat Euangelia, quæ ego Matthæus, & Ioannes uobis tradidimus, & cooperatorum Pauli Lucas, & Marcus accepta uobis reliquerunt. Ac cum Euangelium legitur, omnes Presbyteri, Diaconi, & Laici assurgant cum magno silentio: *Deu. 27.* Scriptum est enim, Tace & audi Israel. Et rursum, Tu *& 5.* uerò hic sta, & audies. Deinde uerò moneant Presbyteri populum, ut sedeant, sed non omnes, ac postremus omnium Episcopus, qui gubernatori est similis. Maneant autem Hostiarii ad introitus uirorum, illos custodientes: Diaconissa ad introitus fœminarum more nauticorum custodum. Nam in tabernaculo testimonii eadē seruabatur forma cum populo Dei. Si quis inueniatur extra locum sedere, increpetur à Diacono ueluti prœreta, & in suum locum reducat. Non solum enim nauis, sed etiam mandræ habet Ecclesia similitudinem: nam sicut pastores pecudes, capras inquam, & oues secundum genera & ætates separant, & quælibet sui generis similes sequitur; sic in ecclesia iuniores seorsum sedeant si fuerit locus, alioqui maneant recti, grandiores natu ordine sedeant, pueros stantes recipiant eorum patres & matres. Adolescentulæ rursum, si sit locus, seorsum maneant: cæteroqui post mulieres stent; nuptæ, & quæ iam liberos habent, seorsum maneant; Virgines & uiduæ & anus primæ omnium uel stent, uel sedeant. Diaconus autem loca uideat, ut quilibet ingrediens in suum locum concedat, ac præter decorum ne sedeant. Eodem modo Diaconus attendat in populo ne quis murmure, neuè conuiueat, uel nutet. Oportet enim in ecclesia accuratè, sobriè, uigilanter manere, attentas aures habentem ad Domini sermonem. Post hæc omnes simul assurgentes, & ad Oriëntem conuersi

ureſi poſt Catechumenorum , & pœnitentum exitum ſupplicent Deo cœlum cœli tenenti , idq̃ue ad Orientem , in memoriam ueteris poſſeſſionis Paradifi ad Orientem poſiti , unde primus homo contempto mandato , ſerpentis conſilio obtemperans , expulſus fuit. Diaconi, abſoluta oratione, alii oblationi Eucharistiæ ſint intenti , miniſtrantes corpori Domini cum timore, alii turbas uideant, quietemq̃ue illis imperent . Dicat autem qui aſſiſtit Pontifici Diaconus populo, NE QVIS CONTRA ALIQVEM. NE QVIS IN HYPOCRISI. Deinde ſalutent inter ſe uiri , & inter ſe mulieres oſculo in Domino, ſed caueant ne quis doſoſè id faciat quẽadmodũ Iudas Dominũ oſculo tradidit. Poſtea Diaconus oret pro omni Eccleſia , proq̃; uniuerſo Mundo; pro ſuis partibus ac membris, itẽ pro ſacerdotibus, pro Principibus, pro Pontifice, pro Rege, atq; pro cõmuni pace. Deinde Pontifex populo precatus pacẽ, eidẽ benedicat, quẽadmodum Moſes mandauit ſacerdotibus, ut benedicerent populo his uerbis, Benedicat

„ tibi Dominus, & cuſto diat te, oſtendat Dominus faciẽ

„ ſuam ſuper te, & det tibi pacem. Item Epiſcopus oret, ac dicat , Saluum fac Domine populum tuum , & benedic hæreditati tuæ , quam poſſediſti , & acquiſuiſti preſoſo ſanguine Chriſti tui, & uocaſti regale ſacerdotium, & gentem ſanctam . His perfectis ſacrificium peragatur aſtante omni populo atque ſecretò orante. Ac poſtquàm oblatum fuerit, accipiant ſinguli per ſe , ordine, dominicum corpus, & preſoſum ſanguinem gradatim cum pudore, ac timore tanquàm ad Regis corpus accedentes; mulieres quoque uelato capite, quẽadmodum eas decet, ordine accedât. Cuſtodiâtur portæ, ne quis infidelis , uel non dum initiatus ingrediatur.

SI quis uenit à parœcia frater : uel soror commenda-
titias literas afferens , cognoscat de iis Diaconus ;
exquirens, an fideles sint, an ecclesiastici, an ab hæresi
non deprauati : & rursus sit ne nupta uel uidua. atque
ita cùm perspexerit illorum statum , quòd sunt uerè fi-
deles & concordés in dominicis rebus , deducat unum
quemque in conuenientem sibi locum . Si Presbyter à
parœcia uenerit, recipiatur à Presbyteris in communio-
nem ; Si Diaconus, recipiatur à Diaconis ; Si Episcopus ,
unà cum Episcopo sedeat , eundem ab illo obti-
nens honorem. Rogabisque eum , ò Episcope , ut ser-
mones habeat ad populum ad docendum accommoda-
tos , peregrinorum enim adhortatio & admonitio ualde
accepta, atque uehementer utilis esse consueuit. Nul-
lus enim Propheta , inquit , acceptus est in patria sua.
Permites etiam ei Eucharistiam offerre ; si propter re-
uerentiam ueluti sapiens , scilicet honorem tibi reser-
uans, noluerit Eucharistiam offerre , coges eum ut uel
populo benedicat . Si cùm sedet is , alius quidam in-
terueniat honestus & clarus in uita peregrinus , uel in-
digena ; tu Episcope qui fortè uel uerbum Dei prædi-
cas, uel Cantorem aut Lectorem audis, noli illius perso-
næ obsequio ministerium uerbi relinquere , ut illi pri-
mum confessum præcipias , sed mane quietus non in-
terrumpens sermonem , uel auditionem tuam ; fratres
autem per Diaconos eum recipiant. Si locus desit, Dia-
conus excitato eo , qui iunior fuerit , non tamen iram
adhibens, sed persuasionem, illum in sede colloceat. Est
autè æquum ut beneuolus frater id per se faciat . Quòd
si re-

si renuerit, illum ui deturbatum post omnes statuat, ut discant reliqui præstantioribus cedere. Si inops aliquis uel obscurus, uel aduena uenerit siue senex, siue adolescens ætate is sit, locusq; desit, ei locum ex toto corde prouideat Diaconus, ne personis gratificari uideatur, sed à Deo ministerii gratiam inire. Idem seruet Diaconissa cum aduenientibus mulieribus pauperibus siue diuitibus.

Quòd oportet manè & uespere cætus frequentare.

C A P. L X I I I.

CVM doces, ò Episcopo, iube & hortare populum ecclesiam frequentare manè ac uespere quotidie, nunquamq; abesse omnino, sed assiduè unumquemq; conuenire, nec ecclesiam mutilare se ipsum subtrahentem, neq; truncum Christi corpus reddere. Non enim solum de sacerdotibus dictum est, sed quilibet Laicus de se id audiat cogitans dictum à Domino, Qui non est mecū, contra me est; & qui non congregat mecum, dispergit. Nolite ergo uos, membra Christi cū sitis, dispergi, cætus non celebrando, Christū caput habentes, secundum promissionem suam, adiunctum & consociatum uobis. Nec ipsi uosmet negligatis, neque Saluatorem propriis membris destituatis, neque eius corpus scindatis, neque ipsius membra dissipetis, neque huius uitæ necessaria diuino uerbo anteponatis, sed quotidie conueniatis manè ac uespere psallētes atque orantes in dominicis, manè dicentes psalmū sexagesimum secundum, uespere centesimum quadragesimum, maximè uerò hoc seruetis in sabbato & in die resurrectioni dicato. Verum in die dominico diligentius conue-

M 2 nite,

nite , laudem Deo laturi , qui per Iesum cuncta condidit , & illum ad nos misit , atque mori permisit ; & à mortuis excitauit . Nam quam excusationem afferre potest Deo , qui in hoc die non conuenit ad audiendum salutarem de resurrectione sermonem , in quo tres orationes stantes concipimus in memoriam illius , qui tertia die resurrexit , in quo Prophetarum lectio habetur , & Euangelii prædicatio , & sacrificii oblatio , atque sacri cibi dispensatio ?

Exemplum nos ad imitationem inducens , ductum ex Græcorum , & Iudæorum uano concursu ad templa , & Synagogas.

C A P . L X I I I .

QVOMODO nō hostis Dei habēdus est is , qui in tēporalibus diu noctuq , est occupatus , æterna uerò contemnit ? ac balnea quidem & caducum cibum quotidie frequentat , quæ uerò perpetuò manent , non curat ? Quomodo non dicet Dominus huic , Iustificatæ sunt gentes supra uos ; quemadmodum Israeli im
 „
Mat. 11. properans dicebat , Iustificata est Sodoma ex te . Nam si gentes de somno quotidie excitatæ concurrunt ad Idola , ut illa uenerētur , & priusquàm opus actionē uel aliquam instituant , illis supplicant , & à festis celebratibusque eorum se non subducunt , sed in iis sunt intenti non solū indigenæ , sed etiam qui longè absunt , atque in Theatra tanquàm in Synagogas conueniunt . Eodem modo qui frustra Iudæi nominantur , post sex dierum cessationem , septimo die in Synagogam conueniunt , & uacationis Synagogæque suæ rationem habent (qui tamen in sua infidelitate uirtute uerbi sunt priuati , præterea uerò ipsius nominis , quo appellātur , uim proprietatemque amiserunt , Iudas enim confes-
 fio

fio est, ii autem non sunt confitentēs Deo, cūm Christi passionem per scelus effecerint, ut per poenitentiam salutem adipiscantur) si igitur qui non saluantur in iis, quæ sine fructu faciunt, sunt assidui; tu qua excusatione uteris cum Deo, qui Ecclesiam eius derelinquis, nec gentes imitaris; sed eo derelinquis, uel quia te das ignauia, uel quia deficere cogitas, uel alicui malo studes. Quibus dicit Dominus per Ieremiam, Iustitias meas non custodistis, sed neque secundum iustitias gentium ambulastis; paulò minus & superastis illos. Et rursum, Iustificauit animam meam Israel ab incomposita Iudæ, & deinceps, Si mutabunt gentes deos ipsorum, & ii non sunt dii, quoniam pertransistis ad Insulas Chetim, nisi & uideris. Et in Cedar misistis. & cogitate uehementèr si facta sunt hæc, quoniam illa non mutant sua legitima, populus etiam meus mutauit gloriam ipsius, de qua non iuuabitur. Ergo qua defensione utetur is, qui negligit, uel deserit Ecclesiam Dei?

Hæc sententia est in Ezech. 16. Ier. 3. Ier. 2.

Quòd nefas est res mundanas diuinis præferre. CAP. LXV.

QVOD si quis occasionem proprii operis opponens, negligens fuerit, excusando excusationes in peccatis; sciat is, artes fidelium succisiuas, propriam eorum operam, pietatem esse. Artes igitur uestras in succisiuis subsecundariisque operis ponite, ut uictui uestro inferuiant: opere autem pietatem colite, quemadmodum Dominus dicebat, Operamini non cibum, qui perit, sed manentem in uitam æternam. Et rursum, Hoc est opus Dei ut credatis in eum, quem misit ille. Conamini igitur nunquam Ecclesiam Dei relin-

Ioan. 6.

relinquere. Quòd si quis ea neglecta, in gentium con-
 scelerata templa fuerit ingressus, uel in Iudæorum Sy-
 nagogam, uel Hæreticorum, is quam excusationem
 apud Deum inueniet in die Iudicii? quia uerba Dei ui-
 uentis reliquit, uiuentia ipsa uitamque tribuentia, quæ
 possunt æterno supplicio liberare, & ad ædem Dæmo-
 niorum se contulit, uel ad Synagogam interfectorum
 Christi, uel ad Ecclesiam malignantium, non audito
Psal. 25. eo, qui dixit, Odi Ecclesiam malignantium, & cum
Psal. 1. iniqua gerentibus non ingrediare. Et rursum, Bea-
 tus uir, qui non ambulauit in consilio impiorum, & in
 uia peccatorum non stetit, & in cathedra pestilentium
 non sedit, sed in lege Domini uoluntas eius, & in le-
 ge eius meditabitur die ac nocte. Tu uerò relicto Fi-
 delium cœtu, Dei Ecclesia ac legibus, respicis spelun-
 cas latronum, sancta ducens, quæ ille nefaria esse uo-
 luit, & communia faciens, quæ illæ, separauit; non so-
 lumque id facis, sed etiam ad Græcorum ludos curris,
 & ad Theatra properas, expetens unus ex uenientibus
 eò numerari, & particeps fieri audituonum turpium ne
Ier. 15. dicam abominabilium: nec audisti Ieremiam dicen-
 tem, Domine non sedi in consilio ludentium, sed ti-
Iob. 31. mui à conspectu manus tuæ. neque Iob dicentem si-
 milia, Si uerò & cum irrisoribus ambulaui aliquando,
 appendor enim in statera iusta. Quid uerò cupis Græ-
 cos sermones percipere hominum mortuorum, affla-
 tu Diaboli tradentium ea, quæ mortem afferunt, fi-
 dem euertunt, ad deorum multitudinem credendam
 inducunt eos, qui ad illa attentionem adhibent. Vos
 uerò diuinis legibus inuigilantes, uitæ huius necessi-
 tatibus putate eas præstantiores, maioremque iis ho-
 norem deferentes, conuenite ad Ecclesiam Domini,
 quam

quam acquisiuit sanguine Christi dilecti primogeniti
 omnis creaturæ. Ea est enim altissimi filia, quæ par-
 turit nos per uerbum gratiæ, & formauit in nobis
 Christum, cuius participes facti sacra membra existi-
 tis, & electa, non habentia maculam neque rugam, *Eph. 5.*
 neque aliquid huiusmodi, sed tanquàm sancti & irre-
 prehensibiles in fide perfecti estis in ipso; secundum
 imaginem eius, qui creauit uos.

Quòd oportet declinare omnes Græcorum impietates.

C A P.

L X V I.

CA V E T E igitur ne conuentus celebretis cum iis,
 qui pereunt, quæ est Synagoga gentium ad dece-
 ptionem & interitum. nulla est enim societas Dei cum
 Diabolo: nam qui congregatur unà cum iis, qui cum
 Diabolo idem sentiunt, unus ex ipsis connumerabi-
 tur, & uæ habebit. Fugite quoque indecora specta-
 cula Theatra (inquam) & Græcorum ludos, incanta-
 tiones, ariolationes, uaticinia, lustrationes, aruspici-
 nam, auguria, necromantiam, inuocationes, quo-
 niam scriptum est, Non erit augurium in Iacob, ne-
 que uaticinium in Israel. Et rursum, Augurium pec-
 catum est. Et alibi, Non augurabimini, & ariolatio-
 nes, diuinationes, & Pythones non sequemini, lustrato-
 res non acquiretis. Ideo monet Ieremias dicens, Secun-
 dum uias gentium ne ambulaueritis, & à signis cœli
 ne timueritis. Propterea oportet fidelem fugere impio-
 rum coetus Græcorum ac Iudæorum, reliquorumque
 Hæreticorum, ne ubi unà cum eis degimus, animis no-
 stris laqueos paremus, & ne ubi in eorum festis uersa-
 mur, quæ in honorem Dæmonum celebrantur, cum
 eis

Deut. 18.

Ier. 10.

CONSTIT. S. APOSTOLORVM

eis habeamus societatem impietatis. Vitandi quoque sunt illorum mercatus, & qui in iis sunt ludi. Fidelem enim oportet ad mercatum tantum comparere, ut corpusculum emat, & animam acquirat, atque alia quædam ad usus necessarios comparet. Vitate igitur omnem Idolorum pompam, speciem, mercatum, conuiuia, gladiatores, denique omnia dæmoniaca spectacula.

Quòd non oportet otiosum comedere, sicuti Petrus Piscator, & alij Apostoli; Paulus uerò & Aquila scenas faciebant, Iudas, & Iacobus agricolæ erant. narrat Hegesippus & Tertullianus Romanus. CAP. LXVII.

QUI in Ecclesia iuuenes estis curate in omnibus rebus necessariis sedulò ministrare, cum omni sanctitate operis uestris uacate, ut omni tempore, & uobis & egentibus suppeditare possitis, ne Ecclesiam Dei oneretis. Etenim nos quoque uacantes uerbo Euangelii succisuias operas non negligimus. Alii enim ex nobis piscatores sunt, alii scenarum artifices, alii agricolæ, ne unquam otiosi simus. Dicit autem quodam in loco Solomon, Vade ad formicam, & piger, et imitare uidens uias ipsius, & fias illa sapientior. Illi. n. cum agricolatio non sit, neq; cogentem habeat, neq; domino subdatur, parat in æstate cibum, multamq; in messe facit congregationem. Et accede ad apem, & disce quàm operaria sit, & opus quàm graue negocietur, cuius labores Reges & idiotæ ad sanitatem adhibent: est autem desiderabilis & gloriosa quemadmodum est uiribus in firma. Et deinceps, Quousque tandem piger iacebis, quando de somno excitaberis, parum dormis, parum sedes;

pau-

„ paululùm dormitas , paulùm autem suffarcinas mani-
 „ bus pectora, postea adest tibi sicut malus uiator pauper
 „ tas , & egestas tanquàm bonus cursor. Si uerò impiger
 „ fueris, ueniet sicut fons messis tua, & egestas tanquàm
 „ malus uir transfugiet. Et rursum , Qui laborat terram *Prou. 12*
 „ suam , replebitur panibus. Et alio in loco , Piger com- *Eccl. 4.*
 „ plicat manus suas , & comedit carnes suas . Et dein- *Prou. 19*
 „ ceps , Abscondens piger manus suas , non poterit ap- *Eccl. 10.*
 „ plicare ad os suum . Et rursum , Propter pigritiam
 „ manuum humiliabitur contignatio . Laborate
 ergo assiduè, est enim otiosi reprehensio ir-
 reparabilis . Si quis non laborat , hic
 apud uos non manducet, otiosos e-
 nim odit Dominus Deus noster:
 Nemo enim ex iis , qui Deo
 uacant , esse debet
 otiosus .



CONSTITVTIONVM

SANCTORVM APOSTOLORVM

B. CLEMENTE ROMANO

A V C T O R E ,

L I B E R , T E R T I V S .

De Viduis.

C A P . P R I M V M .

1. ad
Tim. 5.



Ecc. 17.

3. Reg.
17.

I D V A S constituite non minores annis sexaginta, ut quodammodo propter illarum ætatem sitis certi eas bigamiæ suspitione uacare. Si iunior in uiduali statu constitueritis, & illa non ferens in iuuentute uiduitatem, nupserit, dedecorabit gloriam uidualis gradus, & rationem Deo reddet, non quoniam secundas nuptias secuta est, sed quoniam suam professionem non seruauit, luxuriata Christo. Quare oportet non temere facere professionem, sed cum consilio & consideratione: præstat enim eam non uouere, quàm uouere & non reddere. Si autem aliqua adulescentior sit, quæ cum breui tempore uirum suum habuerit, illumque uel per obitum, uel per aliquam aliam occasionem amiserit, per se manere uoluerit, donum habens uiduitatis, beata hæc inuenietur imitata Sidoniam illam uiduam in Sarephtha, cuius hospitio sanctus Dei propheta Helias est usus. Talis mulier similis erit Annæ filiæ Phanuelis de Tribu Aser, quæ à templo non discedebat diu noctuque inuigilans precibus, & supplicationibus; quæ nata annos octuaginta quatuor, à uirgi-

uirginitate cum uiro uixerat annos septem, Christi quæ aduentum glorificans, confitebatur Domino, & loquebatur de illo omnibus, qui expectabant redemptionem in Israel. Quæ talis fuerit, testimonio accepto honorabitur, adepta in terra apud homines gloriam, & in coelo apud Deum æternam laudem.

*Quòd cauendum est à constitutione Viduæ iunioris propter
suspitionem.*

CAP. II.

ADOLESCENTIORES Viduæ ad uidualem statum ne ordinentur, ne fortè ea occasione, qua non possunt florem ætatis cohibere, ad secundas nuptias descendentes, negocium habeant. Adiuuentur autem & subleuentur, ne occasione molestiæ carnis, ad secundas nuptias delapsæ, in re indecora detineantur. Nam hoc quoque scire debetis, quòd primæ nuptiæ, si legitimæ fiant, iustæ censentur, ut quæ secundum Dei uoluntatem sunt. Bigamia post professionem, iniqui habenda est, non propter coniunctionem, sed propter mendacium. Trigamia incontinentiæ est argumentum. Id, quod supra trigamiam fit, manifesta fornicatio iudicatur, & non dubia intemperantia. Deus enim unam mulierem uni uiro tradidit in creatione, Erunt enim duo in carne una. Adolescentioribus uerò post primi uiri obitum concedatur secundus, ne incidant in iudicium Diaboli, & in laqueos multos, atque in libidines insanas inutilesque animis, quæ supplicium potius, quàm iucunditatem afferunt.

CONSTIT. S. APOSTOLORVM

*Quales esse oporteat Viduas, & quomodo adiuuandæ sint
ab Episcopo.* CAP. III.

VERÆ sunt Viduæ, quæ uni nuptæ fuerunt plurimorum testimonio probatæ, bonis operibus intentæ: uiduæ re uera temperatæ, castæ, fideles, piæ, quæ bene liberos educauerunt, & laudabiliter hospites receperunt, quibus opem ferre oportet tanquàm Deo dicatis. Sed etiam pauperum, ò Episcope, memor esto, ipsis quoque adiutricem manum præbens, curamque eorum suscipe ueluti Dei œconomus, opportuno tempore unicuique tribuens, quæ sibi sunt necessaria, uiduis, orphanis, uitæ subsidia non habentibus, & in tribulatione constitutis.

Quòd cuilibet indigenti bene facere oportet. CAP. IIII.

QUID enim si quædam Viduæ non sint, & quidam uxoribus non careant, cùm tamen subsidio egeant ob inopiam, uel ob morbum, uel ob liberos alendos, omnes debes respicere, omnium curam suscipere. Nam qui dona dant, non præcisè illa destinant uiduis, sed in uniuersum cōferunt, uoluntaria ea appellantes: quo tu sciens eos, qui præmuntur, uti bonus œconomus diligenter impertias eis de munere. Deus enim cognoscit eum, qui dedit, quamuis absens per te egentibus impertiat: atque ille quidem habet beneficentiæ mercedem, tu uerò probatæ œconomiæ laudem: dicque illis, quis dederit, ut ex nomine pro eo orare ualeant. Oportet enim omnibus hominibus benefacere, non facientes delectum huius quisnam sit, uel illius. Inquit enim Dominus, Omni petenti

tenti te da. nimirum re uera egenti, etiam si amicus sit, etiam si inimicus, si consanguineus, si alienus, si sine uxore, si cum uxore uiuat. In omni enim scriptura Dominus de pauperibus præcipit per Isaiam, Frange esurienti panem tuum, & egenos uagosque introduc in domum tuam. Si uideris nudum, cooperi illum, & propinquos seminis tui ne despexeris. Et per Daniele dicit potenti, Ideo Rex consilium meum placeat tibi, & peccata tua eleemosynis redime, & iniquitates tuas in miserationibus pauperum. Et per Solomonem inquit, Per eleemosynam & fidem purgantur peccata. Et per Dauid rursum ait, Beatus qui intelligit super inopem, & pauperem, in die mala liberabit eos Dominus. Et rursum, Dispersit; dedit pauperibus, iustitia eius manet in sæculum. Et Solomon inquit, Qui miseretur pauperis, Domino sceneratur, & secundum donum ipsius retribuetur ei. & deinceps, Qui obturat aures suas, ne audiat indigentem, & ipse inuocabit, & non erit, qui exaudiat eum.

Cap. 58.

Cap. 4.

Prou. 14

Prou. 19

Prou. 21

Quòd oportet Viduam probitati morum studere. CAP. V.

SI T omnis uidua mitis, placida, proba, malitiæ expers, non iracunda, non loquax, non uociferatrix, non procax, non maledica, non uerborum auceps, non bilinguis, non curiosa. Si quid uidit uel audiuit, quod fuerit minùs rectum, perinde sit, atque si id non uiderit, nec audiuerit; neque ulla alia res uiduæ sit curæ, quàm orare pro iis, qui subsidia ministrant, & pro uniuerfa Ecclesia. Si quid ab aliquo rogetur, nolit facilè respondere, nisi in iis, quæ ad fidem, iustitiam, spem in Deo habendam pertinent, reiiciatque ad præpositos

positos, illos, qui in disciplina pietatis institui uolunt, eaque sola respondeat, quæ faciunt ad euertendum errorem de Deorum multitudine, explicetque rationem de unius Dei principatu; de reliquis non temerè respondeat; ne si quid indoctè dixerit, blasphemiam impingat uerbo. Grano enim sinapis simile esse uerbum Dominus docuit: id uerò ardorem habet, quo si quis imperitè utatur, amarum inueniet: oportet enim in mysticis non proditorem esse, sed cautum: admonet enim nos Dominus dicens, Nolite proiicere margaritas uestras ante porcos; ne fortè conculcent eas pedibus, & conuersi dilanient uos. Nam Infideles si audiant sermonem de Christo non perfectum, sed imminutum, & maximè cum, qui de incarnatione atque passione habetur, deridebunt nos ueluti eos, qui falsa opinamur. Itaque rea fiet temeritatis & blasphemix Presbyteri, & uæ habebit: Væ enim (inquit) ei, per quem nomen meum blasphematur in gentibus.

Matt. 13

Matt. 7.

Isa. 52.
ad Ro. 2.

Quòd non oportet mulierem docere; indecorum est enim, & quæ mulieres sequebantur Dominum. CAP. VI.

1. Co. 14 NON permittimus igitur mulieres in Ecclesia docere, sed tantum orare, & magistros audire. nã magister ipse & Dominus Iesus Christus cum nos duodecim ad docendum populum gentesque misisset, nusquam mulieres misit ad prædicationem, quanquã non deerant. Erat enim nobiscum mater Domini, & sorores eius, præterea Maria Magdalena, & Maria Iacobi, & Martha, & Maria sorores Lazari & Solome, & quædam aliæ. Nam si necesse fuisset mulieres docere, ipse primus iis quoque præcepisset, ut unà nobiscum populum

lum instituerent. Si enim caput mulieris uir est, non est æquum ut reliquum corpus capiti imperet. Intel-
 ligat uidua se Dei altare esse, sedeatque domi apud se, non frequentans fidelium domos cum occasione ali-
 quid capiendi: altare enim Dei non circumcurfat, sed in uno loco stabile manet. Igitur uirgo quoque, & ui-
 dua non circumcursent, neque uagentur per alienas do-
 mos, quoniam uagæ impudentesque non consistunt uno in loco, eo quod non uiduæ sed peræ potius sunt, paratæ ad capiendum, garrulæ, maledicæ, contentio-
 nes ferentes, impudentes, inuerecundæ: quæ sunt hu-
 iusmodi, non habendæ sunt dignæ illo, qui eas uoca-
 uit. Nam ad communem Synagogæ quietem in die dominico non conueniunt, ut ii, qui uigilant, sed uel dormitant, uel garriunt, uel lenocinantur, uel petunt, uel alios captiuos faciunt, inducentes eos ad malum, ne que permittentes sobrios in Domino esse, sed ita illos præparant, ut tales exeant, quales intrauerunt, scilicet inanes, cum non audiant eos, qui docent, neque qui legunt uerbum Domini. De iis enim Isaias propheta
 „ inquit, Auribus audietis, & non intelligetis; & uiden-
 „ tes uidebitis, & non cognoscetis: increassatum est enim
 „ cor populi huius.

*S. Ign. ad
Tarsen.*

*S. Ign. ad
Phylad.*

Isa. 6.

Quales sint falsæ Viduæ.

C A P. V I I.

EODEM modo talium uiduarum obturatæ sunt au-
 res cordis, ne intra suos parietes sedentes, cum Do-
 mino colloquia habeant, sed circumcursantes, animo
 quæstum per nugas faciendi, aduersarii desideria ex-
 plectant. Tales igitur uiduæ non pertinent ad Christi al-
 tare: sunt enim uiduæ, quæ in opere hanc rem ponunt,
 & quod

& quòd impudenter petunt , & ultra modum capiunt ; ideò iam multos ad dandum segniores reddiderunt : nā cum deberent propter modestiam propositi , ecclesiastici rebus esse contentæ , per diuitem domos circumcur-
Isa. 22. santes , pecuniam extorquēt , sibi cumulantes , atq; acerbò fœnore mutuū dant , nihilq̃ue præter mammonam curant ; quarum Deus crumena est ; quæ escam &
» potum omni uirtuti anteponunt dicentes , Comedamus , & bibamus , cras enim morimur . Nam , quæ in quærenda pecunia est exercitata , pro Deo mammonā colit , hoc est quæstui seruit . Deo autem grata esse non potest , neque eius cultui inferuire , cum nequeat assidue illum interpellare , ad parandam pecuniam mente animoq̃ue intenta ; quoniam ubi est thesaurus , ibi & cor suum . Cogitat enim aliquò accedere quæstus gratia , uel quòd illa sua amica eius oblita est , & aliquem sermonem ad illam referre oportet . Quæ uerò talia cogitat , non potest orationi intenta esse , sed occurrenti cogitationi . Ideò quamuis aliquando pro aliquo orare uelit , non exaudietur : non enim ex toto corde offert orationem Domino , sed distracta cogitatione . Quæ uerò uult Deo intendere , intus sedens cogitat quæ sunt Domini , diu noctuq̃ue incessabili ore offerens preces
Iud. 9. mundas . Vt igitur sapientissima Iudith temperantiæ testimonio commendata , diu noctuq̃ue supplicabat pro Israele Deo ; sic similis illi uidua continuatam pro Ecclesia interpellationem Deo offeret , qui illam exaudiet : quoniam eius mens ad hoc solum fixa est , neque ad sumptuosam cupiditatem , neque ad insatietatem se proiicit . Huius casti sunt oculi , aures purgatæ , manus puræ , pedes quieti , os neque ad ingluuiem , neque ad loquacitatem paratum , sed loquens quantum est

opus, capiens quæ sunt solùm ad conseruanda in natu-
 ram necessaria . Ita cùm grauis fuerit & sedata , grata
 erit Deo & simul ac petet aliquid, præueniet eam con-
 cessio. Adhuc enim te , inquit, loquente, dicam , Ecce
 adsum . Talis cum sit, careat auaritia, superbia, turpi lu-
 cro ; ne sit insatiabilis, ne gulosa, sed continens, mitis,
 quieta, uerecunda, pudens, domi sedens, psallens,
 orans, legens, uigilans, ieiunans, ex omni parte cum
 Deo colloquia habens, canucis & hymnis ; lanam ac-
 cipiens, aliis potius ministret , quàm ipsa ab aliis petat :
 memor commendatæ à Domino, in Euangelio uiduæ, Isa. 52.
 quæ cum ad templum accessisset , misit in gazophyla-
 cium duo minuta, hoc est quadrantem: quam intuitus
 cordis scrutator Christus Dominus , & magister noster Luc. 21.
 dixit , Amen dico uobis, quòd hæc uidua plusquàm o-
 mnes in gazophylacium misit, quoniã omnes ex abun-
 danti miserunt; hæc ex eo quod deest illi, totum quem
 habebat uictum misit. Sanctas igitur uiduas esse oportet,
 obediens Episcopis, Presbyteris & Diaconis ,
 etiam Diaconissas uenerantes, uerentes, timentes, non
 libertate utentes, neque contra mandatum aliquid fa-
 cere uolentes, præter sententiam Diaconi; ueluti si per-
 gere uelit ad aliquem, ut apud eum comedat, & bibat,
 uel si ab aliquo quidpiam capiat. Quòd si iniussa ali-
 quid horum fecerit, puniatur ieiunio, uel segregetur
 ueluti temeraria.

*Quòd non oportet ab indignis capere, neque uiduam, neque Episcopum,
 neque alium fidelem.* CAP. VIII.

QUID enim scit qualis sit ea , à qua accipit, uel à
 quali ministerio uictum suppeditat? num de ra-
 pina,

pina, uel de aliquo non honesto studio ? ignorat uidua quòd de una quaque harum rerum rationem Deo reddet, recipiens quæ Deo sunt indigna. Nam neque sacerdotes talis mulieris uoluntariam oblationem unquam recipient, ueluti furis uel meretricis. Scriptum est
Deut. 23. enim, Non concupisces res proximi, & non offeres mercedem meretricis Domino Deo. Non est igitur à talibus capiendum, neque etiam ab excōmunicatis. Sint autem uiduæ paratæ ad obediendum iis, quæ eis à præpositis sunt præcepta, & ad præscriptum Episcopi faciant, ueluti Deo obedientes. nam qui ab huiusmodi excōmunicato, uel extra Synagogam eiectō accipit, & pro tali orat, qui in malis perseuerare sibi proponit, nec aliquando uult ad pœnitentiam redire, communicat cum eo in oratione, & offendit Christum, qui impios declinat, & confirmat eum per indignam largitionem, & contaminat se cum eo, non finens illum ad pœnitentiam uenire, ut ingemiscat, & roget Deum.

Quòd non oportet mulieres baptizare: impium est enim, & à Christi doctrina alienum. CAP. IX.

DE mulieribus autem an hæ baptizare debeant, significamus uobis, quòd non paruum periculum imminet eis, quæ hoc faciunt. Ideo non consulimus; periculosum est enim, immo iniquum & impium. Nam si
1. Co. 15. mulieris caput est uir, is uerò ad sacerdotium promouetur, non est æquum opificium contemnere, & principium relinquentem, ad infimum corpus uenire. Mulier enim uiri corpus est, de costâ conflatum, subiectūq; illi, à quo est abscissum ad filiorum procreationem. Ipse enim inquit, Tui dominabitur. Principium enim
Gen. 3. mulieris

mulieris uir est, quoniam eius est caput. Quòd si in præcedētibz docere eas non permisimus, quomodo quis eas præter naturam sacra facere concedat? Hæc est. n. inscitia ad Græcorum impietatem pertinens, fœminis deabus sacrificulas instituere. Sed non est Christi ordinationis proprium: nam si à mulieribus baptizandum fuisset, omnino Dominus à propria matre baptizatus fuisset, non à Ioanne: aut cùm nos ad baptizandum misisset, unà nobiscum ad id mulieres misisset. nunc autem id nusquam ordinauit, neque scriptum reliquit, cognoscens & naturæ conuenientiam, & rei ipsius decorum, ut qui naturæ auctor erat & ordinationis legislator.

Quòd non oportet laicum sacerdotale officium facere, baptisma, sacrificium, manus impositionem, & benedictionem. CAP. X.

SED neque laicos concedimus aliquod sacerdotale munus exercere, ueluti sacrificium, baptismum, manus impositionem, uel benedictionem magnam, siue paruam. Non enim sibi quis sumit honorem, sed qui uocatur à Deo. Nam Per Episcopi manus datur hæc dignitas. Qui uerò ad eam promotus non est, sed eā sibi usurpat, Oziæ pœnam sustinebit.

Quòd excepto Episcopo uel Presbytero, nemini ex reliquis clericis concessum est, sacerdotalia exercere: ordinare autem soli Episcopo conuenit; alijs nemini. CAP. XI.

SED neque reliquos clericos baptizare permittimus, ueluti Lectores, Cantores, Ostiarios, ministros; sed solos Episcopos, & Presbyteros, ministrantibus illis Diaconis. Qui hoc ausi fuerint, Coritarum supplicium patientur. Non concedimus autem Presbyteros ordina-

re Diaconos, Diaconissas, Lectores, ministros, Cantores, Ostiarios; sed solos Episcopos: is est enim ordo, & harmonia ecclesiastica.

Dchortatio ab Inuidia. CAP. XII.

DE Inuidia, obrectatione, detractioe, sim ultate, contentione antea dictum est uobis, quòd hæc à Christianis aliena sunt, maximè uiduis, quoniam qui dem agitator diabolus multiplex, uariuſq; cum sit, de non uiduis triumphum quærit, ueluti olim de Cain. Quædam enim uiduas se esse dicunt, officia autem digna uiduitate non faciunt, quemadmodum nec Cain fraterna iusta faciebat. Ignorant enim quòd non uidui tatis nomen in regnum ipsas introducet, sed fides uera & opera sancta. Si uerò aliqua nomen uiduitatis possideat, aduersarii studia exerceat, uiduitatis eius ratio nō habebitur, sed regno expulsa, æterno supplicio tradetur. Audimus enim quasdam esse uiduas obrectatrices, inuidas, calumniatrices, dolentes aliorum commodis. Tales Christi non sunt, neque eius doctrinæ discipulæ. oportebat enim eas, cū conuidua ab aliquo uestitur, uel argentum capit, uel cibum, uel potum, uel calceamenta, uidentes sororem recreatam dicere.

Quomodo oporteat uiduas orare pro ministrantibus uitæ subsidia.

C A P. X I I I.

BENEDICTVS es Deus, qui consolatus es uiduam: Benedic Domine & glorifica ministrantem ei & opus eius, ut ascendat in ueritate ad te, & memor esto eius in bonum in die uisitationis suæ. Et Episcopo, qui bene

bene ministravit & docuit, opportunam eleemosynam nudæ conuiduæ meæ fieri, addas gloriâ, & des ei coronam gloriæ in die reuelationis uisitationis suæ. Eodem modo uidua, quæ misericordiam accepit, præcetur pro eo, qui uictum ipsi ministravit.

Quòd non oportet gloriari, & efferre suum nomen eam, quæ fructificat secundum Domini ordinationem. CAP. XIII.

ILLA tamen, quæ benefecit, occultet proprium nomen, ueluti sapiens, non canens tuba coràm se, ut sit eleemosyna in occulto apud Deum, sicut dicit Dominus, Cum facis eleemosynam, non cognoscat sinistra tua quod facit dextera tua, ut eleemosyna tua sit occulta: & uidua oret pro eo, qui dedit. quicumque tandem ille sit, cùm sanctum Christi altare referat, & Pater in occulto uidens, beneficienti in aperto reddet. Sed quæ secundum Dei mandatum uiduæ uiuere nollunt, exquirere student, quæ sit illa quæ ministravit, & quæ accepit, quòd cùm cognouerint, accusant ministrantem illam dicentes, Nesciebas quòd ego eram tibi uicinior, & quòd magis egebam quàm illa? Cur igitur anteposuisti eam mihi? Hæc dicit stulta, non intelligens non hominis uoluntate id factum, sed diuino consilio. Nam cùm ipsa testeretur se uiciniorē & maiori inopia oppressam, magisque nudam fuisse, etiam animaduertere debuit, diuinam ordinationem, tacitamque, non accusantem præbitricem illam, domum ingredi, & in faciem procumbentem rogare Deum ut remittatur sibi peccatum. Deus enim facienti bonum præcepit, ne opus bonum peruulgaret. hæc autem illam accusauit quòd suum nomen non indicauit, ut illo cognito

cognito ad capiendum posset accurrere, ac non solum accusauit, sed etiam illi maledixit, oblita eius, qui
Gen. 12. dixit, Benedicens tibi, benedictus est; & maledicens
Matt. 10 tibi, maledictus. Dicit autem Dominus, Cum in-
 ,, traueritis in domum, dicite, Pax huic domui; & si
 ,, fuerit ibi filius pacis, pax uestra requiescet super eum;
 ,, Si non fuerit dignus, pax uestra ad uos reuertetur.

Quod indecorum est conuicio afficere proximum: alienum enim Christiano est maledicere. C A P. X V.

QVOD si pax ad eos redit, qui eam miserunt, cum ipsa dignos non inuenerit, multo magis maledictum in caput illorum reuertetur, qui iniuste id miserunt, cum non sit dignus ut in maledictum incurrat is, in quem est iactum. Nam qui inaniter conuicium
Prou. 26 facit, ipse sibi maledicit, ut ait Solomon, Quemad-
 ,, modum aues uolant, & passeret, ita maledictum ua-
Pro 1. 10 num, in neminem superueniet. & rursum dicit, Qui
 ,, proferunt contumelias, insipientissimi sunt. Atque ut
 apis robore suo imbecilla, ubi aliquem percussit, amittit aculeum, fitque sterilis, eodem modo uos iniuriam, quam in alios facitis, in uos ipsi recipitis. Lacum enim aperuit, & effodit eum, & incidet in foueam, quam fecit. Qui fodit foueam proximo, incidet in eam. Igitur qui maledictum fugit, alteri ne maledicat. Nam quod in te fieri non uis, nec tu id in alium feceris. Quare castigate inobedientes; increpate inuerecundas; hortamini pusillanimes; confirmate infirmas; laudate in sanctitate ambulantes; benedicant potius, & non conuiciantur; pacem componant, & non excitent bellum. Quare nec Episcopus, nec Presbyter,

sbyter, nec Diaconus, neque alius quisquam de sacro numero, maledicto linguam contaminet, ne pro benedictione consequatur maledictionem. Adhibeat autem studium diligentiamque ut nec laicus maledictum proferat. Omnium enim curam suscipere debet Clericorum, uirginum, uiduarum, laicorum. Ideo, ò Episcopo, coadiutores uitæ tuæ, & iustitiæ operarios Diaconos Deo acceptos gratosque elige, quos ex omni populo probatos iudicas esse dignos, & ad usus ministerii idoneos. Elige quoque Diaconissam fidelem & sanctam ad mulierum ministeria. nam accidit aliquando, cum in aliquorum domos Diaconum ad mulieres mittere non potes, propter infideles, mittes igitur mulierem Diaconissam propter improborum cogitationes. nam ad multos usus muliere Diaconissa indigemus: ac primùm cum illuminantur mulieres, Diaconus ungit frontem ipsarum oleo sancto, deinde Diaconissa eas abstergit. Non est enim necesse mulieres aspici à uiris, sed solum in manus impositione caput illius unget Episcopus, quemadmodum sacerdotes, & Reges antiquo tempore ungebantur. non quòd, qui nunc baptizantur sacerdotes ordinantur, sed quòd à Christo Christiani dicuntur; regale sacerdotium, & gens sancta, Ecclesia Dei, columna & firmamentum thalami sponsi: qui aliquando non populus, nunc autem dilecti & electi, super quos inuocatum est nomen ipsius nouum, ut testatur Isaias propheta dicens, Et uocabunt populum nomen eius nouum, quod Dominus nominabit eum.

I. Pet. 2.

Isa. 62.

CONSTIT. S. APOSTOLORVM

De diuina initiatione sancti Baptismi.

CAP. XVI.

TV ergo, Episcopo, illa figura unges caput illorum, qui baptizantur, siue ii uiri sint, siue mulieres, oleo sancto in figuram spiritualis baptismi. Deinde uel tu Episcopus, uel tibi subiectus Presbyter sacram super ipsos dicens ac nominans inuocationem Patris & Filii, & Spiritus sancti, baptizabis eos in aqua: ac uirum suscipiat Diaconus, mulierem Diaconissa, ut decore traditio infrangibilis sigilli administretur. Postea Episcopus liniat baptizatos unguento.

*Quam causam habeat baptismus in Christum cum assignatione
cause eorum, quæ in eo dicuntur, ac fiunt.*

CAP.

XVII.

DATVR igitur baptismus in mortem Iesu, aqua pro sepultura; oleum pro Spiritu sancto; sigillum pro cruce; unguentum est confirmatio professionis; mentio fit Patris uti causæ & mittentis; Spiritus sancti uti testis; demersio significat quod commorimur; emerisio quod resurgimus. Pater qui est super omnia Deus, Christus unigenitus Deus, dilectus Filius, gloriæ Dominus, Spiritus sanctus, Paracletus, qui à Christo mittitur & ab illo docetur, & illum prædicat.

Qualis esse debeat is, qui initiatur.

CAP. XVIII.

QVI baptizatur sit ab omni impietate alienus, mortuus peccato, amicus Dei, hostis Diaboli, hæres Dei Patris, cohares filii sui, qui abrenunciauerit Sa-

Satanæ & Dæmonibus, & fraudibus suis, castus, mundus, sanctus, pius, filius Dei, orans tanquàm filius patrem & dicens uti à communi fidelium conuentu in hunc modum, Pater noster, qui es in Coelis, sanctificetur nomen tuum; Fiat uoluntas tua sicut in Coelo & in Terra. Panem nostrum supersubstantialem da nobis hodie, & dimitte nobis debita nostra, sicut & nos dimittimus debitoribus nostris; Et ne nos inducas in tentationem, sed libera nos à malo. Quoniam tuum est regnum, uirtus, & gloria in sæcula. Amen.

Qualis debeat esse Diaconus.

CAP. XIX.

SINT Diaconi nulla ex parte reprehendendi, quemadmodum & Episcopus; tantùm sint faciliores, accomodati ad multitudinem Ecclesiæ, ut infirmis ministrare ualeant, ueluti operarii, qui pudore non deterreantur. Ac mulier quidem mulieres curare studeat; uterque nunciandi, cursandi, ministrandi, inseruienti officia absoluat, ut de Domino Isaias dicebat iis uerbis, *Isai. 53.* Iustifica iustum bene seruientem multis. Vnusquisque igitur suum locum agnoscat, & eum expleat diligenter, concorditer, unanimiter, cognoscens Diaconatus mercedem. Sint Diaconi à pudore alieni in ministrando egentibus, quemadmodum Dominus noster non uenit ministrari, sed ministrare, & dare animam suam in redemptionem pro multis. Idem ipsos facere oportet; quanquàm animam pro fratre exponere opus foret, nolint dubitare; nam Dominus & Saluator noster Iesus Christus non dubitauit animam suam ponere (ut ipse inquit) pro amicis suis. Quòd si cœli & terræ Dominus omnia propter nos pertulit,

P quo-

modo uos ministrare indigentibus uerebimini ? cùm
 eius imitatores esse debeatis , qui seruitutem , pauper-
 tatem , plagas , crucem propter nos est passus . Quare
 oportet uos quoque uti Christi imitatores inferuire
Matt. 20 fratribus . Qui uult enim (inquit) inter uos esse ma-
 gnus , sit uester minister . Et qui uult inter uos esse pri-
 mus , sit uester seruus : Ita enim ille opere præstitit ut
 inferuaret multis , non sermone , nam cum accepisset
 linteam præcinxit se , deinde misit aquam in peluim ,
 nobisque recumbentibus accedens , omnium nostrum
 lauit pedes , & linteo absterxit . Quod faciens demon-
 strabat nobis fraterni amoris charitatem , ut nos quo-
 que inter nos idem faceremus . Cum igitur Dominus
 noster ac magister adeo semet exinaniuerit , qua ratio-
 ne uos pudebit idem facere in infirmos , & imbecillos
 fratres , cùm sitis operarii ueritatis , & pietatis patro-
 ni ? Ministrate igitur amanter , non murmurantes , nec
 discordias excitantes : non enim propter homines hæc
 facitis , sed propter Deum , & ministerii mercedem ab
 illo consequemini in die uisitationis uestre . Necesse
 est igitur uos Diaconos omnes inuisere , qui quidem
 uisitatione opus habent , & de oppressis referre E-
 piscopo uestro . Vos enim anima eius sen-
 susq; esse debetis , prompti , & obe-
 dientes in omnibus rebus ei , uti
 Episcopo uestro & patri ,
 ac magistro .

Quodd à tribus, uel duobus Episcopis debet ordinari Episcopus, & non ab uno: irritum est enim. CAP. XX.

EPISCOPVM mandamus ordinari à tribus Episcopis, uel ad minus à duobus. non licere autem ab uno uobis constitui. nam duorum uel trium testimonium firmitus, tutiusque existit. Presbyterum, & Diaconum, & reliquorum clerum ab uno Episcopo. Nec Presbyterum neque Diaconum iubemus ordinare ex laicis clericos, sed Presbyterum tantum docere, offerre, baptizare, benedicere populo; Diaconum ministrare Episcopo, & Presbyteris, hoc est, diaconatum exercere, non tamen reliqua peragere.



CONSTITVTIONVM
SANCTORVM APOSTOLORVM
B. CLEMENTE ROMANO
AVCTORE,

LIBER QVARTVS.

De Orphanis.

CAP. PRIMVM.



I QVIS Christianus Orphanus fiat, siue puer, siue uirgo, bene erit si aliquis ex fratribus carens liberis, puerum suscipiat, & filii loco habeat. uirginem uerò, qui filium habuerit ducendæ uxori idoneum, ei in matrimonium collocet; hoc enim qui faciunt, opus magnum præstant, orphanorum patres facti, & à Domino Deo consequentur huius officii mercedem. Quòd si quis secundum gratiam hominum ambulans despexerit, cùm sit diues, orphanatus membra, orphano quidem prouidebit orphanorum pater, & uiduarum iudex; il-

li uerò occurret aliquis, qui ipsius parsimoniam deuorabit; fietque in illum, quod dicitur,

Quæ non comederunt sancti, comederunt Assyrii sicuti Isaias dicit,

Viduam uestram coràm

uobis, alieni deuo-

rant eam.

Isa. I.

Quomodo Episcopus debeat orphanis providere. CAP. II.

VOS Episcopi solliciti estote de eis alendis, in nullo deficientes; orphanis præstantes munera parentum, uiduis uirorum, adultis nuptias, artificum opus, infirmo misericordiam, esurienti cibum, sitienti potum, nudis uestitum, ægrotis medicinam, in carcere inclusis opem. Præterea uerò maiorem curam de orphanis suscipite, ne quid illis desit; uirgini quoad ad nubilem ætatem perueniat, & eam in matrimonium fratri detis; puero ut sit subsidium, quo artem discat, & alatur ex ministerio: ut cum in arte profecerit, tunc possit artis instrumenta sibi emere, ne amplius molestus sit ueræ fratrum erga se charitati, sed sibi suppetet. Etenim uerè beatus dicendus est is, qui cum possit sibi in sumptus ministrare, orphanis, uiduæ, & aduenæ locum nunc occupat.

Quibus debeant subsidia ministrari secundum Domini mandatum.

CAP. III.

QUONIAM & Dominus beatiorem esse dixit eum, Act. 20.
qui dat, quàm qui accipit. Etenim rursum ab eo dictum est, Væ habentibus, & in hypocrisis accipientibus, uel iis, qui sibi opitulari ualent, & ab aliis accipere uolunt, uterque reddet rationem domino Deo in die iudicii. Nam qui uel propter pupillarem ætatem, uel propter senectutis imbecillitatem, uel propter morbi casum, uel propter filiorum numerum capit, non solum reprehendendus non est, sed etiam laude dignus cæsetur. Pro altari enim Deo dicato existimatus, à Deo honorem consequetur, diligenter & assiduè pro iis, qui ei præbent, preces fundens, qui non segniter accipit, sed

fed doni quoad potest gratiam refert per orationem. Talis igitur homo in uita æterna à Deo beatitudinem consequetur. Qui uerò de suo habet, & propter hypocrisim capit, uel propter inertiam, cum tamen laborando aliis opem ferre debuisset, Deo poenas dabit, quoniam pauperum escam furripuit.

De Auaritia. C A P. I I I I.

NAM qui argentum habet, & aliis non impartitur; nec ipse utitur, serpentis locum obtinet, quæ aiunt in thesauris dormire; & de eo uera est Scriptura, quæ ait, Congregauit diuitias, ex quibus non comedet, & nihil ei proderunt pereunti à uindicta. Non enim iuuabunt, inquit, existentes in die iræ. nam qui talis est, in Deum non credit, sed in aurum, existimans illud Deū, & in illo confidens. Veritatis hypocrita is est, personarū acceptor, perfidus, dissimulator, timidus, debilis, leuis, facilis, morosus, tristis, sibi infestus, nemini amicus; huius pecuniæ peribunt, & uir aduena eas consumit, uel à uiuo sublatas, uel illo mortuo perceptas: diuitiæ enim iniuste congregatæ euomentur.

Eccl. 6.

Prou. I I

Cum quali timore oporteat dominicarum collectarum participem esse. C A P. V.

MONEMVS igitur uiduas & orphanos, ut cum omni timiditate, ac uerecundia percipiāt de iis, quæ ipsis præbentur, gratiasque agant Deo, qui dat exurientibus escam, & in eum oculos attollant. Quis enim, inquit, uestrum comedet, uel quis bibet sine ipso? Ipse enim aperit manum suam, & implet omne animal benedictione

,, nediſtione, frumentum adoleſcentibus, & uinum uirgi
 ,, nibus, & oleum in hilaritatem uiuentium, fenum iumē
 ,, tis, herbam ſeruituti hominum, carnes beſtiis, ſemina
 ,, auibus, & omnibus accōmodatam eſcam. Ideo inquit *Matt. 6.*
 ,, Dominus, Videte uolatilia coeli, quoniam non ſemi-
 ,, nant, neque metunt, neq; congregant in horrea, & Pa-
 ,, ter ueſter nutrit illa: non ne illis meliores eſtis uos? No-
 lite igitur eſſe ſolliciti dicētes, Quid comedemus, quid
 bibemus: nouit enim Pater ueſter, quòd iis omnibus in-
 digetis. Cum igitur tanta prouidentia uobis conſulat,
 bonaque ab illo percipiat, laudibus efferre debetis
 orphanum & uiduam ſuſcipientem, omnipotentem
 Deum per dilectum filium eius Ieſum Chriſtum Do-
 minum noſtrum, per quem gloria Deo in ſpiritu & ue-
 ritate in ſæcula Amen.

Quorum oblationes recipiendæ ſint, & quorum non ſint.

C A P. V I.

EPISCOPV M ſcire oportet quorum debeat recipere
 fructus, & quorum non debeat. Cauendi enim *Eccl. 26.*
 ſunt illi in capiendo caupones: non iuſtificabitur enim
 caupo à peccato. De iis Iſaias impropereans Iſraeli di-
 cebat, Caupones tui miſcent uinum aqua. Fugienda *Iſa. 1.*
 quoque ſunt ſcōrta: non offeres enim Domino mercede-
 dem meretricis. Rapaces quoque uitandi, & rerum alie-
 narum cupidi, & adulteri: abominabilia enim horum *Deut. 23*
 ſacrificia ſunt apud Deum. Sed etiam opprimentes ui-
 duas, & orphanum affligentes, & carcerem implentes
 innocentibus. Illi quoque, qui ſeruos ſuos malè tra-
 ctant, uerberibus inquam & fame, atque acerba ſerui-
 tute; fugiendi quoque ſunt tibi, ò Epifcope, ii, qui ci-
 uitates

uitates totas perdunt, quorum oblationes sunt abominandæ. Vitabis quoque deceptores, & Rhetores iniuriam defendentes, idolorum artifices, fures, iniustos, publicanos, pondera & mensuras fraudantes, militem calumniatorem non contentum stipendiis, sed pauperes concutientem. Homicidam quoque & carnificem, iudicemque iniustum, rerum euerforem, hominum insidiatorem, in sceleribus uersatum, ebrium, blasphemum, cinædum, sceneratorem, denique quemcunque improbum & Dei uoluntatis aduersarium; quoniam inquit Scriptura, tales homines apud Deum esse abominabiles. Nam qui ab iis aliquid capiunt, & alunt de eo uiduas, & orphanos, rei in iudicio Dei efficientur;

3. *Re. 13* quemadmodum Adonias in libro Regnorum, Prophe-
 „ ta cum Deo non paruisset; panemque comedisset, &
 „ aquam bibisset in loco à Domino prohibito, propter
 „ impietatem Hieroboami, à Leone est interemptus.

Nam uiduæ panis labore partus iustior est, quamuis paucus & exiguus, eo, qui de iniquitate & calumnia quæritur, quamuis multus sit; & elaboratus. Inquit

Psal. 36. enim Scriptura, Melius est modicum iusto, super diuitias peccatorum multas. Quod si ab impiis pasta uidua, & satura facta, pro eis supplicauerit, non exaudietur, quoniam scrutator cordium Deus cum iudicio pro-

Isa. 15. nunciauit de impiis dicens, Si steterit Moyses & Samuel
 „ ante faciem meam pro eis, non exaudiam ipsos; & tu
 „ ne ores pro populo isto, & noli misereri eorum, & non
 „ accedas ad me pro ipsis, quoniam non exaudiam te.

Quòd

Quòd indignorum oblationes quousque ij tales manserint, non modò Deum non placant, sed potius contrà illum ad iram prouocant. CAP. VII.

VERVM etiam ii, qui in peccatis uersantur, nisi poenitentiam egerint, non solùm non exaudiuntur, cū supplicant, sed et Deum irritant, in memoriam ei redcentes suam improbitatem. Vitae igitur talia ministeria, tanquàm canis precium, & mercedem meretricis. *Deu. 23.* Vtrunque enim in lege est prohibitum. nam nec Eliseus ab Azacle munera allata accepit, neque Achias à Ieroboamo. Quòd si Dei Prophetæ ab impiis oblata munera reiecerunt; item uos reiicite ò Episcopi. Sed etiam Simon Magus mihi Petro, & Ioanni pecuniam afferens, conatus est pretio inestimabilem gratiam emere, quibus reiectis, execrationibus perpetuis illum deuinximus; quoniam donum Dei non beneuolentia erga Deum, sed pecunià existimauit possideri. *4. Reg. 8.* Fugite ergo oblationes altaris Dei à mala conscientia prouenientes, quoniam, Abstine te, inquit, ab iniusto, & non timebis, & pavor non appropinquabit tibi. *3. Re. II.* *Act. 8.* *Isai. 54.*

Quòd præstat de proprio labore uiduis suppeditare, quamuis pauca, & exigua, quàm ab impijs multa, & magna; præstat enim fame perire, quàm ab impijs oblationem accipere. CAP. VIII.

SED si dicatis quòd ii sunt, qui eleemosynas dant, à quibus nisi capiatur, non erit, unde uiduis ministratur, & inopes populi alantur; audietis à nobis quòd ideo accepistis donum Leuitarum, ut suppeditaretis, & uobis, & egentibus, ac ne inopia laborantes ab improbis caperetur. Quòd si adeò egebunt Ecclesiæ, præstat perire, quàm ab inimicis Dei aliquid capere in contumeliam

Psa. 140 meliam & irrisiōnem amicorum eius. Nam de iis Prophetā dicit, Oleum peccatoris non impinguet caput meum. Probationem igitur talium facite, atque ab iis, qui sanctē uiuūt capite, & oppressis præbete, ab iis, qui foris sunt, nolite capere, priusquā Ecclesiæ membra efficiantur. quòd si desit quod detur, significa fratribus, ex quorum collectis ministra orphanis, & uiduis in iustitia.

Quòd oportet incitari populum à sacerdote ad benefaciendum pauperibus, ut sapiens Solomon dicit. CAP. IX.

Prou. 3. **D**IC populo tuo quæ sapiens Solomon ait, Honora Dominum de tuis iustis laboribus, & primitias
 ,, da illi de tuis fructibus iustitiæ, ut impleantur horrea
 ,, tua repletionē frumenti, uino torcularia tua redundēt.
 Quare de iusto labore fidelium alite, & uestite inopes,
 & quæ ex eo, ut ante dictum est, cogitur pecunia, statui
 te ut conferatur in redemptionem sanctorum, liberantes
 seruos, captiuos, uinctos, ignominia notatos, damnatos
 propter nomen Christi de Tyrannorum sententia
Prou. 24 ad monomachias & ad mortem. Inquit .n. Scriptura,
 ,, Libera qui ducuntur ad mortem, & redime occisos,
 ,, ne parcas.

Constitutio ut si quis impius ui obtrudat pecuniā sacerdotibus, in ligna, & carbones eam consumant, & non in uictum. CAP. X.

SI necesse sit aliquādo ab aliquo impio inuitos pecuniam capere, in ligna & carbones illam consumite, ne uidua uel orphanus de ea sumens, cogatur præterphas cibum, uel potum sibi emere. æquum enim est
 lia quæ

lia, quæ ab impiis ueniunt, ignis pabulum, non piorum escam fieri. Hæc quoque lex præcipit, quæ sacrificium serotinum nõ comedendum appellat, & igni consumi iubet. non enim sua natura mala sunt, quæ offeruntur, sed sententia illorum, qui illa adducunt. Hoc uero præcipimus, ne omnino uitemus illos, qui ad nos accedunt, cum sciamus consuetudinem sæpè piorum impiis utilem esse, obesse tantum cultus, & superstitionis societatem. Hæc hætenus dilecti dicta sint uobis propter cautionem uestram.

De Parentibus, & filiis.

C A P. X I.

PATRES institute filios uestros in Domino, educantes eos in disciplina atque præceptis Domini, erudientes in artibus idoneis, atque accommodatis uerbo, ne otio lasciuiantes, & à parentibus non correpti, atque ante tempus libertatem adepti, honestati aduersentur. Quare ne uereamini eos grauiter castigatos corripere: non enim occidetis eos cum castigatis; quin potius seruatis illos, ut Solomon in Sapientia inquit, Castigafili- Prou. 23
 » lium tuum, & requiescere te faciet, hic enim erit tibi bo-
 » næ spei; tu enim uirga percuties eum, animam autem
 » eius à morte liberabis, & idem, Qui parcit baculo, odit Prou. 13.
 » filium. Et alio in loco, Tunde latera ipsius dum est in- Eccl. 30.
 » fans, ne aliquando induratus non obediat tibi. Qui igitur negligit admonere & castigare filium, eum odio habet. Docete ergo filios uestros sermonem Domini, corripite uerberibus, obsequentes facite ab infantia, erudientes eos sacris literis uestris, diuinisque: atque in omni diuina Scriptura instituèntes, attendentes, ne in uos potestatem habeant præter uestram sententiam,

Q 2 cum

cum æqualibus in conuiuium non permittentes eos conferre . Ita enim in intemperantiam labentur & in fornicationem incident . Et si parentum incuria id patientur , genitores rei illarum animarum fient . Si enim negligentia parentum filii cum intemperantibus peccati consuetudinem habebunt , non solum ipsi intemperantes erunt , sed etiam pro eis parentes iudicabuntur . Ideo date operam ut cum ad adultam ætatem peruenerint , matrimonio iungantur , ne illi feruore ætatis in consuetudinem fornicandi incurrant , cuius uos in die Iudicii rationem Domino Deo effetis reddituri .

De Seruis, & Dominis.

C A P . X I I .

DE Seruis quid præterea dicere possumus , nisi quòd seruus beneuolentia prosequatur dominum , quamuis impium , quamuis improbum ? non tamen concordiam cum eo habeat religionis . Et dominus diligat seruum , ac quamuis illo præstet , tamen se æqualem iudicet quatenus homo existit . Qui fidelem habet dominum , saluo eius dominio , diligat ut dominum , ut eiusdem fidei consortem , ut patrem , non ut seruus ad oculum , sed ut domini studiosus , & amans ; sciens Deum sibi redditurum seruitutis mercedem . Eodem modo dominus fidelem habens seruum , salua sibi seruitute , diligat ut filium , uel ut fratrem propter fidei societatem .

In quibus oporteat subiectos esse mundanis potestatibus .

C A P .

X I I I .

OMN I . Regno , ac Magistratibus subditi estote in eo , quod Deo placet , tanquam Dei ministris , & impiorum

impiorum ultoribus; timorem illis debitum præstare, omne uectigal, omne tributum, omnem honorem, munus, censum: Dei est enim præceptio, nemini quicquam debere, nisi amicitiae signum, quod Deus statuit per Christum.

De Virginibus.

CAP. XIII.

DE uirginitate præceptum non accepimus, uolentium autem potestati id remittimus, tanquam uotum. Illud tamen admonemus, ne facile aliquid promittant, quoniam Solomon ait, Melius est non uo-
 ,, uere, quàm uouere & non reddere. Virgo igitur ipsa
 ,, sit sancta corpore, & anima, ut templum Dei, ut domus Christi, ut habitaculum Spiritus sancti. oportet enim eam, quæ promissit, digna promisso suo opera efficientem, ostendere promissum suum uerum esse, & propter exercitationem pietatis, non propter calumniam nuptiarum, conceptum. Ne sit uaga, ne intempestiuè ambulet, careat duplici mente, sit ueneranda, continens, temperata, casta, fugiat multorum commercia, præsertim profanorum.

*1. Corin-
 th. 7.
 Eccl. 5.*

CONSTITVTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER QVINTVS.

De Martyribus.

CAP. PRIMVM.



I QVIS Christianus propter nomen Christi, & charitatem erga Deum, ac fidem ab impiis ad ludos, aut ad bestias, aut ad metallum fuerit damnatus; illum ne deferatis, sed de labore atque sudore uestro illi in uictum mitatis, & militibus in stipendium, ut subleuetur, & cura aliqua colatur, atque, quantum in uobis est, ne ærumnis prematur beatus frater uester. Nam qui propter nomen Domini Dei condemnatur, is Martyr sanctus est, frater Domini; filius Altissimi; habitaculum Spiritus sancti, per quem unusquisque fidelis illuminationem gloriæ sancti Euangelii accepit, eo quòd meruit incorruptibilem coronam martyrii passionum ipsius, & societatem sanguinis ipsius, configuratus morti Christi in adoptionem filiorum.

Quòd

Quòd ijs, qui propter Christum calamitatem ab Infidelibus perferunt, æquum est fideles necessaria præbere secundum Christi ordinationem. CAP. II.

QVARE omnes fideles per Episcopum uestrum de facultatibus, ac de labore uestro ministrare sanctis. Si quis non habeat, ieiunet, partiensque uictum quotidianum distribuatur sanctis. Si quis copia bonorum abundet, plura pro ratione facultatum præbeat. Quòd si posset uenditis suis bonis, eos carceribus liberare, beatus censebitur, & amicus Christi. Nam qui pauperibus bona sua dat, perfectus est post rerum diuinarum cognitionem. multo magis qui id pro Martyribus facit; is enim dignus Dei amore obtemperabit eius uoluntati, præbens illis, qui eum confessi sunt coràm gentibus, Regibus & filiis Israel, de

„ quibus Dominus pronunciauit hæc uerba, Qui me *Matt. 10*
 „ confessus fuerit coràm hominibus, confitebor & ego
 „ eum coràm patre meo. Quòd si tales sunt ut Christi *S. Ign. ad Smyrn.*
 testimonium coràm Patre sint habituri, non debetis uos pudore detineri, quin ad eos accedatis. Hoc enim si feceritis, martyrium uobis attribuetur, quoniam illis martyrium tentatio fuit, uobis alioqui promptitudo, & alacritas, ut qui participes illorum certaminis estis. Inquit enim iis Dominus quodam

„ in loco, Venite benedicti Patris mei, accipite regnum, *Matt. 25*
 „ quod paratum est uobis ab origine Mundi. Esuriui enim & dedistis mihi manducare; sitiui, & dedistis mihi bibere; hospes eram, & collegistis me; nudus, & cooperuistis me; infirmus eram, & uisitastis me; in carcere eram, & uenistis ad me. Tunc respondebunt ei iusti dicentes, Domine quando uidimus te esurientem,

tem, & aluimus; uel sitientem, & dedimus tibi bibere; quando te uidimus nudum, & cooperuimus; uel infirmum, & uisitauius; quando te uidimus hospitem, & collegimus; uel in carcere, & accessimus ad te? Et respondens dicet eis, Quod fecistis uni ex iis fratribus meis minimis, mihi fecistis. Et ibunt ii in uitam æternam. Tunc dicet iis, qui à sinistris erunt, Discedite à me maledicti in ignem æternum, qui est paratus Diabolo, & angelis suis. Esuriui enim, & non dedistis mihi manducare, sitiui, & non dedistis mihi bibere; hospes eram, & non collegistis me; nudus, & non cooperuistis me; infirmus, & in carcere, & non uisitastis me. Tunc respondebunt & ipsi dicentes, Domine quando te uidimus esurientem, uel sitientem, uel hospitem, uel nudum, uel infirmum, uel in carcere, & non ministrauimus tibi? Tunc respondebit eis dicens, Amen dico uobis, Quod non fecistis uni ex iis minimis, nec mihi fecistis; & ibunt ii in supplicium æternum.

Quodd fugienda est falforum fratrum consuetudo, quando perseuerant in malitia.

CAP. III.

SI QVIS dicens se fratrem esse, deceptus à Diabolo malum fecerit, conuictusque, morti sit adiudicatus ut fur, adulter, homicida; recedite ab eo, ut sitis inuiolati, ac ne quis uestrum in suspicionem ueniat societatis sceleris, & in maledictum incurratis, quasi omnes Christiani iniustis actionibus delectentur. Quare longè ab illis discedite, inclusis uerò in custodia odio aduersus Christum, uel ultimo supplicio traditis, uel in uincula coniectis, uel ablegatis,
omni

omni studio opem ferte, membra uestra liberantes de manibus impiorum; ac si quis cum illis repertus comprehendatur, atque flagella perferat, beatus existimatur; quoniam socius Martyris est effectus, imitatorque Christi passionum. Etenim nos quoque pro Christo sæpe à Caipha Alexandro, Anna plagis acceptis *Act. 4.* gaudentes exhibamus; quoniam digni habiti eramus pro Salvatore nostro talia perpeti. Vos quoque gaudete quòd hæc patimini, quoniam beati eritis in illa die.

Quòd per Christum uexatis oportet manum præbere, quamuis adsit periculum. CAP. IIII.

EOS qui persecutionem propter Christum patiuntur, & de ciuitate in ciuitatem fugiunt propter mandatum Domini recipite, subsidium eis præstantes, eosque uti Martyres amplectimini læti, quòd participes eorum persecutionis facti estis, scientes illos à Domino beatos appellari. Inquit enim ipse, Beati eritis quando exprobrauerint uos, & persecuti fuerint, & dixerint omne malum uerbum contra uos, mentientes propter me; gaudete & exultate, quoniam merces uestra multa est in cœlis. Sic enim persecuti sunt Prophetas ante nos. Et rursus, Si me persecuti sunt, & uos persequentur. Et deinde, Si persequentur uos in hac ciuitate, fugite in aliam, quoniam in Mundo tribulationem habetis. Tradent enim uos in Synagogas, & ante Præsides, & Reges ducemini propter me in testimonium ipsis. Et qui perseuerauerit usque in finem, hic saluus erit: nam qui propter fidem persecutionem patitur, & illi testimonium exhibet, ac perseuerat, is re uera homo Dei est. *Luc. 6.* *Ioan. 15.*

R *Quòd*

Quòd tremenda, & exitiabilis res est negare Christum:

C A P .

V .

QVI se Christi esse negat, ne hominibus sit in odio, & suam animam magis diligit, quàm Dominum, in cuius manu spiritus eius est positus, is denique miserabilis, atque infoelix est: nefarius, & abominandus, qui hominibus amicus esse uult, Deo inimicus; partem habens non ampliùs cum Sanctis, sed unà cum execratis; qui in locum regni benedicti expetit ignem æternum, paratum Diabolo & angelis eius; & qui non ampliùs ab hominibus odio habetur, sed à Deo repellitur, & à conspectu ipsius eiicitur. nam

Matt. 10
 de hoc locutus est Dominus dicens, Qui negauerit me
 coràm hominibus, & erubuerit nomen meum, nega-
 bo & ego ipsum, & erubescam coràm Patre meo, qui
 est in coelis. Et iterum nobis discipulis inquit, Qui a-
 mat patrem uel matrem supra me, non est me dignus,
 & qui amat filium, uel filiam supra me, non est me di-
 gnus; & qui non tollit crucem suam, & sequitur me,
 non est me dignus; qui inuenit animam suam, perdet
 eam; & qui perdit animam suam propter me, inueniet
 eam. Quid enim prodest homini, si uniuersum Mun-
 dum lucretur, animæ uerò suæ detrimentum patia-
 tur, uel quam retributionem dabit homo pro anima
 sua? Et deinceps, Nolite timere, qui occidunt cor-
 pus, animam autem non possunt occidere. Timete
 potius qui potest animam & corpus perdere in geen-
 nam.

Quod

*Quòd imitari oportet Christum in patiendo, & emu-
lari eius patientiam.* CAP. VI.

VNVS QVISQVE, qui artem aliquam discit, intuens magistrum actione, usuque suo absolvere artis munus, conatur in suo opere illius similitudinem imitari. Nisi igitur vires intenderit, non erit in arte perfectus. Item nos magistrum habentes Dominum nostrum Iesum Christum, cur eius doctrinam non imitamur? Ille enim renunciauit uoluptatibus, delitiis, gloriæ, diuitiis, superbix, opibus, matri, fratribus, denique propriæ uitæ, & propter suam erga patrem pietatem, erga nosque benignitatem, non modò pertulit persecutionem, uerbera, opprobria, illusionem, sed etiam crucis supplicium, ut Iudæos, & Græcos ad pœnitentiam reuocatos seruaret. Cùm igitur ille propter nos uitæ commoda reliquerit, nec crucem sibi turpem existimans, neque mortem indecoram, quid est causæ cur nos eius passiones non imitemur, deferamusque præ eo uitam ipsam præstante illo nobis patientiam? Ille enim propter nos, nos propter ipsosmet patimur: non enim nobis opus habet ipse, sed nos illius misericordia indigemus. Solùm autem à nobis fidem germanam liberamque flagitat. Inquit Scriptura, Si iustus es quid dabis ipsi? uel quid de manu tua accipiet? uiro, qui est similis tui impietas tua & filio hominis iustitia.

*Iob. 35.
6.*

Rel. 2 Quòd

*Quòd non debet fidelis se periculis exponere, neque propter ignauiam
timere, sed cautè fugere, & si in discrimen incidat,
certare propter repositam coronam.*

C. A P. V I I.

RENVNCIEMVS ergo parentibus, consanguineis,
amicis, uxori, filiis, possessionibus, denique omni
uitæ, si quidem aliquid horum impediat pietatem. O-
portet enim orare nos ne intremus in tentationē. quòd
si ad martyrium uocemur, constanter confiteri precio-
sum nomen, ac si propter hanc causam supplicio afficia-
mur, lætemur quòd ad immortalitatem properamus,
persecutionem patientes nolimus quasi in re noua ob-
stupefcere, ne diligamus præsens sæculum, nec huma-
nas laudes, neque principum gloriam atque honorem
more quorundam Iudæorum, qui Domini opera admi-
rantes, metu Pontificum & reliquorum principum, in
eum non credebant: Dilexerunt enim magis gloriam
hominum, quàm gloriam Dei. Profitentes pulchram
illam confessionem fidei, non solum ipsi saluamur, sed
etiam nuper illuminatos confirmamus, & Catechu-
menos fideles reddimus. Si uerò de confessione decesse-
rimus, negantes pietatem ob sententiæ imbecillitatem,
metumque breuissimi supplicii; non solum ipsi nobis
uitam æternam eripimus, sed etiam aliis interitus aucto-
res sumus, & conduplicatum supplicium feremus, ut
qui propter abnegationem, suspicionem dedimus, cele-
bratam à nobis ueritatem, doctrinam erroris contine-
re. Quare ne simus nimis prompti, neque ad pericula
præcipientes: inquit enim Dominus, Orate, ne intretis in
tentationem. Spiritus quidem promptus est, caro au-
tem infirma. Quòd si tempus incidat, ne deturpemus
ignauia professionem nostram. Nam si quis abnegata
sua

102.12.

33

Mat. 26.

33

sua spe, qui est Iesus filius Dei, temporali morte sit liberatus, cras autem in grauiſſimum morbum incidens, uentris, siue ſtomachi, siue capitis, uel etiam in aliquam immedicabilē agritudinem lapsus, ueluti in tabem, cancrum, apostema, morbum intestini, aquam intercutē, tormina, breui exitu finiatur, atque è uita discedat, nō'ne huius uitæ bonis priuatus erit, & æternis excidet? quin potius intra æternos cruciatus se cōiiciet, profectus in tenebras exteriores, ubi est fletus & stridor dētium.

Qui uerò martyriū consequi meruit, gaudeat in Domino quod tantam coronam est adeptus, & per confessionem diem clausit extremum: ac quamuis fuerit catechumenus, latus discedat: passio enim, quā pro Christo sustinet, cedit ei in ueriores baptismum, quoniam ipse re ipsa commoritur Christo, alii in figura. Gaudeat igitur quod imitatur magistrum, quoniam de eo mandātū habemus, *Luc. 6.* Perfectus sit omnis sicut magister eius: magister autem eius, ac noster Iesus Dominus propter nos cæsus est, maledicta pertulit, & contumelias cum longanimitate, sputa, & alapas accepit, post flagella cruci affixus est, aceto & felle potatus, perficiens omnia, quæ de se scripta erant. Dixit Deo Patri, In manus tuas commendo spiritum meum. Quare, qui illius discipulus esse cupit, æmuletur eius certamina; imitetur patientiam; sciens quamuis ab hominibus igne comburatur, nihil tamen se passurum, ueluti illi tres pueri. quod si patiatur aliquid, tamen præmium à Domino consequetur, fidem habens uni, & soli uero Deo, ac Patri per Iesum Christum magnum Pontificem, & redemptorem animarum, certaminumque remuneratorem, Cui gloria in sæcula Amen.

IPSE enim nos excitabit omnipotens Deus per Dominum nostrum Iesum Christum, propter promissionem ipsius ueram; excitabit autem cum omnibus, qui à principio dormierunt, tales quales modò sumus praesenti figura, nil mancum habentes, nec corruptio-
 ni obnoxium; quoniam imortales resurgemus. Quamuis enim in mari moriamur; quamuis in terra discerpamur; quamuis à feris, uel ab auibus laniemur, tamen excitabit nos uirtute sua; quoniam Mundus totus Dei manu continetur. Capillus, inquit, ex capite uestro non perit. Ideo monet nos inquit, In patientia uestra possidete animas uestras. De resurrectione autem mortuorum, deque Martyrum remuneratione, Gabriel Danieli inquit, Et multi de iis, qui dormierunt, de terrae puluere resurgent; alii enim in uitam æternam, alii in turpitudinem & opprobrium æternum. Et intelligentes fulgebunt quasi sol, & quasi firmamentum, & stellæ. Quasi luminaria splendorem habituros Sanctos prædixit Sanctis. Gabriel, ipsos enim intelligere ueritatem testatur, & sacrum nomen eius. Non solum autem Martyribus promisit resurrectionem, sed etiam omnibus hominibus iustis, atque iniustis, piis, atque impiis, ut singuli pro meritis pendant. Adducet enim inquit, Deus uniuersam creaturam in iudicium in omni neglecto, siue bonum id fuerit, siue malum. Hanc resurrectionem non credentes Iudæi olim dicebant, Aruerunt ossa nostra, & dissensimus. quibus Deus respondens dicit, Ecce ego aperio tumulos uestros, & educam uos ex ipsis, & dabo spiritum meum in uobis, & uiuetis, & cognoscetis, quoniam ego Dominus locutus

- 22 tus sum, & faciam. Et per Isaiam inquit, Resurgent *Isa. 26.*
 22 mortui, & excitabuntur qui sunt in sepulchris; & lata-
 22 buntur quiescentes in terra, quoniam ros tuus medi-
 22 cina ipsis est. Multa alia de resurrectione dicta sunt, &
 de iustorum in gloria permanfione, deque impiorum
 supplicio, casu, auersione, poena, infamia, igne æter-
 no, uerme non pereunte. Quod uerò si uoluisset homi-
 nes immortales manere, hoc facere potuerit; ostendit
 in Enoch, & in Helia, quos mortem experiri non per-
 misit. Item quod potuerit quolibet tempore, si uolui-
 set, eos in uitam reducere, id facere, & per se, & per
 alios, manifestum fecit, cum filium uiduæ per Heliā ex-
 citauit, & Sunamitidis filium per Helissæum. Persuasi
 autem sumus mortē, supplicium non esse, ex eo quod
 sancti eam sunt passi; immo ipse sanctorum Dominus
 Iesus Christus uita fidelium, & resurrectio mortuorū.
 Quare ueluti in magna ciuitate uersantibus nobis, post
 certamina, inducit breuis temporis dissolutionem, ut
 postea unumquemque in uitam excitatum uel repro-
 bet, uel coronet. Nam qui Adæ & reliquorum corpo-
 ra ex terra coagmentauit, post dissolutionem ea repa-
 rabit, quoniam debetur hæc res rationali hominum
 naturæ. Perpetuitatē inquā, qui igitur corpus dissoluit,
 idem restituet. Et qui dixit quod accepit Dominus pul-
 uerē de terra, & formauit hominē, & inspirauit in faciē *Gen. 2.*
 eius spiritum uitæ, & factus est hō in animam uiuentē: *Gen. 3.*
 & qui post inobedientiam dixit, Terra es, & in terram
 reuerteris. idem postea nobis resurrectionem promisit.
 22 Audient enim inquit, qui sunt in monumentis uocem *Ioan. 5.*
 22 filii Dei, & qui audiuerint, uiuent. Præterea credimus
 resurrectionem futuram, ex Domini resurrectione: Ip-
 se enim, qui Lazarum quadriduanum in uitam. reduxit, *Matt. 9.*
 &

104. I I . & Iairi filiam, ac uiduæ filium, sequē ipsum etiam mandato Patris tertia die excitauit, quod est pignus & arra resurrectionis nostræ, Ego enim, inquit, sum resurrectio & uita; quique Ionam post tertium diem uiuum in columemque de uentre cete eduxit, & tres pueros de Babylonico camino eripuit, & Daniele ore leonum liberauit; is quoque nos poterit à morte excitare. Quod si Græci derident nos, non credentes nostris scripturis, saltem fidem habeant uati suæ Sibyllæ, quæ ad uerbum ita inquit.

- ” *Atque ubi cuncta cinis fuerint tenuisq; fauilla:*
- ” *Atque idem Deus exstinguet quem incenderat ignem,*
- ” *Ossaq; restituet rursum cineresq; sepultos;*
- ” *Et genus omne hominum (ut fuerant) Deus ipse reponet,*
- ” *Tunc graue iudicium ueniet, quo indicet Orbem*
- ” *Ipse iterum Deus, hosq; iterum iam terra recondet.*
- ” *Sed quosunque pios, uiuos suscipiet Orbis*
- ” *Inspirante Deo uitam, gratumq; fauorem,*
- ” *Mutuaq; inter se cumulabunt gaudia læti.*

Cum igitur illa resurrectionem affirmet, corporumque renouationem non neget, piosque ab impiis discernat; temerè ii nostratibus aduersantur. Quanquàm aiunt in unica specie * se resurrectionē ostendere, non credentes iis, quæ ipsimet narrant. Aiunt enim auem quandam esse soligenam, uberem præbentem resurrectionis demonstrationem, quam dicunt comparem non habere; solamque in Mundo reperiri, Phœnicem appellant; narrantque eam post quingentesimum annum in Aegyptum aduolantem, secumque copiam cinnamomi, casie, xylobalsami adducentem, in loco, qui dicitur, Solis ara, consistere, ibique conuersam ad aspectum Solis, ei (ut aiunt) supplicem sponte con-

conflagrare ; redigique in puluerem . Ex cineribus
 autem uermem existerem , eumque concalefactum , in
 nouam phœnicem formari , alitemque factum in Ara-
 biam , quæ est ultra Aegyptiacum saltum , aduolare .
 Cum ergo (ut ipsi aiunt) per auem rationis expertem ,
 probetur resurrectio , cur temerè nostratia calumnian-
 tur , cum fateamur , qui potentia sua effecit , ut quod
 non erat , esset , eum quoque facere posse ut id post e-
 ius interitum restituatur ? Nam propter hanc persua-
 sionem uerbera , persecutiones , mortes perferimus .
 nam frustra ea didicissemus , nisi firmiter nobis hære-
 rent ea , quæ aliis prædicanda suscepimus . Quemad-
 modum igitur credimus Mosi dicenti , In principio fe-
 cit cœlum ; & terram . & cognoscimus , non materiæ
 inopia , sed uoluntate sola Christum , quæ constituit , ea
 produxisse cœlum inquam , terram , mare , lumen ,
 noctem , luminaria , astra , uolatilia , aquatica , quadru-
 pedia , reptilia , plantas , herbas ; eodem modo excita-
 bit nos sua uoluntate , ope aliena non indigens . Eiuf-
 dem enim facultatis munus est , producere mundum ,
 atque mortuos excitare . Atque tunc quidem homi-
 nem , qui nullus erat , ex diuersis constantem rebus effe-
 cit , data ei anima de nihilo ; nunc autem existentibus
 animis , dissoluta corpora restituet . Rerum enim ma-
 nentium est resurrectio , non in nihilum redeuntium . Il-
 le igitur , qui prima corpora de nihilo effecit , ex iisque
 uarias naturas composuit , idem mortuos uita reddita
 excitabit . Nam qui in utero hominem de pusillo semi-
 ne fingit , animamque illi non dum existentem , creat , &
 (ut ipse inquit quodam in loco Ieremiæ) Antequam te
 formarem in utero , noui te . Et alio in loco , Ego Do-
 minus firmans cœlum , & fundans terram , & formans
 Spiritum

Ier. 1.

Zac. 12.

spiritum hominis in eo. idem ipse omnes homines excitabit, cum eius sint opera, quemadmodum diuina Scriptura testatur dixisse Deum unigenito Christo, Faciamus hominem ad imaginem & similitudinem nostram. Et fecit Deus hominem; secundum imaginem Dei fecit illum, masculum & foeminam fecit eos. Et diuinissimus & patientissimus Iob. de quo Scriptura ait, quod scriptum est eum resurrecturum cum iis, quos Dominus suscitabit, sic inquit ad Deum, Nonne sicut lac mulsisti me, & sicut caseum me coagulasti? pelle, & carnibus uestisti me, ossibus, & neruis compegisti me. uitam & misericordiam posuisti apud me, & uisitatio tua custodiuit spiritum meum. Hanc habens in me ipso, scio quod omnia potes. Ideo inquit Saluator ac magister noster Iesus Christus, Quod hominibus est impossibile, Deo possibile est. Dicitque Deo charissimus Dauid, Ps. 102. Manus tuæ fecerunt me, & plasmauerunt me. Et iterum, Ps. 138. Tu nosti figmentum nostrum. Et deinceps; Tu plasmasti me, & posuisti super me manum tuam. Mirabilis facta est scientia tua, ex me confortata est, non poterò ad eam. Imperfectum meum uiderunt oculi tui, & Isa. 64. in libro tuo omnes scribentur. Sed etiam Isaias illi supplicans dicit, Nos lutum, & tu factor noster. Quare si opus eius homo est per Christum effectus, omnino mortuus per eum resurget, uel ad rectè factorum præmia, uel ad scelerum supplicia. Quod si Iustitia iudicat ueluti legislator, quemadmodum impios punit, ita seruat fideles, atque eos, qui pro Christo ab hominibus sunt interfecti, alios quasi astra decoras, alios quasi luminaria illustrans, sicuti Danieli dicebat Gabriel. Quare cum fideles Christi discipuli omnes simus; eius promissionibus credimus. uerus est enim qui promisit

Dicit

» Dicit autem beatus Propheta Dauid, Fidelis Dominus *Ps. 144.*
 » in omnibus sermonibus suis, & sanctus in omnibus o-
 » peribus suis. Nam qui de Virgine sibi corpus parauit,
 is reliquorum hominum instituit originē, qui ipse se è
 mortuis excitauit, is omnes sepultos in uitam reuoca-
 bit; qui ex uno grano multum tritici de terra excitat, &
 abscissæ arbori regerminantes furculos restituit, & are-
 factæ uirgæ Aaron reddidit uiriditatem, ille ipse nos
 quoque suscitabit in gloria; & qui paralyticum in colu-
 mem restituit, aridam manum habentem curauit; cæco
 à natiuitate, luto de sputo ac terra factō, mancā par-
 tem reddidit, idem ille nos in uitam reducet; quique ex
 quinque panibus, & duobus piscibus, quinque millia
 hominum satiauit, ut duodecim cophani superessent;
 & in uinum aquam conuertit, & ex ore piscis per me
 Petrum eductum staterem censum petentibus misit, is
 quoque mortuos suscitabit. Hæc enim omnia nos de
 eo testamur, alia contestantur Propheta. Nos qui cum
 illo comedimus, & bibimus, & spectauimus eius mira-
 cula, uitam, consuetudinē, sermones, passionēs, mor-
 tem, resurrectionem à mortuis, uersatīque cum eo su-
 mus postea per quadraginta dies, mandatumque ha-
 buimus ut prædicaremus Euangeliū in uniuerso Mun-
 do, & doceremus omnes gentes; baptizaremūque in
 mortem eius in uirtute Dei cunctorum, qui est pater
 ipsius, & testimonio Spiritus, qui est paracletus; iidem
 illi docemus uos hæc omnia, quæ cū nobis præcipe-
 ret, in cœlum ab oculis nostris sublatus est, rediens ad
 eum, qui ipsum miserat. Quæ si credetis, beatitudinē
 assequemini, cæteroqui ipsi sine culpa inueniemur, nec
 nos contaminabit infidelitas uestra. De Martyribus
 dicimus uobis, ut apud uos in omni honore sint quem

admodum & apud nos in honore habiti fuerūt, beatus Iacobus Episcopus, & Sanctus noster condiaconus Stephanus. ii enim & à Deo sunt beatitudinem consecuti, & ab hominibus honorem; expertes omnis delicti; obfirmati aduersus peccatum; immutabiles in bonis; securi in laudibus, de quibus Dauid dicebat, Preciosa in cōspectu Domini mors Sanctorum eius. & Solomon, Memoria iusti cum laude. De quibus propheta quoq; dicebat, Viri iusti tolluntur.

De falsis Martyribus.

C A P. I X.

OMNIA iam dicta sunt, quæ ad eos, qui pro Christo uerè Martyres sunt, pertinebant, nihil de falsis Martyribus, de quibus scriptura dicit, Nomen Impiorum extinguitur. Testis enim fidelis non mentitur, & profert falsa testis iniquus. nam qui sine mendacio martyrium pro defendenda ueritate est excutis, is uerax Martyr putatur, fidelisque, eo quòd uerbo pietatis per proprium sanguinem est patrocinnatus.

Moralis admonitio.

C A P. X.

HORTAMUR uos fratres, & conserui ut relinquatis inania & turpia uerba, facetias, ebrietates, libidines, delicias, immoderatam iracundiam cum stultis sermonibus; quoniam neque in Dominicis diebus, qui sunt hilaritatis & lætitiæ, concedimus uobis præter sanctitatem aliquid dicere uel facere. Ait enim quodam in loco scriptura, Seruite Domino in timore, & exultate ei in tremore. Exultationes igitur uestras

stras cum timore & tremore celebrari oportet. Christianus enim fidelis nec carmen Ethnicum, neque metriciam cantilenam canere debet, quoniam continget eum in cantione, dæmoniacorum nominum Idolorum mentionem facere, & in locum Spiritus sancti inuadet in eum spiritus malus.

Admonitio erudiens fugiendam Idololatriæ abominationem.

C A P.

X I.

PR O H I B I T V M est autem iurare per illa, & in ore habere illorum abominabilia nomina, uel ea colere, uel timere ueluti Deos: non enim dii sunt, sed improbi dæmones, & ridicula opera. dicit enim quodam in loco Dominus de Israelitis, Reliquerunt me, & iurauerunt in diis, qui non sunt, & reliqua. Tolleram nomina idolorum ex ore ipsorum. Et alio in loco, Ipsi me prouocauerunt in iis, qui non sunt dii; irritauerunt me in Idolis suis, atque in omnibus scripturis hæc prohibita reperiuntur à Domino Deo.

Ier. 5.

Zach. 13

Deu. 32.

Quòd non oportet Cælum & astra colere, neque per ea, aut per alias creaturas iurare secundum Domini mandatum.

C A P.

X I I.

NO N solum enim de Idolis prohibitum est, sed etiam de luminaribus lege est sancitum, ne quis per illa iuret, neque ea colat: inquit enim, Ne aspiciens Solem, & Lunam, & astra, in errorem inductus ea adoret. Et alio in loco, Secundum uias gentium nolite discere, & à signis Cœli nolite timere. astra enim & luminaria ut luceant hominibus, non ut colantur

Deut. 4.

Ier. 10.

data

data sunt. Et si Israelitæ, uitio mōrum, pro Creatore adorabant creaturam, Opificem contemnentes, creaturam plusquàm oportuit admirantes; qui quandoque uitulum conflauerunt, ut in deserto; aliquando Beelphegor adorauerunt; aliquando Baal, & Thamus, & Sidoniam, Astartem, ac rursus Moloch, & Chamos; & aliquando Solem, ut in Ezeciele scriptum est. Iam uerò bruta quoque coluerunt, ut Aegyptium Apim & hircum; Desum, ac deos argenteos & aureos: quod factum est in Iudæa. quo circa minitans

3. Reg. II

Ezech. 9

illis per Prophetam aiebat, Parum ne est hoc domui
 „ Iudæ, quod faciunt abominationes istas, quas fecerunt, quando impleuerunt terram iniquitate, eo quod
 „ irritauerunt me? Et ecce ipsi sunt, quasi subsannantes,
 „ & ego faciam cum furore; non parceret oculus meus,
 „ neque miserebor, & clamabunt in auribus meis uoce
 „ magna & non exaudiam eos. Videte dilecti quanta aduersus Idololatrias, & colentes Solem, ac Lunam pronunciet Dominus. Quare debet homo Dei, uti Christianum decet, nec per Solem iurare, neque per Lunam, neque per astra, neque uerò etiam per Cœlum, neque per terram, uel per aliquod elementum magnum siue paruum. Nam si magister per uerum Deum nos iurare prohibuit, ut oratio uestra iureiurando firmior sit, neque uerò per Cœlum (pertinet enim ad Græcorum impietatem) neque per Israël, uel per Dei sancta, uel per altare, ac donum, uel per templi ornatum, uel per proprium caput. Est enim Iudaici abusus consuetudo, ideoque prohibetur: fidelibus uerò præcipit illorum sermonem esse, Est, est, Non, non, quodque præter id sit, esse à malo; quanto damnabiliores sunt qui falsa nomina adhibent ad iusu-

Mat. 23.

iurandum, & existimata pro ueris colunt? quos Deus propter malitiam tradidit in reprobum sensum, ut operentur quæ non oportet.

Numerus dierum festorum Domini, quos oportet custodire, & quando quilibet ex ijs sit celebrandus. CAP. XIII.

DI E S festos custodite fratres. In primis diem Natalem, qui celebretur à uobis uigesima quinta noni mensis. Post quem Epiphaniæ dies sit uobis in maximo honore; quo die Dominus propriam diuinitatem ostendit. Celebretur is sexta decimi mensis. Post quem, seruandum est à uobis ieiunium quadragesimæ, continens memoriam conuersationis & legislationis Domini. Celebretur hoc ieiunium ante ieiunium Paschæ, quod incipiens à secunda sabbati, desinat in Parasceuem. Post quos dies soluto ieiunio, aggredimini sanctam Paschæ hebdomadam; ieiunantes in ea omnes cum timore, & tremore, orantes per eos dies; pro iis, qui perèunt.

De Pascha.

CAP. XIII.

AG G R E S S I enim sunt consilium aduersum Dominum in secunda sabbati mense primo, qui est xanthicus, & ad tertiam sabbati durauit deliberatio; quarta decreuerunt eum cruce interimere.

De Iuda.

CAP.

XV.

AC Iudas hoc cognouit, qui pridem deprauatus, tunc etiam à diabolo auaritia corruptus fuit; quan-

quanquàm antea cùm ei loculi traditi essent, & pau-
 perum res furaretur, non reiectus fuit à Domino pro-
 pter longanimitatem, sed aliquando comedentibus
 nobis cum eo, uolens illum ad sanitatem reduce-
 re, nosque erudire, eius prædictionem præfatus est in-
 quiens, Amen amen dico uobis quòd unus ex uobis
 me tradet. Et quolibet nostrum dicente, nunquid ego
 sum? Dominoque tacente; confurgens ego unus ex
 duodecim, qui plus aliis ab illo diligebam, & ad pectus
 eius recumbens, ei supplicabam ut diceret, quis eum ef-
 fet traditurus; neque tamen hoc modo indicauit nobis
 illius nomen bonus Dominus; sed duo signa prodito-
 ris dedit, unum dicens, Qui intingit mecum panem in
 catino. alterum, Cui ego intinctam buccellam dabo.
 quanquàm illo dicente, Nunquid ego sum Rabbi? ta-
 men non dixit Dominus, etiam, Sed tu dixisti. illumque
 de hoc perterrefacere uolens ait; Væ homini illi, per
 quem filius hominis tradetur; melius esset ei si natus
 non fuisset. quæ cum audiuiisset, discessit, dixitque sa-
 cerdotibus, Quid uultis mihi dare; & ego illum uobis
 tradam? Illi uerò constituerunt ei triginta argenteos; &
 impleta est Scriptura dicens, Et acceperunt triginta ar-
 genteos precium apreciati, quod parauerunt à filiis
 Israel, & dederunt eos in domum figuli. Itaque quin-
 ta die cùm comedissemus apud eum Pascha, & in-
 tinxisset ille manum in catinum, & buccellam accepis-
 set, exiuiissetque nocte, dixit nobis Dominus, Venit ho-
 ra, qua dispergamini, & me solum relinquantis. Et quo-
 libet contendente, se eum non deserturum, meque Pe-
 tro promittente, cū illo me cōmoriturum, dixit, Amen
 dico uobis, antequā gallus cātet, ter me negabis nosse.

Quòd

Quòd non aderat Iudas cùm Dominus discipulis tradidit mysteria.

C A P.

X V I.

CVM uerò antitypa mysteria preciosi corporis & sanguinis sui nobis tradidisset, quibus non aderat unà nobiscum Iudas, exiit ad montem oliuarum prope torrentem Cedron, ubi erat hortus: aderamus cum eo etiam nos; hymnumque de more diximus; cumque longè à nobis secessisset, rogauit patrem dicens, Pater transfer à me calicem; ueruntamen non mea uoluntas fiat, sed tua. Quod cùm ter fecisset, nosque propter mortificationem in somnum incidissemus; accedens ipse ad nos, Venit, inquit, hora, & filius hominis tradetur in manus peccatorum. Et ecce Iudas & cum eo turba impiorum. signumque prodicionis illis ostēdit dolosum osculum, qui signo accepto ceperunt Dominum, uinctumque in domum Pontificis Caiphæ duxerunt, in qua frequens conuenerat non populus, sed colluuiēs; nec sacrū presbyterium, sed confessus iniquorum & impiorum consilium. Qui cùm multa contra eum facerent, nullum petulantiae genus omittebant, despuentes, deridentes, cædentes, conuiciantes, tentantes, diuinationes pro Prophetiis quærentes, simulatorem, blasphemū, Mo- sis uiolatorem, templi euerforem, sacrificiorum extinctorem, Romanorum hostem, Cæsaris aduersarium eum appellantes. Cumque usque ad primum diluculum ei ita insultassent, tauri illi & canes ad Annam eū ducunt, qui Caiphæ gener erat. cūque ibi similia egissent, & esset illo die Parasceue, Præsidi Romanorum Pilato tradunt, multa ac grauiā ei obiiicientes, quæ probare non potuerunt. Quare indignatus Pilatus nullam, inquit, aduersus hunc causam reperio. Itaque illi

T duobus

duobus falsis testibus productis, Dominum criminari uoluerunt. Qui cum uarii & inter se dissentientes reperi fuissent; ad maiestatem rem reuocauerunt, dicentes, Hic iactat se regem esse, prohibetque tributa dari Cæsari. fiuntque iidem accusatores, testes & iudices; sententiæque auctores, dicentes, Crucifige crucifige eum. ut impleretur quod de eo in Prophetis erat scriptum, Congregati sunt super me testes iniqui, & mentita est iniquitas sibi. Et rursus, Circumdederunt me canes multi, concilio malignantium complexi sunt me.

Psf. 26.
Psf. 21.
Ier. 12.
Psf. 68.
Psal. 21.
Zac. 14.

Et alio in loco, facta est hæreditas mea mihi; sicut leo in sylua, dedit super me uocem suam. Igitur Pilatus ob animi molliciem, dedecorato magistratu, ipse se improbitatis coarguit, qui turbas, quàm iustitiam colere maluerit; testatusque sit, illum esse innocentem, & uti nocentem, tamen eum crucis supplicio tradiderit, quancquàm Romanorum legibus prohibētibus quenquam indicta causa supplicio affici. Carnifices porrò comprehensum Dominum gloriæ, ligno confixerūt; sexta enim hora illum in crucem egerunt, tertia sententiam acceperunt, postea acetum ei ad bibendum felle mistū obtulerunt; tum uestimenta sorte partiti sunt, duosque maleficos ex utraque parte cum eo crucifixerunt, ut impleretur quod dictum est, Dederunt in escam meam fel, & in sitim meam potauerunt me aceto. Et rursus, Diuiserunt sibi uestimenta mea, & super uestem meam miserunt sortem. Et alio in loco, Et cum impiis reputatus sum. Deinde per tres horas tenebræ extiterunt à sexta ad nonam. Rursus lux orta est uergente Sole ad Occasum, sicut scriptum est, Non'ne dies, & non nox & ad uesperam erit lumen? Quæ omnia intuiti qui cum eo in crucem acti fuerant latrones, alter ex eis maledicta

dicta in eum iaciebat, ut qui ob imbecillitatē sibi opem
 ferre non posset, alter huius inscitia increpabat; ad Do-
 minumque conuersus uti illustratus ab eo, sciensque
 quānam esset qui pateretur, rogabat eum ut postea in
 regno, sui memor esset. Ipse uerò cōcessa illi rerum præ-
 teritarum obliuione, in Paradisum eum introduxit ad
 fruendum mysticorum bonorum suauitate. Circa ue-
 » rō horam nonam exclamans, Deus meus, inquit, cur
 » me dereliquisti, & paulò post uoce magna clamans, Pa-
 » ter, inquit, dimitte eis; non enim sciunt quid faciunt. &
 » subiungens, In manus tuas commendo spiritum meū.
 spiritum emisit; sepeliturque ante Solis occasum in
 monumento nouo. Illucescente uerò una sabbatorum,
 surgens à mortuis præstitit illa, quæ ante passionem no-
 bis prædicebat, quòd oportebat filium hominis in cor-
 de terræ per tres dies, & per tres noctes manere. Excita-
 tusque à mortuis, primū Mariæ Magdalenæ, & Ma-
 riæ Iacobi se se ostendit, postea Cleopæ in itinere, dein
 de nobis suis discipulis, qui quidem propter metum Iu-
 dæorum fugiebamus, clanculum autem de illo exqui-
 rebamus. Hæc in Euangelio quoque scripta sunt. præce-
 pit igitur nobis ut ieiunaremus sex his diebus propter
 Iudæorum impietatem atque iniquitatem: admonens
 nos ut eos ob interitum lugeamus, atque deploremus.
 Etenim ille quoque illacrymatus est, ignorantibus tē-
 pus uisitationis suæ. In quarta feria & Parasceue no-
 bis ieiunium indixit; in illa ob prodicionem, in hac ob
 passionem; desinere autem ieiunium in septima die in
 galli cantu. Iussit in ipso sabbato ieiunare, non quòd
 oporteat in sabbato ieiunium seruare, cū in eo cessa-
 tio conditi operis sit, sed quòd in illo tantū ieiunare
 oportet, in quo opifex ipse subtus terram mansit. In ip-

*S. Ign. ad
Trall.*

- Pf.* 73. so enim festo suo detinuērunt Dominū , ut impleret
tur ille sermo, Posuerunt signa sua in medio festiuitatis
- » eorum, & non cognouerunt. Debemus igitur pro ipsis
lugere, quòd cū uenisset Dominus, ei credere nolue
runt; iudicantesq; se salute indignos, eius doctrinam re
 - » iecerunt. Beati nos igitur sumus, qui aliquando popu
lus, nunc uerò gens sancta, liberata Idolorum errore,
 - » ignorantia, impietate: qui non misericordiam consecu
ti, nunc propter obedientiam cordis uestri misericordiā
impetrauistis. Vobis enim, qui ex gentibus uenistis, a
pertum est ostium uitæ, qui aliquando non eratis dile
cti, nunc in gratiam atque amorem recepti estis, popu
lus acquisitionis Dei, designatus ad eius uirtutes enun
- Isa.* 65. ciandas: de quibus dixit Saluator, Inuentus sum à non
- » quærentibus me, manifestatus sum à non interrogan
tibus me. dixi, Ecce adsum genti, qui non inuocauerūt
nomen meum. Nam cū illum non quæreretis, tunc
ab illo quæsi estis. Quare cū in eū credideritis, obe
dite eius uocationi, relinquētes multorum deorū insa
niā, atq; ad unum uerum & Omnipotentē Deum con
fugientes per Christum, qui effecti estis supplemētum
numeri eorum, qui saluantur decem millia myriadum;
 - » & millia millium, ut scriptum est in Dauid, Cadent à
latere tuo mille, & à dextris tuis decem millia. Et rur
sum, Currus Dei decem millibus multiplex millia lætā
tium. Ad Israellem uerò infidelem dicit, Tota die expan
di manum meam ad populum non obedientem, & con
tradicientem, ambulantem in uia non bona, sed post
peccata sua; populum irritantē me in conspectu meo.

Connumeratio prophetiarum prædictionum, quæ Christum prædicant, quarum exitum Iudæi cernentes, tamen ob malitiam credere noluerunt, eum esse Christum Dei, & ad crucem, gloriæ Dominum condemnauerunt.

CAP.

XVII.

VIDE TE quomodo irritauit Dominum populus,
 „ cùm ei credere noluerit. Ideo dicit, Irritauerunt *Pf. 106.*
 „ Spiritum sanctum, & conuersus est eis in odium. te-
 nebræ enim eis offusæ sunt propter suam improbita-
 tem, quoniam cernentes Dominum, non credide-
 runt eum esse Christum Dei, ante omnia sæcula ex ip-
 so genitum, filium unigenitum, propter infidelitatem
 uerbum Deum non agnouerunt. neque ex operibus
 suis, neque ex prophetiis de eo scriptis. Nam quòd de
 „ Virgine nasci debebat, legerant, Ecce uirgo conci- *Isa. 7.*
 „ piet, & pariet filium & uocabunt nomen eius Ema-
 „ nuel. Puer natus est, filius natus est, cuius princi-
 „ pium super humerum eius, & uocatur nomen eius
 „ magni consilii angelus, admirabilis, consiliarius,
 „ Deus fortis, dominator, princeps pacis, pater futuri
 „ sæculi. Quòd uerò propter summam uitiositatem non
 „ erant obediētes futuri, ait, Domine quis credidit *Isa. 53.*
 „ auditui nostro, & brachium Domini cui reuelatum
 „ est? Et deinceps, Auribus auditis, & non intelli-
 „ gitis; & uidentes uidetis, & non cognoscitis. Indura- *Isa. 6.*
 „ tum est enim cor populi huius. Quare crepta est iis no- *Act. 28.*
 titia, quoniam cum uidissent, despexerunt, & cùm au-
 diuissent, attendere noluerunt. Vobis uerò à genti-
 bus profectis assignatum est regnum, quoniam cùm
 Deum ignoraretis, per prædicationem credentes co-
 gnouistis; immò uerò ab eo cogniti estis per Iesum Sal-
 uatorem & redemptorem omnium, qui in eo spem col-
 lo-

locant. Nam relicta inani prioris temporis consuetudine; despectisque inanimis Idolis, illisque Dæmonum tenebris dispulsis, complexi uerum lumen, cognitoque per id uno & solo atque uero Deo, ac patre, regni eius hæreditatem estis consecuti. Nam baptizati in nomen Domini, atque in eius resurrectionem, ueluti infantes nuper nati nullum peccati sensum, actionemque habere debetis. Non enim in uestra estis potestate, sed eius, qui sanguine suo uos redemit. Nam de ueteri Israele propter eius infidelitatem (inquit Dominus) Tolletur à uobis regnum Dei, & dabitur genti facienti fructus ipsius. idest à uobis ab illo olim longè abalienatis, concesso regno, recipit rectæ sententiæ fructus. Vos enim estis, qui ad uineam olim missi fuistis, & obtemperare ei nolulistis: sed uos peccati dolore ducti, nunc in ea laboratis, illi ægrè ferentes conditiones, non modò uineam incultam reliquerunt, sed etiam interfecerunt procuratores Domini, alium lapidibus, alium ferro; quendam etiam dissecuerunt; alium interemerunt inter templum & altare. Denique ipsum hæredem extra uineam expulsum occiderunt, qui ab illis ueluti lapis inutilis est reiectus, à uobis ut angularis receptus. Ideo de uobis dicit, Populus, qui me non cognouit, seruiuit mihi, ad aurem auditus obediuit mihi.

Mat. 21

33

Pf. 17.

Quomodo agendum sit Pascha. CAP. XVIII.

OPORTE ergo uos fratres, qui precioso Christi sanguine redempti estis, dies Paschæ accuratè & cum omni diligentia celebrare. Post æquinoctium, ne bis in anno unius passionis memoriam colatis, sed
semel

semel in anno eius ; qui semel mortuus est , memoriam renouetis , cauentes ne cum Iudæis festum agamus . Nulla enim nunc est nobiscum cum illis societas . Versantur enim in errore , atque in ipso diei calculo , quem putant se obseruare , ut ex omni parte errare , & à ueritate discedere inueniantur . Vos autem obseruate subtiliter æquinoctium uerni temporis quod est x x i i . duodecimi mensis , qui dicitur Dystrus * obseruantes usq; ad uigesimum primæ Lunæ , ne in aliam hebdomadā incidat quartus decimus Lunæ , atque illo errore lapsi per ignorantiam , bis in anno celebremus Pascha , uel in alio die festum peragamus resurrectionis Domini nostri Iesu Christi , præterquàm in dominico solo .

Dispositio de magna Paschæ hebdomada. CAP. XIX.

IN diebus Paschæ ieiunate incipientes à secunda sabbati usque ad Parasceuem & sabbatum dies sex , solo pane utentes , sale , atque oleribus , & aqua in potum . A uino & carnibus uos abstinete in iis diebus ; sunt enim dies luctuosi , non festi . Parasceuem tamen & sabbatum integrum ieiunent , qui quidem possunt , nihil gustantes usque ad galli cantum noctis . Quod si quis non potest duorum dierum ieiunium continuare , seruet saltem sabbatum : ait enim quodam in loco de se Dominus , Quando discedet ab eis sponsus , ieiunabunt in illis diebus . iis igitur diebus sublati sunt à falsis Iudæis , & crucifixus est , & cum impiis reputatus .

S. Ign. ad Philip- pens.

Matt. 9.

De

CONSTIT. S. APOSTOLORVM

De pernoctatione magni Sabbati, & de die Resurrectionis.

C A P.

X X.

QUARE monemus uos ut ieiunetis per hos dies, quemadmodum nos etiam ieiunauimus cum nobis ipse creptus est, usque ad uesperam. In reliquis uerò diebus ante Parasceuem nona hora, uel uesperti quilibet cibum capiat, uel quemadmodum quisque poterit: à uespera autem quinti diei usque ad galli cantum uigilantes, atque in ecclesiam conuenientes uigilate orantes ac rogantes Deum, legentes in uestra pernoctatione legem, Prophetas, psalmos, usque ad galli cantum; baptizatisque Catechumenis uestris, & lecto Euangelio in timore ac tremore, luctum desinite, rogateque Deum, ut conuertatur Israel, & inueniat poenitentiae locum, atque impietatis remissionem.

- » quoniam Iudex alienigena lotis manibus dixit, Inno-
 » cens sum à sanguine iusti huius, uos uideritis. Israel ue-
 » rò exclamauit, Sanguis eius super nos & super filios
 » nostros. Pilatoque dicente, Regem uestrum crucifi-
 » gam? Ipsi exclamauerunt, Non habemus Regem
 » nisi Cæsarem; Crucifige crucifige eum. omnis enim
 » qui se Regem facit, contradicit Cæsari; & si hunc di-
 » mittis, non es amicus Cæsaris. Et Pilatus Præses, &
 » Herodes Rex iusserunt eum crucifigi: & impletus est
 » ille sermo; Quare fremuerunt gentes, & populi medi-
 » tati sunt inania. Astiterunt Reges terræ & Principes
 » conuenerunt in unum aduersus Dominum, aduersus
 » Christum eius, & proiecerunt dilectum ueluti mor-
 » tuum irrisum. Ipsoque crucifixo & suscitato, illuce-
 » scente die dominico, impleta est Scriptura, quæ dicit,
 » Exurge Deus iudicans terram, quoniam tu hæredita-
 » bis

Psal. 7.

Psal. 81.

bis in omnibus gentibus . Et rursum , Exurgam dicit *Pf. 12.*
 „ Dominus, ponam in salutari, fiducialiter agam in eo,
 „ & tu Domine miserere mei, suscita me & retribuam
 eis . Quare uos quoque suscitato Domino offerte sa-
 crificium uestrum , de quo uobis præcepit per nos, di-
 „ cens, Hoc facite in meam commemorationem . De-
 inde ieiunium soluite læti, & festum diem agentes,
 quoniam pignus resurrectionis nostræ Iesus Christus à
 mortuis est excitatus; idque sit uobis legitimum solen-
 neque in perpetuum usque ad consummationem sæ-
 culi, quoad uenerit Dominus . Iudæis enim Domi-
 nus etiam nunc mortuus, Christianis iam surrexit, il-
 lis propter perfidiam, iis propter fidei certitudinem .
 Quoniam spes in eo sita immortalis æternaque uita ha-
 benda est . Post octo dies iterum ueneranda Octauæ
 celebritas feruetur; in qua me Thomam resurrectio-
 nem credere nolentem confirmauit, demonstratis mi-
 hi fixuris clauorum laterisque lancea percussi uulnere .
 Ac rursum à prima dominica numeratis quadraginta
 diebus à dominica usque ad quintam, celebrate fe-
 stum Ascensionis Domini, in quo perfecta omni di-
 spensatione atque dispositione , in Cœlum ad eius
 Deum ac Patrem est receptus, sedens à dextris Vir-
 tutis, & expectans donec ponantur inimici sui sub pe-
 dibus suis . Qui in consummatione sæculi cum uirtute
 & gloria multa uenturus est ad iudicandum uiuos &
 mortuos, ac reddendum unicuique secundum o-
 pera sua . Tumque uidebunt dilectum filium
 Dei, in quem confixerunt, illoque cognito
 percutient se tributim, mulieres-
 que eorum seorsum .

*Ign. ad
 Magne-
 sios.*

ET ENIM nunc quoque decima mensis gorpyæi conuenientes, lamentationes Ieremiæ legunt in ea parte in qua dictum est, Spiritus faciei nostræ Christus Dominus comprehensus est in corruptionibus ipsorum. & quod scriptum est in Baruch, Hic est Deus

» noster, non æstimabitur alius aduersus eum; inuenit
 » omnem uiam scientiæ, & ostendit illam Iacob puero
 » eius, & Israel dilecto eius. Post hæc in terris uisus est,
 & cum hominibus conuersatus. Cumque hæc legunt se cædunt, & deplorant ut ipsi arbitrantur, solitudinem, quæ sub Nabuchdonosor contigit. Vt autem se habet ueritas, futuri luctus inuiti initia ordiuntur. Post decem Assumptionis dies, qui est à prima dominica quinquagesimus, sit uobis magnus dies festus Penthecostis. In eo die hora tertia misit nobis Dominus Iesus donum Spiritus sancti, repleti que sumus eius operatione, linguisque nouis locuti, quemadmodum eius afflatus nobis suggerebant, & prædicauimus Iudæis & gentibus eum esse Christum Dei constitutum iudicem uiuorum & mortuorum. Hoc Moses testatus dicebat, Accepit Dominus ignem à Domino, & pluit. Hunc uidit Iacob uti hominem, & dixit, Vidi Deum facie ad faciem, & saluata est anima mea. Hunc Abraam hospitio acceptum iudicem, suumque dominum confessus est. Hunc Moses in rubo uidit. de hoc in Deuteronomio dicebat, Prophetam uobis excitabit de fratribus uestris; tanquam me, ipsum audite in omnibus, quæ locutus fuerit uobis: & omnis anima, quæ non audiuerit Prophetam illum, exterminabitur è populo ipsius. Hunc uidit Iesus Nauæ dux exercitus Domini, armatum simul pugnantem ad Hiericho, quem

Baruch. 3.

Gen. 19.

S. Ignat.

ad Antio

ch. hæc

eadem se

reòmnia.

Gen. 32.

Deu. 18.

Ios. 5.

quem procidens adorauit uti dominus seruum. Hunc Samuel cum uidisset, Sacerdotes ac Reges Christos appellauit. Hunc Dauid cum uidisset, cecinit pro eo *I. Re. 16*
canticum appellans canticū pro dilecto. subiungensq; *24. 26.*
» in personam illius dicebat. Accingere gladium tuum *Psal. 44*
» ad femur tuum potentissime; specie tua & pulchritudi
» ne tua, intende, procede prosperè, & regna, propter ue
» ritatem & mansuetudinem, & iustitiam, & ducet te mi-
» rabiliter dextera tua. Sagittæ tuæ acutæ potens, populi
» sub te cadent in corde inimicorum Regis. propterea un
» xit te Deus Deus tuus oleo lætitiae iuxta participes tu-
» os. De eo quoque Solomon dicebat uti in personam *Prou. 8.*
» ipsius, Dominus possedit me principium uiarum sua-
» rum, ad opera ipsius ante sæcula fundauit me, in princi
» pio antequàm terram faceret, antequàm uenirent fon
» tes aquarum, antequàm montes stabilirentur, ante
» omnes colles generat me. Et rursus, Sapientia ædifica *Prou. 9.*
» uit sibi domum. De eo quoque Isaias dicebat. Egredie
» tur uirga de radice Iessæ, & flos de radice ascendet, &
» erit radix Iessæ, & qui surgit ut dominetur gentibus, in
» eum gentes sperabunt. Zacharias, Ecce Rex tuus ue- *Zach. 9.*
» nit iustus, & saluans, ipse mitis, & sedens super asinam,
» & pullum filium iumentum. Hunc Daniel filium homi- *Dan. 2.*
» nis esse, inquit, uenientē ad patrem, & omne iudicium
» atque honorem ab illo recipientem, & lapidē sine ma-
» nu à monte abscissum, factum in montem magnum, &
» replentem uniuersam terram, cōterentem imperia pro
» uinciarum, multitudinēq; Deorum, nunciantē unum
» Deum, & constituentem Imperium Romanum. De
» hoc Ieremias prædicebat, Spiritus, īquiēs, faciei nostræ *Iere. 4.*
» Christus Dominus comprehensus est in corruptioni-
» bus ipsorum, cui diximus, In umbra eius uiuemus in

gentibus. Et Ezechiel atque alii deinceps Prophetæ ubique prædicant hunc esse Christum, Dominum, Regem, iudicem, legislatorem, angelum Patris, unigenitum Deum. Hunc igitur nos quoque prædicamus, atq; nunciamus uobis Deum uerbum ministrās Deo eius, ac Patri, in condenda rerum uniuersitate: in hunc credentes uiuetis, non credentes plectemini. qui enim nō
 1. *Ioā.* 5. obedit filio, non uidebit uitam, sed ira Dei manebit super illum. Post festum Pentecostis celebrate unā hebdomadam, post quam ieiunate alteram hebdomadam: æquum est enim & lætari Dei dono, & ieiunare post hilaritatem. Etenim Moses & Helias ieiunauerunt per
Exo. 24. quadraginta dies, & Daniel hebdomadas dierum tris
Et 34. panem cupiditatum non comedit, nec caro, neque
Dan. 10. uinum in os eius intrauit. Et beata Anna rogans Samuel
1. Reg. 1. muellem dicebat, Vinum, & omne quod inebriat non bibi, & effundam animam in conspectu Domini. Nine-
Ioan. 3. uitæ, quoq; cum per tres dies & tres noctes ieiunassent,
Esth. 4. iræ Dei periculum effugerunt. Esther quoque Mardo-
Iud. 9. chæus, Iudith impiorum insultationem, idest Olopher-
Pf. 108. nis, & Amon ieiunio declinauerunt. Dauidque dicit, Genua mea infirmata sunt à ieiunio, & caro mea immutata est propter oleum. Vos quoque per ieiunium supplicationes uestras Deo offerte. Post hebdomadam ieiunii in omni quarta feria, & Parasceue præcipimus uobis ut ieiunetis, idq; quod à ieiunio superest, pauperibus præbeatis. In omni sabbato excepto uno, atq; die dominico conuentus celebrâtes exhilaramini: obnoxius .n. peccato est, qui die dominico ieiunat, cum sit dies resurrectioni dicatus, quiq; in Pētecoste atq; omnino in die festo Domini mœstitiam præsefert. per hos .n. dies exhilarari oportet, non lugere.

CON-

CONSTITUTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER SEXTVS.

De Schismate. CAP. I.



NTE omnia cauetes Episcopi à formidandis, grauibus, atq; impiis hæresibus, fugiētes eas ueluti ignē adurentē eos, qui ad illum accedunt. Fugite quoque schismata: nam nec ad nepharias hæreses fas est inclinare mentem, neque ab

eiufdem sententiæ fratribus ob imperandi cupiditatem licitum est recedere. Hæc enim cū quidam olim aggreſſi fuiſſent, non effugerunt ſupplicium. Dathan enim, & Abiron cū aduerſus Moſem ſe oppoſuiſſent; terrā motus abſorbuit, & Core cum ducentum quinquaginta uiris, qui in Aaron ſeditionem commouerunt, incendio ſunt conſumpti. Maria cum exprobraſſet Moſi, à caſtris ſeptē diebus ablegatur: dicebat. n. Moſem uxorem Aethiopiffam duxiſſe; ſed etiam idem factum eſt in Azaria, & Ozia Rege Iudæ, qui cum uſurparet ſibi ſacerdotium, ac uellet adolere incenſum, quod ad ſe non attinebat, prohibereturq; ab Azaria Pontifice, & ab octuaginta ſenioribus, neque illis obtemperaret, lepra in frōte eſt perſuſus. Itaque continuò exiuit, quoniam refutauit eum Dominus.

Num. 16

S. Ignat.

ad Mag.

Nu. 16.

Nu. 12.

2. Re. 26.

Quòd

ATTENDAMVS ò dilècti, quæ sit seditiosorum gloria, & quì euentus. nam si Reges inuadens, supplicio dignus iudicatur, quauis filius, uel amicus sit, quanto magis qui sacerdotibus insultat? Quanto enim sacerdotium regno est excellentius, cùm regendarum animarum officio præsit, tanto grauiori supplicio puni-
 2. Re. 25 tur, qui aduersus id aliquid temerè fecerit, quã qui ad-
 & Dathan. Illi enim aduersus Dauid de Regno, ii ad-
 uersus Mosem de principatu pugnam susceperunt, atq;
 omnes aduersariis maledixerunt. Abessalon Dauid pa-
 22 ter iniustum iudicem illum appellans, dicensque, Vni
 22 cuique sermones tui pulchri sunt, & non est qui iustifi-
 22 cet te, quis me faciet principem? Abeddam uerò, Non
 2. Re. 26 est mihi, inquit, pars in Dauid, neque hæreditas in filio
 22 Iessæ. scilicet indignum iudicans, Dauid imperio pare-
 22 re, de quo dixit Dominus, Inueni Dauid filium Iessæ
 22 uirum secundum cor meum, qui faciet omnem uolun-
 Nu. 16 tatem meam. Dathan autem & Abiron, & Coritæ dicē-
 22 tes in Mosem, Num parum est quòd eduxisti nos de
 22 terra Aegypti fluente lacte, & melle, & quid? quòd erui-
 22 sti oculos nostros, & tu imperas nobis? & congregaue-
 22 runt in eum Ecclesiam magnam. & Coritæ, Num Mosi
 22 locutus est Dominus soli; quid quòd Aaron soli dedit
 22 sacerdotium, non ne omnis Synagoga Domini sancta?
 22 & quid quòd solus Aaron sacerdotio fungitur. & ante
 22 hos alius dicebat, Quis te constituit iudicem principē,
 22 & iudicem nostrum?

De uirtute Moſis, deſque infidelitate gentis Iudæorum, & quòd Deus admirabilia edidit per eum. CAP. III.

ET inuecti ſunt in Moſem ſeruum Dei, omnium mitiſſimum, & fideliffimum, deſpexeruntque in-
 gratiſſimi tantum uirum legiſlatorem, cuſtodem, Pon-
 tificem, & Regem, interpretem diuinarum rerum, qua-
 ſi conditorem cùm conditoris opera oſtenderit, cle-
 mentiffimum, humiliſſimum, patientiffimum, huma-
 niſſimum, qui eos multis periculis liberauerat, & à ua-
 rio mortis genere ſua ſanctitate eripuerat; qui tot tan-
 taque ſigna atque prodigia populo ediderat; qui præ-
 clara & admirabilia opera in eorum beneficium effece-
 rat; qui decem plagas Aegypto intulerat; qui mare
 rubrum tranſmiſerat, aquasque ueluti murum utrin-
 que diuiſerat; qui per arida deſerta populum duxerat,
 Pharaonemque, & Aegyptios cum omnibus, qui eos
 ſequebantur, demerſerat; qui eis fontem iniecto ligno
 dulcem reddiderat, & ex petra dura ſitientibus eis a-
 quas eduxerat; qui manna eis de cœlo dederat, & car-
 nes de aere collegerat; columnam igneam noctu ad il-
 luſtrandum monſtrandumque iter præbuerat, & de
 die columnam nubis ad umbram faciendam, fran-
 gendosque ſolis ardores parauerat; qui legem Dei ta-
 bulis lapideis inciſam eis tradiderat, perfecti numeri
 Decalogum, quem Deus facie ad faciem alloqueba-
 tur, ueluti ſi quis cum ſuo amico loqueretur: de quo
 „ dixit, Non ſurrexit Propheta ut Moſes. Huic Cori-
 tæ, & Rubelitæ inſultauerunt, & in Moſem lapides ia-
 ctauerunt rogantem ac dicentem, Ne intendas in ſa-
 crificium ipſorum. Atque apparens gloria Dei, alios
 in terram demerſit, alios incendio conſumpſit. Itaque du-

Deu. 34.

CONSTIT. S. APOSTOLORVM

duces erroris & schismatis dicentes, Constituamus du-
cem nobis, aperiens se terræ hiatus deuorauit cum ta-
bernaculis suppellectileque ipsorum, & uiui in Infer-
num descenderunt. Coritæ igne sunt interempti.

*Quòd schisma efficit non qui ab impijs secessionem facit, sed qui à
pijs recedit.* CAP. IIII.

QUOD si iis, qui imperandi cupiditate se separa-
uerunt, statim Deus supplicium intulit, quan-
to grauiori pœna afficiet impiarum hæresum auctores
improbantes illius prouidentiam, & operum institu-
tionem? Sed uos fratres Scripturis eruditi, nolite fa-
cere schismata sententiæ, neque uerò unitatis uestræ,
quoniam, qui nefariæ opinionis sunt auctores, scopi
interitus populis statuuntur. Eodem modo laici cum
iis, qui contraria sententiæ Dei dogmata defendunt,
nolite societatem habere, neque participes illorum im-
pietatis fieri. Ait enim Dominus, Recedite è medio
Num. 16 „ horum hominum, ne cum eis pereatis. Et rursus,
„ Egredimini è medio ipsorum, & segregamini, dicit
„ Dominus; & immundum ne tangatis, & ego reci-
„ piam uos.

*Demonstratur ex prophetica prædictione, quare falsi nominis Israel
reiectus fuerit.* CAP. V.

VERUM enim fugiendi sunt, qui Deo blasphemiam
dicunt. quàm plurimi enim ex impiis Deum igno-
rant, ii uerò tanquàm Deo infensi malitiæ improbita-
tisque morbo laborant: nam ex malitia hæreticorum
prodiit contaminatio in omnem terram, ut inquit Ie-
remias

*S. Ign. ad
Philal-
deph.*

remias Propheta . Cum enim expulerit synagogam
 prauam Dominus Deus, domumque reiecerit, ut di-
 „ cit quodam in loco, Reliqui domum meam, dimisi hæ *Ier. 12.*
 „ reditatem meam . Et rursus , Relinquam uineam *Isa. 5.*
 „ meam, & non putabitur, neque fodietur , & ascendet
 „ in eam tanquam in terram incultam spina , & nubibus
 „ imperabo ne pluât super eam imbrem . Cum igitur re *Isa. 1.*
 „ liquerit populum sicut tentorium in uinea, & sicut po
 „ morum custodiam in cucumerario , sicut ciuitatem
 „ obsessam, subtraxeritque ei Spiritum sanctum, imbrêque
 „ propheticum ; repleuit gratia spiritali Ecclesiam ad *Eccle. 24.*
 „ similitudinem fluminis Aegypti in diebus noualium,
 „ & extulit eam quasi domum in monte collocatam, & *Isa. 2.*
 „ quasi in montem excelsum, quasi montem abundan-
 „ tem caseo , quasi montem pinguem in quo compla-
 „ cuit sibi Deus ut habitaret in eo. Etenim Dominus in *Psal. 67.*
 „ ea commorabitur usque ad finem. Et in Ieremia dicit, *Ier. 17.*
 „ Soliũ gloriæ exaltatum sanctificatio nostra . Et Isaias, *Isa. 2.*
 „ Et erit in nouissimis diebus manifestus mons Domi-
 „ ni, & domus Dei in summis montium , & exaltabitur
 „ super colles . Quoniam igitur populum reliquit , &
 „ templum desertum dimisit, abscisso uelo templi , su-
 „ blatoque ab eo Spiritu sancto ; Ecce enim, inquit, re- *Matt. 23*
 „ linquitur uobis domus uestra deserta ; Contulit uo-
 „ bis, qui de gentibus uenistis , spiritualem gratiam , ut
 „ inquit per Ioel, Et erit post hæc, ait Dominus, & effun- *Ioel. 2.*
 „ dam de spiritu meo in omnem carnem , & propheta-
 „ bunt filii uestri , & filiæ uestræ uisiones uidebunt ,
 „ & senes uestri somnia somniabunt . omnem enim ser-
 „ monis facultatem , & actionem , atque huiusmodi
 „ officium ereptum populo Deus in uos gentium sobo-
 „ lem transtulit. ideoque Diabolus inuidens sanctæ Dei
 „ Ecclesiæ

Ecclesiæ excitauit in nos ærumnas, persecutiones, perturbationes, blasphemias, schismata, hæreses. Nam populum illum propter Christum interfectum sibi subegit; nos qui ab eius uanitate recessimus, uariis modis tentat, ut olim beatum Iob. nam & summo Pontifici Iesu filio Iosedec restitit, & nos sæpè cribrare uoluit, ut deficeret fides nostra: sed magister noster illum in iudicium adducens dicebat, Increpet in te Dominus Diabole, & increpet in te Dominus, qui eligit Israël; *Zac. 3.* nonne ecce hic est auulsus tanquàm titio? & qui dixit *S. Ignat.* tunc iis, qui apud Pontificem aderant, Detrahitte ei ue *Smyrn.* *„* stimenta sordida. subiunxitque, Ecce abstuli iniquitates tuas abs te. idem dicet nunc, quod olim congregatis nobis dicebat de nobis, Quòd rogauit ne deficeret fides nostra. *„*

Quòd apud Iudæos constabat impia doctrina uariarum hæresum.

C A P. V I.

HABVIT quoque Iudaicus populus hæresum prauitates. nam Sadducæi ex illis prodierunt, qui negabāt mortuorum resurrectionem, & Pharisei, qui fortunæ & fato peccatorum actiones tribuunt. Et Basmothi, qui prouidentiam tollunt, affirmantes fortuito casu omnia constare, iiq̃ue animæ immortalitatem negant. Sunt quoque Hemorobaptistæ, qui quotidie nisi in aqua mergantur, cibum non capiunt, sed etiam lectis, tabulis, crateris, calicibus, scabellis nisi aqua purgatis non utuntur: & qui nostris temporibus orti sunt Ebionæi, filium Dei nudum hominem fuisse contententes, uiri libidine, & Ioseph; ac Mariæ concubitu genitum. qui ab iis omnibus separantur, & patrias leges seruant

seruant, sunt Hæssæi. Atque hæc quidem in ueteri populo fuerunt, sed nunc quoque improbus dæmon efficax ad malefaciendum, & bonum cuiusmodi sit ignorans, ex nobis quibusdam excitatis, hæreses & schismata in iis effecit.

Vnde ortæ sint hæreses, & quis fuerit auctor impietatis.

C A P. V I I.

NOVÆ autem hæreses hoc habuerunt exordium. Cùm inuasisset Diabolus Simonem quendam è uico Gitthon appellato, Samaritanum, arte magum, suæ prauæ sententiæ eum administrum effecit. quo autem tempore coapostolus noster Philippus, Domini dono, atque sui spiritus afflatu uirtutes curationū Samariæ administrabat; ita ut obstupescerent Samaritani in fidem uenerint cunctorum Dei & Domini nostri Iesu Christi, baptizatiq; sint in nomine ipsius; cumq; iam Simon ipse signa & prodigia intuitus, sine ulla magica arte perfecta, admiratusq; credidisset, & baptismum accepisset, atque ieiunio & orationi esset intētus: audientes nos grātiā Dei ad Samaritanos per Philip-pum peruenisse, ad eos accessimus, multisq; ad doctrinæ sermonem collatis, omnibus baptizatis impositis manibus, oratione, gratiam eis Spiritus sancti impartiebamus. Vidensq; Simon impositione nostrarum manuum dari credentibus Spiritum, obtulit nobis pecuniā inquires, Mihi quoq; hāc potestatem date, ut cui ego imposuero manus, is habeat spiritum sanctum. uolens scilicet; ut quemadmodum Adam gustato ligno, promissa immortalitate priuatus fuit, sic nos accepta pecunia deliniti, Dei munere excluderemur, quo per cō-

mutationem, pecuniam ei traderemus, inestimabilem Dei gratiam. Quare perturbatis omnibus nostris, conciliens ego Petrus oculos in maleficum serpentem, qui illum detinebat, respondi Simoni, Argentum tuum tecum sit in perditionem, quoniam donum Dei putasti pecunia possideri; non est tibi pars in sermone isto, neque fors in ista fide: cor enim tuum non est rectum coram Deo. Pœnitentiam itaque age à tanta nequitia & roga Dominum si fortè remittatur tibi hæc cogitatio cordis tui. in felle enim amaritudinis, & in uinculo iniquitatis uideo te esse. Tuncque Simon perterritus, Rogo, inquit, precamini uos pro me Dominum, ut nihil in me ueniat eorum, quæ dixistis.

Qui fuerint successores impietatis Simonis, & quibus hæresibus præfuerint. CAP. VIII.

CVM uerò ad gentes exiuius ad prædicandū uerbum uitæ, tunc Diabolus molitus est in populo, ut post nos Pseudapostolos mitteret ad sermonem labefactandum. Itaque produxerunt Cleobium quendam, & adiunxerunt Simoni: ii uerò discipuli fuerunt eiusdem Dosithei, quem reprobatū eiecerunt principatu, deinde alii aliorum absurdorum dogmatum auctores extiterunt Cerinthus, Marchus, Menander, Basilides, Saturninus. Ex iis alii plures deos esse opinantur; alii tres inter se contrarios sine origine, semper congregientes; alii infinitos, & ignotos; quidam uerò nuptias tollunt, arbitantes non esse eas opus Dei; alii quosdam cibos abominantur; alii inuerecundè fornicantur, quod nunc faciunt falsi nominis Nicolaitæ. Veruntamen Simon cum me Petrum primū conuenisset Casareæ Stratonis,

Stratonis, ubi Cornelius fidelis per me in Dominum Iesum crediderat, cum esset Ethnicus, uerbum Dei conatus est peruertere cum, una mecum adessent sacri filii Zachæus olim publicanus, & Barnabas; item Niceta, & Aquila fratres Clementis Episcopi, & ciuis Romani, Pauli coapostoli nostri discipuli, & in Euangelio coadiutoris. Cumque tertio cum eo disputassem de Propheta, deque Dei Monarchia, illum uirtute Domini conuictum, atque repressum, in Italiam aufugere compuli.

Quemadmodum Simon præstigijs quibusdam cum uoluisset uolare, precibus Petri ab alto deiectus fregit pedes, & manus;

Narrat Clemens, Hegesippus, Iustinus, Hirenæus.

C A P.

I X.

ROMAM cum uenisset Ecclesiam uehementer perturbauit, multos euertens, atque in suam adducens sententiam, gentes uero commouebat magicis artibus. Itaque quadam die cum in Theatrum in meridie processisset, iussissetque suis operis, ut me in Theatrum arriperent, pollicitus est se in aere uolaturum. Cumque omnes hac re erecti essent, ego seorsum orabam, itaque sublatus à Dæmonibus, uolabat sublimis, dicens in coelum se ascendere, unde illis bona suppeditaturus esset, populo illi, ueluti Deo, acclamante optima; attollens ego manus in coelum, tota mente supplicabam Deo, ut per Iesum Christum Dominum frangeret scelestum illum, & dæmonum uim labefactaret, in fraudem ac perniciem hominum, illa utentium; illumque perfra-ctum non occideret, sed comminueret. tuncque Simonem intuitus, Si Dei (inquam) homo ego sum, Apo-
Apo-

Apostolus uerò Iesu Christi uerus, doctorque pietatis non erroris, cuiusmodi & tu Simon; impero improbis uirtutibus apostatæ pietatis, quibus uehitur Simon Magus, ut remittant suas uires, ut ab alto hic decidat in risum eorum, qui ab ipso decepti sunt. Cumque hæc dicerem, desertus à uirtutibus Simon, cum magno fragore corruit, uehementerque concussus fregit coxendicem, & pedum tarfos, clamorque plebis ortus est, quo ferebatur unum esse Deum, quem iustè Petrus nunciaret, tantum ueritate fretus, multiq̃ue ab eo defecerunt. Quidam cum essent illius perniciæ digni, remanserunt in eius praua disciplina. Atque hoc modo primùm inducta Romæ est impia Simonianorum hæresis, atque per reliquos Pseudapostolos operabatur Diabolus.

Quomodo hæreses & inter se, & cum ueritate dissideant.

C A P.

X.

*Contra
has hære-
ses præ-
clare di-
sputat S.
Ignatius
in Episto-
lis, nō di-
scedens à
Clemēte.*

HI S omnibus unus, atque idem erat propositus impietatis finis, Omnipotenti Deo maledicere; ignotum Deum celebrare; nec esse Deum patrem Christi, neque Mundi conditorem, sed ineffabilem, atque innominabilem per se genitum, legis & Prophetarum oraculis non locutum; prouidentiam nullam esse; resurrectionem non futuram, nec Iudicium, neque retributionem; animam esse mortalem; uoluptatem solam sequendam; omnem cultum sine delectu amplectendum. Aliqui enim plures deos esse putant, aliqui tres principio carentes, alii duos ingenitos, alii infinita æua inducunt, ac quidam nuptias respuunt, carnem item & uinum, quæ in rebus abominandis po-
nunt;

nunt; item nubere, & liberis operam dare prohibent, ac quosdam cibos capere, scilicet ut hac continentia suæ sententiæ prauitatem facilius probare possint. Quidam uerò ex iis docent abstinendum carnibus, non quòd parcant animantibus ratione carentibus, sed quòd ea animam rationis participem habere existimant, eosque pœnas cædis daturus, qui ea occidere audent. Alii suilla tantùm carne abstinent, iis, quæ lege munda censentur, uescuntur; putantque circumcisionem ex lege seruandam. in Christum credendum ueluti in uirum sanctum, ac Prophetam. Alii docent sine pudore libidini inseruiendum, & carne abutendum, animamque ea sola ratione Mundi principes posse effugere, si omnem impuram actionem exequatur. Ii omnes Diaboli organa sunt, & iræ filii.

Expositio Apostolica prædicationis.

CAP. XI.

NO s uerò Dei soboles, & filii pacis, sacrum ac rectum prædicantes pietatis sermonem, unum solum nunciamus Deum, legis, ac Prophetarum Dominum; rerum omnium auctorem; Christi patrem; non qui sit sibi ipsi origo, & per se genitus, sed æternus; & principii expertem; & lumen inhabitantem inaccessibilem; non congeminatum uel multiplicem, sed solum in æternitate; non ignotum uel silentio abditum, sed per legem, ac Prophetas proditum, omnipotentem; omnium opificem; omnium potestatem habentem; Deum & patrem unigeniti & primogeniti omnis creaturæ; unum Deum, unius filii patrem, non multorum; unius Paracleti per Christum, aliorum ordinum effectorem; unum conditorem uariarum creaturarum

turarum per Christum ; factorem eundem , rectorem
ac legislatorem , per ipsum ; resurrectionis auctorem ,
iudicii retributionis , per eundem Christum . Hunc ip-
sum uoluit hominem fieri , qui uersatus est cum homi-
nibus sine peccato , passus est , à mortuis surrexit , & ad
illum , qui eum miserat , reuersus est ; Atque omnem
creaturam Dei bonam fatemur , nihilque respuen-
dum , omneque , quod ad naturæ necessitatem perti-
nens iustè sumitur , id optimum ducimus . Omnia e-
nim secundum scripturam erant ualde bona . Nuptias
legitimas , & liberorum procreationem honestam , nec
contaminatam credimus : nam ad propagandum ge-
nus hominum , sexuum differentia formata est in A-
dam & in Eua . Animam incorpoream , & immorta-
lem affirmamus , nec interire eam ueluti corpora , sed
perpetuò manere , uti rationis participem , & liberta-
te præditam . Omnem iniustum concubitum , maxi-
mè eum , qui contra naturam à quibusdam exercetur ,
respuimus ut nepharium , & sceleratum ; resurrectio-
nem futuram fatemur , iustorum & iniustorum , nec
non retributionem . Christum non confitemur pu-
rum hominem , sed Deum uerbum , & hominem , me-
diatorem Dei & hominum ; Pontificem Patris . Ne-
que uerò unà cum Iudæis circumcidimur , scientes ue-

Gen. 94.

»

nisse eum , cui repositum esset , & per quem cu-
stodirentur generationes , expectationem
gentium Iesum Christum , ex Iuda or-
tum , de Iessæ florem , cuius im-
perium super hume-
rum eius .

Contra

Contra eos, qui Christum confitentur, & tamen Iudaizare uolunt.

C A P.

XII.

SED quoniam tunc hæc hæresis magnas ad decipiendum uires uidebatur habere, totaque Ecclesia in periculo uersabatur, nos duodecim cum conuenissemus Hierosolymis (nam in locum proditoris Mathias Apostolus factus est, qui sortem Iudæ accepit (ut scriptum est, Et Episcopatum eius accipiat alter) unà cum Iacobo fratre Domini deliberabamus quid faciendum esset; uisumque est ipsi & Presbyteris, sermonibus doctrinæ alloqui populum. Etenim quidam à Iudæa Antiochiam profecti, docebant fratres, affirmantes nisi circunciderentur secundum morem Moysis, aliosque ritus, quos ille præceperat, seruarent, saluos fieri non posse. Cum ergo seditio, quæstioque non parua commota esset, & fratres, qui erant Antiochiæ, cognouissent nos conuenisse, ut de hac re quæreremus; miserunt ad nos uiros fideles, & sacrarum literarum peritos, ut de hac quæstione cognoscerent; qui cum ad nos uenerunt, nunciarunt nobis, quæ in Antiochæna Ecclesia quærebantur, aliquos affirmare, oportere circuncidi, aliasque ceremonias seruare. Atque aliis alia dicentibus, Ego Petrus cum consurrexissem, Viri fratres (inquam) scitis uos ab antiquis diebus in nobis elegisse Deum, ut per os meum audirent gentes Euangelii sermonem, & crederent. & qui nouit corda Deus testimonium perhibuit ipsis. Cornelio enim Centurioni imperii Romani, uisus est aliquando Angelus Domini, qui ei dixit ut me accerseret, ac de ore meo uerbum uitæ audiret. is uerò à Ioppe Cæsaream Stratonis me uocauit. cumque me ad iter pararem, uolui ci-

Act. 15.

Y bum

bum capere; qui cū pararetur, interea eram in cœnaculo orans: quo tempore uidi cœlum apertum, & uas quoddam quatuor iniis uinctum ueluti splendidum linteum in terram submitti; in quo inclusæ erant omnes quadrupedes, atque reptiles terræ, & alites cœli; auditaque est uox de cœlo, Surge Petre, 'sacrifica, & manduca. & ego respondi, Nequaquam Domine, quoniam nihil commune, uel immundum unquam comedi. Iterumque audita uox est, Quæ Deus purgauit, ne tu immunda existimaueris. Quod cū ter esset factum, uas in cœlum receptum est. cūque in dubio essem, quoniam spectaret uisa species, dixit mihi Spiritus, Ecce uiri te quærunt, surge & uade cum eis, nihil dubitans; quoniam ego illos misi. ii uerò à Centurione missi fuerant. Quæ cū mecum euolue-

Ioel. 2. rem, agnoui sermonem Domini scriptum, Omnis, qui
 „ inuocauerit nomen Domini, saluus erit. Et rursus,
Psal. 21 Recordabuntur & conuertentur ad Dominum omnes
 „ fines terræ, & adorabunt coràm eo omnes Tribus gen-
 „ tium, quoniam Domini est regnum, & ipse domina-
 „ tur gentibus. Cogitansque ubique de uocatione gen-
 tium scriptum esse, surrexi, & cum eis sum profectus,
 atque domum illius intraui. me uerò adhuc nuncian-
 te sermonem, cecidit Spiritus sanctus in eum, atque
 in illos, qui unà cum eo ibi aderant; quemadmodum
 nobis in principio acciderat; nullumque discrimen sta-
 tuit inter nos, & illos, fide purificans corda; & cogno-
 ui ego non esse acceptorem personarum Deum, sed in
 omni gente eum, qui timet ipsum, & operatur iusti-
 tiam, illi esse acceptum. Commoti autem hac re sunt
 qui ex circuncisione fideles erant. Nunc igitur quid
 tentatis Deum, ut imponamus iugum graue collo discipu-

scipulorum, quod nec nos, neque patres nostri ferre potuerunt, sed per gratiam Domini credimus saluari, quemadmodum & illi ? liberauit enim nos uinculis Dominus, & leuauit nos onere nostro, iugumque clementia dissoluit. Quæ cùm dicerem, filuit omnis multitudo, respondit autem Iacobus frater Domini iis uerbis, Viri fratres me audite, Simon narrauit quemadmodum primùm Deus statuit sumere de gentibus populum nomini suo, cui rei consentiunt uerba Prophetarum quemadmodum scriptum est, Post hæc reuertar, & restituiam tabernaculum Dauid collapsum, & ruinas illius reparabo, & excitabo illud ut requirant cæteri homines Dominum, & omnes gentes, super quas inuocatum est nomen meum, dicit Dominus faciens hæc, nota sunt à sæculo Deo omnia opera sua. Quare ego iudico non grauandos eos, qui à gentibus ad Deum se conuertunt, sed scribendum ad eos ut se abstineant à contaminationibus gentium, Idolothytis, sanguine, suffocato, & fornicatione; quæ etiam olim seruabantur ante legem ab iis, qui secundum naturam uiuebant, Enos, Enoch, Noe, Melchisedech, Iob, uel si quis alius huiusmodi fuit. Tuncque uisum est nobis Apostolis, & Episcopo Iacobo, atque Presbyteris cum uniuerfa Ecclesia, delectos ex nobis uiros mittere una cùm Barnaba, & Paulo gentium Apostolo, Tarsensi, & Iuda cognomento Barsabbano, ac Sila, uiris præcipuis inter fratres, scribereque epistolam eorum manu iis uerbis.

Apostoli & Presbyteri, & fratres, his, qui sunt Antiocheæ in Cilicia, & Syria fratribus, ex gentibus, salutem.

„ QVONIAM audiuius quòd quidam ex nobis

Y 2 con-

» conturbauerunt uos sermonibus, peruertentes animas
 » uestras iis, quæ non mandauimus; uisum est nobis in
 » unum congregatis, delectos uiros ad uos mittere cum
 » dilectis nostris Barnaba & Paulo, hominibus, qui ani-
 » mas suas tradiderunt pro Domino nostro Iesu Chri-
 » sto pro iis, quæ significastis. misimus etiam cum iis Iu-
 » dam, & Silam, qui uerbis eadem uobis referent. Vi-
 » sum est enim Spiritui sancto & nobis nihil plus imponi
 » uobis oneris, quàm horum necessariorum, ut absti-
 » neatis ab Idolothytis, sanguine, suffocato, & fornica-
 » tione, à quibus si continebimini, bene agetis. Valete.
 Atque epistolam quidem misimus, nos uerò per ali-
 quot dies mansimus Hierosolymis, simul deliberantes
 quæ ad communem utilitatem, & ad corrigendas res
 pertinebant.

Quòd oportet separari ab hæreticis. CAP. XIII.

POSTEA intercessit aliquod tempus; uisitatis fratri-
 bus, iisque in sermone pietatis confirmatis, admoni-
 tisque fugere eos, qui sub nomine Christi & Mosis ad-
 uersantur Christo, & Mosis, & in pelle ouina includunt
 lupum. ii enim sunt Pseudochristi, & Pseudoprophe-
 tæ, & Pseudapostoli, deceptores, corruptores, uulpibus
 similes, humi iacentes, uinearum calamitas; propter
 quos refrigescet multorum charitas. qui uerò perseue-
 rauerit usque in finem inflexibilis is, saluus erit. A' qui-
 » bus ut caueremus, Dominus nobis denunciabat, Ve-
 » nient, inquit, ad uos uiri in uestimētis ouium, intus
 » autē sunt lupi rapaces. à fructibus eorum cognoscetis
 » eos. Attendite ab ipsis. Surgent enim Pseudochristi,
 » Pseudoprophetæ, & decipient multos.

Qui sint, qui catholicam doctrinam prædicauerint, & quæ sint illorum præcepta. CAP. XIII I.

IGITUR horum causa nunc in unum conuenientes Petrus, & Andreas, Iacobus, & Ioānes filii Zebedæi Philippus, & Bartholomæus, Thomas, & Matthæus, Iacobus Alphæi, & Lebæus cognomento Thadæus, & Simō Cananites, & Mathias Iudæ suffectus, & Iacobus frater Domini, Hierosolymarum Episcopus, & Paulus doctor gentium, uas electionis, unā congregati scripsimus ad uos hanc catholicam doctrinam ad uos confirmandos, quibus in uniuerſa Ecclesia Episcopatus munus est commissum: in qua declaramus uobis, Deum Omnipotentem unum esse, præter quem nullus est, atque ut illum solum colatis, & adoretis per Iesum Christum Dominum nostrum in sancto spiritu; utaminiq; sacris Scripturis, lege, & Prophetis, parentes reueramini; omnes nefarias actiones fugiatis; resurrectionem & Iudicium credatis; retributionē expectetis; omnibus eius creaturis cum gratiarum actione utamini; ueluti eius operibus, nihilque in se continentibus mali, legitimè connubia iungatis: uituperatione enim carent huiusmodi nuptiæ, quoniam & à Domino iungitur uiro mulier, atque Dominus dicit, Qui fecit ab initio masculum, & foeminam, fecit eos & dixit, Propterea relinquet homo patrem & matrem, & adhærebit uxori suæ, & erunt duo in carne una. Neque uerò post nuptias liceat eam indemnata eiicere: Custodiet enim, inquit, spiritu tuo, & uxorem iuuentutis tuæ ne reliqueris; quoniam ipsa est particeps uitæ tuæ, & reliquiæ spiritus tui, & ego feci, & non alius: inquit enim Dominus, Quod Deus coniunxit, homo ne separet. Mulier enim est uita

Mat. 19.

Mat. 2.

tæ

tæ confors ac sociâ, in unum corpus à Deo cōflata'. qui uerò contrâ scindit in duo id, quod est in unum à Deo concretum; rationem rerum à Deo conditarum euer- tit, & illius prouidentia aduersatur. Eodem modo re- tinens eam, quæ naturæ legem uiolat, iniustè facit; quo- niam qui adulteram retinet, insanus atque impius est;

- Eccl. 25. » Abscinde enim eam, inquit, à carnibus tuis: non enim
est adiutrix, sed infidiatrix ad alium deflectens mentē.
Ier. 4. Neque etiam circuncidamini; contentique sint fideles
» circuncisione cordis in spiritu. Circuncidimini enim,
» inquit, Deo uestro, & circuncidite præputium cor-
dis uestri.

*Quòd non oportet baptismum iterare, neque recipere baptismum ab
impijs datum, qui baptismus non est, sed potius
contaminatio. C A P . X V .*

- E O D E M modo contenti sint uno solo baptismo, qui
in Domini mortem traditur, non ministerio ab on-
nandorum hæreticorum sed probatorum sacerdotum
in nomine Patris, & Filii, & Spiritus sancti. Neque im-
piorum baptismus recipitur, neque is, qui per sanctos
administratur, altero baptismo, debet irritus effici, ut
enim unus est Deus, & unus Christus, & Paracletus
unus, sic unus est baptismus, qui in eius nomine da-
tur. Qui uerò ab impijs piaculum accipiunt, eorum sen-
tentia socii fiunt. non enim illi sunt sacerdotes. dicit. n.
I. Reg. 3. iis Deus, Quoniam tu abiecisti sententiam, abiiciam
& ego te, ut non sis sacerdos mihi. Neque uerò bap-
tizati ab iis, initiati censentur, sed potius inquinati, cum
non peccatorum remissionem accipiant, sed impietatis
uinculum induant. Veruntamen initiatos iterum ba-
ptizare tentantes, crucifigunt Dominum, iterum eum
inte-

interimunt, derident diuina, elidunt sancta, insultant Spiritui, sanguinem sanctum ueluti communem contemnunt, peccant in mittentem, in passum, & in testificantem. Sed etiam, qui ob negligentiam baptizari contemnit, ueluti infidelis condemnabitur, & ei ex-
 „ probrabitur ueluti ingrato. Ait enim Dominus, Nisi *Ioã. 3.*
 „ quis baptizatus fuerit ex aqua & Spiritu sancto, non
 „ ingredietur in regnum cœlorum. Et iterum, Qui credi-
 „ derit, & baptizatus fuerit, saluabitur; qui uerò non cre-
 „ diderit, condemnabitur. Qui uerò dicit, Baptizabor
 cùm ad finem uitæ peruenero, ne peccem, & baptismũ
 inquinem. is Deum ignorat, & suæ naturæ est parum
 „ memor. Noli enim differre cõuerti ad Dominum; ne- *Prou. 3.*
 fcis enim quid sequens dies pariat. Baptizate quoque
 puerulos uestros, & educate eos in disciplina & præce-
 ptis Dei. Sinite enim, inquit, paruulos uenire ad me,
 & nolite eos prohibere.

De libris falsò inscriptis. CAP. XVI.

HAEC omnia mandauimus uobis, ut nostram sen-
 tentiam cognosceretis cuiusmodi sit, atque nostro
 nomine inuulgatos ab impiis libros ne receperitis. nō
 enim nominibus Apostolorum attendere debetis, sed
 naturæ rerum, & rectæ sententiæ. nouimus enim à Si-
 mone & Cleobio pestilentes sub nomine Christi &
 Apostolorum compositos libros circũferri in fraudem
 uestri, qui Christum, nosque eius seruos diligitis. Pri-
 scis quoque temporibus quidam libros Apocryphos
 scripserunt Mosi, Enoch, & Adæ, Isaïæ quoque, Daui-
 dis & Hæliæ, atque trium Patriarcharum perniciosos
 & ueritati infestos. Tales modò libros effecerunt exe-
 crandi

C O N S T I T . S . A P O S T O L O R V M

crandi homines , damnātes rerum originem , nuptias ,
prouidentiam , liberorum procreationem , legem , Pro-
phetas , barbara quādam nomina inferentes , ut ipsi
aiunt , Angelorum , re uera autem dāmonum in ipsis
loquentium . Quorum doctrinam fugite , ne supplicii
eorum participes sitis , qui illos conscripserunt , ut de-
ciperent ac perderent fideles , & laudandos Domini
Iesu discipulos .

De Clericis .

C A P . X V I I .

EPISCOPVM & Presbyterum , ac Diaconum dici-
mus unius uxoris debere constitui , siue uiuant eo-
rum uxores , siue decesserint . non licere autem iis , si
post ordinationem sine uxore fuerint , ad nuptias tran-
sire ; uel si uxores habeant , cum aliis coniungi , sed con-
tentos esse ea , quam habentes ad ordinationem uene-
runt ; ministros quoque , Cantores , Lectores , Ostia-
rios unius uxoris uiros esse iubemus . Si ante nuptias
ad clerum uenerunt , concedimus eis ut uxores ducere
possint , siquidem hoc expetent , ne si peccauerint , pœ-
na afficiantur . statuimus autem nemini licere ex clero
amicam , uel ancillam uel uiduam , uel repudiatam du-
cere , ut etiam lex uetat . Diaconissa sit uirgo , casta , sin-
minus , saltem uidua eligatur , quæ unum uirum ha-
buerit , fidelis & honesta .

Adhortatio admonens fugiendam impiorum hæreticorum societatem .

C A P . X V I I .

POENITENTES recipite : hæc est enim Dei uolun-
tas in Christo . Catechumenos , post institutionem
baptizate .

baptizate. Impios hæreticos, qui impœnitētes fuerint, segregatos à fidelibus eiicite, atque à Dei Ecclesia exterminate, præcipiteque fidelibus, ut ab eorum consuetudine omnibus modis se abstineant, nec sermonis cum iis, neque precum communionem habeant ullam. Ii enim aduersarii, insidiatoresque sunt Ecclesiæ, qui gregem labefactant, & hæreditatem contaminant. Ostentatores, atque ex omni parte deprauati, de quibus dicebat Solomon, in impietate eos simulare pietatem; Est enim, inquit, uia quæ uidetur quibusdam recta, sed extrema eius respiciunt profunda Inferni. hi sunt illi, de quibus Dominus amarè seuereque pronunciauit, dicens, Quod sunt Pseudochristi, & doctores falsi, qui blasphemia affecerunt Spiritum sanctum, eiusque donum post adeptam gratiam reiecerunt, quibus non remitteretur nec in hoc sæculo, neque in futuro; qui Iudæos falsa religione superant, Græcos impietate; qui Deo, qui est super omnia, maledicunt, & Filium eius despiciūt, atque doctrinam Spiritus contemnunt: qui diuinos sermones negant: & per hypocrisim se eos recipere simulant in contumeliā Dei: fraudemque eorum, qui eos sequuntur, qui sacram scripturam derident, & iustitiam, quæ tandē illa sit, ignorant; qui Ecclesiam Dei labefactant, ueluti uulpeculæ uineam. quos monemus ut fugiatis, ne laqueis animas uestras impediatis. Nam qui cum iustis ambulat, iustus erit; & qui cum insipientibus ambulat, cognoscetur. nec enim cum furibus currere oportet, neque cū adultero partem ponere, quoniam sanctus Dauid inquit, Domine qui oderunt te, eos odio habui, & aduersus inimicos tuos contabui. perfecto odio oderā illos. inimici facti sunt mihi. Et Iosaphat Deus exprobrat

Pro. 14.

Eccle. 9.

Z ami-

2. Pa. 19

amicitiam, societateq; initam cum Achabo, & Ozia,
 » amicitia iungeris, & auxilium præbes ei, qui odio ha-
 » betur à Domino, ideo statim ira Domini facta esset in
 » te, nisi inuentum fuisset cor tuum perfectum erga Do-
 » minum. propterea pepercit tibi Dominus. uerunta-
 » mē interrupta sunt opera tua, & fractæ sunt naues tuæ.

Isa. 57.

Vitate igitur illorum societatem, atque ab eorum pace
 abalienamini. de iis enim Propheta loquebatur iis uer-
 bis, Non est gaudere cum impiis, dicit Dominus: ii. n.
 sunt occulti lupi, noui canes, qui non possunt latrare,
 qui quidem modò sunt pauci, sed progrediente, atque
 appropinquante cōsummatione, plures grauiioresque
 » sunt futuri; de quibus dicebat Dominus. Nunquid fi-
 » lius hominis cum uenerit, inueniet fidem in terra? &
 » eo quòd abundabit iniquitas, refrigescet charitas mul-
 » torum, & uenient Pseudochristi, & Pseudoprophetæ,
 » & dabunt signa in cœlo, ut si fieri possit etiam electi de-
 » cipiantur. quorum fraude liberabit nos Deus per Ie-
 sum Christum, qui est spes nostra. Etenim nos quoque
 cūm peragraremus gentes, ecclesiasq; cōfirmaremus,
 alios quidem multis admonitionibus & sermonis me-
 dicina curatos ad sanitatem reduximus, cūm morti es-
 sent uicini, & tantū non animam efflarent; eos, qui
 nullo remedio curari potuerunt, ab ouili eiecimus, ne
 morbi contagione ualentes agni contabescerent, sed
 puri, mundi, sani, integri Domino conseruarentur.

Atque hæc quidem ubique toto orbe terrarum in sin-
 gulis ciuitatibus præstitimus. Reliquimus uerò uobis
 Episcopis, & reliquis sacerdotibus iure, ac merito hu-
 ius catholicæ doctrinæ monumentum pro confirmatio-
 ne illorum, qui Deo crediderunt. Quam doctrinam
 misimus

mifimus per Clementem cooperatorem noſtrum fideliffimum, & filium unanimem in Domino unà cū Barnaba & Timotheo filio optatiſſimo, & Marco Germano, cum quibus Titum uobis dedimus, & Lucam, Iafonem quoque & Lutium, & Soſipatrum, per quos hortamur uos in Domino, ut à ueteri conſuetudine recedatis, uinculorum, inanum, exterminationum, obſeruationum, delectuſ ciborum, baptiſmorū quotidiana norum: uetera enim receſſerūt, ecce noua ſunt omnia.

Contra improbantes legem. CAP. XIX.

COGNOSCITIS enim Deū per Chriſtum, uniuerſamque eius diſpēſationem à principio inſtitutam, quòd dedit nobis legem ſimplicem ad auxilium naturalis legis, puram, ſalutarem, ſanctam, in qua & proprium nomen reſpoſuit, perfectam, abſolutam, decem præcepta continentem, plenam, reprehensione carentem, conuertentē animas, cuius immemores Hebræos
 „ per Malachiam prophetam admonet dicens, Recordamini legis Moſis hominis Dei, qui præcepit nobis man
 „ data & iuſtitias. qui adeò ſanctus ac iuſtus eſt, ut cū
 „ Dominus leproſum unum curauiffet, poſtea que no-
 „ uem alios, dixerit priori, Vade & oſtende te Pontifici,
 „ & offer munus, quod præcepit Moſes in teſtimonium
 „ ipſis. nouem uerò illis rurſum, Ite & oſtendite uos ſacerdotibus. Non enim legem diſſoluit, ut Simon opi-
 „ natur, ſed impleuit. Inquit enim, Iota unū, & unus apex
 „ non præteribit à lege, quouſq; omnia fiant: non enim
 „ ueni, inquit, ſoluere legem, ſed adimplere. Etenim Moſes legiſlator ſimul ac Pontifex, idemque Propheta, & Rex, Helias quoque zelator Prophetarum adfuerunt

Mal. 4.

Luc. 5.

Matt. 5.

in transfiguratione, Domini in monte, incarnationis, passionumque testes, ut amici, familiaresque Christi, non ut inimici, & alieni. Ex quibus perspicuum fit, legem bonam sanctamque esse unà cum Prophetis.

Que sit naturalis lex, & que sit inducta, atque adiecta, & quam ob causam inducta sit. CAP. XX.

LEX est Decalogus, quam antequàm populus uitulum, hoc est Apim Aegyptium faceret, Deus tulit uoce, quæ auribus audiretur. Hæc lex iusta est; ob quam causam lex dicitur, quoniam secundum naturam iustè iudicia facit, quam Simon improbat, putans se ab ea iudicatum, supplicium effugere non posse. Hæc lex bona est, sancta, libera. inquit enim, Si feceris mihi altare, ex terra facies mihi ipsum. non dixit Fac, sed, si feceris. non necessitatem imposuit, sed liberæ potestati permisit. non enim sacrificio opus habet Deus, cum nulla re suaptè natura indigeat, sed quemadmodum iam superiori tempore Deo charus Abel, & Noe, atque Abraam, & reliqui non rogati, sed naturali lege commoti, sua sponte Deo sacrificia offerebant à grato animo profecta, ita permittit modò Hebræis, non iubendo, sed si uoluerint concedendo. ac si recta animi sententia obtulerint, benignè recipiendo sacrificia ipsorum. Ideo, inquit, Si sacrificare desideras, non indigenti mihi sacrificas; nulla enim re opus habeo: meus est enim orbis terrarum, & perfectio eius. Cum uerò eius populi homines huius rei immemores fuerunt, & uitulum pro Deo Deum inuocauerunt, ei que causam professionis ab Aegypto tribuerunt, dicentes, Hi sunt dei tui Israel, qui eduxerunt

runt te de terra Aegypti. Et colentes similitudinem uituli comedentis foenum, negauerunt Deum, qui per Mosem uisitauerat ipsos in tribulatione ipsorum; Mosem (inquam) qui in manu & uirga signa effecerat, Aegyptios decem plagis percusserat, mare rubrum diuisis aquis transmiserat, eos per mediam aquam ut equitatum per campum duxerat, inimicos, & insidiatores eorum demerferat, fontem amarum ad Maran dulcem reddiderat, ex duro lapide aquam ad satietatem eduxerat; columna nubis propter æstus magnitudinem eos contexerat; columna ignea illustrauerat, uiamque monstraauerat ignorantibus quò pergerent; qui manna de cœlo dederat, à mari carnis copiam miserat, inuecta ortygometra; qui in monte leges eis dederat. Cuiusque uocem audire meruerant, eum abnegauerunt dicentes, Fac nobis deos, qui præeant nos. uitulumque conſtauerunt, & sacrificauerunt Idolo. Tunc uerò ira incensus Deus, ut qui eos ingratos uidebat, obligauit eos uinculis arctissimis oppressionem onerum, atque duricie catenæ, & non amplius dixit, Si feceris, sed Fac altare, & assidue sacrificia: immemor es enim gratiæ. Offer igitur iuge holocaustum, ut memor sis mei. Nam quoniam malè usus es libertate, posthac tibi impono necessitatem, atque certis cibis te prohibeo, & animalium mundorum & immundorum delectum tibi præscribo, quauis omne animal bonitatem habeat, ut quod à me factum sit, & exterminationes tales tibi impero, expiationes, assidua baptismata, aspersiones, lustrationes, cessationes uarias, atque iis singulis, nisi obtemperaueris, poenam statuo, ut æquum est inobedienti, ut hoc modo uexatus, & catena enectus, à multitudine
deorum

Exo. 32. deorum recedas; omissoque illo, Hi sunt dii tui Israel. recorderis illius, Audi Israel Dominus Deus tuus Dominus unus est, confugasque ad illam legem, quam ego natura omnibus hominibus indidi, unum solum esse Deum in cœlo & in terra, huncque diligendum ex toto corde, ex omnibus uiribus; atque ex omni mente, & excepto illo neminem timendum; neque aliorum deorum nomen mente concipiendum, neque lingua pronunciandum. Nam ob duritiem obligauit eos, ut sacrificando, cessando, se expiando, atque talia obseruando, in cogitationem eius uenirent, qui hæc ip[s]is præcepisset.

Quod sub gratia sumus, & non in seruitute legis induc[t]a in Christum credentes.

CAP. XXI.

VESTRI, qui credidistis in unum Deum, ac non necessitate, sed recta sententia, ei, qui uos uocauit, paruistis, beati sunt oculi, quoniam uident, & aures, quoniam audiunt. soluti enim estis uinculis, & seruitute liberati. non ampliùs enim (inquit) dico uos seruos, sed amicos, quoniam omnia, quæ audiui à Patre meo, manifestaui uobis. illis enim nolentibus loqui uel audire, non defectu pœnarum, sed abundantia nequitiae, dedi mandata non bona, & iustitias, in quibus uiçturi non sunt. non bona autem ex proposito ipsorum, quoniam cauteria, gladius, medicamenta infesta sunt non ualentibus; non seruantur autem propter inobedientiam, unde non seruata mortem eis afferunt.

Quod

Quòd lex de sacrificio inducta erat, quam adueniens Christus, sustulit. C A P. X X I I.

VOS igitur beati estis, qui maledictione estis liberati. Christus enim Dei filius cum uenisset, legem ratam habitam impleuit, inducta sustulit, si non omnia, at grauiora; legem confirmans, iis finem imponens, uoluntatemque humanam rursus dimisit liberam, ut non hic temporaneæ mortis iudicium exerceat, sed in alio statu rationes sit cogniturus. Ideoque dicit, Qui uult uenire post me, ueniat. Et rursus, Num & uos uultis abire? Iam uerò ante quoque eius aduentum recusabat populi sacrificia, sæpenumerò in eum peccantis, atque existimantis sacrificiis eum non poenitentia placatum iri. ita enim, inquit, Vt quid mihi incensum de Saba affers, & cinnamomum de terra longinqua? Holo *Ier. 6.*
 caustomata uestra non sunt accepta, & sacrificia uestra non placent mihi. & deinceps, Holocaustomata uestra *Ier. 7.*
 congregate cum sacrificiis uestris, & comedite carnes, quoniam non mandauì uobis, quādo eduxi uos de terra Aegypti. De holocaustis, & sacrificiis per Isaiam *Isa. 1.*
 quoque, Quid mihi multitudo uictimarum uestrarum? dicit Dominus. Plenus sum holocaustis arietum: adipem agnorum, & sanguinem taurorum, & hircorum nolo, neque ueneritis apparere mihi. Quis enim quæfuit hæc de manibus uestris? calcare atrium meum non addetis amplius. Si obtuleritis filiginem, uanum, incensum, abominatio est mihi. Neomenias uestras, & sabbata uestra, & diem magnum non feram. Ieiunium, & cessationem, & festiuitates uestras odit anima mea. facti estis mihi in facietatem. Et per alium dicit, Disce *Amos. 5.*
 de à me, sonum carminum tuorum, & psalmum organorum

CONSTIT. S. APOSTOLORVM

ganorum tuorum non audiam. & Sauli, qui sacrificare
I. Reg. 15 constituerat, Samuel dicit, Bona auscultatio super sa-
 „ sacrificium, & obedientia super adipem arietum. Ecce
 „ enim non uult Deus sacrificium sicut obtemperari si-
 „ bi, & per Dauid dicit, Non recipiam de domo tua ui-
Psal. 49 tulos, neque de gregibus tuis hædos. Si esuriero non
 „ dicam tibi: meus est enim orbis terrarum, & perfe-
 „ ctio eius. Num manducabo carnes taurorum, aut san-
 „ guinem hircorum bibam? Sacrifica Deo sacrificium
 „ laudis, & redde altissimo uota tua. Atque in omni-
 „ bus scripturis eorum sacrificia reiicit, quoniam ii in ip-
 „ sum peccauerunt. Sacrificia enim impiorum, abomi-
Prou. 15 natio apud Dominum. Etenim iniquè offerunt ea. &
 „ iterum, Sacrificia ipsorum tanquàm panis ipsis, om-
 „ nes comedentes ea inquinabuntur. Quòd si ante suum
 „ aduentum, loco sacrificii cor mundum postulabat, &
 „ spiritum contritum, modo cùm iam uenerit, multo
 „ magis hæc, quæ per sanguinem fiebant, eum dicimus
 „ sustulisse. Sustulit autem cùm prius illa impleuerit. e-
 „ tenim circumciscus est, & aspersus, sacrificia quoque
 „ obtulit, & holocausta, atque aliis moribus usus est; ip-
 „ seque legislator effectus est perfectio legis, non subla-
 „ ta lege naturali, sed extinctis iis, quæ per deuterolim
 „ inducta fuerant, quanquàm non omnibus.

*Quomodo Christus impleuerit legem, & quæ extinxerit, quæ
 commutauerit, uel transfulerit. CAP. XXIII.*

L E G E M enim naturæ non sustulit, sed confirma-
Deut. 6. uit: nam qui dixit in lege, Dominus Deus tuus,
 „ Dominus unus est. idem dicit in Euangelio, Vt co-
Ioan. 17. gnoscant te solum Deum. & qui dixit, Diliges proxi-
 „ mum

mum tuum, sicut te ipsum. in Euangelio renouato
 præcepto. Mandatum nouum (inquit) do uobis, ut *104. 13.*
 diligatis uos inuicem. Qui tunc cædem prohibuit,
 modò prohibet inconsideratam iram; qui tunc adul-
 terium, modò illicitam cupiditatem, qui tunc latro-
 cinium, modò magis commendauit eum, qui de pro-
 priis laboribus inopibus præbet; qui tunc odium prohi-
 buit; nunc inimicorum dilectionem præcepit; qui uindi-
 ctam, nunc præcipit patientiam, non quòd iniusta sit
 uindicta, quæ iustè sumatur, sed quòd præstantior sit
 patientia. Neque uerò naturales affectiones excidi ius-
 sit, sed illarum exuperantiam; qui colendos parentes
 præcepit, ipse iis subiectus erat; qui Sabbatum seruari
 uoluit, ut ille dies consumeretur in legum meditatio-
 ne, nunc quotidie iussit nos cogitantes conditæ natu-
 ræ prouidentiaque legem, gratias agere Deo. Cir-
 cumcisionem sustulit, cum eam in se expleffet. Ipse e-
 nim erat, cui reposita erat expectatio gentium; qui ius-
 iurandum præceperat, & periurium prohibuerat, om-
 nino iurare uetuit. Baptismum, sacrificium, sacerdo-
 tium, localem adorationem alio modo mutauit. pro
 quotidiano baptismo, unum solū baptismum instituit,
 qui in eius mortē perficitur pro una tribu. De qualibet
 natione præcepit optimos deligi, nec corporum integri-
 tatem spectari, sed religionem ac uitam. Pro sacrificio
 cruento, rationale, & incruentum, ac mysticum sacri-
 ficiū instituit, quod in mortē Domini per symbola cor-
 poris, & sanguinis sui celebratur. pro adoratione locali,
 ab ortu Solis usq; ad occasum in omni loco imperii sui;
 nomen suum celebrari statuit. Quare non sustulit à no-
 bis legem, sed uincula: nam de lege Moses inquit, *Deuter. 6*
 „ Meditaberis uerbum, quod ego tibi mando, sedens
 A A domi,

Pfal. 1. domi, surgens & ambulans in uia. Et Dauid ait, In
 „ lege Domini uoluntas eius, & in lege eius meditabe-
 „ ris die ac nocte. ubique enim nos legibus obsequentes
Pfal. 13. esse uult, non legum contemptores. Beati enim (in-
 „ quit) immaculati in uia, qui ambulant in lege Domi-
 „ ni; Beati qui scrutantur testimonia eius: in toto corde
 „ exquirent eum. Et iterum, Beati sumus Israel, quo-
 „ niam quæ placent Deo, cognita sunt nobis. Et Do-
 „ minus inquit, Si hæc cognouistis, beati estis si fece-
 „ ritis ea.

*Quòd per Romanos quoque uoluit Dominus Iustitiæ legem de-
 monstrari.* CAP. XXIIII.

NON solùm per nos Iustitiæ legem uult demon-
 strari, sed etiam placuit sibi, ut ea per Romanos ap-
 pareret, atque luceret. nanque ii quoque credentes
 in Dominum, à deorum errore, atque iniquitate re-
 cesserunt, & bonos receperunt, improbosque puniunt,
 & Iudæos uectigales habent, atque suis iustis eos uti
 non permittunt.

*Quòd Deus Iudæos ob impietatem, qua aduersus Christum usi
 sunt, in seruitutem redactos, tributo subiecit.*

C A P.

X X V.

QVONIAM sponte seruitutem sibi imposuerunt
 dicentes, Non habemus Regem nisi Cæsarem;
 & nisi occidamus Christum, omnes in eum credent,
 & uenient Romani, & tollent locum nostrum & gen-
 tem. atque inuiti uera prædixerunt: nam & in eum
 gentes crediderunt, ipsique à Romanis potestate spo-
 liati

liati sunt, prohibitiq̃ue ea facere, quæ sibi patriis legibus præcepta fuerant: Maledictus enim (inquit) qui non manet in omnibus scriptis in libro legis ut ea faciat. fieri autem non potest, ut cum dispersi uagique inter gentes uiuant, omnia faciant, quæ lex præscribit: Vetat enim diuinus Moses altare extra Hierosolyma constitui, legemq̃ue extra Iudææ fines legi. Sequentes igitur nos Christum, benedictionum hæreditatem adipiscamur, legi & Prophetis per Euangelium obsequamur. Fugiamus eos, qui Deos colunt, interfectores Christi, & Prophetarum, nephandos atque impios hæreticos; obtemperemus Christo ut Regi, qui potestatem habet inducendi uarias leges, ac tanquam sapiens legislator nouas ferendi, ubique naturalibus immobilibus conseruatis.

Galat. 3.

Quòd fugere oportet hæreticos tanquam animarum pestem.

CAP.

XXVI.

CA V E T E ab hæreticis omnibus Episcopi & laici, qui legem, & Prophetas improbant. Deo enim Omnipotenti infesti non parent, & Christum non confitentur filium Dei. negant enim eius generationem secundum carnem. Crucem erubescunt, passionem ac mortem contemnunt; resurrectionem ignorant, æternam eius generationem præcidunt. Alii ex iis in alio impietatis genere uersantur: opinati Dominum purum hominem esse ex anima tantum & corpore constantem; alii Iesum illum ipsum Deum, qui est super omnia, esse existimant, putantes eum sibi ipsi patrem esse. quibus quid potest esse magis impium? alii rursum cibos quosdam uituperant, nuptiasq̃ue cum

liberorum procreatione improbant: quòd opus sint diaboli. cumq̃ue ob suam improbitatem sint impii, nolunt à mortuis resurgere: propterea resurrectionem labefactant, dicentes, nos eximios quosdam fore, si comedere, & bibere noluerimus, fingentes dæmonia quædam nudata carnibus, à mortuis excitatum iri; qui damnabuntur ad ignem æternum. Quare fugite ab iis, ne unà cum illorum impietate pereatis.

De Iudaicis & Græcis obseruationibus. CAP. XXVI.

QUOD si quidam Iudaicas consuetudines obseruant, fluxum seminis, nocturnas pollutiones, legitimos concubitus: dicant nobis his horis, uel diebus, quibus horum aliquid ipsis accidit, abstinent ne se ab oratione uel à libro tangendo? si affirmabunt, perspicuum est eos Spiritu sancto destitui, qui semper cum fidelibus uersatur; nam de Sanctis ait Solomon, ut unusquisque se præparet, ut cum dormit, custodiat eum, & cum expergiscitur, colloquatur cum eo. Nam si existimas ò mulier septem diebus te in puerperio manentem, Spiritu sancto priuatã esse, num quoq; si repenti mortem obires, uacua Spiritu sancto, & destituta spe erga Deum decederes? uel potius spiritum habes omnino inseparabilem, ut qui locum non occupet? necessaria est autem tibi oratio, & spiritus afflatus, cum nihil in eo pecces. Nam nec legitimus concubitus, nec cubile, nec sanguinis fluxus, nec nocturna pollutiq̃ potest hominis naturam contaminare, uel Spiritum sanctum auferre, sed sola impietas & actio iniusta. Nam Spiritus sanctus semper manet cum iis, qui eum adepti sunt, quousque digni fuerint, & à quibus se subtrahit, eos desertos

desertos, & spiritui nequam contraditos dimittit. Homo autem omnis, alius Spiritu sancto plenus est, alius impuro, nec potest alterum effugere, nisi aliquod contrarium patiat. Paracletus enim odit omne mendacium, Diabolus omnem ueritatem. Vnusquisque autem qui baptismum uerè est adeptus, à diabolico spiritu recessit, & Spiritum sanctum obtinuit, atque bonum agenti adest Spiritus sanctus, complens eum sapientia & intellectu, nec permittit spiritum malum ad eum accedere, obseruans illius inuasiones. Tu ergo mulier si quemadmodum dicis, in diebus puerperii Spiritu sancto uacua es, certè plena es impuro: nā nec orans, neque legens inuitum illum aduocas. amat enim is ingratos, si ullus alius, inertes negligentes, somnolentos, quoniam ipse quoque ingrato animo malignus à Deo spoliatus est dignitate, qui pro Archangelo diabolus esse maluerit. Ideo mulier uanos sermones desere, semperque memor esto Dei, qui te creauit, atque ei supplica. est enim tuus quoque, qui cunctorum est Dominus. meditareque illius leges, nihil obseruans, nec naturalem purgationem, neque concubitum legitimum neque partum, neque abortum, neque corporis maculam: quoniam huiusmodi obseruationes, sunt stultorum hominum inania commenta, ac mente carentia. nam nec funus, nec cadauer, nec sepulchrum, nec cibus, nec pollutio potest animam hominis inquinare, sed sola aduersus Deum impietas & iniquitas, atque proximi iniuria, ut rapina, & uis, atque omne quod est Iustitiæ contrarium, adulterium, fornicatio. Quare iis uitatis, deserite obseruationes dilecti, Græcorum enim sunt propriæ. non enim mortuum abominamur ut illi, sperantes illum iterum uicturum; neque legitimū concubitum

cubitum improbamus. Est enim eorum consuetudo ut in iis impiè sentiant: Dei enim uoluntate conciliatur uiri & mulieris iusta coniunctio. Nam qui fecit ab initio, masculum, & foeminam fecit eos, & benedixit eis, ac dixit, Crescite & multiplicamini, & replete terram. Quare si Dei uoluntate sexus sunt ad sobolè propagandam congregati, ergo de illius quoque sententia facta est maris & foeminæ congressio.

De masculorum concubitu, adulterio, fornicatione. CAP. XXVIII.

AT non ille abominabilis concubitus, qui contra naturam fit, neque praua actio, quæ Deo infesta est? nam contra naturam est Sodomorum peccatum, & cum bestiis coniunctio, praua actio adulterium, & fornicatio, quorum factorum aliud est scelus, aliud est iniustitia, ultimum est peccatum; nullum uerò impunitum relinquitur pro suo genere. Nam primi quaerunt mundum dissolui, iis, quæ secundum naturam sunt, contra naturam abutentes. Secundi iniustè faciunt, qui alienas nuptias corrumpunt, & quod à Deo in unum coniunctum est, in duo diuidunt, filiosque suspectos faciunt, & naturalem uirum insidiis exponunt. Fornicatio est propriæ carnis corruptio, quæ non causa liberorum expetitur, sed uoluptatis. quod est incontinentiæ signum, non argumentum uirtutis. Hæc autem omnia legibus prohibita sunt, inquit enim Scri-

Leu. 18.

20.

Leu. 18.

20.

Deu. 22.

ptura, Nō dormies cū masculo coitu muliebri; male dictus enim est talis, & lapidibus obruite eos: abominationem fecerunt. Omnem dormientem cum iumento, interficite eum: iniquitatem fecit in populo. Et si quis mulierem nuptam uitiauerit, occidite utrumq;, iniqui-

- „ iniquitatem fecerunt, rei sunt; moriantur. & deinceps
 „ non erit, qui fornicetur in filiis Israel. Et non erit quæ
 „ fornicetur de filiabus Israel. Non offeres mercedem *Deu. 23.*
 „ meretricis Domino Deo tuo ad altare, nec precium
 canis. Non enim, inquit, castæ sunt preces de mer-
 cede meretricis. Hæc leges prohibuerunt, nuptias
 commendauerunt, benedictas eas appellantes; quo-
 niam benedixit eis Deus, qui foeminam cum masculo
 „ coniunxit. Ait quodam in loco sapiens Solomon A' *Pro. 19.*
 „ Domino copulatur mulier uiro. Et Dauid inquit. Vxor *Psa. 127*
 „ tua sicut uitis abundans in lateribus domus tuæ: Filii
 „ tui sicut nouellæ oliuarum in circuitu mensæ tuæ. Ecce
 sic benedicetur homo, qui timet Dominum. Nuptiæ
 igitur honestæ & commendabiles sunt, ipsaque libero-
 rum procreatio pura est: nihil enim mali inest in bono.
 Neque uerò naturalis purgatio odiosa Deo est, qui il-
 lam instituit in mulieribus per menstrua spatia, ualetu-
 dinis, firmitatisque causa, cum otiosæ sint, ut quæ
 magna ex parte domi sedent, sed etiam (ut habetur in
 Euangelio) cum illa, quæ patiebatur fluxum sanguinis,
 ualetudinis gratia salutarem fimbriam attigisset, non
 molestè tulit Dominus, neque omnino illam accusa- *Matt. 9.*
 „ uit, immo potius eam curauit, dicens, Fides tua te
 „ saluam fecit. Menstruisque apparentibus mulieri-
 bus, uiri cum eis ne coeant, ut filii sine morbo nascan-
 „ tur; prohibuit enim hoc lex inquiring, Ad mulierem men- *Ezec. 18*
 „ struatam ne accedas. Neque uerò cum prægnantibus
 consuetudinem habeant: non enim suscipiendorum
 filiorum, sed uoluptatis causa hoc faciunt. oportet au-
 tem Dei amicum, non appetere uoluptatem.

*Quomodo oporteat mulieres uiris suis subiectas esse, & uiros diligere
uas uxores. C A P. XXIX.*

MVLTIERES subiectæ estote uiris uestris, eoque in honore habete, ac timore, & charitate illis inseruite quemadmodum sancta Sarra Abraham honorabat, quæ nec nomine ipsum audebat appellare, sed dominum illum uocabat; Dominus meus, inquit, senex est. Item uiri diligite uestras uxores ut propria membra, ut uitæ socias, in filiisque generandis adiutrices. Lætare enim inquit, cum muliere, quæ est à iuuentute tua, cerua tuæ amicitia, & pullus tuarum gratiarum conuersetur tecum, propria uerò præeat te, & adsit tibi in omni tempore. in huius enim amicitia implicatus, multiplicabilis eris. Diligite ergo eas ut membra propria, ut corpora uestra. Scriptum est enim hoc modo, Dominus testificatus est inter te & mulierem adolescentiæ tuæ, & hæc consors tua, & non alius fecit, & reliquiæ spiritus tui, & custodite in spiritu uestro. & mulierem adolescentiæ tuæ ne deferas. Vir igitur & uxor iustis nuptiis coniuncti, mutuò se excitantes, sine obseruationibus orent, & quanuis non lauent, tamē erunt lustrati. Qui uerò alienā uxore corruperit, uel cum meretrice se inquinauerit, neq; si toto mari, atq; oībus fluuiis se abluerit, expiari poterit.

Quòd Iudeorum & Græcorum mos est obseruare naturales purificationes, & mortuorum reliquias uitare; à Christianis uerò hoc est alienum. C A P. XXX.

NOLITE obseruare legalia, nec naturalia piacula, existimantes iis contaminari, nec sequamini Iudæas separationes, nec assiduos baptismos, neque expiationes

riones in contactu mortui, sine ullaque exceptione cōuenite in cœmeteria, sacros libros in iis legentes & psallentes pro iis, qui dormierunt, Martyribus, atque omnibus sanctis, qui à sæculo fuerunt; proque fratribus nostris, qui in Domino obierunt; Et antitypum regalis corporis Christi, acceptabilemque Eucharistiam offert in Ecclesiis & cœmeteriis uestris. Atque in exitu mortuorum psallentes, eos deducite, si fideles fuerint in Domino. Preciosa enim in conspectu Domini mors

Psa. 115

» sanctorum eius. Et iterum, Reuertere anima mea in re-

Psal. 114

» quietem tuam, quoniam Dominus benefecit tibi. Et alio

Pro. 10.

» in loco, Memoria iustorum cum laude. Et iustorum

Sap. 3.

animæ in manu Dei. Nam, qui in Deum crediderunt, quanquàm obierunt, tamen non sunt mortui. Dicit. n. Dominus Sadducæis de resurrectione mortuorum,

» Non legistis quod scriptum est, Quoniam ego Deus

Mar. 12

» Abraam, Deus Isaac, Deus Iacob: non est Deus mor-

4. Reg. 6.

tuorum, sed uiuorum; omnes enim in ipso uiuunt. Igitur eorum, qui in Deo uiuunt, nec reliquiæ sine honore manent. nam Helissæus Propheta post discessum è uita, mortuum quendam excitauit interfectum à Piratis Syriæ. attigit enim corpus eius Helissæi ossa, atque excitatus uixit; quod factum non esset, nisi Helissæi corpus sanctū fuisset. Et Ioseph complexus est Iacob post mortem, cū iaceret in lectulo, & Moses ac Iesus Nauæ Iosephi reliquias secum duxerunt, quod minimè putauerunt piaculum. Quare uos quoque Episcopi & alii sine metu piaculi contingentes mortuos, nolite putare quòd eorum contactus uos inquinat; neque eorū reliquias uitetis, omissis huiusmodi insanis obseruationibus, ornaminique sanctitate & temperantia, ut participes immortalitatis, & consortes Regni Dei effici-

B B mini,

mini, & promissionem Dei assequamini, requiescentes in æternum per Iesum Christum Saluatorem, qui potest aperire aures cordis uestri, ad recipiendum acuta Dei eloquia per Euangelium, & per Doctrinam Iesu Christi Nazaræi. Qui crucifixus est sub Pontio Pilato, & Herode; mortuus ac suscitatus à mortuis, & iterum uenturus in cūsummatione sæculi cum gloria ac uirtute multa. Qui mortuos est excitaturus, Mundo finem impositurus, & unicuique pro meritis tributurus. Qui dedit nobis se ipsum pignus resurrectionis, atq; in Cœlum assumptus est per potentiam Dei & Patris ipsius in conspectu nostro. qui per quadraginta dies comedimus & bibimus unà cū illo, postquàm à mortuis surrexit; quiq; sedet à dextris Throni maiestatis Omnipotentis Dei super Cherubin. Qui audiuit, Sede à dextris meis donec ponā inimicos tuos scabellum pedum tuorum. Quem uidit beatissimus Stephanus stantem à dextris uirtutis, & exclamans dixit, Ecce uideo
 „ cœlos apertos, & filium hominis stātem à dextris Dei,
 uti Pontificem omnium rationalium ordinum,

per quem honor, maiestas, & gloria

Omnipotentis Deo, nunc,

& in sæcula

Amen.



CON-

CONSTITVTIONVM

SANCTORVM APOSTOLORVM

B. CLEMENTE ROMANO

A V C T O R E ,

L I B E R S E P T I M V S .

De conuersatione, & uitæ moribus, deq; gratiarum actione.

C A P . I .



V'M legislator Moses dixerit Israelitis ; *Deu. 30.*
 Ecce posui in cōspectu uestro uiã uitæ,
 & uiã mortis. & subiunxerit. Elige uitā
 ut uiuas. & Helias Propheta dixerit po-
 pulo, Quousque claudicatis utroq; po- *3. Re. 18*
 plite ? Si Deus est Dominus, sequimi-

,, ni eum. meritò quoque dicebat Dominus, Nemo po- *Matt. 6.*
 ,, test duobus dominis seruire, uel enim alterum odio
 ,, habebit, & alterum diliget, uel uni hærebit, alterum
 contemnet.

*De uia naturali, & induc̃ta, & quòd una à Deo, altera ab errore pro-
 uenit ex insidijs Diaboli.* C A P . I I .

N E C E S S A R I O' nos etiam secuti magistrū Chri-
 stum, qui omnium hominum Saluator est, maxi-
 mè fidelium, dicimus duas esse uias, unam mortis, uitæ
 alteram, quæ inter se comparisonem non habent: ma-
 gna est enim earum differentia, immo omnino diffi-
 dent: ac naturalis quidem est uitæ uia, induc̃ta uerò

BB 2 uia

CONSTIT. S. APOSTOLORVM

- uia mortis, quæ non uoluntate Dei accidit, sed insidiis aduersarii. Prima est igitur uia uitæ; atque hæc ipsa
- Deu. 6.* est, quam præscribit lex, diligere Dominum Deum
- „ ex tota mente, ex tota anima, atque illum solum,
- „ præter quem nullus est; & proximum sicut te ipsum.
- Matt. 7.* & quodcunque tibi fieri non uis; id alteri ne feceris.
- Matt. 5.* Benedicite maledicentibus uobis. Orate pro calum-
- „ niantibus uos. Diligite inimicos uestros. quæ est enim
- „ merces uestra, si ametis, qui amant uos? nam & Eth-
- „ nici hoc faciunt. uos uerò amate illos, qui odio uos
- Deu. 23.* habent, & inimi cum non habebitis; Nullum homi-
- „ nem, inquit, odio habebis, non Aegyptium, non
- Idumæum: omnes enim sunt Dei creaturæ. Fugite au-
- I. Pet. 4.* tem improborum non naturam, sed propositum. Ab-
- stinete uos à carnalibus & mundanis cupiditatibus.
- Matt. 5.* Si quis percusserit te in una maxilla, uerte ei alteram,
- non quòd uindicta in malis sit, sed quòd patientia præ-
- psal. 7.* stantior. Ait enim Daud, Si retribuui retribuētibus
- Matt. 5.* mihi mala. Si quis te angarizauerit unum milliāre, ua-
- „ de secum alterum. Volenti tecum certare, & tunicam
- „ tuam accipere, dimitte etiam pallium. Et ab eo, qui
- „ tollit tua, ne repetas. Petenti à te, da. Et uolenti abs-
- „ te mutuū accipere, noli claudere manū. Vir enim
- „ iustus misericordia mouetur, & accōmodat; omnibus
- „ enim uult dari Pater, qui Solem suū oriri facit super
- „ malos & bonos, & pluit super iustos & iniustos. Omni-
- „ bus igitur æquū est suppeditare de iustis labo-
- Prou. 3.* ribus. Honora enim, inquit, Dominum,
- de tuis iustis laboribus. præferen-
- di autem sunt
- Sancti.

Morales exhortationes dominicarum præceptionum concordēs cum antiquis mandatis diuinarum legum. Prohibitio iræ, inuidiæ, corruptelæ, adulteriij, atque omnis uetitæ actionis.

CAP. III.

NON occides, hoc est nō perdes tibi similē hominē: dissoluis enim quæ bene coagmentata sunt; non quòd omnis cædes in malis habēda sit, sed quia solū illa prohibetur, quæ innocenti infertur, iusta uerò magistratibus referuatur. Non mœchaberis. diuides enim Exo. 20. carnem in partes duas. Erunt enim, inquit, duo in carne una. unum. n. sunt uir & mulier natura, consensione societate, amore, uita, more; separantur autē sexu, & numero. Pueros non uitiabis: contra naturam. n. est hoc uitium, profectum à Sodoma, quæ à Deo missō incendio cōflagrauit: is. n. est execrabilis, & dicet omnis populus fiat. Non fornicaberis: non. n. erit fornicator inter filios Israel. Non furaberis. Achar. n. cū in Israele furatus esset, in Hierico lapidibus oppressus interiit; & Giezi furatus, mentitusque, Neemani leprā adeptus est. & Iudas Ios. 7. cū surriperet pauperū facultates, Dominū gloriæ ludæis tradidit, & peccati dolore se suspendit, & crepuit 4. Reg. 8 medius, diffusaq; sūt uiscera eius. Ananias quoq; & Saphira eius uxor furati res proprias, cū tentassent Spiritum Domini, sententia Petri coapostoli nostri statim Ioan. 12. sunt mortui. Act. 1.

Prohibitio magiæ, interemptionis filiorum, periuriij, falsi testimonij.

CAP. IIII.

NON dabis operam magicæ arti: non lustrabis: lustratores. n. non sinetis uiuere. Non interficies filiū tuū in interitu, nec quod natū erit, occides. oē. n. quod formatam

C O N S T I T . S . A P O S T O L O R V M

formatam animam à Deo accepit, uindicabitur, si iniu
Exo. 20. stè interimatur. Non concupisces res proximi tui, ue-
Matt. 5. luti uxorem, filium, bouem, agrum. Non peierabis: di-
psal. 62. ctum est enim ne iures omnino; quod si non feceris, sal-
 tem iustum iusiurandum iures, quoniam Laudabitur
 omnis, qui iurat in idipsum. Falsum testimonium non
 dices, quoniam qui criminatur pauperem, irritat eum,
 qui illum creauit.

*Prohibitio detractionis iracundiæ, morum subdolorum, sermonis ociosi,
 mendacij, iniuriæ, hypocrisis. C A P . V.*

Pro. 12. **N**ON maledices; Ne diligas, inquit, maledicere. Ne
Prou. 6. tollaris. neque iniuriarum memor eris. Viæ enim
 recordantium iniuriarum in mortem. Non eris anci-
 pitis sententiæ, neque bilinguis; laqueus enim fortis ui-
 ro, propria labia. Et uir loquax non rectificabitur su-
Psa. 139 per terram. Non erit sermo tuus uacuu: omnis enim
Mat. 12. sermonis otiosi reddes rationem. Non mendacium di-
 ces; Perdes enim, inquit, omnes, qui loquuntur men-
psal. 80. dacium. Non eris iniuriosus neque rapax, Væ enim,
Isa. 45. inquit, opprimenti proximum iniuria mala.

Prohibitio improbitatis, personarum acceptionis, iræ, odij, inuidiæ.

C A P . V I.

NOLI esse hypocrita, ne partē tuā cum ipsis ponas.
 Nec improbus, nec superbus, Superbis .n. Deus
Deu. 10. resistit. Nō accipies personam in iudicio, quoniā Domi-
16. ni est iudicium. Non odio habebis omnē hominem, re-
Leu. 19. dargutione redargues fratrem tuum, & non accipies
Prou. 9. per eum peccatum. Et redargue sapientem, & diliget
 te.

„ te. Fuge omne malum, & omne quod est simile ipsi.
 „ Abstine enim, inquit, ab iniusto, & tremor non appro-
 „ pinquabit tibi. Noli esse iracundus, inuidus, obrecta-
 tor, neque esto furiosus, aut audax, ne tibi accidat,
 quod Cain, quod Sauli, quod Ioab. quoniam ille
 quidem occidit fratrem Abel, quod is præstabilius iu-
 dicatus fuerat à Deo, & quod eius sacrificium fuerat
 prælatum: alter sanctum Dauid persequebatur, qui uî-
 cerat Goliath Philistæum, cum illi inuidisset in accla-
 matione à Choro puellarum celebrata. Tertius duos
 Duces exercitus interemit, Abenner Israelis, & Amef-
 sam Iudæ.

De augurali carmine. CAP. VII.

NOLI augure esse, quoniam ducit hoc studium ad
 Idololatriam. Augurium enim, inquit Samuel, 1. Re. 15
 peccatum est. Et non erit augurium in Iacob, neque Nu. 23.
 uaticinium in Israel. Non eris incantās, neque Deu. 18.
 „ filium tuum. Noli ariolari, neque augurari, neque di-
 „ scipulis prauis studere: hæc enim omnia lex prohi-
 buit. Noli esse malorum cupidus; perduceris enim ad
 immensam peccatorum multitudinem. Noli uti uer-
 borum obscœnitate, uel oculis alludere, uel uinolentiam
 expetere: hæc enim scortationes & adulteria pa-
 riunt. Noli auarus esse, ne pro Deo mammonæ ser-
 uias. Noli duci gloriæ cupiditate, neque elatus sis, ne-
 que excelsos spiritus habeas. Ex iis enim omnibus o-
 „ riuntur iactantiæ. Memor esto eius, qui dixit, Domine psal. 130
 „ non est exaltatum cor meum, neque elati sunt oculi
 „ mei, neque ambulauit in magnis, neq; in mirabilibus
 „ super me, nisi quod humiliatus sum.

Pro-

CONSTIT. S. APOSTOLORVM

Prohibitio murmurationis, insolentiae, superbiae, audaciae.

C A P. V I I I.

NOLI murmurator fieri, memor supplicii, quod pertulerunt qui contra Moſem murmurarunt. Noli insolens eſſe, neque prauam mentem, neque cor durum habeas. Neque ſis iracundus, aut puſillanimis.

Mat. 5. Omnia enim hæc ad blaſphemiam perducunt. Sed
 „ eſto mitis, ſicut fuerunt Moſes & Dauid, quoniam mi
 „ tes hæreditabunt terram.

De longanimitate, ſimplicitate, manſuetudine, patientia.

C A P. I X.

EST O longanimis. Qui enim talis eſt, prudentia præſtat, quoniam puſillanimis ualde eſt inſipiens. Præbe te miſericordem: Beati enim miſericordes, quoniam ipſi miſericordiam conſequentur. Sis ſimplex, quietus, bonus, timens ſermones Dei. Noli te extol

Luc. 14. lere, ſicut ille Pharifæus. Quoniam omnis, qui ſe exal
 „ tat, humiliabitur. Et quod eſt excelſum inter homi
 „ nes, abominatio eſt apud Deum. Non addes animæ
 tuæ audaciam. Quoniam homo audax in mala inci
Eccl. 2. det. Non ambulabis cum inſipientibus, ſed cum ſapi
 entibus, ac iuſtis. Qui enim ambulat cum ſapientibus,
 ſapiens erit; & qui ambulat cum iuſtis, cognoſcet
 ur. Accidentes tibi calamitates, æquo animo pate
 re, & caſus ſine moleſtia, ſciens mercedem tibi à Deo
 datum iri, ſicut Iob & Lazaro data eſt.

Quòd

*Quòd oportet , magistros secundum Christum , parentibus
pluris ducere. CAP. X.*

EXPLICANTEM tibi sermonem Dei honora ,
cumque in memoria habe diu noctuque , in hono-
re autem habe eum , non ut ortus uitæque tuæ aucto-
rem , sed ut eum , qui tibi dedit , ut bene ac laudabili-
ter uiueres. ubi enim uiget Doctrina de Deo , ibi adest
„ Deus. Exquires quotidie faciem sanctorum , ut ac-
„ quiescas in sermonibus ipsorum .

Quòd non oportet separari à sanctis. CAP. XI.

NOLI à sanctis secedere , memor Coritarum. inter
pugnantes pacem compone , sicut Moses , conci-
„ lians concordiam . Iustè iudica . Domini enim est iu-
„ dicium . Non accipies personam in redarguendo de *Deu. 10.*
peccato , quemadmodum Helias , & Michæas redar- *3. Re. 18*
guebant Acahab ; & Abdemelech Aethiops Sedeciam , *Ier. 38.*
& Nathan Dauid , & Ioannes Herodem . *2. Re. 12*

De infirmo siue pusillanimit. CAP. XII.

NOLI esse pusillanimis in oratione tua , si futura
sit , uel secus ; inquit enim Dominus mihi Petro
„ in mari , Modice fidei , quare dubitasti . Noli ad ca-
piendum producere manum , ad dandum contrahere.

De Beneficentia. CAP. XIII.

SI habueris quod manibus tuis tibi paraueris , præ-
beto , ut labores tui consumantur in redéptionem
CC pec-

peccatorum tuorum . eleemosynis enim & fide purgan-
tur peccata . Noli dubitare in erogando in pauperes ,
nec cum das murmurato ; cognoscat enim quisnam is
sit , ille qui præmia tribuit . Nam qui miseretur , in-
quit , pauperi , foeneratur Domino . Perinde enim at-
que donum illius erit , retribuetur ei . Noli auertere o-
culos ab indigente . Qui enim , inquit , claudit aures
suas , ne audiat indigentem , & ipse inuocabit , & non
erit , qui exaudiat eum . Communica omnia cum fratre
tuo , neque dicito propria esse : communis enim percep-
tio , ususque à Deo omnibus hominibus paratus est .
Noli manum tuam tollere de filio tuo , uel à filia tua ,
sed à pueritia institue eos in timore Dei . Institue e-
nim , inquit , filium tuum , ita enim tibi erit bonæ spei .

*Quemadmodum à dominis serui tractandi sint , & quomodo serui de-
beant dominis subiecti esse .* CAP. XIII.

NE domineris seruo tuo , & ancillæ tuæ , qui in
eundem Deum fidem posuerunt , in acerbitate a-
nimæ ; ne aliquando suspirent aduersus te , & in Dei
iram incidas . Vosque serui subiecti estote dominis
quasi in figura Dei , in oratione , ac timore , ueluti
Deo , & non hominibus .

De hypocrisi , attentione legis , & confessione . CAP. XV.

ODIO habeto hypocrisim , & omne quod optimū
sit , Domino facito ; mandata Domini ne contem-
nito ; quæ ab eo accepisti seruato , nec addens aliquid ,
nec detrahens . Non addes enim sermonibus eius , ne
redarguat te & mendax fias . Confitere Domino Deo
tuo

tuo peccata tua . Et non ampliùs addas ad ea , ut bene tibi fit à Domino Deo tuo , qui non uult mortem peccatoris , sed poenitentiam .

De cultu Parentum . CAP. XVI.

PATREM tuum & matrem tuam honora , cùm sint auctores originis tuæ , ut sis longæuus super terram , quam Dominus Deus tuus dat tibi. Fratres tuos & consanguineos tuos ne contemnas . Propinquos enim feminis ne despexeris . Exo. 20.

De subiectione erga Regem & Magistratus . CAP. XVII.

REGEM timeto , sciens Domini esse electionem . Magistratus eius in honore habeto , ut ministros Dei;ultores enim sunt omnis iniuriæ; quibus pendite tributum , uectigal atque omnem collationem grato animo .

De pura conscientia orantium . CAP. XVIII.

NON accedes ad orationem in die iniquitatis tuæ , priusquàm solueris amaritudinem tuam . Hæc est uia uitæ , quam ut possitis assequi , concedatur uobis per Iesum Christum Dominum nostrum .

Quòd uia quæ insidijs Diaboli induc̃ta est , impietatis , & iniquitatis est plena . CAP. XIX.

VIA mortis ea est , quæ in uitiosis actionibus cernitur : in ea enim ignoratio Dei , & multorum Deo-
C C 2 rum

rum coaceruatio reperitur, à quibus proueniunt cædes, adulteria, fornicationes, periuria, iniustæ cupiditates, furta, idololatriæ, magiæ, ueneficia, rapinæ, falsa testimonia, hypocrisis, cordis duplicitas, dolus, superbia, uitiositas, insolentia, iniuria, obscœnitas, obrectatio, audacia, alti spiritus, iactantia, temeritas, bonorum persecutio, ueritatis odium, mendacii studium, ignoratio iustitiæ; quæ qui agunt, non adherent bonitati, nec recto iudicio, inuigilant non uirtuti, sed uitio, à quibus longè abest mansuetudo & patientia. Qui inania diligunt, sectantur retributionem, non mouentur misericordia pauperis, non dolent cum dolente, ignorant suum conditorem, interfectores filiorum, interemptores plasmatis Dei, auertentes se ab indigentibus, affligentes oppressum, diuitum aduocati, pauperum contemptores, undique peccatis obroti. Cauete filii ab iis omnibus.

*Quòd non oportet nec ad dextram, nec ad sinistram pietatis declinare :
monet enim hoc legislator. CAP. XX.*

Deu. 5. **V**IDE ne quis te abducat à pietate. Non declinabis enim, inquit, ab ipsa nec ad dextram, nec ad sinistram, ut intelligas in omnibus, quæ agas. non enim, nisi deflexeris à uia recta, impius eris.

*Quòd non est improbandum aliquid, ex ijs, quæ ad uictum sunt accommodata, sed cum gratiarum actione, & ordinatè omnia
sunt percipienda. CAP. XXI.*

*S. Ign. ad
Heronē.
Isa. I.
Gen. 9.*

DE escis dicit Dominus, Bonâ terræ comedite, & omnem carnem edite ut olera herbarum: sanguinem

» nem autem effundes : non enim quæ intrant in os, co-
 » inquinant hominem, sed quæ exeunt, blasphemias in-
 » quam, & detractiones, ac si quid est huiusmodi. Tu
 uerò comedas medullam terræ cum iustitia, quoniam
 quodcunq; bonum ipsius est, frumentum iuuenibus, *Zac. 9.*
 & uinum odore fragrans uirginibus. Quis enim come-
 dit uel bibit sine ipso? admonet quoque te sapiens Es- *2. Esd. 8.*
 » dras, Ite, inquit, & comedite pinguedines, & bibite
 » dulcedines, & ne tristemini.

Quòd abstinentum est ab Idolothytis. CAP. XXII.

FVGITE ab Idolothytis : in honorem enim Dæmo-
 num ea sacrificant, in contumeliam uidelicet Dei,
 qui unus est, atq; ita non eritis participes Dæmonum.

*Ordinatio Dominica. quomodo sit baptizandum, & in cuius
 mortem. CAP. XXIII.*

DE Baptismo ò Episcopo & Presbyter, iam antea
 præcepimus, ac nunc quoque dicimus, quòd ba-
 ptizare debes, quemadmodum Dominus præcepit no-
 bis dicens, Euntes docete omnes gentes, baptizantes
 eos in nomine Patris, & Filii, & Spiritus sancti, docen-
 tes eos seruare omnia, quæ præcepi uobis; Patris, qui
 misit; Christi, qui uenit; Paracleti, qui testimonium
 dedit. Vnges autem prius oleo sancto; deinde bapti-
 zabis aqua. Postremò consignabis unguento, ut un-
 ctio sit participatio sancti Spiritus : aqua sit symbolum
 mortis: unguetum sigillum pactionum. Si desit oleum,
 uel unguentum, sufficit aqua, & ad unctionem, & ad
 sigillum, & ad promissionem morientis, uel potius cõ-
 morientis.

CONSTIT. S. APOSTOLORVM

morientis. Ante baptismum ieiunet qui est baptizandus. Etenim Dominus prius baptizatus à Ioanne, & in desertum ductus, postea ieiunauit quadraginta diebus, & quadraginta noctibus. baptizatus est aut, & ieiunauit, non ad eluendas sordes, uel quod ieiunio sibi opus esset, uel purgatione, qui natura purus ac sanctus erat, sed ut Ioanni ueritatem comprobaret, & nobis regulam præscriberet. Quare Dominus in suam passionem non est baptizatus, neq; in mortem; neq; in resurrectionem: nihil enim horum adhuc uenerat, sed ad aliorum institutionem, ideoque ex potestate post baptismum ieiunat, ut Dominus Ioannis: qui uerò in eius mortem initiatur, primùm ieiunare debet, & postea baptizari: non est enim æquum commortuum & suscitatum sub ipsam resurrectionem mœstum esse. Homo enim non est dominus institutionis Saluatoris, quoniam is dominus est, ipse uerò subiectus.

*Quibus diebus hebdomada sit ieiunandum, et quibus non ieiunandum,
& quam ob causam. CAP. XXIIII.*

*S. Ign. ad
Magn. et
ad Phil.*

IEIUNIA uestra aliena sint à consuetudine hypocritarum, qui ieiunant in secunda & quinta Sabati. Vos uerò uel per totos quinque dies ieiunate, uel in quarta feria, & Parasceue, quoniam in quarta iudicium contra Dominum prodiit, cùm Iudas pecunia accepta promisit eum tradere: in Parasceue uerò, quoniam in ea Dominus, crucis supplicium passus est sub Pontio Pilato. Sabbatum & dominicū diem, festum agite, quoniam illud naturæ conditæ est monumentum, hic resurrectionis. Vnum autem Sabbatum seruandum uobis est in toto anno, quod pertinet ad sepulturam Domini, in quo ieiunare oportet,

tet, non festum agere : nam quo tempore naturæ auctor subter terram degit, ualidior est de eo luctus, quàm de natura instituta, lætitia, cùm opifex natura, ac dignitate suis operibus sit præstantior.

Quales debeant esse ij, qui orationem Dominicam dicunt.

C A P. X X V.

CV^M oratis, nolite imitari hypocritas, sed orate quemadmodum Dominus in Euangelio instituit, Pater noster, qui es in cœlis, sanctificetur nomen tuum, adueniat regnum tuum, fiat uoluntas tua sicut in cœlo & in terra. Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo; quoniam tuum est regnum in sæcula Amen. Ter in die ita orate, præparantes uos ipsos, ut sitis digni adoptione filiorum Patris, ne si indignè uos illum patrem uocetis, exprobetur uobis id, quod Israel filius primogenitus audiuit, *Mal. I.*
 „ Si sum pater, ubi est gloria mea; Et si sum Dominus,
 „ ubi est timor meus? Gloria enim patrum est filiorum sanctitas; & honor dominorum, timor seruorum: quemadmodum quod est horum contrarium, ignominia est & Domini expulsio. Propter uos enim, inquit,
 „ nomen meum blasphematur inter gentes.

Mystica gratiarum actio. C A P. X X V I.

ESTOTE ex omni parte gratiis agendis intenti, tanquàm fideles, & grati serui. Atque in agendis gratiis dicite hoc modo, Gratias agimus tibi Pater noster

*Eadē uer-
ba sūt in
ep. Ign.
ad Phil.*

ster pro uita, quam manifestasti nobis per Iesum filiū tuum, per quem cuncta creasti, & uniuerſis prouides, quem & misisti ad saluandum nos, ut fieret homo; quē permisti pati & mori, & suscitatum glorificare uoluisti, & à dexteris tuis collocasti, per quem nobis promisti resurrectionem mortuorum. Tu Domine Omnipotens Deus æterne, quemadmodum hoc dispersum erat, & congregatum factū est unus panis, ita congrega Ecclesiam tuam à finibus terræ in regnum tuū. Etiam gratias agimus tibi Pater noster pro precioso sanguine Iesu Christi, qui effusus est pro nobis, & pro precioso corpore, cuius hæc antitypa perficimus, ipso nobis ordinante, ut annuncietur eius mortē, per quem tibi gloria in sæcula amen,

Nullus qui non sit initiatus, ex iis comedat, sed tantū qui sunt baptizati in Domini mortem. Si quis non initiatus se occultans sumpserit, iudicium æternum comedet, quod cū non sit de fide Christi, sumpsit quæ nephas erat sumere in supplicium suum. Si quis per imprudentiam perceperit, eum subito institutum initiate, ne contemptor exeat.

Gratiarum actio in diuina sumptione.

C A P. X X V I I.

POST perceptionem, gratias agite hoc modo, Gratias agimus tibi Deus & Pater Iesu Saluatoris nostri, pro sancto nomine, quod habitauit in nobis, & pro cognitione, fide, charitate, & immortalitate, quam disti nobis per Iesum Christum filium tuum. Tu Domine Omnipotens cunctorum Deus creasti Mundum, & quæ in eo sunt per ipsum, & legem plantasti in animis nostris, & uictum præparasti hominibus. Deus san-
ctorum

etorum & irreprehensibilium patrum nostrorum Abraham, Isaac, & Iacob fidelium seruorum tuorum. Deus fortis, fidelis, uerus, & non mentiens in promissionibus: qui Iesum Christum tuum in terram misisti, ut cum hominibus uersaretur ut homo, qui erat Deus uerbum & homo: & errorem radicitus euelleret. Tu ergo nunc per ipsum memento huius Ecclesie sanctae tuae, quam acquisuisti precioso sanguine Christi tui, & libera eam ab omni malo, & perface in dilectione tua & ueritate: & congrega nos in regno tuo, quod praeparasti. Ipsa Maranatha *, osanna filio David, Benedictus qui uenit in nomine Domini. Deus Dominus, qui apparuit nobis in carne. Si quis Sanctus sit, accedat; qui non est, fiat per poenitentiam. Permittite etiam Presbyteris ut gratias agant.

Gratiarum actio pro mystico unguento. CAP. XXVIII.

DE Unguento, gratias agite hoc modo, Gratias agimus tibi cunctorum opifex Deus etiam pro fragrantia unguenti, & pro immortalis saeculo, quod manifestasti nobis per Iesum filium tuum, quoniam tua est gloria, & potestas in saecula amen. Si quis ueniat & hoc modo gratias agat, recipite eum, uti Dei discipulum. Si uero aliam doctrinam praedicauerit, praeter quam uobis tradidit Christus per nos, eum non permittatis gratias agere: is enim contumelia afficit Deum potius quam honorat.

DD Quod

Quòd oportet delectum adhibere in communione. CAP. XXIX.

QUI ad uos ueniunt, omnes probati recipiantur. Intelligentia enim præditi estis, & potestis dexteram, uel sinistram cognoscere, & falsos doctores à doctoribus discernere. uenienti uerò magistro, ex animo, ministrare in usum necessarium; falso autem magistro præbete quoque quæ opus habet, sed eius errorem nolite recipere, aut cum illo orare, ne eius contagione contaminemini: quilibet Propheta uerus, uel magister ueniens ad uos, dignus est qui alatur, ut operarius sermonis Iustitiæ.

De Primitijs. CAP. XXX.

PRIMITIAS fructuum torcularis, & areæ, bonum quoque & ouium dabis Sacerdotibus, ut benedicantur horrea & cellæ tuæ, & fructus terræ tuæ, stabilisq; frumento, uino, & oleo, & augeantur armenta bouum tuorum, & greges ouium tuarum. omnem decimam dabis orphano, ac uiduæ, pauperi, & aduenæ, primitias panum calidorum, cadum uini, olei, atque mellis, nucum quoque, uuæ, & aliarum rerum primitias dabis sacerdotibus, argenti, uestis, & omnis possessionis orphano & uiduæ.

Quomodo oporteat diem dominicum congregatos celebrare.

CAP. XXXI.

DIE Resurrectioni Domini dicato (dominicum dicimus) conuenite assiduè, gratias agentes Deo, & confitentes de beneficiis, quæ in nos contulit Deus
per

per Christum, liberans nos ab ignorantia, errore, uinculis, ut careat reprehensione sacrificium nostrum, & facilè ascendat in Deum; qui de Oecumenica sua Ecclesia dixit, In omni locò offeretur mihi incensum & sacrificium mundum, quoniam Rex magnus ego sum, & Dominus Omnipotens; & nomen meum admirabile inter gentes. *Mal. 1.*

Quales esse oporteat eos, qui ordinantur. CAP. XXXII.

CONSTITVITE Episcopos dignos Domino, Presbyteros quoque & Diaconos, homines pios, iustos, mites, non cupidos, ueritatis studiosos, probatos, sanctos, non acceptores personarum, qui ualeant docere sermonem ueritatis, rectè procedentes in placitis Domini. Vos uerò eos honorate ut patres, ut dominos, ut beneficos, ut bene uiuendi auctores. Increpate uos mutuò, non cum iracundia, sed cum longanimitate, bonitate, & pace. Omnia, quæ sunt præcepta uobis à Domino, seruate, uigilate pro uita uestra; sint lumbi uestri præcincti, & lucernæ ardentes. Vosq; similes hominibus expectantibus Dominum, quando ueniet uesperè, uel manè, uel in galli cantu, uel in media nocte. Qua enim hora non expectant, ueniet Dominus, & si ei aperuerint, beati serui illi, quoniam inuenti sunt uigilantes. quoniam præcinget eos, & collocabit in mensa, & præteriens ministrabit eis. Estote ergo sobrii, & orate ne dormiatis in mortem; non enim proderunt uobis priora rectè facta, si in extremo à uera fide aberraueritis. *Luc. 10.*

CONSTIT. S. APOSTOLORVM

Prædictionum futurarum. CAP. XXXIII.

NAM in nouissimis diebus multiplicabuntur Pseudoprophetae, & sermonis corruptores, & conuertentur oues in lupos, & charitas in odium: abundante enim iniquitate, refrigescet multorum charitas: mutuò enim se odio habebunt & persequentur, ac tradent: tuncque existet Mundi deceptor, ueritatis hostis, mendacii patronus, quem Dominus Iesus interimet spiritu oris sui, qui labiis perdit impium, multiq; scandalum patientur in eo. qui perseuerauerint usque ad finem ii, salui erunt. Tuncque apparebit in cœlo signum filii hominis, deinde sonus tubæ excitabitur per Archangelum, interea mortui in uitam redibunt, tūq; ueniet Dominus, & omnes Sancti unà cum eo, cum terræmotu, supra nubes cum Angelis Virtutis suæ, in Throno Regni ad condemnandum deceptorem Mundi Diabolum, & ad tribuendum unicuique pro actionibus suis. Tunc proficiscentur mali ad æternum supplicium; iusti in uitam æternam, adipiscentes illa, quæ *1. Cor. 3.* oculus non uidit, & auris non audiuit, & in cor hominis non ascenderunt; quæ præparauit Deus diligentibus se. Latabunturq; in Regno Dei, quod est in Christo Iesu. Quare cum tanta bona ab eo simus consecuti, efficiamur eius serui, eum assidua oratione inuocantes, & dicentes.

Oratio commemorans uariam Dei prouidentiam.

CAP. XXXIII.

AETERNE Saluator noster Rex Deorum, qui solus es omnipotens, & Dominus Deus omnium creaturarum

turarum, & Deus sanctorum & irreprehensibilium Patrum nostrorum antiquorum. Deus Abraam, & Isaac, & Iacob, misericors, miserator, longanimis, & multæ misericordiæ, cui omne cor patet, & omnis occulta cogitatio reuelatur, ad te clamant animæ iustorum, in te confidit spes sanctorum: Pater iustorum, & cum rectitudine inuocantium exauditor, qui etiam tacitas interpellationes cognoscis: pertingit enim usque ad interiora hominis tua prouidentia, & per conscientiam scrutaris cuiusque sententiam, cui in omni regione orbis terræ precum, & orationis offertur incensum, qui præsens sæculum Iustitiæ curriculum instituisti, omnibus aperiens ostium misericordiæ, & unicuique ostendens per innatam cognitionem, & naturale iudicium, legisque admonitionem, quod diuitiarum non est æterna possessio, nec formæ perpetuus decor, quod uirium robur facile dissoluitur, cunctaque quasi uapor & uanitas consumuntur, solaque fidei conscientia pura permanet, quæ per medios cœlos cum ueritate ascendens comprehendit futuræ uitæ dexteram, simulque antequàm promissū regenerationis præstetur, ipsa anima spe exultans lætatur. Iterum Patre nostro Abraam instituyente uiam ueritatis, qui uisione uiam monstrauit, & docuit cuiusmodi sit præsens sæculum, ac fidem quidem eius præiuit cognitio, cognitionem secuta est fides, fidem pactio: dixisti enim, Faciam semen tuum ut stellas cœli, & arenam, quæ est in littore Maris. sed etiam cum ei Isaac filium concesseris, cognouerisque ipsum similem futurum illius, item eius Deus uocari uoluisti, dicens, Ero tuus Deus, & seminis tui post te. Cumque Pater noster Iacob in Mesopotamiam mitteretur, monstrato ei Christo, per eum locutus est dicens, Ecce ego sum tecum

Gen. 15

Gen. 28.

Gen. 32.

CONSTIT. S. APOSTOLORVM

Exo. 3. tecum, & augebo te, & multiplicabo uehementer. atq; eodem modo dixisti Mosi fideli, ac sancto seruo in uisio-
ne rubi, Ego sum qui sum; hoc mihi nomen est æternũ, & memoriale in generationibus generationum. Propugnator generis Abraam benedictus es in sæcula.

Oratio commemorans uaria Conditoris opera.

BENEDICTVS es Domine sæculorum Rex, qui per Christum cuncta fecisti, & per ipsum in principio incondita ordinasti; qui diuisti aquas ab aquis firmamento, & spiritum uitalem eis iniecisti; qui stabiliuisti terram, & extendisti cœlum, & singularum creaturarum perfectam dispositionem ordinasti. Tua enim uirtus Domine Mundum ornauit, cœlum ut fornicæ concretum decorauit astris ad expellendas tenebras, lucem, solemque ad illustrandos dies, fructuumque maturitatem condidit: lunam ad temporum uicissitudinem, crescentem & decrecentem, noctem diemque; appellasti, firmamentum per medium abyssum demonstrasti, & dixisti ut congregarentur aquæ, & apparet arida. Mare uerò ipsum quomodo quis explicare posset? quod quidem æstuans ab alto in terram impellitur, recurrit autem iussu tuo, arena prohibitum. Dixisti enim ut in ea ipsius undæ frangerentur, idque animantibus paruis, & magnis, nauigiisque peruium effecisti: uel quomodo terra se uestiens herbis, tanta florum iucunditate distincta sit, tantaque arborum uarietate, quam lucidissima lumina nutriunt, constantissimum seruantia cursum, & in nullo tuũ imperiũ uariantia, sed quatenus tu iubes orientia atque occidentia in signa temporum, & annorum, & pro hominũ
usu

usu permutantia cursus sui uicissitudinem. Deinde uaria animalium genera condita sunt, terrestrium, aquaticorum, alitum, amphibiorum, quibus sapiens ars prouidentiae tuae singulis accommodatam uictus rationem largitur. ut enim uaria producere potuit, sic uariè singulis prouidere non contempsit, finemque operis rationale animal mundi ciuem tuae sapientiae dispositione condidisti, dicens, Faciamus hominem ad imaginem & similitudinem nostram, illum constituens, ut esset Mundi ornamentum, cuius corpus ex quatuor incorporeis elementis condidisti, animam de nihilo ei dedisti, quinque sensus, quasi quinque certamina concessisti, mentem animae aurigam, sensibus praefecisti. Præterea, Domine, quis posset pro dignitate commemorare roscidarum nubium tempestates, micantium fulgurum splendores, tonitruum horribiles fragores, ciborum conuenientem ministratum, coelorum omnibus accommodatam temperationem? parere uerò nolentem hominem, uitae mercede priuasti, non illo funditus sublato, sed breui tempore morti traditum, iureiurando in uitam reuocasti, & terminum mortis soluisti, qui mortuos uiuos facis per Iesum Christum, qui est spes nostra.

Oratio cum gratiarum actione commemorans Dei in rebus prouidentiam. C A P. XXXV.

MAGNVS es Domine; Omnipotens, & magna est fortitudo tua, & sapientiae tuae non est numerus. Creator, Saluator, diues in gratiis, longanimis, & misericordiae largitor, qui non subtrahis à creaturis tuis salutem: natura enim es bonus, & peccatoribus

CONSTIT. S. APOSTOLORVM

psal. 103

bus parcis, ad poenitentiam eos prouocans, miserationibus enim plena est tua castigatio: quomodo enim sustineremus, si ad subitum iudicium uocaremur? quando diuturno tempore expectati, uix infirmitatem abiicimus. Tuam potentiam enarrant coeli & terra firmitate librata; mole sua apta Mare fluctuans, infinitos pascens animantium greges. coercetur arena, tuum perhorrescens imperium, omnesque cogit clamare, Magnificata sunt opera tua Domine; omnia in sapientia fecisti; repleta est terra operibus tuis. Exercitus Angelorum ardens, spiritusque intellectuales dicunt, Unus Sanctus & Seraphin unà cum Cherubinis, sex alis ornatis tibi uictoriae hymnum canentia incessabili uoce proclamant, Sanctus Sanctus Sanctus Dominus Sabaoth; Plenum est coelum & terra gloria tua. Aliæ quoque ordinum turbæ Archangeli, Throni, Dominatio nes, Principatus, Potestates, Virtutes inclamantes dicunt, Benedicta gloria Domini de loco eius. Israel, uerò, hoc est terrena Ecclesia ex gentibus congregata, cœlestes Virtutes æmulata, diu noctuq; corde pleno, & uolenti animo canit, Currus Dei decem millium multiplex millia lætantium, Dominus in eis, in Sina, in sancto. Nouit coelum eum, qui ipsum nullo fulcimen to nixum concamerauit, & stabile effecit, ut lapidem cubum, qui etiam terram & aquam in unum coegit, aeremque diffudit, unde uita ac spiritus duceretur; cui ignem coniunxit ad teporem, tenebrarumque expulsi onem. Obstupefcit astrorum chorus indicans eum, qui ipsa numerat, & demonstrans illum, qui ipsa nominat. Obstupefcunt quoque animalia, uitæ inspirato rem, & arbores suum fatorem; quæ omnia uerbo tuo creata, indicant tuæ potentia magnitudinem. Quare debet

debet omnis homo ex intimo pectore tibi per Christū laudem pro iis omnibus tribuere, cum propter te hæc omnia possideat. Tu enim bonus es in beneficiis concedendis, & largitor in misericordia præstanda. Qui solus es omnipotens; quando enim uis, adest tibi, ut possis: tua enim æterna potentia flammam refrigerat, leones coercet, cete mansuefacit, ægrotos subleuat, copias euertit, exercitum hostium & multitudinem populi superbientem prosternit. Tu es in cœlo, in terra, in Mari, in ultimis finibus, nullo ipse termino circumscriptus, magnitudinis tuæ non est finis. non enim hoc nos dicimus Domine, sed serui tui est oraculum dicentis, Et cognosces corde tuo quia Dominus *Deu. 4.*
„ Deus tuus, Deus in cœlo sursum, & in terra infrà, & non est alius, nisi ipse, neque enim est Deus præterquam ipse solus. Sanctus non est præter te, Dominus Deus scientiarum, Deus sanctorum, sanctus supra omnes sanctos. qui enim sanctificati sunt, sub manu tua sunt; gloriosus, exaltatus, inuisibilis natura, imper-scrutabilis in iudiciis, cuius nullius indiga uita est, sine mutatione & uarietate duratio, sine labore operatio, nullis finibus definita maiestas, perpetuus decor, inaccessible domicilium, intransmigrabilis habitatio, interminabilis scientia, inuariabilis ueritas, sine medio opus, sine insidiis potentia, sine successione imperium, sine aduersario uires, numerosa est exercitus multitudo. Tu enim es sapientiæ pater, naturæ per mediatorem auctor, ut causa, prouidentia præbitor, legum dator, inopiæ expletor, impiorum ultor, & iustorum retributor, Christi Deus, ac Pater, & colentium illum Dominus, cuius est infallibilis promissio, incorruptibile iudicium, inexorabilis sententia, inex

E E hausta

hausta pietas, æterna benignitas, propter quem tibi digna ac merita adoratio debetur ab omni rationali & sancta natura.

*Oratio commemorans Christi incarnationem, & uariam erga
Sanctos prouidentiam. CAP. XXXVI.*

DOMINE Omnipotens Mundum per Christum condidisti, & Sabbatum propter id instituísti, quoniam in eo quieuisti ab operibus, in meditationem tuarum legum, festaque præcepisti in lætitiā nostrarum animarum, ut memoriam recoleremus creatæ à te sapientiæ: quemadmodum propter nos nasci uoluit ex muliere, apparuit in uita, demonstrans se in baptismo, quòd Deus & homo erat, qui apparuit, pro nobis passus est tua permissione, & mortuus, atque tua potentia suscitatus. Ideo resurrectionis festum celebrantes, in dominica lætamur, propter eum, qui uicit mortem, donauit uitam, & immortalitatem; per quem accesserunt gentes ad ipsum in populum magnum, uerum Israel, Deo charum, uidentem Deum. Tu enim Domine etiam patres nostros de terra Aegypti eduxisti, ferrea fornace, luto, atque opere latericio liberauisti, è manu Pharaonis suorumque ministrorum eripuisti, per Mare ueluti per aridam duxisti, eisque in deserto omnibus es obsecutus: legem dedisti decem mandatorum tua uoce prolatam, & manu tua conscriptam. Sabbatum eos seruare iussisti, non ut ansam cessandi eis dares, sed ut occasionem pietatis haberent, scilicet ut potentiam tuam agnoscerent, & mala uitarent, quasi sacris quibusdam cancellis eos astringens, doctrinae causa in exultationem hebdomadis: propterea hebdomas

mas una est insignis, & hebdomades septē, & mensis septimus, & annus septimus, cuius replicata cōuersio Iobelaū efficit anni quinquagesimi, in quo est dimissio, uidelicet ne ulla occasione, homines ignoratiā possint excusare. Huius causa in omni Sabbato iussit cessari, ut ne sermonē quidē iratū in die Sabbati de ore suo quisquam uellet emittere. Sabbatum enim est creationis requies, Mundi perfectio, legum inuestigatio, grata Dei laus pro iis, quæ hominibus est largitus: iis omnibus præstat dominicus dies, qui cum demonstret nobis ipsum mediatorem, moderatorem, legislatorē, resurrectionis auctorem, primogenitum omnis creaturæ, Deum uerbum, & hominem, natum de Maria sine congressu uiri, conuersatum sanctē, crucifixum pro nobis sub Pontio Pilato, & mortuum ac suscitatum à mortuis, meritò ut dominicus præcipitur, ut tibi Domine pro iis omnibus gratiarum actio offeratur: ea est enim à te collata gratia, quæ sua magnitudine omnia beneficia obsecrat.

*S. Ign. ad
Magn. et
Simyr.*

Oratio continens mentionem prouidentiae, & connumerationem diuersorum beneficiorum, Dei prouidentia, per Christum collatorum Sanctis. CAP. XXXVII.

QVI promissiones à Prophetis prædictas impleuisti, & misertus es Sion, & Hierusalem, eo, quòd folium Dauid pueri tui in medio eius excitasti, propter natiuitatem Christi, qui de semine eius secundum carnem ex sola Virgine erat nasciturus; ipse quoque nunc Domine Deus accipe deprecationem labiorum populi tui, qui constat ex gentibus inuocantibus te in ueritate, quemadmodum accepisti dona iustorum in gene

rationibus suis. Abel primum sacrificium respexisti, & recepisti; Noe cū de arca esset egressus; Abraam postquā exiuit de terra Chaldæorum; Isaac in puteo iuramenti; Iacob in Bethel, Moſis in deserto; Aaron in medio uiuorum & mortuorum; Iesu Naue in Galgalis; Gedeonis in petra, & uelleribus ante peccatum; Manoe & uxoris in campo; Sampſonis in Siti ante delictū; Iephtæ in bello ante temerariam promissionem; Barac & Debboræ in Sisara; Samuelis in Massepha; Dauid in Area; Ornæ Iebusæi, & Solomonis in Gabaon, & Hierusalem; Helix in monte Carmelo; Helissæi in fonte sterili; Iosaphat in bello; Ezechix in morbo, & in Enancherim; Manassis in terra Chaldæorum, post delictum; Iosix in Phassa; Esdræ in reditu; Danielis in lacu leonum; Ionæ in uentre Cetis; trium puerorum in fornace ignis; Annæ in tabernaculo ante arcem; Neemiæ in excitatione murorum; Zorobabelis, Mattathix & filiorum, in zelo tuo; Iabelis in benedictionibus. Quare nunc quoque suscipe cum approbatione orationes populi tui, tibi per Christum oblatas in spiritu.

Oratio auxilij iustorum. CAP. XXXVIII.

GRATIAS agimus tibi pro uniuerſis Domine Omnipotens, quod nō abstulisti misericordias tuas, & miserationes tuas à nobis, sed in unaquaque generatione, & generatione, saluas, liberas, succurris, protegis. Succurristi enim in diebus Enos & Enoch; in diebus Moſis, & Iesu; in diebus iudicum; in diebus Samuelis, & Helix, & Prophetarum; in diebus Dauid & Regum; in diebus Esther, & Mardochei; in diebus Iudith; in diebus Iudæ Machabæi & fratrum, & in diebus

bus nostris succurrifti nobis per tuum Pontificem magnum, Iefum Christum filium tuum . nam & à gladio feruauit, & à fame eripuit alendo, & à morbo liberauit, & à lingua iniqua nos texit. de omnibus tibi per Christum gratias agimus, qui nobis uocem formatam ad confessionem dedifti, linguam compositam ueluti plectrum & organum accómmodafti, guftatum idoneũ; tactum conuenientem; uifum ad aspiciendum, auditum ad apprehendendum uoces; odoratum ad percipiendos odores; manus ad opus; pedes ad ambulandum concessifti: hæcque omnia ex paruula gutta in utero informas, & post informationem, animam immortalẽ largiris, producisque in lucem animal rationale hominem, quem legibus inftituifti, iuftificationibus ornafifti, ei que breuis temporis diffolutione inducta, refurrectionem promififti. Quæ ergo uita fufficeret, aut quæ laudum excellentia fatis efferet, ut gratias tibi agere poffemus? Sed hoc pro meritis præftare non ualemus, præftare autem quantum poffumus piẽ debemus. eripuiifti enim nos ab impietate eorum, qui plures deos colunt, & qui Christum occiderunt, ab hærefibus uindicafti, ab ignorantia errore reuocafti, Christum mififti ad homines, ut efferet homo, qui erat unigenitus Deus, Paracletum collocafti in nobis, Angelos præfecifti, Diabolum dedecorafti, cùm non effemus, nos cõdidiifti, conditos conferuas, uitam fuppeditas, uictum præbes, poenitentiam promififti, pro omnibus tibi gloria, & honor per Iefum Christum nunc & femper & in fæcula Amen. Hæc meditamini fratres, & erit Dominus uobifcum in terra, & in regno patris ipfius, qui & eum mifit, & nos per eum liberauit à feruitute corruptionis in libertatem gloriae, & promifit uitam credentibus

tibus per ipsum in cunctorum Deum . Quemadmodū uiuere debeant qui sunt Christo initiati, & cuiusmodi gratiarum actiones Deo per Christum offerre iam diximus. Aequum est autem ut etiam iis, qui nō dum initiati sunt, opem præstemus.

Quomodo oporteat Catechumenos institui. C A P . X X X I X .

QVI in sermone pietatis instituendus est, erudiatur ante baptismum cognitione Dei ingeni, instruatur etiam notitia Iesu unigeniti, & fide de Spiritu sancto; discat uarium creaturarum ordinem, prouidentiae seriem; diuersarum legum iudicia, erudiatur cur Mundus conditus sit, & quamobrem homo Mundi ciuis sit constitutus; agnoscat naturam suam cuiusmodi sit; instruatur, quemadmodum Deus uitiosos puniuit aqua & igne, Sanctos honorauit in qualibet ætate, Seth, Enos, Enoch, Noe, Abraam cum suis posteris, Melchisedech, Iob, Mosem, Iesum, & Chaleb, & Phinees sacerdotem, & alios, qui in quauis ætate, sanctitate præstiterunt, quemadmodum sua prouidentia non auertit se Deus ab humano genere, sed id per diuersa tempora ab errore, & uanitate ad cognitionem ueritatis reuocauit, transferens à seruitute, & impietate ad libertatem & pietatem; ab iniustitia ad iustitiam; à morte perpetua ad uitam æternam. Hæc atque huiusmodi discat in Catechesi, qui ad baptismum accedit. Adoret autem, qui manus imponit, ipsum Deum cunctorum dominum, gratias agens pro plasmate ipsius, quòd misit filium suum unigenitum Christum, ut hominem saluū faceret deletis iniquitatibus, & ut dimitteret impietates & delicta, & ab omni macula carnis ac
spi -

spiritus eum expiaret : sanctificaret autem hominem secundum beneplacitum bonitatis suæ , & dirigeret uoluntatem , & illuminaret oculos cordis eius ad intelligendum mirabilia ipsius , & manifestaret ei iudicia iustitiæ , ut odio habeat omnem uiam iniustitiæ , & ingrediatur uiam ueritatis , ut dignus fiat lauacro regenerationis in filiorum adoptionem in Christo , atque complantatus similitudini mortis Christi in spe gloriæ communionis , mortuus reddatur peccato , uiuat autem Deo secundum mentem , uerbum & opus , & in libro uiuentium connumeretur . post hanc gratiarum actionem , instruat eum in iis , quæ pertinent ad incarnationem Domini , ad passionem , resurrectionem , ascensionem .

Præceptio quomodo oporteat Catechumenum cum initiatur à Sacerdotibus , benedici , & quæ ab ijs docendus sit. CAP. XL.

DEINDE cum se iam ad baptismum parat Catechumenus , discat illa , quæ dicuntur de abrenunciando Diabolo , & de aggregando se Christo . Oportet enim ut primum discedat à contrariis , deinde ingrediatur mysteria , deleta prius à corde omni improbitate , macula & sordibus , atque hoc modo sancta percipiat ; nam ut diligens agricola purgat prius agrum succrescentibus spinis , deinde triticum ferit , sic debetis uos prius expulsa omni impietate constituere pietatem , & ad baptismum accedere . Etenim Dominus noster ita nobis præcepit dicens , Docete prius omnes gentes . & postea subiunxit , Et baptizate eos in nomine Patris , & Filii , & Spiritus sancti . Profiteatur igitur ille qui baptizatur , cum abrenunciat , hoc modo ,

Abre-

CONSTIT. S. APOSTOLORVM

*Abrenunciatio contrarij, & congregatio ad Christum
Dei. CAP. XLI.*

ABRENUNCIO Sathanae & operibus eius, pompis, cultui, Angelis, & machinationibus eius, & omnibus quæ sub ipso sunt. Post abrenunciationem, aggregâs se Christo dicat, Quoniam & aggregor Christo, & credo, & baptizor in unum ingenum meum uerum Deum omnipotentem, patrem Christi, creatorem & opificem omnium, ex quo omnia; & in Dominum Iesum unigenitum filium eius primogenitum omnis creaturæ, genitum heneplacito Patris ante sæcula, per quem omnia facta sunt, quæ sunt in cœlis & in terra, uisibilia & inuisibilia, qui in nouissimis diebus descendit de cœlis, & carnem assumpsit, & ex sancta Virgine Maria natus est, & conuersatus sanctè secundum leges Dei; & Patris ipsius. Crucifixus sub Pontio Pilato, mortuus pro nobis: resurrexit à mortuis tertia die postquàm passus est. Ascendit in cœlos, sedet ad dexteram patris, iterum uenturus est in consummatione sæculi, cum gloria, iudicare uiuos & mortuos; cuius regni non erit finis. Baptizor & in Spiritum Sanctum, hoc est Paracletum, qui operatus est in omnibus sanctis, qui fuerunt à sæculo; postea missus est Apostolis à Patre secundum promissionem Saluatoris nostri, & Domini Iesu Christi; & post Apostolos omnibus credentibus in sancta catholica Ecclesia. Carnis resurrectionem, peccatorum remissionem, regnum cœlorum, uitam uenturi sæculi. Post hanc promissionem deinceps uenit ad olei unctionem.

Chriftatis

Chriftatis myftici olei benediçtio. CAP. XLII.

BENEDICITVR hoc oleum à Sacerdote in remiffionem peccatorum, & præparationem baptifmi. Inuocat enim hoc modo ingenitum Deum Patrẽ Chrifti, Regem omnis fenfitiuæ & intellectualis creaturæ, ut fanctificet oleum in nomine Domini Iefu, & det gratiam fpiritualem, & remiffionem peccatorum, & præparationem confeffionis baptifmi, ut qui ungitur liberatus omni impietate, dignus fiat initiatione, fecundum mandatum Vnigeniti.

Mystica aquæ benediçtio. CAP. XLIII.

DEINDE uenit ad aquam, benedicit & glorificat facerdos Dominum Deum Omnipotentem, patrem unigeniti Dei, gratias agens, quòd mifit ad fufcipiendum carnem, filium fuum propter nos, ut nos faluos faceret; quoniam subiit incarnationem, ut in omnibus obediens fieret, & annuntiaret regnum Cœlorum, remiffionem peccatorum, & mortuorum refurreçtionẽ. Poft hæc adorat ipfum unigenitum Deum, poft ipfum, & propter ipfum, gratias agens ei, eo quòd pertulit pro omnibus mortem crucis, cuius figuram tradidit baptifmum regenerationis; glorificat quòd in nomine Chrifti Deus cunctorum Dominus in Spiritu fancto non defpexit genus humanũ, fed uariè ei prouidit; ipfi Adæ in Paradifo cùm ei primũ pro delitiis domicilium Paradifi tradidit, deinde cùm fuæ prouidentię ratione mandatum dediffet, eumque in peccatum lapfum iuftitia fpoliaffet, bonitate utens, non abiecit illum omnino, fed fuos pofteros pro temporum fucceffione uariis

FF ratio-

rationibus instituit, propter quem in extremo sæculi misit filium suum, ut propter homines homo fieret, & omnes humanas ægritudines susciperet excepto peccato. Ipsum igitur nunc quoque inuocet sacerdos ad baptismum, & dicat, Descende de Cœlo, & sanctifica hanc aquam, da ei gratiam & uirtutem, ut qui baptizatur secundum mandatum Christi tui, cum eo crucifigatur, & commoriatur, & consepeliatur, & corresurgat in adoptionem filiorum Dei, quæ est in ipso, ut mortuus quidem sit peccato, uiuat autem iustitia. Et post hoc baptizatum in nomine Patris, & Filii, & Spiritus sancti, ungat unguento dicens,

Benedictio unguenti mystici. CAP. XLIIII.

DOMINE Deus, qui es ingenitus, summus cunctorum Dominus, qui odorem cognitionis Euangelii in omnibus gentibus suauem fecisti, da nunc etiam hoc unguentum operari uirtutem in baptizato, ut firma & sancta in eo maneat fragrantia odoris Christi tui, & cõ mortuus ipse resurgat, & uiuat unà cum Christo. Hæc atque huiusmodi dicat: uniuscuiusque enim manus impositionis, uirtus hæc est. Nam nisi in quodlibet horum à pio sacerdote aliqua huiusmodi inuocatio fiat, in aquam solam descendit qui baptizatur more Iudæorum, ac tantum abicit sordes corporis, non animæ. deinde astans dicat orationem, quam nos docuit Dominus. Surgentem autem stare oportet necessariò & orare, quoniam qui suscitatus est, rectus manet; ideo cum is commortuus sit & excitatus unà cum Christo, astare debet. oret autem uersus Orientem; nam id scriptum est in secundo Paralipomenon. cum enim templum à Re-

ge Solomone perfectum esset, in ipsa dedicatione Sacerdotes, & Leuitæ, & Cantores cum cymbalis & psalteriis constiterunt; ad Orientem conuersi laudantes, & confitentes, ac dicentes, Laudate Dominum, quoniam bonus, quoniam in sæculum misericordia eius.

Oratio eorum, qui dudum sunt initiati.

CAP. XLV.

POST primam orationem orate in hunc modum, Deus Omnipotens, Pater Christi tui, unigeniti filii tui, da mihi corpus purum, cor mundum, mentem uigilantem, scientiam infallibilem, Spiritus sancti aduentum in adoptionem, & certitudinem ueritatis Christi tui, per quem tibi gloria in sancto Spiritu in secula sæculorum Amen.

Qui missi ordinati sint ab Apostolis.

CAP. XLVI.

HÆC de Catechumenis præcipienda duximus. De ordinatis autem à nobis Episcopis in uita nostra, significamus uobis quòd ii sunt. Hierosolymis ordinatus est Iacobus frater Domini, quo mortuo secundus Simeon Cleopæ; post eum tertius Iudas Iacobi; Cæsareæ Palestinæ primus ordinatus est Zachæus olim publicanus; post eum Cornelius; tertius Theophilus; Antiocheæ Euodius à me Petro; Ignatius à Paulo; Alexandræ Annianus primus à Marco Euangelista est ordinatus; secundus Abilius à Luca item Euangelista; Romanæ Ecclesiæ Linus, Claudix primus à Paulo; Clemens post eius mortem à me Petro, secun-

FF 2 dus

dus ordinatur. Ephesi Timotheus à Paulo ; Ioannes
 à me Ioanne ; Smyrnæ Aristo primus ; post eum Stra-
 tæas Loidis ; & tertius Aristo ; Pergami Caius, Phila-
 delpheæ Demetrius à me ; à Paulo Lucius Cenchræis ;
 Titus in Creta ; Dionysius Athenis ; Tripolis Phæni-
 cum Marathones ; Laodiceæ in Phrygia Archippus ;
 Colossensium Philæmo ; Berææ, quæ est in Macedonia ;
 Onesimus Philemonis ; Crescens in Ecclesiis, quæ
 sunt in Gallia ; Aquila, & Niceta in Paræciis, quæ
 sunt circa Abiam ; Crispus in Aeginensi ecclesia. Ii
 sunt, quibus nos Paræcias in Domino commisimus.
 quorum doctrinæ memores, ex omni parte obtempe-
 rate nostris sermonibus, eritque Dominus uobiscum
 nunc, & in infinita tempora, quemadmodum ipse di-
 xit nobis, cum ad suum Deum ac Patrem se reciperet.
 „ Ecce enim, inquit, ego uobiscum sum omnibus die-
 „ bus usque ad consummationem sæculi. Amen.

Oratio Matutina. C A P. X L V I I.

GLORIA in altissimis Deo, & ī terra pax hominibus
 bonæ uolūtatis; laudamus te, celebramus te, bene-
 dicimus te, glorificamus te, adoramus per magnū Pōti-
 ficē te uerum Deum ingenitum, unū, inaccessibleem, so-
 lū propter magnam gloriam tuam, Domine Rex cœle-
 stis, Deus Pater Omnipotens, Domine Deus Pater
 Christi agni immaculati, qui tollit peccata Mundi, su-
 scipe deprecationem nostram; qui sedes super Cheru-
 bin. Quoniam tu solus sanctus, tu solus Dominus Ie-
 sus Christus Dei omnis creatæ naturæ, Regis nostri,
 per quem tibi gloria, honor, & cultus.

Vespertina

Vespertina Oratio.

CAP. XLVIII.

LAUDATE pueri Dominum, Laudate nomen Domini; Laudamus te, celebramus te, benedicimus te, propter magnam gloriam tuam, Domine Rex Pater Christi, agni immaculati, qui tollit peccata Mundi. Te decet laus, te decet hymnus, te decet gloria Deum, & Patrem per filium in Spiritu sancto, in sæcula sæculorum Amen.

Nunc dimittis seruum tuum Domine secundum uerbum tuum in pace. Quoniam uiderunt oculi mei salutem tuam, quod parasti ante faciem omnium populorum. Lumen ad reuelationem gentium, & gloriam plebis tuæ Israel.

Oratio in Prandio.

BEENEDICTVS es Domine, qui pascis me à iuuentute mea; qui das escam omni carni, reple gaudio, & lætitia corda nostra, ut omnem sufficientiam habentes, abundemus in omni opere bono in

Christo Iesu Domino nostro, per quem

tibi gloria, honor & forti-

tudo in sæcula

Amen.



CONSTITUTIONVM

SANCTORVM APOSTOLORVM

B. CLEMENTE ROMANO

AUCTORE,

LIBER OCTAVVS.

De Charismatibus. CAP. I.



V M Deus & Saluator noster Iesus
Christus nobis magnū tradiderit pie-
tatis sacramentum, inuitaueritque Iu-
dæos ac Græcos ad agnitionem unius
& solius ueri Dei, quemadmodum ip-
se quodam in loco gratias agens de sa-
lute credentium, affirmat, Manifestaui, inquit, no-
Ioan. 17. men tuum hominibus, opus quod dedisti mihi, con-
summaui. & de nobis Patri dicit, Pater sancte, & si
Mundus te non nouit, sed tamen ego te noui, & ii te
nōrunt. meritō nobis simul omnibus ueluti perfectis
de Charismatibus, quæ ab ipso per spiritum dantur,
Mar. ult. dicit, Signa eos, qui crediderint, hæc sequentur, in
,, nomine meo Dæmonia eiicient, linguis loquentur no-
,, uis, serpentes tollent, si quid mortiferū bibent, non eis
,, nocebit, super ægrotos manus imponent, & bene habe-
,, bunt. quæ Charismata primū nobis Apostolis cōcessa
sunt, cū Euangeliū omni creaturæ prædicaturi esse-
mus, deinde iis, qui per nos crediderunt, sunt col-
lata necessariò, non ad eorum, qui illa exercent uti-
litatem, sed ad infidelium persuasione[m], ut quos ora-
tio

tio flectere non potuit, commoueat prodigiorum potentia. Signa enim non nobis fidelibus dantur, sed iis, qui de Iudæorum & Græcorum gente infideles sunt.

Nulla enim nobis utilitas accedit, cum Dæmones expelluntur, sed iis, qui ope Domini purgantur, quemadmodum quodam in loco ipse Dominus erudiens nos

ostendit dicens, Nolite gaudere quòd Spiritus uobis *Luc. 10.*

obediunt, sed gaudete quòd nomina uestra scripta sūt

in Cœlo. quoniam illud eius uirtute fit, hoc nostra beneuolentia & studio, scilicet accedente ipsius auxilio:

Non est ergo necessarium ut omnes fideles Dæmonia eiiciant, uel mortuos excitent, uel linguis loquantur, sed is tantum, cui Charisma propter aliquam utilitatem concessum est, uidelicet ad salutem infidelium, cum sæpenumerò conuincantur non sermonum demonstratione, sed prodigiorum effectione, cum salute digni fuerint. Nam nec impii omnes miraculis ducun-

tur: cuius rei testis est ipse Deus cum dicit, Si in aliis *Isa. 28.*

linguis loquar populo huic, & in aliis labiis, non cre-

dent. neque enim Aegyptii crediderunt Deo, cum Mo *1. Cor. 14*

ses tanta signa atque prodigia effecisset, neque Iudæo-
rū multitudo, quasi alteri Moysi, Christo credidit, cum

omnem illorum morbum, omnemque infirmitatē cura-

uerit. Nam illos non comouit uirga in serpentē con-

uersa, nec manus dealbata, nec Nilus sanguine perfu-

sus. hos uerò nō flexerunt cæci uidentes, nec claudi am-

bulantes, nec mortui in uitā reuocati. atq; illi quidē ad

uersabantur Ioānes & Mābres, huic Anna & Caiphas. Ita non omnes commouent prodigia, sed solos bona

mente præditos, quorū gratia Deus tanquā sapiens dispensator uirtutes fieri statuit, non hominum uiribus

sed sua uoluntate. quæ ideo dicimus, ne qui huiusmo-

di charismata obtinuerunt; extollantur in eos, qui ea non acceperunt. Charismata dicimus, quæ in signis consistunt, quoniam cæteroqui nullus est qui per Christum in Deum crediderit, quin spirituale Charisma acceperit; nam liberati multorum Deorum impietate, & credere in Deum Patrem per Christum, Dei Charisma censendum est. Item abiecto Iudaico uelo, credere Dei uoluntate eum, qui est ante sæcula unigenitus, in extremo tēpore ex Virgine sine uiri concubitu natum, conuersatumque ut hominem sine peccato, omnēque legis iustitiam impleſſe, ac Dei permissione crucem subiisse contēpto dedecore, cū esset Dei uerbum; eundemque mortuum & sepultum, ac tertia die suscitatum, postque resurrectionem per quadraginta dies cum Apostolis fuisse, perfecta que omni dispensatione, in conspectu ipsorum, ad Deum ac Patrem suum, à quo missus fuerat, sublatum. Hæc qui credit, non simpliciter, nec temerè, sed iudicio & sententiæ firmitate Charisma à Deo obtinet. Eodem modo, qui omni hæresi est liberatus. Quare nemo ex iis, qui signa & prodigia faciunt, iudicet quenquam ex fidelibus, qui faciendi illa potestatem non est adeptus. Varia enim sunt Dei dona, quæ ab ipso per Christum tribuuntur; ac tu qui dem accepisti hoc, ille aliud, uidelicet sermonem sapientiæ, uel scientiæ, uel facultatem spirituum separandorum, uel prædictionem rerum futurarum, uel sermonem ad docendum idoneum, uel patientiam, uel moderatam continentiam. Etenim Moses homo Dei, cū in Aegypto miracula ederet, non elatus est supra gentiles suos, nec cū Deus uocaretur, cum proprio Propheta Aaron se iactabat. Et Iesus Naue qui post Mosē populo præfuit, & si in bello contra Iebusæos

busæos eius uoluntate sol ad Gabæon, luna ad uallem Aelon constitit, cùm dies ad uictoriam non sufficeret; tamen non insultauit aduersus Phinees, neque Chaleb. Nec Samuel, qui tot admirabilia egerat, despexit Deo charum Dauid, quanquàm uterque Propheeta erat, & unus Pontifex, alter uerò Rex. Cumque in Israele septem millia uirorum essent, qui non incuruerent genu ante Baal, tamen solus Helias, & eius discipulus Helissæus reperti sunt, qui miracula facerent. sed neque Helias œconomum suum elusit, qui cùm Deū timeret, tamen signa non edebat; neque Helissæus suum discipulum, hostem expauescentem contempsit; neque sapiens Daniel cùm ab ore leonum iterum esset ereptus; nec tres pueri cùm camino ignis essent liberati, reliquos generis sui homines despexerunt. Sciebāt enim se non propriis uiribus, periculis liberatos, sed Dei ope, miracula edidisse, & discrimina superasse. Quare nemo se efferat supra fratrem, quamuis Propheeta fuerit, & miraculorum effector: nam si cui semel concessum est, ut non amplius numeretur inter infideles, superflua est ei reliqua omnis miraculorum facultas. nam ut quis pius sit, ab amore proficiscitur, ut miraculā efficiat, ab auctoris potestate, quorum primum nos ipsos respicit, alterum operantem Deum, ob eas causas, quas antea diximus. Quare nec Rex contemnat Duces suos, nec Princeps eos, qui eius imperio parent. Nam si nulli sint qui pareant, Principes sunt superflui; et si nulli sint Duces, non poterit regnum consistere. Sed nec Episcopus se extollat aduersus Diaconum uel Presbyterum; neq; Presbyter aduersus plebem: mutua enim coniunctione copulata est huius societatis communio. Episcopi enim & Presbyteri, quo

G G rundam

rundam sunt sacerdotes, & laici, quorundam sunt laici. Atque esse quidem Christianum, in nostra situm est potestate: esse Apostolum, uel Episcopum, uel aliud quidpiam: non est in nostra situm potestate, sed in potestate Dei, qui largitur Charismata. Atque hæc quidem hætenus dicta sint propter eos, qui charismata uel dignitates acceperunt. Addimus autem illud ad sermonem, qui Prophetæ munere utuntur, non esse omnes sanctos, nec qui Dæmones eiiciunt, præditos esse omnes pietate. Etenim Balaam filius Beor uates, cum esset impius, futura prædixit; item Caiphas, qui falsi nominis Pontifex erat. Multa etenim Diabolus unà cum suis Dæmonibus prædicat, nec tamen ideò ulla est illis pietatis scintilla: inscitia enim sunt oppressi propter uoluntariam prauitatem. Perspicuum est igitur impios, quanuis Prophetarum officio fungantur, non deponere ob prophetiam, suam impietatem, nec eos, qui Dæmones expellunt, sanctitatem acquirere, eo quòd illi cedunt. Fallunt enim se mutuo (ut ii qui ludos risus causa exercent) atque eos, qui ipsis mentem adhibent, ad interitum perducunt. Neque uerò Rex impius, pro Rege habendus est, sed Tyrannus: neque Episcopus imperitia aut nequitia cumulatus, est Episcopus, sed falso nomine gaudet, ut qui non à Deo, sed ab hominibus constitutus sit, ut Ananias, & Samæas in Hierusalem, & Sedecias, & Achias, qui Babylone falsi Prophetæ fuerunt, sed etiam, Balaam uates pœnas dedit cum Israele in Beelphegor pessunde derit. & Caiphas postea sibi mortem consciiuit, & filii Sceux cum conarentur Dæmones eiicere, ab iis uulnerati, turpiter se in fugam dederunt. Reges quoque Israelis & Iudæ secuti impietatem, uaria supplicia pertulerunt.

Ier. 27.
28.

Achias è
Achab in
Ieremia.

Nu. 24.

25.

Act. 21.

lerunt. Perspicuum est igitur falso nomine præditos Episcopos atque Presbyteros, diuinam ultionem non declinatu-
 ros. Dicetur enim ipsis, Et nunc uos sacerdo- *Mal. 1.*
 tes, qui uile facitis nomen meum, tradam uos in occi-
 sionem, ut Sedeciam, & Achiam, quos in sartagi-
 nem misit Rex Babylonis, ut inquit Ieremias Prophe- *Ier. 29.*
 ta. Hæc uerò dicimus non ut ueras prophetias damne-
 mus (scimus enim eas afflatu diuino inter sanctos agi-
 tari) sed ut glorioforum audaciam comprimamus. il-
 ludque præterea addimus, Deum talibus hominibus
 gratiam auferre. Superbis enim Deus resistit, humili-
 bus autem dat gratiam. Silas & Agabus cùm nostro tẽ-
 pore Prophetæ essent, non comparabant se cum Apo-
 stolis, neque fines suos transibãt, quanquàm Deo cha-
 rissimi erant. Prophetarunt quoque olim Maria Moïsis
 & Aaronis soror, & postea Debborra, & post has Olda
 & Iudith, una Iosia, altera Darii tempore. Mater etiam
 Domini prophetauit & Elisabeth eius cognata, & An-
 na. nostro quoque tempore Philippi filia eodem sunt
 functæ munere, sed hæ aduersus uiros suos superbia
 inflatæ non sunt, sed intra proprios terminos constite-
 runt. Quare si inter nos quoque reperitur uir uel mu-
 lier, cui huiusmodi gratia concessa sit, humiles spiri-
 tus habeat, ut in eo sit grata uoluntas Dei; Ad quem *Isa. 66.*
 „ enim, inquit, respiciam, nisi ad humilem & quietum,
 „ & pauentem sermones meos?

De Ordinationibus. C A P. I I.

IN principio orationis exposuimus quæ ad charis-
 mata pertinebant, quæ quidem Deus propria uolun-
 tate concessit hominibus, & quemadmodum morem
 G G 2 eorum

CONSTIT. S. APOSTOLORVM

eorum refutauerit, qui uel falsa dixerunt, uel alieno spiritu ad prædicendum sunt excitati, & quòd improbis hominibus sepe Deus prophetiam & miraculorum facultatem tribuit. nunc autem ad præcipuum ecclesiasticæ descriptionis caput oratio properat, ut cum uos, qui de Christi sententia per nos Episcopi constituti estis, hanc à nobis dispositionem didiceritis, omnia secundum tradita nobis mandata perficere possitis, scientes quòd qui nos audit, Christum audit, & qui Christum audit, is Deum & Patrem ipsius audit, cui gloria in sæcula Amen. Simul igitur congregati nos duodecim Domini Apostoli, has nostras diuinas præcepimus institutiones de omni ecclesiastica forma, præsentibus unà nobiscum electionis uase Paulo coapostolo nostro, Iacobo Episcopo, atque reliquis Presbyteris, & septem Diaconis. Primus igitur ego Petrus dico, Episcopum ordinari debere (ut supra simul omnes constituimus) ex omni parte reprehensione carentem, ab omni populo delectum, quo nominato & approbato, conueniens populus cum collegio Presbyterorum, & Episcopis, qui adsunt, in die dominico, præcipuus ex omnibus interroget Presbyteros, & plebem, an is sit, quem petunt in Rectorem: quibus annuentibus, iterum interroget, num omnes testificentur eum dignum esse hac magna & illustri gubernatione; deinde an pietatem erga Deum coluerit, erga homines iusta seruauerit, domum suam rectè administrauerit; sine reprehensione uitam instituerit. Atque omnibus simul ex ueritate non ex coniectura testificantibus talem eum esse, ueluti coràm iudice Deo & Christo, præsentem nimirum etiam Spiritu sancto, atque omnibus sanctis, & administratoriis spiritibus, tertio iterum interrogentur, an uerè dignus sit sacerdotio,

cerdotio, ut in ore duorum uel trium testium stet omne uerbum. iisque tertio assentientibus, illum dignum esse, ab omnibus assensus petatur, quem prompto animo præstantes audiantur, silentioque imperato, unus ex primis Episcopis cum duobus aliis stans prope altare, reliquis Episcopis & Presbyteris secretò orantibus, Diaconis diuina Euangelia super caput eius, qui ordinatur, aperta tenentibus, dicat conuersus ad Deum,

Inuocatio ordinationis Episcoporum. CAP. III.

DOMINE Deus Omnipotens, qui solus es ingentus, & à nullo dominaris, qui semper es, & existis ante sæcula; qui nullo indiges, & superas omnem causam atque originem; qui solus es uerax, solus sapiens, solus altissimus; qui natura es inuisibilis; qui omnia nosti antequàm fiant; qui abscondita scrutaris; qui es inaccessibilis, & nullius imperio subditus: Deus & pater unigeniti filii tui Dei & Saluatoris nostri, cunctorum opifex per ipsum, prouisor, gubernator; pater misericordiarum, & Deus omnis consolationis; qui in altis habitas, & humilia respicis. Tu es qui dedisti leges Ecclesiæ per corpoream præsentiam Christi tui sub testimonio Paraclæti, per tuos Apostolos, qui & ipsi gratia tua astitimus Episcopi; qui à principio ad gubernationem populi tui sacerdotes designasti, Abel in primis, Seth, Enos, Enoch, Noe, Melchisedech, Iob; qui instituisti Abraam & reliquos Patriarchas cum fidelibus seruis tuis Mose, Aarone, Eleazaro, Phinees; qui ex ipsis principes & sacerdotes in arca testimonii constituisti; qui Samuelem in sacerdotem & prophetam elegisti, qui sanctuariū tuum sine ministerio non reliquisti;

CONSTIT. S. APOSTOLORVM

reliquisti; qui in iis, quos elegisti, glorificari uoluisti; iidem quoque nunc intercessione Christi tui infunde uirtutem Spiritus principalis, qui ministrat dilecto filio tuo Iesu Christo, quem uoluntate tua donauit sanctis Apostolis tuis. Da in nomine tuo scrutator cordium Deus huic seruo tuo, quem elegisti Episcopum, pasce sanctum gregem tuum, & fungi Pontificatu tibi, sine reprehensione ministrantem die & nocte, & placantem faciem tuam, congregare numerum eorum, qui saluantur, & offerre tibi dona Ecclesie tue sanctae. Da ei Domine Omnipotens per Christum tuum participationem sancti Spiritus, ut habeat potestatem dimittendi peccata secundum mandatum tuum; dandi sortes secundum praeceptum tuum, soluendi omne uinculum, secundum potestatem, quam dedisti Apostolis, ut placeat tibi in mansuetudine & mundo corde, firmiter ac laudabiliter, offerendo tibi mundam & incruentam hostiam, quam per Christum instituisti mysterium noui Testamenti, in odorem suauitatis, per sanctum filium tuum Iesum Christum, Deum & Saluatorem nostrum, per quem tibi gloria, honor & adoratio in sancto Spiritu nunc & semper, & in saecula saeculorum Amen.

Sermo de Catechumenis.

CAP. IIII.

POST QUAM haec erit precatus, reliqui Sacerdotes dicant Amen, & cum eis uniuersus populus. & post orationem unus ex Episcopis tradat Eucharistiam in manus ordinati, & ipso mane collocetur à reliquis Episcopis in suo throno, omnibus eum osculantibus osculo in Domino. Post uero lectionem legis & Prophetarum, Epistolarum nostrarum, actuum, atque Euange-
lii,

lii, ordinatus salutet Ecclesiam iis uerbis, Gratia Domini Dei nostri Iesu Christi, & charitas, Dei Patris, & communicatio Spiritus sancti, sit cum omnibus uobis Amen, Et omnes respondeant, Et cum spiritu tuo. post hæc uerba alloquatur populum sermonibus exhortatoriis.

Sermo Diaconi pro Catechumenis.

CAP. V.

QVIBVS absolutis, Dico ego Andreas frater Petri, omnibus consurgentibus, Diaconus ascendens altum aliquem locum pronunciet, NE QVIS AVDITORVM, NE QVIS INFIDELIVM. Silētiōq; facto dicat, CATECHVMENI ORATE. Et omnes fideles orent attento animo dicentes, Domine misere-re. Diaconus pro ipsis oret dicens, Pro Catechumenis omnes Deum oremus, ut bonus & benignus Dominus clementer exaudiat obsecrationes & preces ipsorum, & recipiens eorum supplicationes, tribuat eis auxilium, & concedat petitiones cordis ipsorum ad utilitatem, reuelet eis Euangelium Christi sui, illuminet eos, & instituat disciplina cognitionis Dei, doceat ipsos mandata, & iudicia sua, inserat in animam eorum castum & salutarem timorem suum, aperiat aures cordis ipsorum ut meditentur in lege sua die ac nocte, confirmet eos in pietate, uniat, & connumeret in sancto ouili suo, dignos faciens lauacro regenerationis ueste immortalitatis, uera uita, liberet eos ab omni impietate, & ne det locum inimico aduersus eos, mundet eos ab omni iniquatione carnis, & spiritus inhabitet in eis, & inambulet per Christum suum, benedicat introitus & exitus eorum, & dirigat uias eorum
in

in bonum . Etiam pro eis intentè oremus , ut remissio-
nem delictorum consecuti per baptismum , sanctis my-
steriis digni fiant in mansione sanctorum . Erigite uos
Catechumeni ; & petite pacem Dei per Christum suū ,
diem pacificum & sine peccato , itemque omne tem-
pus uitæ uestræ , Christianos præfides uestros , propi-
tium & benignum Deum delictorum remissionem ; ip-
si soli ingenito Deo per Christum suum uosmet com-
mendate : Inclinamini , & benedictionem accipite . In
iis singulis , quæ loquitur Diaconus , populus , ut præ-
diximus , dicat , Domine miserere . & in primis pueru-
li . Inclinantibus autem ipsis capita , benedicat iis ordi-
natus Episcopus benedictione huiusmodi ,

Benedictio Episcopi super Catechumenos . C A P . VI .

DEVS Omnipotens , ingenite , inaccessibleis , qui
es solus uerus Deus , Deus & pater Christi unige-
niti filii tui , Deus Paracleti & cunctorum dominus ;
qui per Christum discipulos constituisti doctores ad
docendum pietatem , ipse nunc respice super Catechu-
menos Euangelii Christi tui , & da eis cor nouum , &
spiritum rectum innoua in uisceribus eorum , ad co-
gnoscentiam & faciendam uoluntatem tuam in corde
pleno , & uolenti animo , dignos fac eos sancto baptis-
mo , & aggrega eos Ecclesiæ tuæ sanctæ , & participes
fac sanctorum mysteriorum per Christum Iesum , qui
est spes nostra , qui que pro nobis mortuus est ,
per quem tibi gloria & adoratio in Spi-
ritu sancto in sæcula
Amen .

Sermo

Sermo Diaconi pro Energumenis. CAP. VII.

POST hæc Diaconus dicat, Itē Catechumeni in pace. qui, postquam ii exiuerunt, dicat. Orate Energumeni, hoc est uexati ab immundis spiritibus. Intētē omnes pro ipsis orate, ut benignus Deus per Christum increpet immundos, & nequam spiritus, & eripiat seruos suos ab imperio inimici: qui increpauit legionem dæmonum & principem malorum diabolum: ipse nūc increpet pietatis rebelles & liberet figmenta sua à uexatione ipsius; & purget ea, quæ ingenti sapientia condidit. Etiam intētē oremus. Salua & excita illos Deus in uirtutē tua, Inclinate uos Energumeni, ut benedictionem accipiat. Et Episcopus oret dicens,

Oratio pro Energumenis. CAP. VIII.

QVI fortem armatum ligasti, & omnia uasa eius diripuisti; qui dedisti nobis potestatem ambulandi super serpētes, & scorpiones, & super omnem uirtutem inimici; qui homicidam serpentem ligatum tradidisti nobis; tanquā passērem puerulis; quem cūcta pauēt & horrēt à facie uirtutis tuæ; qui eum deiecisti sicut fulgur à cœlo in terram, non lapsu loca-
 li; sed ab honorē in ignominiam; ob uoluntariam nequitiam; cuius aspectus siccāt abyssos; & minæ lique-
 faciunt montes, & ueritas Domini manet in æternum; quem laudant infantes, & lactentes benedicunt; quē celebrant; & adorant Angeli; qui aspicit super terram,
 & facit eam tremere; qui tangit montes & fumigant;

*Luc. 10.**Iob 3.**Psal. 107.*

H H qui

Nahū.1. qui minatur Mari & siccat illud, & omnia flumina deferta facit: cuius nubes puluis pedum eius; qui ambulat super Mare, sicut super pauimentum. *Vnigenite*
Iob.9. Deus magni patris fili increpa spiritus nequam, & libera opera manuum tuarum ab alieni spiritus uexatione; quoniam tibi gloria, honor & adoratio, & per te tuo patri in sancto Spiritu in sæcula Amen.

Sermo Diaconi pro illuminandis. CAP. IX.

DIACONVS dicat, Ite Energumēni, & postea dicat, Orate qui illuminamini. Intentē omnes fideles pro ipsis oremus, ut Dominus dignos illos reddat ut in Christi mortem initiati resurgant unā cum illo, & consortes faciat eos regni ipsius, & participēs mysteriorum eius; uniat & conscribat in numero eorum, qui salui fiunt in sancta eius Ecclesia. Salua & suscita illos in tua gratia. Consignati Deo per Christum eius, inclinantes se benedicantur ab Episcopo hac benedictione;

Oratio tertia super illuminandos. CAP. X.

QVI per sanctos Prophetas prædixisti iis, qui initiantur, lauamini, mundi estote. & per Christum instituisi spiritualem regenerationem, idem nūc respice super eos, qui baptizantur & benedic, & sanctifica eos, & præpara dignos fieri tuo dono spirituali, & uera adoptione filiorum ad consequendum spiritalia tua mysteria in numero eorum, qui saluantur per Christum Saluatorem nostrum, per quem tibi gloria, honor, & adoratio in sancto Spiritu in sæcula Amen.

ET dicat Diaconus, Discedite illuminandi, & post hoc pronunciet, Orate pœnitentes intentè omnes. Pro pœnitentibus fratribus rogemus, ut misericors Deus ostendat illis uiam pœnitentiæ; recipiat respicientiam & confessionem ipsorum, & conterat citò Satanam sub pedibus eorum, & redimat eos à laqueis diaboli, & à fraude dæmonum, & eripiat eos ab omni uerbo nephario; ab omni opere illicito, & amore prauo; & condonet eis peccata uoluntaria, & inuoluntaria, & deleat chirographum ipsorum, & conscribat eos in libro uitæ, expiet eos ab omni piaculo carnis & spiritus, & uniat eos, reducens ad sanctum suum ouile, quoniam ipse cognoscit figmentum nostrum; quoniam quis gloriabitur se castum habere cor? uel quis confidet se mundum esse à peccato? Omnes enim sumus pœnæ obnoxii. Etiam pro ipsis intentius oremus, quoniam gaudium fit in cœlo super uno peccatore pœnitentiam agente, ut declinantes omnem actionem malam, amplectantur omnia opera bona, ut benignus Deus citò eorum obsecrationibus placatus, restituat eis lætitiā salutaris, & spiritu principali confirmet eos, ne ampliùs prohibeantur communionem habere sanctorum sacrorum ipsius, & participes fieri diuinorum mysteriorum, ut digni reperti adoptionis filiorum, uitam æternam consequantur.

Etiam omnes intentè pro eis dicamus, Domine miserere.

SALVA eos Deus, & suscita misericordia tua. Susci-
tati Deo per Christum inclinate uos, & benedicimini.

Episcopus ita oret.

OMNIPOTENS æternæ Deus, cunctorum Domi-
ne, creator & gubernator uniuersi, qui hominem
in Mundi ornatum posuisti per Christum, & dedisti ei
legem naturalem & scriptam, ut uiuendi normam ha-
beret, uti rationis compos; & si in aliquo peccaret, fun-
damentum pœnitentiæ tradidisti ei bonitatem tuam; re-
spice super inclinâtes tibi colla animæ & corporis, quo-
niam tu non uis mortem peccatoris, sed pœnitentiâ,
ut reuertatur à uia sua mala & uiuat: qui Nineuitarum
1. Tim. 2 pœnitentiam admisisti, qui uis omnes homines saluos
fieri, & ad agnitionem ueritatis uenire; qui filium, qui
suas facultates luxuriosè consumpserat, paterno affe-
ctu recepisti per pœnitentiam, recipe nunc quoq; sup-
plicantium tibi pœnitentiam? quoniam non est qui nō
peccet in te. Si enim iniquitates obseruaueris Domine,
Domine quis sustinebit; quoniā apud te est redēptio,
& reduce eos in sanctam tuam Ecclesiam, restituta illis
priori dignitate & honore per Christum Deum & Sal-
uatorem nostrum, per quem tibi gloria & adoratio in
sancto Spiritu in sæcula Amen. Et Diaconus dicat, Di-
scedite pœnitentes. & addat, Nullus ex prohibitis acce-
dat. fideles flectamus genua; rogemus Deum per
Christum eius, omnes intentè Deum
per Christum inuo-
cemus.

Allocutio

Allocutio Diaconi pro fidelibus. CAP. XIII.

PRO pace, & pro tranquillitate Mundi & sanctorum Ecclesiarum oremus, ut cunctorum Deus suam æternam & firmam pacem nobis concedat, ut in stabilitate uirtutis secundum pietatem perseverantes nos custodiat. Pro sancta Catholica, & Apostolica Ecclesia diffusa à finibus usque in fines, oremus, ut Dominus immobilem & tranquillam eam custodiat, atque conseruet usque ad consummationem sæculi fundatam supra firmam petram. Et pro sancta paræcia huius loci oremus, ut concedat nobis cunctorum Dominus cœlestis eius spem perfectè persequi, & ei debitam orationis seruitutem sine intermissione impendere. Pro omni Episcopatu, qui est sub Cœlo rectè tractantiũ uerbum ueritatis orate. Et pro Episcopo nostro Iacobo, & paræciis ipsius orate. Pro Episcopo nostro Clemente & paræciis ipsius orate. Pro Episcopo nostro Euodio & paræciis ipsius orate, ut misericordiam Deus cōcedat suis Ecclesiis, eos esse saluos, honorabiles, longæui temporis, uenerabilemque ipsorum senectutem faciat in pietate & iustitiâ. Et pro Presbyteris nostris orate, ut Dominus eripiat eos ab omni re incommoda & mala, saluum & honorabile presbyterium eis præbeat. Pro omni in Christo Diaconatu & ministratu orate, ut Dominus inculpabilem Diaconiam eis præbeat. Pro Lectoribus, Cantoribus, Virginibus, Viduis, Orphanis orate; pro matrimonio copulatis, & liberis operam dantibus orate, ut Dominus omnium suorum misereatur. Pro Eunuchis sanctè ambulanti bus orate. Pro continenter & castè uiuentibus orate. Pro afferentibus fructus sanctæ Ecclesiæ, & faciētibus pauperibus elemosynam

mosynam orate. Et pro sacrificia & primitias offerentibus Domino Deo nostro, orate, ut sanctus Deus remuneretur ipsos cœlestibus donis, & det ipsis in præsentem centuplum, & in futuro uitam æternam: & præstet eis pro tēporalibus sempiterna, pro terrenis cœlestia. Pro nuper illuminatis fratribus nostris orate, ut Dominus stabiliat eos, & confirmet. Pro infirmis fratribus nostris orate, ut Dominus liberet eos ab omni ægritudine & imbecillitate, & saluos restituat sanctæ ipsius Ecclesiæ. Pro nauigantibus & uiatoribus oremus. Pro iis, qui sunt in metallis, in exilio, in custodia & uinculis propter nomen Domini, orate. Pro oppressis amara seruitute orate. Pro inimicis & odio uos prosequentibus orate. Pro persequentibus nos propter nomen Domini oremus, ut Dominus mitigato illorum furore, dissipet iram conceptam contra nos. Pro iis, qui extra sunt & in errore uersantur orate, ut Dominus illos conuertat. Infantum Ecclesiæ memores simus, ut Dominus perfectos eos in timore suo ad adultam ætatem perducatur. Pro nobis mutuò oremus, ut Dominus seruet nos, & gratia sua custodiat usque ad finem & liberet nos à malo, atque ab omnibus scandalis operantibus iniquitatem, & saluet in cœleste regnum ipsius. Pro omni anima Christiana oremus. Salua & suscita nos Deus misericordia tua. Excitemus nos orantes intentè & mutuò nosmet commédemus Deo uiuo per Christum eius.

Oret Pontifex & dicat. C A P. X I I I I.

DOMINE Omnipotens altissime, qui in altis habitas, sanctè requiescens in sanctis, qui es sine principio, & solus dominaris, qui per Christum prædicationem

nem uerbi dedisti nobis in agnitionem gloriæ tuæ , & nominis tui, quod manifestauit nobis in comprehensionem ; ipse quoque nunc respice per eum super hunc gregem tuum, & libera eum omni ignorantia & opere malo , & da eum timore timerè te , & dilectione te diligere & ire à facie gloriæ tuæ . Benignus & propitius esto in precibus ipsorum ; & conserua eos immobiles, culpa carentes , criminis expertes , ut sint sancti corpore & anima ; non habentes maculam, neque rugam, neque aliquid huiusmodi , sed sint perfecti , & nullus inter ipsos sit mancus uel imperfectus . Adiutor, potens, personarum non acceptor, succurre huic populo tuo, quem redemisti precioso sanguine Christi tui, defensor, auxiliator , dispensator , custos, murus fortissimus, sepes, securitas, quoniam de manu tua nemo potest eripere : nam non est sicut tu Deus alter, quoniam in te sustinemur . Sanctifica eos in ueritate, quoniam uerbum tuum ueritas est, qui nullius gratiam respicis, falsis rationibus non deciperis, libera eos ab omni morbo, & ab omni infirmitate, ab omni peccato, ab omni dolo & fraude ; à timore inimici ; à sagitta uolante in die ; à negotio perambulante in tenebris, & dignos fac eos uita æterna, quæ est in Christo tuo, filio tuo unigenito, Deo & Salvatore nostro, per quem tibi gloria & honor in sancto Spiritu nunc, & semper, & in sæcula sæculorum Amen .

Apparatus ad mysticum sacrificium. C A P. X V.

POST hoc Diaconus dicat, Attendamus. Et Episcopus salutet Ecclesiam, & dicat, Pax Dei cum omnibus uobis. Et populus respondeat, Et cum spiritu tuo.

tuo. Et Diaconus dicat, Salutate uos inuicem in osculo sancto, & salutent Clerici Episcopum, & uiri laici laicos, & mulieres salutent mulieres. Pueri stent ad suggestum, & alius Diaconus præsit eis, ne obstrepant. Et alii Diaconi deambulent & uideant uiros & mulieres, ne tumultus aliquis excitetur, & ne quis murmuret, ne ue conuiueat, uel nutet. Diaconi uerò maneant ad portam uirorum, Hypodiaconi ad portam mulierum, ne ullus exeat, ne ue porta aperiatur, etiam si fidelis fuerit tempore oblationis. Unus Hypodiaconus det aquam manibus sacerdotum in signum puritatis animarum Deo repositarum.

Dico ego Iacobus frater Ioannis Zebedæi, ut statim Diaconus dicat, Nullus Catechumenus, Nullus Auditor, Nullus infidelis, Nullus hæreticus, Qui primam orationem perfecistis discedite. Pueros recipite matres. Ne quis contra aliquem, Ne quis in hipocrisi. Erekti ad Dominum cum timore & tremore manentes sinamus offerri. Quibus peractis Diaconi afferant dona Episcopo ad altare, et Presbyteri, à dextris, & à sinistris assistant ueluti discipuli assistentes magistro. Duo Diaconi ex utraque parte altaris teneant flagellum confectum ex tenuibus membranis, uel ex pauonum pennis, uel ex uelo, quibus leniter abigant præteruolantes bestiolas, ne in pocula incidunt.

Gratiarum actio ante consecrationem. CAP. XVI.

ORANS igitur per se Pontifex unà cum sacerdotibus, induensque uestem splendidam, & stans ad altare, Trophæo crucis se consignans in frontem, dicat, Gratia Omnipotentis Dei, & Charitas Domini nostri Iesu

Iesu Christi, & communicatio Spiritus sancti sit cum omnibus vobis. & omnes una uoce respondeant, Et cum spiritu tuo. Et Pontifex dicat, Sursum mentem. omnes respondeant, Habemus ad Dominum. Et Pontifex, Gratias agamus Domino. & omnes respondeant, Dignum, & iustum est. Pontifex dicat. Verè dignum & iustum est ante omnia laudare te uerum Deum, qui es ante res generatas, ex quo omnis paternitas in cœlo, & in terra nominatur, qui solus es ingenitus sine principio, non agnoscens alicuius imperium, aut dominium, nullius indigens, omnis boni dator, extra omnem causam, generationemque positus, semper in eodem statu consistens, ex quo omnia, quasi ex quodam fonte in rerum naturam processerunt. Tu enim es notitia carens principio, æterna uisio, ingenitus auditus, sapientia increata, primus natura, lex essendi, extra omnem numerum constitutus, omnia de nihilo produciens per unigenitum filium tuum, ipsum uerò ante omnia sæcula genuisti uoluntate, uirtute, & bonitate immediatè filium, unigenitum uerbum, Deum, sapientiam uiuentem, primogenitum omnis creaturæ; Angelum magni consilii tui, Pontificem tuum, Regem, & dominum omnis intellectiux & sensitiux naturæ, qui est ante omnia, per quem omnia. Tu enim æterne Deus per ipsum cuncta fecisti, & per ipsum cōuenienti prouidentia cuncta gubernas, per quem enim concessisti ut res essent, per eundem fecisti ut benè essent, Deus & Pater unigeniti filii tui, qui per ipsum ante omnia fecisti Cherubin & Seraphin, sæcula & exercitus, uirtutes, & potestates, Archangelos, & Angelos, & post hæc omnia, fecisti hunc Mundum uiubilem, & omnia, quæ in eo sunt. Tu enim es, qui cœ

CONSTIT. S. APOSTOLORVM

lum ut fornicem statuisti , & ut pellem extendisti , & terræ molem nullo adminiculo stabiliuisti , sola uoluntate tua ; qui constituisti firmamentum , noctem & diē paraſti , qui ex theſauris protuliſti lucem , & eius reſeſſu induxiſti noctem ad quietem animantium , quæ mouentur in Mundo ; qui Solem diſpoſuiſti in poteſtatem diei , & lunam in poteſtatem noctis : qui ſtellarum ornatu cœlum diſtinxiſti in laudem maięſtatis tuę : qui feciſti aquam in potum & munditię , aerem uitalem ad ducendum ſpiritum uocemque formandam , per linguam percutientem aerem : auditum auxilio ipſius , ut apprehenderet ſonos , & exciperet delatas ſibi per aerem uoces ; qui feciſti ignem ad depellendas tenebras , & ad explendam neceſſitatem , ſimulque ut ab eo caleſceremus , & illuſtraremur ; qui immenſum Mare à terra ſegregaſti , & illud nauigabile effeciſti , hanc pedibus peruiam ; illud etiam animantibus puſillis atque magnis auxiſti ; hanc manſuetis atque agreſtibus referſiſti , plantarum uarietate ornaſti , herbis decoſtaſti , floribus diſtinxiſti , ſeminibus ditaiſti . qui conſtituiſti Abyſſum , & uaſto hiatu eam comprehendiſti , falſarum aquarum cumulatis æquoribus , & eam tenuiſſimę arenę terminis concluſiſti : qui Mare modò uentis in montium altitudinem extollis , modò in planiciem exæquas , & modò agitas tempeſtate , modò ſedas tranquillitate , ut ad nauigiorum curſus ſit idoneum : qui creatum per Chriſtum à te Mundum cinctiſti fluminibus , alluiſti torrentibus , fontibusque perrennibus irrigaſti , montibus circundediſti , in firmiſſimam terrę ſtabilitatem ; referſiſti enim Mundum & ornaſti ſuauiſſimis plantis , & ad medicinam aptiſſimis , multis ac uariis animantibus robuſtis atque infirmis ,
ad

ad esum , atque ad laborem idoneis , cicuribus , atque feris , serpentum sibilis , & diuersorum alitum cantibus , annorum recurrentibus circulis , mensium atque dierum numerosa multitudo : Solstitiorum uicissitudine , nubium imbriferarum tempestatibus , ad fructuum maturitatem , & animantium conseruationem , stationemque uentorum flantium ad imperium tuum , ad plantarum quoque atque herbarum multitudinem : ac non solum Mundum creasti , sed etiam Mundi ciuem hominem condidisti ; Mundi ornatum eum faciens . Dixisti enim Sapientiæ tuæ , Faciamus hominem ad imaginem & similitudinem nostram , & imperet piscibus Maris , & uolatilibus cœli : ideoque composuisti eum ex anima immortali & corpore dissolutioni obnoxio . Illa de nihilo creata , hoc ex quatuor elementis conflato , & dedisti ei per animam rationalem , intelligentiam , pietatis & impietatis iudicium , iusti & iniusti obseruationem ; per corpus quinque sensus motum quo progreditur . Tu enim Deus Omnipotēs per Christum Paradisum in ædem ad Orientē plantaſti , & uariis plantis ad cibum aptis ornaſti ; & in eum quasi in lautam domum hominem introduxisti , quem cum conderes , legem dedisti ei naturalem , ut intus inclusa , & apud se haberet semina diuinæ cognitionis . Nam cum illum in Paradisum deliciarum induxisti , omnia ei permisisti ut perciperet , unum autem solum gustare prohibuisti , spe maiorum rerum , scilicet ut si mandatum seruasset , mercedem eius , immortalitatem reportaret ; sed cum mandatum contempnisset , & prohibitū fructū gustasset , fraude serpentis , & consilio mulieris , meritò illū eiecisti Paradiso . sed bonitate tua nō permisisti ut penitus periret (tuū . n . erat opus) sed

subiecta ei creatura concessisti, ut sudore ac labore uictum sibi quæreretur, te omnia ferente, augente, ac maturante. Cumque iureiurando ei breuis temporis soporem dederis, illum ad nouam generationem reuocasti, soluto mortis termino, uitam ex resurrectione promissisti; non solumque id præstitisti, sed etiam posteros suos in infinitam multitudinem propagasti; obsequentes tibi glorificasti, rebelles suppliciis affecisti; atque Abellis quidem sancti sacrificium accepisti. Cain fratris interfectoris munus tanquam scelerati hominis reiecisti. Præterea Seth & Enos recepisti, & Enoch transtulisti. Tu enim opifex es hominum, uitæ præbitor, inopiæ expletor, legum dator, eas seruantium remunerator, uiolantium ultor; qui magnum diluuium induxisti Mundo propter multitudinem impiorum, & iustum Noe eripuisti à diluuiio, in arca, cum octo animis, ut esset finis præteritorum, & principium eorum, qui erant in futura successione nascituri; qui formidandum ignem quinque Sodomæ urbibus immisisti, & terram fructiferam in salsuginem posuisti, à malitia inhabitantiū in ea, & sanctum Lot incendio liberaisti. Tu es, qui Abraam maiorum suorum impietate liberaisti, & Mundi hæredem fecisti, & ei Christum tuum ostendisti; qui Melchisedech Pontificem seruitutis tuæ constituisti, patientissimum seruum tuum Iob uictorem serpentis auctoris malorum, declarasti, qui Isaac filium promissionis fecisti. Iacob patrem duodecim filiorum, eiusque posteros in numerosam sobolem propagasti, illum uerò cum septuaginta animis in Aegyptum introduxisti. Tu Domine Iosephum non neglexisti, sed præmiū suæ temperantiæ ei concessisti ut Aegyptiis imperaret. Tu Domine Hebræos ab Aegyptiis uexatos non neglexisti,

sti, ut promissa patribus suis seruares. Cumque homines naturæ legem labefactarent, & creaturam aliquando fortuitam ducerent, aliquando plusquam oporteret in honore haberent, & eam tibi Deo æquarent, non permisisti illos errare, sed excitato sancto seruo tuo Moïse, per eum, in subsidium naturalis, scriptam legem dedisti, & creaturam ostendisti tuum opus esse, Deorumque multitudinem exterminasti. Aaaron, et posteros sacerdotali honore decoraisti, Hebræos peccantes puniisti, resipiscentes recepisti, Aegyptios decem plagis es ultus, diuiso Mari Israelitas traduxisti, persequentes Aegyptios demersos interemisti, ligno aquam amaram, dulcem fecisti, è dura petra aquam eduxisti, de Cœlo manna dedisti, atque ex aere ortygometram in cibum, columnam igneam nocte ad illustrandum, & die columnam nubis ad opacandum statuisti, Iesum imperatorem delegisti, septem nationes Cananæorum, eius opera expugnasti, Iordanem aperuisti, flumina Ethan siccasti, muros sine machinis, sineque hominum manu diruisti. Pro omnibus tibi gloria Domine Omnipotēs. Te adorant infiniti exercitus Angelorum, Archangelorum, Thronorum, Dominationum, Principatum, Potestatum, Virtutum, Exercituum æternorum, Cherubina, & sex alas habentia, Seraphina, duabus uelantia pedes, duabus capita, duabus uolantia, & dicentia unà cum millibus millium Archangelorum, & cum millenis millium Angelorum incessabili uoce clamantium.

Et omnis populus simul dicat,

SANCTVS, Sanctus, Sanctus, Dominus Sabaoth: Plenum est cœlum & terra gloria tua, Benedictus in sæcula Amen.

Et Pontifex deinde dicat,

SANCTVS enim es, & in omnibus sanctus altissimus, & superexaltatus in sæcula. Sanctus & unigenitus filius tuus Dominus noster & Deus Iesus Christus, qui in omnibus ministravit tibi Deo ipsius & Patri, in uario opificio creaturarum & in earum conuenienti providentia. Nō permisit genus humanum perire, sed post naturalē legem, post legis scriptæ admonitionem, post propheticas increpationes, post Angelorū tutelas, uiolantibus naturalem legem hominibus, unā cum scripta, obliteratedque memoria diluuii, incendii, plagarum Aegyptiacarum, cædis Palestinorum, imminenteque omnium interitu, decreuit uoluntate tua, qui hominem condiderat fieri homo, qui legislator erat, subiici legibus, qui Pontifex erat, uictima fieri, pastor, effici ouis. Teque Deum suum ac Patrem placauit & conciliauit Mundo, atque instanti ira omnes liberauit, natus de Virgine, natus in carne, Deus, uerbum, Filius dilectus, primogenitus omnis creaturæ, secūdū de eo prædictas prophetias, ex semine Dauid & Abraā; de tribu Iudæ, & conceptus est in utero Virginis formator omnium, qui nascuntur; atque incarnatus est is, qui carnis est expertus, in tempore natus qui ab æterno est genitus, piē conuersatus est, & sanctis legibus instituit, omnem morbum, atque infirmitatem expulit, signa ac prodigia in populo fecit, cibum, potum, somnū cœpit is, qui omnes cibo indigētes alit, & replet omne animal benedictione: manifestauit nomen tuū iis, qui id ignorabant: ignorantiam fugauit, pietatē excitauit, uoluntatem tuam expleuit; opus, quod dederas illi consummauit. Quæ omnia cū perfecisset im-

piorum

piorum manibus comprehensus, sacerdotum atque Pōtificum falsi nominis, populique ipsius iniqui, & malitia laborātis traditione, multa passus est ab ipsis, omnemque sustinuit ignominiam tua permissione. Traditus est Pilato Præfidi, ac iudicatus is, qui iudex erat, condemnatus est aliorum Saluator, crucifixus, qui est impassibilis; mortuus, natura immortalis; sepultus; omnium uiuificator, ut passione & morte liberaret eos, propter quos uenerat, & uincula Diaboli disrumperet, hominesque ab eius fraudibus eriperet. Et resurrexit à mortuis tertia die, & per quadraginta dies uersatus cum discipulis, receptus est in cœlum, & sedet ad dexteram Dei & Patris sui.

Memores igitur eorum, quæ propter nos est passus, gratias agimus tibi Deus Omnipotens non quantum debemus, sed quantum possumus. Et ordinationem eius implemus. Nam in qua nocte tradebatur, accipiens panem in sanctas & immaculatas manus, & suscipiens in te Deum suum & patrem, frangensque dedit discipulis dicens, Hoc mysterium noui Testamenti, accipite, ex eo comedite, hoc est corpus meum, quod pro multis frangitur in remissionem peccatorum. Similiter & calicem miscens ex uino & aqua, & sanctificans tradidit eis dicens, Bibite ex eo omnes, hic est sanguis meus, qui pro multis effunditur in remissionem peccatorum, hoc facite in meam commemorationem. Quotiescunque enim comederitis panem hunc, & biberitis calicem hunc, mortem meam annunciabitis donec ueniam. Memores igitur passionis eius & mortis, nec non ex mortuis resurrectionis, atque in Cœlos ascensionis, & futuri eius secundi aduentus, in quo ueniet cum gloria & uirtute iudicare uiuos, & mortuos,

&c

& reddere unicuique secundum opera sua: offerimus tibi Regi & Deo secundum ipsius ordinationem panem hunc & calicem hunc, gratias tibi agentes eo quod nos dignos fecisti assistere in conspectu tuo & fungi sacerdotio tibi. Rogamusque te, ut benignè aspicere digneris super hæc dona proposita in conspectu tuo, tu qui nullo indiges Deus, & complaceas tibi in ipsis in honorem Christi tui, & mittas sanctum Spiritum tuum super hoc sacrificium, testem passionum Domini Iesu, ut ostendat hunc panem corpus Christi tui, & hunc calicem sanguinem Christi tui, ut qui eum percipiunt, confirmentur in pietate, & remissionem peccatorum consequantur, diabolo & errore eius liberentur, Spiritu sancto repleantur, Christo tuo digni efficiantur, uitam æternam adipiscantur, te eis reconciliato Domine Omnipotens.

Mystica oratio.

C A P. XVIII.

ETIAM rogamus te Domine pro sancta tua Ecclesia, quæ est à finibus usque ad fines, quam acquisisti precioso sanguine Christi tui, ut eam quietam & tranquillam conserues usque ad consummationem sæculi. Et pro omni Episcopatu rectè tractante uerbū Veritatis; etiam imploramus te, & pro mei offerentis tibi tenuitate, proque omni presbyterio, pro Diaconis atque omni clero, ut omnes à te edoctos Spiritu sancto repleas. Etiam rogamus te Domine pro Rege, & pro iis, qui sunt in sublimitate constituti, proque omni exercitu, ut per illos pacificè uiuamus, ut in quiete & concordia perseverantes, per omne tempus uitæ nostræ glorificemus te per Iesum Christum, qui est
spes

ſpes noſtra. Etiam offerimus tibi pro omnibus, qui à ſæculo placuerunt tibi, ſanctis, Patriarchis, Prophetis, iuſtis Apoſtolis, Martyribus, Confeſſoribus, Epiſcopis, Præſbyteris, Diaconis, Hypodiaconis, Lectoribus, Cântoribus, Virginibus, Viduis, laicis atque omnibus, quorum tu cognouiſti nomina.

Etiam offerimus tibi pro populo hoc, ut facias eũ in laudẽ Chriſti tui regale ſacerdotium, gentem ſanctam; pro Virginibus, & caſtitem ſeruantibus; pro Viduis Eccleſiæ; pro copulatis honorabilibus nuptiis, & filios procreantibus; pro infantibus populi tui, ut neminem noſtrum reiicias. Etiam rogamus pro hac ciuitate, & habitantibus in ea; pro laborantibus infirmitate, & pro acerbam ſeruitutem ſeruientibus; pro relegatis, & publicationem bonorum perpeſſis; pro nauigantibus, & pro peregrè proficiſcentibus, ut ſis auxiliator, omnium adiutor & opitulator. Etiam oramus te pro iis, qui nos odio habent & perſequuntur nos propter nomen tuum; pro iis, qui extra ſunt, & uerſantur in errore, ut reducas eos in bonum, & furorem eorum mitiges. Etiam rogamus te pro Catechumenis Eccleſiæ, & pro uexatis ab aduerſario, & pro fratribus noſtris pœnitentibus, ut illos in fide perficias, alios à uexatione mali eripias, horum pœnitentiam recipias, & indulgeas illis atque nobis delicta noſtra. Etiam offerimus tibi pro aeris ſalubritate, & fructuum fertilitate, ut abundè bona tua percipientes, te affiduè laudemus, qui das eſcam omni carni. Etiam rogamus te pro iis, qui iuſta cauſa impediti abſunt, ut omnes nos in pietate cuſtoditos congreges in Regnum Chriſti tui, Dei omnis ſenſitiuæ, & intellectualis naturæ,

C O N S T I T . S . A P O S T O L O R V M

& Regis nostri, stabiles in bono, inculpabiles, crimine carentes, quoniam tibi omnis gloria, cultus, gratiarum actio, honor & adoratio Patri & Filio, & sancto Spiritui & nunc & semper & in infinita sæcula sæculorum. Et omnis populus dicat, Amen. Et Episcopus dicat, Pax Dei sit cum omnibus uobis. Et omnis populus dicat, Et cum spiritu tuo.

Et Diaconus iterum pronunciet,

C A P V T X I X.

ETIAM rogemus Deum per Christum suum. Pro dono oblato Domino Deo oremus, Ut bonus Deus suscipiat illud intercedere Christo ipse, in cœleste altare suum in odore suauitatis. Pro hac Ecclesia, & pro populo rogemus, Pro omni Episcopatu; pro omni presbyterio; pro omni in Christo diaconia, & ministerio, pro uniuerso Ecclesiæ cœtu rogemus, ut Dominus oēs conseruet atque custodiat. Pro Regibus, & pro iis, qui sunt in sublimitate cōstituti oremus, ut in pace per ipsos uiuamus, ut quietam & tranquillam uitam agamus in omni pietate ac sanctitate; sanctorum Martyrum memoriam colamus, ut digni efficiamur certaminis ipsorum. Pro iis, qui in fide quieuerunt, oremus. Pro salubritate aeris, & fructuum maturitate rogemus. Pro nuper illuminatis oremus, ut omnes in fide confirmentur. Excita nos Deus in gratia tua. Excitati, nos ipsos Deo per Christum eius commendemus.

Et Episcopus dicat,

DEVS magnus, & magni nominis, magnus consilio &, operibus potens, Deus & pater sancti pueri tui Iesu Saluatoris nostri, respice super nos, & super hoc ouile tuum, quod per ipsum elegisti in gloriā nominis tui, & sanctificato corpore nostro, & anima dignos nos fac, ut purgati omni iniquatione carnis ac spiritus, proposita bona consequamur, et neminem nostrum iudices indignum, sed sis adiutor noster, auxiliator, & defensor noster per Christum tuum, cum quo tibi gloria & honor, laus, gloriatio, & gratiarū actio, & sancto Spiritui in sæcula Amen.

Et postquam omnes dixerunt Amen. Diaconus dicat, Attendamus. Et Episcopus alloquatur populum iis uerbis, Sancta sanctis. Et populus subiungat, Vnus sanctus, unus Dominus, unus Christus, in gloriam Dei Patris benedictus in sæcula Amen.

Gloria in altissimis Deo, & in terra pax hominibus bonæ uoluntatis. Osanna Filio David. Benedictus qui uenit in nomine Domini, Deus Dominus, & apparuit nobis. Osanna in altissimis. Post hoc sumat Episcopus, deinde, Presbyteri, & Diaconi, & Hypodiaconi, & Anagnostæ, & Cantores, & Ascetæ, & ex mulieribus Diaconissæ, & Virgines, & uiduæ, postea pueri & omnis populus ordine cum pudore & reuerentia, absque tumultu. Et Episcopus det oblationem dicens, Corpus Christi. Et sumens dicat, Amen. Diaconus teneat calicem, & quando tradit dicat, Sanguis Christi, calix uitæ. & bibens dicat, Amen. Cū reliqui sumunt dicatur psalmus à XXXIII. Postquam omnes sumpserunt, accipiant Diaconi reliquias, & portent in Pastophoria. Perfecto psalmo Diaconus dicat,

CONSTIT. S. APOSTOLORVM

Sermo post communionem. CAP. XXI.

PERCEPTO precioso corpore, & precioso sanguine Christi, gratias agamus ei, qui dignos nos reddidit percipiendi sancta eius mysteria, & rogamus ut non in iudicium, sed in salutem nobis fiant, in utilitatem animæ & corporis, in custodiam pietatis, in remissionem peccatorum, in uitam futuri sæculi. Excitemur in gratia. Nos ipsos Deo soli, ingenito Deo & Christo eius commendemus.
Et Episcopus gratias agat.

Oratio post communionem. CAP. XXII.

DOMINE Deus Omnipotens, pater Christi tui filii benedicti; exauditor inuocantium te in rectitudine, qui scis interpellationes tacentium, gratias tibi agimus quòd fecisti nos dignos participationis sanctorum mysteriorum tuorum, quæ præbuidisti nobis in confirmationem eorum, quæ bene cognita sunt, in custodiam pietatis, in remissionem peccatorum, quoniam nomen Christi tui inuocatum est super nos, & tibi conciliati sumus: qui segregasti nos à communicatione impiorum, coniunge nos cum consecratis tibi, confirma nos in ueritate, sancti Spiritus superuentione, ignorata reuela, quæ defunt exple, cognita corrobora, sacerdotes immaculatos tuere in seruitute tua. Reges conserua in pace, Magistratus in iustitia, coelum in salubritate, fructus in fertilitate, Mūdum in prouidentia omni ex parte sufficienti, nationes bellicosas reprime, errantes conuerte, populum tuum sanctifica, Virgines conserua, matrimonio uinctos, custodi in fide, ignorantes corrobora,

corroborata, infantes ad uirilem ætatem perduc, nouitios confirma, Catechumēnos instrue, & initiatione dignos redde. nosque omnes congrega in regnum Cælorum in Christo Iesu Domino nostro, cū quo tibi gloria, honor, cultus, & sancto Spiritui in sæcula. Amen.

Et Diaconus dicat,

C A P I T U L U M

DE O per Christum eius inclinamini, & benedictionem accipite. Et Episcopus iterum oret dicens,

Deus omnipotens, uerus & incomparabilis, qui ubique ades & præsens es in cunctis, & in nullo tanquam ens quiddam existis, qui loco non circumscriberis, nec tempore consenesces, nec sæculis terminaris, neque sermonibus explicaris, qui generationi non es subiectus, custodia non indiges, extra interitum es positus, mutationem non recipis, qui natura es inuariabilis, qui lucem inhabitas inaccessibilem, qui natura es inuisibilis, quem uniuersales naturæ cum amore te inuestigantes cognoscunt, qui comprehenderis ab iis, qui in charitate quærunt te, Deus Israelis re uera uidetis, populi tui credentis in Christum. propitius factus exaudi me propter nomen tuum, & benedic eis, qui tibi inclinant colla sua; & concede eis petitiones cordis ipsorum, quæ sunt ad utilitatem, & nullum ex ipsis expelle à possessione regni tui, & sanctifica eos, muni, rege, defende, libera ab aduersario, ab omni inimico, domos ipsorum custodi, introitus & exitus eorum muni, quoniam tibi gloria, laus, maiestas, cultus, & adoratio, & puero tuo, Iesu Christo tuo Domino nostro, & Deo & Regi, & sancto Spiritui nunc & semper & in sæcula sæculorum. Amen.

Et

CONSTIT. S. APOSTOLORVM

Et Diaconus dicat,

Ite in pace. Hæc de mystica seruitute disponimus nos Apostoli uobis Episcopis, Presbyteris, & Diaconis.

C A P V T X X I I I .

DE ordinatione Presbyterorum ego dilectus à Domino dispono uobis Episcopis.

Cùm ordinas Presbyterum, ò Episcopo, manum super caput Presbyteri ipse impone assistētibus tibi Diaconis, & orando dic,

Oratio ordinationis Presbyterorum.

DOMINE Omnipotens Deus noster, qui per Christum omnia creasti, & per eūdem opportunè prouides cunctis. Cui enim adest potestas diuersa faciendi, eidem inest facultas uariè prouidendi: ideo enim Deus prouides immortalibus sola conseruatione; mortalibus succeſſione; animæ, studio seruandarum legum; corpori, reparatione eius quod deest; idem igitur nunc respice super sanctam Ecclesiam tuam, & auge eam, & multiplica præpositos eius, & da illis uirtutem ut laborent uerbo, & opere ad ædificandum populum tuum. Idem quoque nunc respice super hunc famulum tuum suffragio & iudicio omnis cleri in presbyterium electum, & reple eum spiritu gratiæ & consilii ad adiuuandum & gubernandum populum tuum in mundo corde, quem admodum respexisti super populum electionis tuæ, & præcepisti Moſi ut eligeret Presbyteros, quos repleuisti spiritu. Et nunc Domine hoc præſta, & conserua in nobis integrum spiritum gratiæ tuæ, ut repletus operibus curationum

curationum & sermone doctrinæ, in mansuetudine instruat populum tuum, & inseruiat tibi sincerè, in pura mente, & in anima studiosa. Et sacrificia pro populo tuo immaculata perficiat per Christum tuum, cum quo tibi gloria, honor, & cultus, & sancto Spiritui in sæcula Amen.

De Ordinatione Diaconorum ego Philippus dispono.

CAPVT XXV.

DIACONVM constituas Episcopo imponens ei manus, assistentibus tibi omnibus Presbyteris & Diaconis, & orando dices.

Deus Omnipotens, uerus & non mentiens, qui diues es in omnibus inuocantibus te in ueritate, terribilis in consiliis, sapiens in intellectu, fortis, & magnus; Exaudi orationem nostram Domine, & auribus percipe supplicationem nostram; & ostende faciem tuam super hunc seruum tuum electum tibi ad Diaconatum; & reple eum Spiritu sancto, & uirtute, quemadmodum repleuisti Stephanum Martyrem, & imitorem passionum Christi tui, & concede ei, ut ritè administrato credito sibi Diaconatu, constanter, laudabiliter, innocenter, maiori gradu dignus efficiatur interuentu unigeniti filii tui, cum quo tibi gloria, honor & cultus, & sancto Spiritui in sæcula Amen.

De Diaconissa Ego Bartholomæus dispono.

CAPVT XXVI.

O EPISCOPE impones ei manus præsentibus Presbyteris, Diaconis, & Diaconissis, ac dices,

Oratio

CONSTIT. S. APOSTOLORVM

Oratio ordinationis Diaconisse.

DEVS æterne Pater Domini nostri Iesu Christi, opifex uiri & mulieris, qui Spiritu compleuisti Mariam, Debborram, Annam, Oldam; qui non dignatus es unigenitum Filium tuum nasci de muliere; qui in tabernaculo testimonii, & in templo constitui mulieres custodes tuarum sanctarum portarum, ipse quoque nunc respice super hanc famulam tuam, quæ ad Diaconatum promouetur, & da ei Spiritum sanctum, & munda eam ab omni iniquatione carnis & spiritus, ut dignè exequatur commissum sibi officium in gloriam tuam, & laudem Christi tui, cum quo tibi gloria & adoratio, & Sancto spiritui in sæcula Amen.

De Hypodiäconis ego Thomas dispono uobis Episcopis.

C A P V T X X V I I.

HYPODIACONVM cùm ordinas ò Episcopo, impones ei manus & dices,

Domine Deus opifex cœli & terræ, & omnium, quæ in eis sunt, qui in tabernaculo Testimonii ædificatos constituisti tuorum sanctorum uasorum custodes: ipse quoque nunc respice super hunc seruum tuum electum Diaconum, & da ei Spiritum sanctum, ut dignè tractet ministratoria uasa tua, & faciat uoluntatem tuam

in omnibus per Christum tuum, cum quo tibi gloria, honor, & cultus, & sancto Spiritui in sæcula

Amen.

De Lectoribus ego Matthæus, qui & Leui olim publicanus dispoño,

CAPVT XXVII.

QVI Lectorem constituit, imponens ei manum, & orans dicat,

Deus æterne, qui multus es in misericordia & misericordibus, qui Mundi constitutionem per ipsa opera manifestas, & numerum electorum tuorum conseruas; ipse nunc respice super famulum tuum, qui promouetur ad legendum tuas sanctas scripturas populo tuo; da ei Spiritum sanctum, spiritum propheticum, qui seruum tuum Esdram instruxisti ad legendum leges populo tuo, & nunc inuocatus à nobis instrue seruum tuum & da ei ut laudabiliter perfecto commisso sibi munere, altiori gradu dignus efficiatur per Christum; cum quo tibi gloria & cultus, & spiritui Sancto in sæcula Amen. Iacobus Alphæi ego quoque dispoño de Cōfessoribus,

De Confessoribus. CAP. XXIX.

CONFESSOR non ordinatur (pertinet enim hoc ad propositum, fortitudinemque animi) magno autem honore dignus est, ut qui confessus est nomen Dei & Christi eius in conspectu gentium & Regum. Quod si illo est opus, in Episcopum, uel Presbyterum, uel Diaconum ordinatur. Si uero Confessor aliquis non ordinatus, usurpauerit sibi aliquam huiusmodi dignitatem, quasi confessionis occasione, deponatur & eiiciatur, non enim est, quoniam negauit Christi dispositionem, & est infideli deterior. Idem de Virginitatibus.

VIRGO non ordinatur; mandatum enim Domini non habemus; propositi enim est hoc certamen, non ad uituperationem nuptiarum, sed ad exercitium pietatis.

ET ego Lebbæus cognomento Thaddæus hæc de Viduis dispono.

Vidua non ordinatur. Sed si iam pridem uirum amisit, & temperatè ac laudabiliter uixit, & domestica rectè gubernauit, ut Iudith, & Anna, quæ fuerunt foeminae uenerabiles, ascribatur in statum uidualem. Quòd si nuper amisit coniugem, ei fides non habeatur, sed tempore iuuentus probeatur: affectiones enim aliquando consenescent cum hominibus, nisi maiori freno reprimantur.

Idem de Eporcista.

EPORCISTA non ordinatur, spontaneæ enim beneuolentiæ est hoc certamen, & gratiæ Dei per Christum, superuentione Spiritus sancti; nam qui accipit Charisma curationum, per reuelationem, à Deo declaratur, cum pateat omnibus gratia, quæ est in ipso.

EGO quoque Simon Canites dispono à quot episcopis debet ordinari episcopus.

epis-

EPISCOPVS à tribus uel duobus Episcopis ordinetur. Si quis ab uno ordinetur Episcopo, deponatur ipse, & qui eum ordinauit. Quòd si necessitas postulet ab uno ordinari, eo quòd non possunt plures accedere propter persecutionem, uel propter aliquam huiusmodi causam, afferatur decretum commissionis plurium Episcoporum.

Canones de Episcopis, Presbyteris, Diaconis & reliquis Clericis.

C A P. X X X I I I I.

IDEM de Canonibus,

Episcopus benedicit, non benedicitur, manus imponit, ordinat, offert, benedictionem ab Episcopis accipit, à Presbyteris nullo modo. Episcopus deponit quemuis clericum dignum depositione, excepto Episcopo. Solus enim non potest.

Presbyter benedicit, non benedicitur; benedictiones accipit ab Episcopo, & compresbytero. eodẽ modo dat ipse compresbytero, manus imponit; non ordinat, nõ deponit, excommunicat inferiores, si huius poenæ rei extiterint.

Diaconus non benedicit, non dat benedictionẽ, accipit aut ab Episcopo uel Presbytero; non baptizat, nõ offert, offerẽte Episcopo uel Presbytero, ipse dat populo, non ueluti sacerdos, sed ueluti ministras sacerdoti. Ex aliis Clericis, Diaconi officiũ facere liceat nemini.

Diaconissa nõ benedicit, sed nec aliquid ex iis, quæ faciunt Presbyteri uel Diaconi exercet ipsa, sed tantum portas custodit & ministrat Presbyteris, quando baptizantur mulieres, propter honestatem.

Diaconus excommunicat Hypodiaconum, Lector-

L L 2 rem,

CONSTIT. S. APOSTOLORVM

rem; Cantorem Diaconissam, si quid tale contingat, absente scilicet Presbytero.

Hypodiacono excommunicare non licet, nec Lectori, nec Cantori, nec Diaconissæ; non clericum, non laicum: Sunt enim Diaconorum ministri.

De aqua & oleo ego Mattheus dispono.

C A P V T X X X V.

BENEDICAT episcopus aquam & oleum; si absit, benedicat Presbyter assistente Diacono. Quando aderit Episcopus, Diaconus assistat & Presbyter; dicat autem hoc modo,

Gratiarum actio de aqua & oleo.

DOMINE Sabaoth Deus uirtutum, creator aquarum, & dator olei, misericors & benigne, qui dedisti aquam ad potum, & mūdiciem; oleum ad exhilarandum faciem in exultationem lætitiæ; ipse quoque nūc per Christum sanctifica hanc aquam & hoc oleum, in nomine eorum, qui attulerunt, & da uirtutem sanitatis effectricem, ægritudinum expultricem, Dæmonum fugatricem, omnibus insidiis aduersariam per Christum, qui est spes nostra, quo cum tibi gloria, honor, & cultus cum sancto Spiritu in sæcula Amen.

Idem de primitiis & Decimis. CAP. XXXVI.

ETIAM præcipio omnes Primitias offerri Episcopo, & Presbyteris, & Diaconis ad uictum ipsorum. Decimas offerri ad uictum reliquorum Clericorum, Virginum, ac Viduarum, & iis, qui sunt paupertate oppressi

oppressi. Primitiæ enim sunt Sacerdotum & ministrantium ipsi Diaconorum.

Idem de reliquiis. CAP. XXXVIII.

BENEDICTIONES, quæ in mysticis sacris supersunt, de sententia Episcopi uel Presbyterorum Diaconi Clero distribuunt, Episcopo partes quatuor, Presbytero partes tres, Diacono partes duas; cæteris uerò, Hypodiaconis scilicet, Lectoribus, Cantoribus, Diaconissis partem unam. Hoc enim honestum & acceptum est coràm Deo, quemlibet pro sua dignitate honorari. Ecclesia enim non confusionis, sed ordinis & dispositionis est magistra.

Canones uarij Pauli Apostoli. CAP. XXXVIII.

ET Ego Paulus minimus Apostolorum hæc dispono uobis Episcopis & Presbyteris.

Qui primò ad mysterium pietatis accedunt, per Diaconos adducantur ad Episcopum uel Presbyteros, & causæ exquirantur, cur ad dominicum sermonem accesserint, & ii, qui eos adduxerunt, testificentur, singula diligenter exponentes. exquirantur autem eorum mores, ac uita, & an serui sint, uel liberi. Quòd si quis seruus reperiatur, quærat ab eo, cuius domini sit; ac si hominis fidelis seruus fuerit, interrogetur Dominus, an illū suo testimonio cōmendare uelit. Si nolit, reiiciatur, quousq; se dignū apud dominū exhibeat. Si commendatur domini testimonio, recipiatur. Si sit Ethnicus seruus, instruatur quēadmodū placeat domino, ne blasphemetur Verbum. Si habet uxorem, uel mulier si uirum, doceatur, contentus esse uterque suo connubio.

Si

C O N S T I T . S . A P O S T O L O R V M

Si sint soluti , discant non fornicari , sed iustis nuptiis copulari . Si dominus fidelis sciens seruum uel ancillam fornicari , tamen non dat seruo uxorem , uel ancillæ uirum , excommunicetur .

Si quis Dæmonem habet , erudiatur in pietate . Sed non recipiatur in cōmunionem priusquàm purgetur . Si mors instet recipiatur .

Si quis sit leno , uel lenociniū desinat , uel reiiciatur .

Meretrix si accedat , uel desistat , uel reiiciatur .

Artifex Idolorum , si accedat , uel artem desinat , uel reiiciatur .

Scenicus si accedat , siue uir sit siue mulier , auriga , gladiator , cursor stadii , Ludius , Olympius , Choræuales , Citharædus , Lyristes , saltator , caupo , desistat , uel reiiciatur .

Miles si accedat , erudiatur nemini iniuriam facere , non calumniari , contentum esse suis stipendiis , si pareat recipiatur , repugnans reiiciatur .

Pædico , cinædus , mollis , incantator , Astrologus , uates , uenatoriis carminibus dans operam , nepos , circumforaneus , amuleta faciens , lustrator , Augur , coniector , palmorum interpres , obseruans in occurso offensiones oculorum , pedum , auium , felium , carminum , auditionum symbolicarum , tempore probetur , nisi pareat , reiiciatur .

Pellex , infidelis ancilla soli Domino obsequens , recipiatur . Si cum aliis intemperans fuerit , reiiciatur .

Fidelis qui pellicem habet , si sit ancilla , desistat , & uxorem ducat ; si libera , ducat eam in uxorem . Si nolit , reiiciatur .

Græcos mores qui sequitur , uel Iudaicas fabulas , uel mutet se uel reiiciatur .

Thea-

Theatralibus ludis qui dat operam, uenationibus, equorum cursibus, ac certaminibus, uel desistat, uel reiciatur.

Qui catechesi erudiendus est, per tres annos erudiat. quod si uirtute præditus sit, & erga Scripturam studium ostendat, recipiatur, quoniam non tempus, sed animus æstimatur.

Qui docet, quamuis laicus sit, peritus tamen sermonis & moribus grauis, doceat. Erunt enim omnes docibiles Dei.

Quilibet fidelis uir, mulierue summo mane excitatus è somno, antequàm opus aggrediatur, lotus oret. quod si catechesi uerbi est erudiendus, præponat operi uerbum pietatis.

Fidelis benignè se gerat cum seruis quemadmodùm in superioribus libris præcepimus, & in e pistola docuimus.

Quibus diebus oporteat quiescere seruos ego Paulus, & ego Petrus disponimus.

CAP. XXXIX.

OPERENTVR serui quinque dies; in Sabbato & dominica die quiescant in Ecclesia, propter doctrinam pietatis. Sabbatum enim diximus creationis habere rationem, dominicum resurrectionis.

Serui per totam magnam hebdomadam, & sequentem quiescant, quoniam illa ad passionem pertinet, alia ad resurrectionem, & est opus institui qui sit ille qui passus sit, & resurrexerit, & quis hoc permiserit & suscitauerit.

In Ascensione quiescant, quoniam est finis Christi dispensationis.

In

CONSTIT. S. APOSTOLORVM

In Pentecoste quiescant propter poenitentiam Spiritus sancti donatam iis, qui in Christum crediderunt.

In Natali festo quiescant, quoniam in eo inexpectata gratia data est hominibus, ut nasceretur Dei uerbum Iesus Christus ex Maria Virgine propter Mundi salutem.

In Festo Epiphaniæ quiescant; quoniam in ea facta est manifestatio diuinitatis Christi testificante ei Patre in Baptismo, & Parácleto in forma columbæ, demonstrante eum, cui testificatio facta est.

In diebus Apostolorum quiescant; Magistri enim uestri in Christo fuerunt, & Spiritus uos participes fecerunt.

In die Stephani Protomartyris quiescant, & reliquorum sanctorum Martyrum, qui Christum propriæ uitæ anteposuerunt.

Quibus horis, & cūr in eis orandum sit. CAP. XL.

PRECES uestras facite diluculo, tertia hora, sexta, nona, uespere & in galli cantu, diluculo gratias agentes, quoniam illuminauit nos Dominus expulsa nocte, & inducto die; hora tertia, quoniam illa hora Dominus sententiam Pilati accepit; sexta, quoniam tunc crucifixus est; nona, quoniam omnia commota sunt crucifixo Domino perhorrescentia impiorum audaciam, & non ferentia ignominiam Domini; uespere gratias agentes, quod dedit nobis noctem diurnorum laborum quietē; in galli cantu, quoniā illo tempore nunciatur aduentus diei ad exercēda opera lucis.

Si propter Infideles ad ecclesiam iri non potest, domi cœtus congregabis ò Episcopo, ne pius ingrediatur ecclesiam

ecclesiam impiorum non enim; locus sanctificat hominem, sed homo locum. Quòd si impii locum occupauerint, fugiendus tibi est is locus, quoniam ab ipsis prophanatus est: nam ut sancta sacerdotes sanctificant, sic nepharii contaminant. Si nec domi nec in ecclesia cœtus celebrari possunt, unusquisque apud se psallat, legat, oret, uel duo aut tres unà congregati. Vbi enim sunt duo uel tres congregati in nomine meo, ibi sum in medio eorum. Fidelis unà cum Catechumeno nec domi oret; non enim est æquum initiatum unà cum eo, qui non est initiatus coinquinari. Pius cum Hæretico nec domi oret; quæ est enim societas lucis cum tenebris?

Fidelis seruus & ancilla coniuncti, separentur, uel reiiciantur.

CAPVT XL I.

ET ego Iacobus frater quidem Christi secundum carnem, seruus autem tanquàm Dei unigeniti, Episcopus autē ab ipso Domino, & ab Apostolis Hierosolymarum ordinatus, hæc dico.

Vespere ò Episcopo congregabis Ecclesiam, & dicto nocturno psalmo loquetur Diaconus pro Catechumenis, & Damone agitatibus, pro illuminandis, & poenitentibus, ut ante diximus, Quibus dimissis Diaconus dicet, Qui fideles sumus rogemus Dominum. & postquàm primam orationem absoluit dicet,

Sermo nocturnus.

SALVA & excita nos Deus per Christum tuum, erigentes nos petamus misericordias Domini, & misericordias
MM rationes

C O N S T I T . S . A P O S T O L O R V M

rationes ipsius , Angelum pacis , bona & utilia , Christianos Principes , uesperam & noctem pacificam , & sine peccato , atque omne tempus uitæ nostræ inculpabile . nos mutuò Deo uiuo commendemus per Christum suum .

Et Episcopus orando dicat .

Gratiarum actio nocturna. C A P . X L I I .

DEVS , qui nullo ortus principio , nullo fine terminaris , cunctorum creator per Christum , atque gubernator , & ante omnia Deus ipsius ac pater , spiritus , intelligibilem , atque sensibilem Rex , qui fecisti diē propter opera lucis , noctem ad quietem imbecillitatis nostræ ; tua est enim dies , & nox : tu enim præparasti lucem & solem : tu nunc Domine benigne , ac bone , placidè suscipe hanc nostram uespertinam gratiarum actionem , qui nos traducis per longitudinem diei , & perducis ad initium noctis , custodi nos per Christum tuum , præbe uesperam pacificam , & noctē sine peccato , & dignos nos fac uita æterna per Christum tuum , per quem tibi gloria , honor , & cultus in sancto Spiritu in sæcula Amen .

Et Diaconus dicat, Inclinate uos manuum impositioni.

Et Episcopus dicat ,

C A P V T X L I I I .

DEVS Patrum , & Domine misericordiæ , qui sapientia tua condidisti hominem rationale animal , & unum Deo charum , ex iis , qui sunt in terra , & dedisti ei ut imperaret iis , quæ sunt in terra , & cōstituiisti sententia

tia tua Principes & sacerdotes, illos ad securitatem uitæ, hos ad iustam seruitutem; Ipse quoque nunc inclina Domine Omnipotens & ostende faciem tuam super populum hunc, inclinantem colla cordis sui, & benedic ei per Christum, per quem illuminasti nos lumine cognitionis, & reuelasti nobis te ipsum, quo cum tibi digna debetur adoratio ab omni rationali & sancta natura, & Spiritui Paracleta in sæcula Amen.

Et Diaconus dicat, Ite in pace. Eodem modo diluculo Diaconus dicto matutino, & dimissis Catechumenis, Energumenis, baptizandis, & pœnitentibus, habitoque sermone debito (ne iterum eadem dicamus) subiungat post illa uerba, Salua eos Deus, & excita in gratia tua. Petamus à Domino misericordias ipsius, & miserationes, diluculum hoc & diem pacificum & sine peccato, & omne tempus peregrinationis nostræ, Angelum pacis, Christianos Principes, propitium & benignum Deum, nos mutuò uiuenti Deo commendemus per unigenitum suum.

Et Episcopus orans dicat.

CAP. XLIII.

DEVS spirituum atque omnis carnis, incomparabilis, nullo indigens, qui dedisti solem in potestatem diei, & lunam & astra in potestatem noctis: ipse quoque nunc respice super nos benignis oculis, & recipe matutinas nostras gratiarum actiones, & misere nostri: non enim expandimus manus nostras ad Deum alienum: non enim est nobis Deus recens, sed tu æternus & infinitus, qui nobis per Christum præbuidisti, ut essemus, & per eundem largitus es ut bene essemus; ipse nunc per eum dignos fac uita æterna,

MM 2 cum

CONSTITUTIONES APOSTOLORUM

cum quo tibi gloria, honor, & cultus, & sancto Spiritui in sæcula Amen.

Et Diaconus dicat, Inclinate uos manus impositioni.

Et Episcopus iterum oret dicens,

Manus impositio matutina. CAP. XLV.

DEVS fidelis & uerus, qui facis misericordiam in millia & decem millia diligentibus te, qui es amicus humilium, & patronus pauperum, cuius omnia indigent, quoniam omnia seruiunt tibi, respice super hunc populum tuum inclinantium tibi capita, & benedic eis benedictione spirituali, custodi eos ut pupillam oculi, conserua eos in pietate & iustitia, & fac dignos uitae æternæ in Christo Iesu dilecto puero tuo, cum quo tibi gloria, honor, & cultus unam cum sancto Spiritu nunc & semper, & in sæcula sæculorum Amen. Et Diaconus dicat, Ite in pace.

Benedictio Primitiarum. CAP. XLVI.

SUPER Primitiis, quæ offeruntur, Episcopus gratias agat iis uerbis, Gratias agimus tibi Domine Omnipotens, cunctorum opifex & prouisor per unigenitum filium tuum Iesum Christum Dominum nostrum, de oblatis tibi primitiis, non quidem quantum debemus, sed quantum possumus. Quis enim hominum dignè tibi gratias agere posset pro iis, quæ dedisti eis in perceptionem? Deus Abraam, Isaac, & Iacob, atque omnium Sanctorum, qui omnia produxisti per uerbum tuum, & iussisti terram, ut uarios ferret fructus in lætitiā & escā nostram, qui dedisti crassioribus & rudioribus herbiuoris animantibus herbam, aliis carnem, aliis semina, nobis

bis frumentum in uictum opportunum & accommodatum, aliaque uaria partim ad usum, partim ad ualitudinem, partim ad delectationē: ob hæc igitur omnia & supra modum celebrandus, de beneficiis, per Christum in omnes collatis, per quem tibi gloria, honor, & cultus in sancto Spiritu in sæcula Amen.

Allocutio pro defunctis. CAP. XLVII.

DE iis autem, qui quieuerunt in Christo, postquā Diaconus absoluit orationē, ne idem repetamus, hæc addet, Pro quiescentibus in Christo fratres nostri rogemus, ut benignus Deus; qui ipsius animam suscepit, dimittat ei omne delictū uoluntarium & inuoluntariū. Et propitius illi factus, collocet eum in regione piorū & beatorum in sinu Abrahæ, Isaac, & Iacob; cum omnibus, qui à sæculo placuerunt illi; & fecerunt uoluntatē ipsius, unde abest dolor, tristitia & suspirium.

Excitemus nos, & inuicem commendemus nos æterno Deo per uerbum, quod erat in principio.

Et Episcopus dicat,

Qui immortalis natura es, & nullo fine terminaris, à quo oē immortale & caducū prodiit; qui rationale animal hominē Mundi ciuē, mortale in sua constitutione fecisti, & promissisti ei resurrectionē; qui Enoch & Eliā mortē experiri nō permisisti, Deus Abraā, Deus Isaac, Deus Iacob, nō mortuorū, sed uiuentiū Deus, quoniā omniū animæ apud te uiuunt, & iustorum spiritus in manu tua sunt, quos non attinget tormentum; omnes enim sanctificati sub tua manu sunt. Ipse quoque nunc respice super hunc seruum tuum, quem recepisti in alteram uitam, & condona ei, si quid uolens uel inuitus deliquit. & Angelos placidos constitue ei, & colloca
eum

CONSTIT. S. APOSTOLORVM

eum in sinu Patriarcharum, Prophetarum, & Apostolorum, & omnium, qui tibi à sæculo placuerunt; ubi non est tristitia, dolor, neque horror, sed cætus piorum & lætantium, & terra rectorum beata uidentium gloriam Christi tui, per quem tibi gloria, honor, cultus, gratiarum actio, & adoratio in sancto Spiritu in sæcula Amen.

Et Diaconus dicat, Inclinamini & benedictionem accipite.

Et Episcopus agat gratias pro eis iis uerbis,

Salua Domine populum tuum & benedic hæreditati tuæ, quam redemisti precioso sanguine Christi tui. Pasce illos in dextera tua, & tege illos alis tuis, & da eis bonum certamen certare, cursum consummare, si dem seruare constanter, & laudabiliter per Dominum nostrum Iesum Christum dilectum puerum tuum, per quem tibi gloria, honor, & cultus in sancto Spiritu in sæcula Amen.

Quomodo oporteat, & quando fidelium defunctorum memorias celebrare; & quòd de facultatibus ipsorum erogandum sit pauperibus. CAP. XLVIII.

PERAGATUR dies tertius mortuorum in psalmis, in lectionibus, atque orationibus propter eum, qui tertia die resurrexit. Item nonus in cômemorationem superstitum, atq; defunctorum; etiam quadragesimus, secundum ueterem formam. Mosem enim hoc modo populus luxit; nec non anniuersarium pro memoria ipsius, deturque de illius facultatibus pauperibus in cômemorationem ipsius.

Quòd impios morientes nihil iuuant memoriæ uel mandata.

C A P. X L I X.

HÆC de piis dicimus; nã de impiis, & si oēs Mundi facultates dares pauperibus, tamen nihil eis prodesse. Nam cui uiuo inensus erat Deus, certè eidem mortuo est iratus; non est enim iniustitia apud eum. Iustus est enim Dominus, & iustitias dilexit. Et ecce homo, & opus eius.

De uinolentis.

C A P. I.

QVI ad memorias eorum uocamini, cum modestia, & cum Dei timore comedite, ueluti ualentes lectione fungi pro mortuis; cum sitis Presbyteri & Diaconi Christi, sobrii esse debetis, & priuatim, & cū aliis, ut possitis intemperantes coercere. Dicit autem Scriptura, Dynastæ sunt iracundi, uinum uerò non bibant, ne cum biberint, obliuiscantur sapientiæ, & recta iudicare non possint. Quare Presbyteri & Diaconi post Deum Omnipotentem & dilectum Filium eius, sunt Ecclesiæ Dynastæ: quod non ideo dicimus ne bibant; nam cæteroqui contumelia afficerent id, quod à Deo creatum est in lætitiā, sed ne uinolentiæ studeant: non enim dixit Scriptura, ne bibas uinum, sed quid dicit? Noli bibere uinum ad ebrietatem. & iterum, Spinæ nascuntur in manu ebrii. quod non solum de Clericis præcipimus, sed etiam de omnibus laicis, super quos inuocatum est nomen Domini nostri Iesu Christi; nam ipsis quoque dictum est, Cui uæ, cui tumulus? cui tristitiæ & nugæ? cui liuidi oculi, cui contritiones superuacaneæ? non ne commorantium in uino, & inuestigantiū ubi potationes fiunt?

Prou. 23

Eccle. 31

Prou. 26

Prou. 23

De

CONSTIT. S. APOSTOLORVM

De recipiendis ijs, qui per Christum persecutiones patiuntur.

C A P. L I.

RECIPITE eos, qui persecutionem patiuntur per Christum, & fugiunt de ciuitate in ciuitatem, ed quodd sermones Domini in memoria habent. Fugiunt enim quoniam sciunt spiritum promptum, carnem infirmam esse, & bona sua relinquunt diripiēda, ne confessionem nominis Christi abiicere cogantur. Erogate igitur eis in usum, mandato Domini obsequentes.

Quodd unusquisque manere debet in ea sorte, in qua est collocatus, & ordinem seruare, & non arripere quæ sibi commissa non fuerunt. C A P. L I I.

ILLVD autem communiter omnes præcipimus, ut unusquisque maneat in ordine sibi tradito, nec fines transeat; non enim nostri sunt, sed Dei, nam Qui uos audit (inquit Dominus) me audit; & qui uos spernit, me spernit, qui uerò me spernit, spernit eum, qui mi sit me. nam si inanima rectam ordinis dispositionem conseruant, nox, dies, sol, luna, astra, elementa, solstitia, menses, hebdomadæ, dies, horæ, & impostæ sibi necessitati obediunt, secundum illud, Posuisti terminos, quos non pertransibunt. & iterum de Mari, Posui & terminos circumponens claustra & portas; Dixi autem ei, Hucusque uenies, & non transgredieris; quanto magis uos nihil debetis commouere ex iis, quæ nos diuinam secuti auctoritatem uobis perscripsimus. Sed quoniam plerique leue hoc putant esse, ideo ordines confundere audent, & unicuique attributam ordinationem perturbare, arripientes sibi dignitates

tes non commissas, & tyrannicè uendicantes sibi ea, quorum non habent potestatem; Ideoq; Deum irritat ueluti Coritæ, & Rex Ozias, qui præter phas, præterq; Dei uoluntatem sacerdotium inuaserunt, ex quibus Coritæ incendio conflagrarunt, Ozias in lepram incidit. Irritant quoque Spiritum sanctum, cuius testimonium euertunt. Quare prospicientes periculum impendens, talium rerû auctoribus, negligentiamq; in sacrificiis, & Eucharistia prouenientem, ex eo quod offeruntur ab iis, quos non decet, quiq; ludum putant Pontificalem honorem institutum ad magni Pontificis Iesu Christi Regis nostri imitationem; propterea necessarium duximus, ut de iis rebus admoneremus. Dicimus itaque Mosem Dei seruum, quem Deus facie ad faciem alloquebatur, ueluti si quis cum amico loqueretur, cui dixit, Noui te præter omnes. cui coràm loquebatur, non per species, nec per insomnia, nec per Angelos, uel ænigmata. hunc igitur uirum dicimus. diuinarum legum rationem tradentem præscripsisse, quæ à Pontificibus administrari conueniret, quæ à Sacerdotibus, quæ à Leuitis, unicuique proprio & suo muneri accommodato cultu distributo: atque ea quidem, quæ Pontificibus præcepta fuerant, nephas erat sacerdotem attingere, quæ sacerdotibus mādabantur, ab iis Leuitæ repellebantur, sed quilibet intra commissi sibi ministerii fines se continebat; quos si quis transire uolebat, extremo supplicio puniebatur. Hoc uerò maxime docuit Saulis audacia, qui cùm sacrificare decreuisset sine Propheta, ac Pontifice Samuele, suscepit in se peccatum. execrationemq; irreuocabilem, neque Prophetam deterruit, quod à se Rex unctus fuisset. Idem euidentius ostendit Deus in Ozia facto, à

Exo. 33.

Num. 12

3. Reg.
12.

quo nulla interposita mora, commissi sceleris poenam expetiuit; & qui sacerdotium concupiuerat, regno est spoliatus. Nostras res fortasse non ignoratis. scitis enim à nobis Episcopos, Presbyteros, & Diaconos uocari, oratione & manuum impositione, differentia nominum, rerum differentiam indicantes: non enim unusquisque prout uult, apud nos implet manum, (quæ admodum regnante Ieroboamo, nepharii sacerdotii mos fuit, in illo uitulæ piaculo) sed qui à Deo uocatur. Nam nisi propria quædam iura essent, atque ordinum discrimina, satis esset ut per unum nomen uniuersa perficerentur. Sed à Domino edocti consequentiam rerum, Episcopis Pontificatus munera assignauimus, Presbyteris sacerdotii, Diaconis ministeria erga utroque, ut quæ ad religionem pertinent, purè perficiantur. Nam nec Diacono phas est offerre sacrificium, uel baptizare, aut benedictionem parua uel magna facere; nec Presbytero ordinationes exercere: impium est enim ordinem peruertere; non enim est Deus confusio- nis, ut inferiores superiorum officia tyrannicè sibi uendicent: noua instituta sibi fingentes in detrimentum suum, ignorantes durum sibi esse contra stimulum calcitrare. Non enim uel nobis uel Episcopis aduersantur huiusmodi homines, sed omniū Episcopo & Pontifici, Patris Iesu Christo Domino nostro. A Mose enim Deo charissimo Pōtīfices instituti sunt, sacerdotes, Leuitæ, à Salvatore nostro nos tresdecim Apostoli, ab Apostolis ego Iacobus, & ego Clemens, & nobiscum alii, ne iterum omnes numeremus. Communiter ab omnibus nobis, Presbyteri, Diaconi, Hypodiaconi, Lectores. Primus igitur natura Pontifex est unigenitus Christus, qui non sibi ipse honorem arripuit, sed

con-

constitutus est à Patre, qui propter nos factus homo , & spirituale sacrificium offerens Deo & Patri suo, ante passionem nobis solis præcepit hoc facere ; quanquàm præsentibus nobiscum essent alii , qui in ipsum crediderant, sed non omnino omnis qui credit, continuò sacerdos est , & pontificium consequitur honorem. Post autem assumptionem ipsius , nos oblato secundum eius ordinationem sacrificio puro , & incruento , constituimus Episcopos , Presbyteros & Diaconos numero septem, è quorum numero unus erat Stephanus beatus Martyr , qui in amore erga Deum nobis non erat inferior ; quiq; adeò fide sua pietatem charitatemq; erga Dominum nostrum Iesum Christum ostendit , ut pro ipso animam tradiderit, à Iudæis Domini interfectoribus, saxi percussus . Sed tamen talis ac tantus uir, qui spiritu feruens erat, & qui uidit Christū à dextris Dei, & Coeli portas apertas , nusquàm apparet iis officiis , quæ Diaconix non conueniunt esse usus, uel sacrificiū obtulisse, uel manus alicui imposuisse, sed usque ad finem Diaconix ordinem seruasse. Ita enim erat decens, ut Christi Martyr, ordinis dispositionē seruaret . Quòd si qui Philippum Diaconum nostrum, & Ananiam fidelem fratrem producant , quorum alter Eunuchum baptizauit, alter me Paulum ; ignorant ipsi id , quod nos dicimus ; nam dicimus neminem sibi arripere debere sacerdotalem honorem , sed uel à Deo esse accipiendum , quod fecit Melchisedech & Iob ; uel à Pontifice ut Aaron accepit à Mose . Quare Philippus & Ananias non ipsi se elegerunt , sed à Christo promoti sunt incomparabili Deo .

F I N I S .

N 2

IO. CAROLI BOVII

EPISCOPI OSTVNENSIS,

Scholia in Clementis libros.



VNC in animo est, aliqua in iis libris percurrere, quæ nisi explicarentur, lectoris studium possent retardare. quod faciam in paucis quibusdam locis annotandis; non enim statui scholia in singulis sententiis scribere, sed tantum pauca, quæ dubitationem aliquam habet illustrare.

EX PRIMO LIBRO.

IN Cap. 3. ex Euangelio non solum ultio inimicorum prohibetur; sed etiam dilectio & amor erga eos præcipitur. seruauit enim sæpe hoc antiquitas, ut Consilia quæ appellantur, in præceptis numeraret.

IN Cap. 4. ne pruritu uexatus &c. hanc ego puto esse ueram huius loci sententiam. Iubet tonderi capillum, ne eo culto prouocetur mulieres ad amorem. Inquit igitur, si capillum nutrias, necesse erit tibi ob pruritum scalpere caput ac lacerare, ad hanc uerò molestiam fugiendam, caput comptum & ornatum te habere oportebit, idq; unguentis perfundere quo mulieres allicientur ad libidinem, ergo tonde capillum, ne capitis cultu opus habeas.

IN Cap. 7. illud [*si sophistica*] est nonnullis suspectum, qui si considerarent, sophistarum nomen fuisse aliquando in laude, atque ita appellatos eos, qui sapientiam & rerum omnium scientiam profiterentur, certè nihil de eo dubitarent. Clemens ergo Græcorum disciplinis eruditus, sophistica ea uocat, quæ ab hominibus doctis & uitæ magistris, sapienter sunt tradita.

IN eodem Cap. duo dicit à Christo antiquata, deuterofes, quas

quas Hieronymus humanas traditiones, Epiphanius, seniorum traditiones appellat. eas uerò (teste eodem Epiphanio in primo contra hæreses libro) Iudæi habebant quatuor libris digestas, quibus traditi erant ritus & ceremoniæ, quas à maioribus suis seruandas acceperant, quasque Dominus in Marci Euangelio reprehendit.

ETIAM inducta & adiecta quæ dicuntur, Christus abrogauit, quæ accesserunt Decalogo, ea sunt sacrificia, expiationes, atque aliæ ceremoniæ præcepta Hebræis, postquam in Aegyptiam superstitionem imitati absente Mose, uitulum adorauerunt. Iudicauit enim Moses, cum gens Hebræorum prona ad malum, diuinam legem, liberam atque à natura in hominum animis insitam facile contemneret, eam ita in officio posse contineri, & à cultu simulacrorum abduci, si assidua ac necessaria rerum diuinarum occupatione detineretur. Inducta, quæ dicit mutata in melius, ut ipse alio in loco declarat, tria sunt, Sacrificia, quibus successit incruentum Eucharistiæ sacrificium; Aspersiones, quæ mutatae sunt in baptismum; Adoratio, quæ tunc certo loco fiebat, nunc patet à solis ortu ad occasum; in omni enim loco sacrificatur & offertur nomini eius oblatio munda.

IN eodem Capite mirum uideri non debet lectionem librorum prophanorum ab Apostolis prohibitam, qui in primis illis pietatis rudimentis, ut abolerent omnia gentilitatis uestigia, non solum illa prohibuerunt, quæ sua sponte Christianæ pietati aduersabantur, cuiusmodi erant sacrificia, & reliquus Deorum cultus, sed etiam omnia illa, quæ suis admonitionibus refricare poterant ueteris erroris memoriam. Confirmata uerò religione, cum iam homines non fierent, sed nascerentur Christiani, liberior fuit legendorum huiusmodi librorum consuetudo, adhibito tamen iudicio atque delectu, ut ex illorum lectione fideles fructum capere, & ad pietatem possent proficere. Scripsit Basiliius aureum libellum de utilitate capienda ex Græcorum disciplinis, quem auctorem sequentes fructuosè huius-

iufmodi libros legimus.

IN Cap. 10. prohibentur mulieres lauare unà cum uiris, quod idem prohibuit Conc. Laodic. Can. 30. & fex. Syn. Can. 77.

E X L I B R O S E C V N D O .

IN Cap. 29. [*Decimæ salutaris, initium nominis Christi.*] hoc dicitur, quoniam nomen Iesu à Iota incipit, qua litera Græci notant numerum denarium.

IN Cap. 30. [*ut qui Dei dignitate ornatus est, quatenus clero præest, & omni Ecclesiæ,*] hanc eandem sententiam apertius atque distinctius exprefsit. S. Ignatius in Epistola ad Smyrn. iis
 „ uerbis, Ego autem dico, honora Deum ut auctorem cun-
 „ Æorum ac Dominum, Episcopum uerò ut Pontificem,
 „ imaginem gerentem, quatenus imperat, Dei, quatenus
 „ sacerdotalia exercet, Christi.

OBSERVA in eodem Capite, in Ecclesiæ membris contineri mysticas significationes per quædam accommodata, & (ut ita dicam) appropriata muneribus, cum omnia in Ecclesia ita constituta sint, ut (quoad possunt) diuinam similitudinem referant ac significant. Porrò quod de Viduis dicitur, eas altaris similitudinem imitari, id dictum, opinor, ad significandam constantiam, ac firmitatem propositi earum in statu uiduali. & quod pietatis officia, quæ in eas, & in orphanos conferuntur, sunt quasi uictimæ in altari collocatæ ad faciendum holocaustum Deo. Virgines thuribulum significant propter uirginitatis fragrantiam, & illos ex purissimis earum corporibus atque animis afflatos odores, qui non solum per Ecclesiam diffusi omnia suauitate complent, sed etiam in Cælum sublati Deum delectant.

IN Cap. 31. quod traditur, non esse arripiendum sacerdotii honorem, sed capiendum ab eo, qui diuina potestate ius obtinet illud aliis dandi, atque alia, quæ diuinitus à Clemente exposita, ad hunc locum pertinent, habentur in
 Dionys.

Dionys. de Eccl. Hierar. cap. 5. ut perspicuum sit, utrunq; hanc doctrinam, ex eisdem fontibus haustam, literarum monumentis commendasse.

IN Cap. 32. Presbyteræ quæ nominantur, sunt uiduæ, ita enim eas appellat in tertio libro cap. 5. quare aliæ sunt illæ Presbyteræ quarum mentio fit in Conc. Laod. Can. 31.

IN Cap. 59. noli mirari Iacobum fratrem Domini extra duodecim Apostolos numeratum; fuit enim hæc constans non modò Clementis, sed etiam Eusebii, Epiphanii, Ambrosii, atque aliorum sententia. cui non obstat quòd in Epistola ad Galatas Paulus eum Apostolum nominat & columnam, cum ampliori uocabulo dicti sint Apostoli alii, qui præter duodecim ad propagandum Euangelium missi, Apostolatus munere fungebantur, quemadmodum dicimus. S. Martiale Apostolum Galliarum fuisse. meritò autem Iacobus columna uidebatur, cum esset Hierosolymitanorum Episcopus, omniaque ad stabiliendum Ecclesiæ statum pertinentia, unà cum Apostolis administraret.

IN Cap. 60. sunt hæc uerba. [*Glorificent solum Deum, unum & uerum per unigenitum Christum*] quæ nullam nobis gignere debent suspensionem erroris, quasi non faciant filium honore ac diuinate parem, uniusque, atque eiusdem naturæ cum patre. nam cum sint translata ex Euangelio Ioannis, „ Vt cognoscant te solum Deum uerum. interpretatio, quæ illa sententia exponitur, debet quoq; ad hunc locum accommodari. Eadem uerba, de Christo loquens, scripsit „ S. Ignatius in Epistola ad Magnesios. Iis, qui extra ciuitatem manebant, unum & solum uerum Deum nuntiavit. Sederit locus opportunior, & magis proprius de hac ipsa re accuratè dicendi.

C A P V T sexagesimum primum continet informationem quandam eorum, quæ in octauo libro distinctius & accuratius describuntur. in eo enim traditur integra sacrorum ratio, ut nihil possit desiderari hinc breuis anticipatio eorum, quæ ibi fusius exponuntur.

IN eodem cap. Pastophoria existimo fuisse tabernacula quædam

dam, quasi armaria in fronte templi utrinque posita, in quibus Eucharistia, uestes, & uasa sacra condebantur.

OSCVLVM mysticum, in hoc ipso loco dari solitum, affirmat Dionysius, cum agit de synaxi. Cyrillus in mystagogicis orationibus. Laodic. Conc. in Can. 19.

IN Cap. 32. Mentio fit Agapæ. Christiani enim in principio religionis, in Ecclesiam conuenientes, simul epulabantur; ea conuiuia quoniam amore & charitate mutua celebrabantur, Agapæ sunt dicta, quæ quòd confusionem Ecclesiæ Corinthiorum afferrent, reprehensæ sunt ab Apostolo, sed nihilominus saltem in aliis Ecclesiis diu manserunt. Eas post longum tempus prohibuit Concilium Laodicense, ne scilicet in Ecclesiis fierent, & postea Carthaginense; manserunt tamen; nam Canones Constantinopolitani, qui longo post tempore scripti sunt, de eis sanxerunt, nunc omnino in dissuetudinem atque obliuionem abierunt.

IN Cap. 63. præcipitur, ut in sabbato ac die Dominico Christiani frequentius accedant ad Ecclesiam. quantum attinet ad sabbatum mos fuit priscorum, ut eo die quoq; cætus celebrarentur, & diuinæ scripturæ legerentur. de quo nobis forsân alio loco agendum erit.

TRES illæ solennes preces, quæ die Dominico concipiebantur, patebunt in octauo libro; earum quoq; mentio fit in Conc. Laod. Can. 19.

EX TERTIO LIBRO.

IN Cap. 10. magnas benedictiones puto eas appellari, quæ sunt propriæ Episcoporum, paruas, quæ licitæ erant presbyteris.

IN Cap. 11. ministri sunt ii, qui alio nomine dicti sunt Subdiaconi, quod alio loco patebit, & Concilium Laodicorû mentionem facit. lege in eo Theodorum Balsamonem.

IN Cap. 15. & 16. quæ de ungendis catechumenis dicuntur,

SCHOLIA.

tur, item de Chrismate, eadem habentur in Dionysio in capite de baptismo, & in Cyrillo in secunda & tertia catechesi mystagogica. in iis cognoscis, quod idem in aliis uetustis scriptoribus obseruatur, morem fuisse, ut statim post baptismum Chrismatis sacramentum daretur.

- IN Cap. 17. uides appellari Patrē super omnia Deum, quod idem in aliis locis inuenies, estque idem loquendi modus consuetus Ignatio, qui in Epistola ad Philippenes disputans contra eos, qui confundebant Patris & Filii personam, sic inquit, Quomodo non uidetur tibi Christus natus ex Virgine, sed esse is qui est super omnia Deus. & ad Tarsen. de eisdem hæreticis scribens. Alii dicunt quod ipse est, qui est super omnia Deus. quod non ideo dictum est, quasi creditum sit ab eis, Deum uerbum, non esse item supra omnia Deum. legerant enim Paulum dicentem, Quorum Patres illi, ex quibus Christus secundum carnem, qui est Deus supra omnia in sæcula amen. Quid igitur causæ est, cur Deum Patrem solum, sic uocauerint? Auctoritas Principii, siue (ut antiqui Patres locuti sunt) excellentia causæ effecit, ut prisca illi omnem eminentiam soli Deo patri tribuerint, non quod illam Verbo & Spiritui sancto detrahere uoluerint, (longè enim abest talis ab eorum pietate sententia) sed quia hanc auctoritatis præstantiam Patri, qui est fons & origo diuinitatis tribuendam censuerunt. quod nonnullis testimoniis confirmabo. S. Ignatius ad Philippen. tractans illa uerba, quibus Dominus à se reiecit Diabolum, Vade retro Satana, scriptum est,
- » Dominum Deum tuum adorabis &c. in persona Christi
 - » sic inquit, Ego cognosco qui sim, & à quo sim missus, &
 - » quem adorari oporteat, Dominum enim Deum tuum adorabis, & illi soli seruiēs, noui illum unum, agnosco illum solum, à quo tu defecisti, non sum Deo aduersarius;
 - » confiteor excellentiam; scio meæ generationis auctorem patrem. Et ad Smyrnenes, ita scribit, Qui rogauit ne deficeret Apostolorum fides, non quasi ipse non satis esset,
 - » ut illam seruaret, sed quod gaudebat excellentia Patris. S.
- Epi-

Epiphanius in eo libro, qui Ancyrotus dicitur, usus erat
 „ aduersus Arianos illa Christi sententia, Pater meus usque
 „ modo operatur, & ego operor. illi uerò ita ad eam respon-
 „ debant, quòd in ea Pater appareret primus operator, at-
 „ que ita constaret eum filio esse præstantiorem, Hoc ò Aria-
 „ ne (inquit Epiphanius) stultè dicis, & multa principia uis
 „ in diuinitate intelligere, unum uerò est principium, & ea-
 „ dem atq; una diuinitas, non reiiicit autè à se Filius, Patris
 „ honorem, sed ostendit quomodo se habeat ipsa diuinitatis
 „ consequentia. Hæc Epiphanius. cum ergo honor Patri
 „ tribuitur, non eò fit, quòd idem honor non sit tribuen-
 „ dus filio, sed ut demonstretur diuinitatis consequentia,
 „ hoc est ordo originis, quemadmodum Filius æterno ortu à
 „ Patre naturam accepit. hanc quæstionem multo expref-
 „ sius declarat S. Basilius in libro, quem scripsit contra Eu-
 „ nomium, in quo diligenter tractat illum locum, Pater ma-
 „ ior me est. longamq; eius rei disputationem concludit iis
 „ uerbis, Reliquum est igitur, ut maius, hoc in loco dicatur
 „ secundum causæ rationem; quoniam enim à Patre Filii
 „ principium atque origo est, secundum hoc maior est pa-
 „ ter, ut causa & principium. propterea Dominus sic dixit,
 „ Pater maior me est. scilicet quatenus Pater est, Pater uerò
 „ quid aliud significat quàm quod est principium & causa il-
 „ lius, qui ab ipso est ortus. Non discessit ab hac sententia
 „ S. Hilarius, qui in nono libro de Trinitate, sic scripsit,
 „ Donantis auctoritate Pater maior est, nunquid per doni
 „ confessionem Filius minor est? maior itaque donans est,
 „ sed minor iam non est, cui unum esse donatur. ait enim,
 „ Ego & Pater unum sumus. si hoc non donatur Iesu, ut con-
 „ fitendus sit in gloria Dei Patris, minor Patre est; si autem
 „ in eadem gloria ei donatur esse, qua Pater est, habes & in
 „ donantis auctoritate, quia maior est, & in donati confes-
 „ sione, quia unum sunt. Maior itaque Pater filio est, &
 „ planè maior, cui tantum donat esse, quantus est ipse, cui
 „ innascibilitatis imaginem sacramento natiuitatis impar-
 „ tit, quem ex se in forma suæ generat. hæc Hilarius. quam

S C H O L I A.

sententiam non semel in suis libris exposuit : hanc auctoritatem principii in Patre considerantes prisci illi, omnem dignationem ei soli tribuere uidentur. multa enim huiusmodi in Clemente legimus, in Pastore, Ignatio, Iustino atque aliis, qui ante Arianam hæresim uixerunt. qui omnes unam in tribus personis essentiam, paremque maiestatem uenerati, tamen celebrauerunt originem. postquam autem Arius cœpit filii dignitatem minuere, & alii Spiritum sanctum in numerum creaturarum aggregare; Patres omisso huiusmodi loquendi more, quem Euangelistarum & Apostolorum loquendi modum imitata, tenuit antiquitas; apertis uerbis tres personas æquales prædicauerunt, nihilque uni tribuerunt, quod non item cæteris tribuerent. hoc enim fieri solet, cum existunt hæreses, ut quod antea omitti posse uidebatur, cum nulla de eo esset controuersia, orta hæresi id diligenter, planè, apertè, sit enucleandum. atque ita ex hæresum immani peste hoc boni consequitur Ecclesia, ut sententiæ fidei, quæ antea nunquam agitata obscuriores uidebantur, postquam oppugnari cœptæ sint, illustrentur, atque declarentur. Hæc fusius dixi, propterea quod in Clemente aliqua sunt, quæ ad hanc normam dirigi oportet. tu uerò cum in ea incidēs, eam adhibe moderationem, quam tibi ii fontes ostendunt. quod statim serua in ea sententia, quæ in eodem capite de Spiritu sancto habetur, quem dicit à Christo doceri, & Christum annunciare. translatus est hoc ex. 16. Capite Ioannis sic dicentis, Cum autem uenerit Spiritus ille

„ ueritatis, docebit uos omnem ueritatem. non enim lo-

„ quetur à semetipso, sed quæcunque audiet loquetur, & quæ

„ uentura sunt annuntiabit uobis, ille me clarificabit, quia

„ de meo accipiet, & annuntiabit uobis. in quibus uerbis, propter Spiritus sancti à Patre & Filio progressionem, agnosce in duobus spiratoribus auctoritatem unius principii, in Spiritu sancto nullam alienæ ab iis naturæ differentiam. Quod autem ita interpretari debeamus loca, quæ tam in scripturis, quam in priscis patribus uidentur Spiritus

tus

tus sancti maiestatem non ita extollere, docet. S. Basilius in eodem libro contra Eunomium, qui eadem via progrediens, quæ de filio dixerat, ea accommodat ad Spiritum sanctum. eius verba hæc sunt, Quæ est necessitas, ut si dignatione atq; ordine tertius sit Spiritus sanctus; sit quodque natura tertius. nam quod obtineat secundas post filium partes, fortasse pietatis ratio id tradit. tertia uerò uti natura, nec ex sanctis Scripturis didicimus, neque ueluti consequens eorum, quæ dicta sunt concludere possumus. nam quemadmodum Filius ordine, secundum post patrem locum habet, quoniam ab illo est genitus, & dignatione, quoniam principium & auctor ipsius Pater est, & quoniam per eum aditum, & accessum habemus ad Patrem; natura uerò nullo modo est secundus, quoniam una est in utroq; diuinitas; ita Spiritus sanctus, & si ordine ac dignatione Filio est submissus, (ut hoc omnino concedamus) non tamen eo modo, ut quasi differentis ab ipso naturæ existat.

QVOD dicitur in eodem Cap. Spiritum sanctum assumi ut testem, translātū est à .15. capite Ioannis sic dicentis, Cum autem uenerit Paracletus, quem ego mittam uobis à Patre spiritum ueritatis, qui à Patre procedit, ille testimonium perhibebit de me.

IN Cap. 20. obserua Presbyteri officia, quæ sunt hæc, docere, offerre, baptizare, benedicere populo; quorum quidam habet potestatem Presbyter, sed tamen illam exercere non potest, nisi concedente Episcopo: lege Ignatium Smyrnenfes sic instituentem, Nemo sine Episcopo aliquid agat eorum, quæ ad Ecclesiam pertinent, illa firma Eucharistia censeatur, quæ sub Episcopo fuerit. Et paulò post, Non liceat sine Episcopo baptizare, nec offerre, neque sacrum facere. quod idem de reliquis muneribus censendum est. nam hæc ipsa munera, quæ nunc contemnantur, in ueteri Ecclesia exercebant Episcopi, ut aliquando sola causa fuerit accersendi Episcopum absentem in Paschæ tempore, ut Catechumenos instruere, & baptizare pos-

posset, de Eucharistia uides in Clemente Episcopum semper illam peragere; de docendi munere nihil dico, cum in hoc præcipuè uersetur Episcoporum officium. hoc uerò est intelligendum quòd quanquam Presbyteri docendi munus habebant, tamen summa rei & doctrinæ iudicium Episcopo reservabatur, immo præsentè Episcopo Presbyteri definebant munus suum, nisi ille aliud iuberet.

E X Q V I N T O L I B R O.

IN capite 7. Considera auream illam sententiam de baptismo sanguinis, cur Catechumeni cum eo morientes salui fiant. re ipsa enim commoriuntur Christo, alii in figura. hæc scribenti uenit mihi in mentem alterius præclaræ sententiæ. S. Cyrilli, quæ fusiùs eandem rem explanat. ea
 „ scripta est, in secunda mystagogia iis uerbis. O rem no-
 „ uam & admirabilem, non uerè mortui sumus, neque uerè
 „ sepulti, neque uerè crucifixi surreximus; In ueritate tamè
 „ saluamur. Christus sic crucifixus est, & re ipsa sepultus &
 „ uerè resurrexit; atque hæc omnia nobis donauit, ut imi-
 „ tatione, passionum suarum participes facti, re ipsa sa-
 „ lutem consequamur.

IN Cap. 12. Quod de hirco desio dicitur, uel fortè mende-
 fio, (nam ita quoque dici posset, si illud *μεν*, quod in
 Græco præmittitur, sit syllaba) mihi id cuiusmodi sit,
 compertum adhuc non est, fortè enim alii locum hunc
 illustrabunt.

IN Cap. 16. Considera rem insignem scilicet Iudam abfuisse
 cum data est Apostolis Eucharistia; Cyprianus enim se-
 cus sentit, in sermone de ablutione pedum, & Augustinus
 in Epistola. 163. & in explicatione decimi Psalmi, & in
 sex. tractatu in Euangelium Ioannis, & Chrysostomus in
 sermone de latrone. Theophylactus, etsi idem sentit, ta-
 men agnoscit eam opinionem, qua alii affirmant Iudam
 non adfuisse, nec eam reiicit. Existimaui aliquando Dio-
 nyfium Areopagitam hoc affirmare. quod si certum habe
 rem,

rem, uix iam phas esse ducerem secus opinari; sed tamen cum Dionysii uerba diligentius expenderem, non ita certa mihi uisa est eius sententia. tantum enim affirmat Christum Eucharistiæ auctorem iustissimè excludere eum, qui non sanctè atque ad imitationem sui sacro conuiuio interesset. quæ quidem sententia hoc non obscurè innuit, non autem manifestis, & perspicuis uerbis asseuerat. Quare Maximus ex uerbis Dionysii, probabili quadam coniectura id colligit, cuius annotatio in Dionysii uerba hæc est.

» Ex iis aliquis rationabiliter dicere posset, quòd postquam
 » exiit Iudas, tradidit discipulis Christus mysteria, ut qui iis
 » non erat dignus. Georgius Pachymeres hunc locum Dionysii nouo quodam modo explanat, putat enim Dionysium dicere, Christum tradidisse quidem Iudæ mysticum panem & calicem; mysteria uerò solis discipulis dedisse, postquam Iudas discessit. eius uerba hæc sunt, Excludit & segregat iustissimè Iudam, qui non sanctè conuiuio interfuerat, nam cum illum mystici panis & uini participem fecisset, mysteria discipulis, postquam ille à cœna discessit, solis tradidit, cum iis indignus esset Iudas. Cur igitur Iudam arcet à diuinis misteriis, qui simul cœnauerat? Etenim docet, quòd non satis est tantum corporaliter adesse & conuiuium celebrare; non enim hoc cum communione habet similitudinem, sed oportet intellectu, & mente adesse. Hæc Georgius; qui dico asseuerat ex Dionysii sententia, unum Iudam participem fuisse cœnæ mysticæ, hoc est panis & uini mystici, non agni typici (hunc enim sensum manifestè explodunt uerba Dionysii & Georgii) aliterum mysteria data solis Apostolis. Quærerem ego libenter à Georgio, quæ tandem fuerint mysteria, quibus exclusus sit Iudas, & quæ solis credita sint Apostolis; cum prius omnes simul panem & uinum mysticum sumpsisent. si responderet fuisse sacramenti effectum & spiritualement manducationem, rursus scire uellè ab eo, quid opus erat, ut propterea Iudas abesset? quòd si mysteriorum traditionem putat ipsam Eucharistiæ institutionem, iam hoc

scripturæ

scripturæ aduersatur coniungenti Eucharistiæ institutionem cum eius dispensatione. Sumens panem fregit, & dixit, Accipite & manducate, hoc facite, &c. Itaque mihi magna tenebræ sunt non modò in Dionysii, sed etiam in paraphrasis sui uerbis, quæ dicere uolui ut admonerem lectorem, ut legens Dionysium, hanc rem etiam consideraret. mihi enim amplius de ea uidetur quærendum. hoc tamen est in ea commodi, quòd ad factum pertinet, ut siue hoc uel illo modo se habeat, nulla labes, neque peruersio si dei accidat.

IN eodem Capite, Eucharistiæ mysteria dicuntur antitypa corporis & sanguinis, quæ uox idem ualeat, quod in Dionysio Symbola, hoc est signa. signa uerò cum audis, noli ab iis remouere signatum, ita enim illa signa sunt, ut etiam uerè & realiter contineant signatum, hoc est corpus & sanguinem Domini. patres uerò antitypa illa dixerunt, uel respectum habentes ad præcedentem substantiam, uel quia species sunt sacramenta corporis & sanguinis Christi, qui in eis continetur. appellationes enim plerunque ducuntur ab eo, quod apparet & sub sensum cadit.

PENÈ omiseram id, quod in secundo Capite tertii libri annotatione dignum uidetur. damnari enim uidentur nuptiæ, quæ mortua prima uxore iterantur. Scito autem huiusmodi nuptias non damnari, iustæ enim sunt; reprehenditur autem intemperantia eorum, qui illas contrahunt. nam cum primis nuptiis diuino illi propagandæ sobolis præcepto satisfecerint, iterum iungunt connubia, quæ improbantur ab antiquis, non quòd putent ea nepharia, sed quòd sint indicia incontinentiæ, & libidinosi putentur, qui illa appetunt. Eam ob causam antiqui Canones bigamis penitentia tempus præscripserunt, quod legimus in Conc. Ancy. Can. 19. & Neocæsar. Can. 3. & Laod. Can. 1. Tertullianus etiam cum recta saperet, has nuptias permissas tantum putauit: Hieronymus durior fuit bigamis, ita ut nisi lenius cum eo agatur, uix possimus illum à reprehensorum criminatione uindicare. redeo
nunc

nunc ad quintum librum.

I^N Cap. 18. quinti libri, in quo traditur seruandi Paschæ ratio, nihil iam annotandum est, sed id totum potius delendum, ut nothum ac nouum. quod luce clarius perspicui potest ex ea Epiphaniî disputatione, qua utitur aduersus Audianos imitâtes in Paschæ obseruatione Iudæorum consuetudinem. narrat enim Epiphanius Audianos sententiam suam defendisse auctoritate constitutionis Apostolorum, in qua cauebatur ne alii calculum Paschæ facerent ipsi, sed agerent Pascha quando fratres sui de circuncisione agerent, atq; id unâ cum eis celebrarent, agnoscitq; Epiphanius huiusmodi constitutionem, atque eam interpretatur, inquit primùm, dici in constitutione Pascha agendum, quâdo id agerent fratres de circuncisione, non fratres qui sunt in circuncisione, hoc est quando agerent ii Episcopi, qui de circuncisione & Iudæorum gente genus ducebant, quos scribit quindecim fuisse; deinde inquit, id factum fuisse ab Apostolis ad tuendam consensionis unitatem. Quare tantum abest ut ea, quæ in hoc capite legimus Apostoli stauerint, ut etiam contraria horum ab ipsis præcepta uideantur. Præterea oriëntales illi Iudaicum morem retinentes, nullam aliam excusationem, ut in Eusebio legimus, afferbant suæ obseruationis, nisi quòd Ioannem & Philippum Apostolos imitarentur, testabaturq; Polycarpus Ioannis discipulus, se unâ cum Ioanne eo die Pascha celebrasse. Neque mirum est Apostolos in illis Ecclesiæ rudimentis eo die inter se egisse Pascha, quo ipsi cum Domino egissent. Sed quid opus est aliunde argumenta petere? ipsa constitutio se prodit, & tantùm non nocem emittens, clamat se nouam esse; ait enim æquinoctium fieri uigesima secunda Dystrî mensis, hoc est Martii. perspicuum est autem Christi tempore æquinoctium fuisse uigesima quinta Martii; tempore uerò Anatolii Laodicensi Episcopi, qui nixit, Probo imperante, anno Domini ducentesimo octuagesimo, æquinoctii tempus retrocesserat tribus diebus, solq; arietem ingrediens faciebat æquinoctium uernum undeci

mo Calendas Apriles, hoc est uigesima secunda Martii, quod narrat Eusebius in Ecclesiasticæ historiæ libro septimo. Quare noua est constitutio, fortasse edita post Concilium Nicænum, in quo Paschæ observatio ad eam rationem redacta fuit, ut post æquinoctium uernum, quarta decima lunæ obseruaretur, & die dominico, qui post plenilunium primus esset, Pascha celebraretur; quod factum est ea præcipuè ratione ne Iudæorum consuetudinem imitaremur, neq; bis in eodem anno Pascha ageremus. hoc enim accidere posset si tantum duodecim lunares menses obseruaremus, nulla æquinoctii ratione habita. aliquando enim post æquinoctium celebrato Pascha, eodem anno ante æquinoctium itidem celebraretur. initium enim anni ordiuntur ab introitu Solis in signum arietis. Existimo igitur, cum uerba Apostolicæ constitutionis uiderentur antiquæ illi, & ab Ecclesia reiectæ Paschæ celebrationi quodammodo fauere, uiros pios illa uerba, ne offensionis causam præberent, & aliquos in errorem inducerent, deleuisse, reposuisseque receptam & probatam ab Ecclesia obseruandi Paschæ rationem.

IN Cap. 19. intellige Christianos olim sex diebus ante Pascha siccis cibis uesci solitos, cuius moris mentionem facit Epiphanius in libro tertio aduersus hæreses.

IN Cap. 21. illa auctoritas, qua dicitur quod Dominus accepit ignem à Domino, & alia, qua Iacob fatetur se uidisse Deum facie ad faciem, item illa de rubo, quem uidit Moses ardentem, meritò accommodantur ad filii Dei personam; fuit enim hæc constans priscorum procerum sententia, iis & huiusmodi aliis uisionibus, Christum Dei demonstratum. possem ad hoc probandum unanimum Patrum omnium consensum in medium asferre, sed breuitati studens, contentus ero una sancti Leonis sententia, quæ scripta reperitur in Epistola 13. ad Pulcheriam Augustam, iis
 » uerbis, Potuerat quippe omnipotentia filii Dei sic ad do-
 » cendos iustificandosq; homines apparere, quomodo Pa-
 » triarchis & Prophetis in specie carnis apparuit, cum aut
 luctamen

» Inſtamen iniit, aut ſermonem conſeruit, cum'ue offi-
 » cia hospitalitatis non abnuit, uel etiam appoſitum cibum
 » ſumpſit, ſed illæ imagines huius hominis erant indicia, cu-
 » ius ueritatem ex præcedentium Patrum ſtirpe ſumendam
 » ſignificationes myſticæ designabant.

I N eodem Capite, cum dicitur Deum Verbum, Deo ipſius
 ac Patri in condenda rerum uniuerſitate miniſtraſſe, cau-
 tus eſto, & memento eorum, quæ de auctoritate Principii
 ſunt dicta. noliq; putare illud miniſterium efficere filium
 minore Patre; miniſtrat enim quatenus ſapientia & ars
 Patris exiſtit, per quam uniuerſa ſunt condita. Iuſtinus
 in dialogo, quem cum Tryphone habuit, opera filii Patri
 cooperatis, miniſteria appellat, filiumq; Patris miniſtrū,
 ſcilicet ea ratione, qua dictum eſt, Verbum eſſe rationem
 artemq; Patris in rebus creādis, productumq; à Patre, qui
 ei una cum eſſentia eandē operandi poteſtatē dedit. quare
 ut hic ordo ſignificaretur, Patres aliquando miniſterium
 filio tribuerunt. Non potuit autem hæc res planiùs expli-
 cari, quàm eſt à Tertulliano explicata in lib. de Trinitate,
 cuius uerba hic ſubieci, quoniam inſtar normæ eſſe de-
 bent, ad quam hæ, quæ duriores uidentur, priſcorum ſen-
 tentiæ, ſint dirigendæ. Sic igitur in fine eius libri inquit
 Tertullianus, Subiectis enim ei quaſi filio omnibus rebus
 à Patre, Patris quidem ſui Filius probatur, cæterorum au-
 tem & Dominus & Deus eſſe reperitur. Ex quo dum huic,
 qui eſt Deus, omnia ſubſtrata traduntur, & cuncta ſibi ſub-
 iecta Filius accepta refert Patri, totā diuinitatis auctori-
 tatem rurfus illi remittit; unde unus Deus oſtenditur
 uerus & æternus Pater, à quo ſolo hæc uis diuinitatis e-
 miſſa, etiam in Filium tradita & directa rurfum per ſub-
 ſtantiæ communionem ad Patrem reuoluitur. Deus qui-
 dem oſtenditur Filius, cui diuinitas tradita & porrecta
 conſpicitur, & tamen nihilominus unus Deus Pater pro-
 batur, dum gradatim reciproco meatu illa maietas, atq; di-
 uinitas ad Patrem, qui dederat eam, rurfum ab illo ipſo
 filio miſſa reuertitur & retorquetur, ut meritò Deus Pa-

S C H O L I A.

ter omnium Deus sit, & principium Filii sui, quem Dominum genuit: Filius autem cæterorum omnium Deus sit, quoniam omnibus illum Deus pater præposuit quem genuit: ita mediator Dei & hominum Christus Iesus omnis creaturæ subiectam sibi habens à Patre proprio potestatem qua Deus est, cum tota creatura subdita sibi concors Patri suo Deo inuentus, unum & solum & uerum Deum Patrem suum, manente in illo quod etiam auditus est, breuiter approbavit. Est igitur ipse filius creaturarum conditor unà cum Patre, *διευουργός* omnino, ita enim aliis in locis eum Clemens appellat, hoc est opifex atque auctor, non *ὑπουργός* quemadmodum Arius & Aetius impiè dicebant; facientes eum quasi secundarium Deum submissum ac subordinatum primo conditori, quorum opinionis diritas à Christianis mentibus longè repellatur.

E X S E X T O L I B R O.

IN Cap. nono animaduerte ferè earundem hæresum mentionem fieri in Epistolis Ignatii. De Prophetia, & de Monarchia Sermones à Petro cum Simone habitos, scriptos à se testatur Clemens in Itinerario.

QUAE in quinto decimo Capite habentur, atque omnia ea, quæ pertinent ad Concilium illud Apostolorum, cuius in Actis fit mentio, non sunt continuanda cum aliis, quæ primo loco dicta sunt, in quibus mortis Iacobi Episcopi facta est mentio, quare dirige hæc ad eam normam, quam posui in Prolegomenis cum de methodo agerem.

IN eodem Cap. nomen Iacobi Zebedæi delendum est, negligentia enim uel imperitia alicuius huc irrepsit, cum Iacobus Zebedæi filius antequàm hæc gereretur, ab Herode fuerit interfectus, id quod in Actis Apostolorum legitur.

IN Cap. 16. statuitur iterandum esse baptismum ab hæreticis administratum, quod conuenit cum quadagesimo septimo Canone eorundem Apostolorum; iudico autem Apostolos id statuisse quod ii, qui eo tempore hæreses sectabantur

etabatur, cum de diuinis personis falsa atque impia opinarentur, non potuerunt seruare synceram baptismatis formam, proptereaq; necessarium erat instaurare baptismum in iis, quos ipsi baptizassent. quod idem statuit Nicæna Synodus in Canone. 19. de iis, qui à Paulianistis fuerant baptizati. ii enim à Paulo Samosatensi profecti. Christi diuinitatem labefactabant: quam impietatem postea Arius & Aetius magis perũlgarunt. Narrat Epiphanius formam baptismatis seruata[m] ab Aetio, quæ hæc erat, In nomine Dei increati, & in nomine Filii creati, & in nomine Spiritus sanctificatis, & à creato Filio creati. Quis non uidet, hoc modo, tota fide euerfa, necessariam fuisse baptismi renouationem? idem existimo de iis, quos rebaptizari uoluerunt Apostoli.

IN Cap. 24. noli putare uniuersum populum Romanum eo tempore, Christi fidem amplexum fuisse, sed cum multi essent in Vrbe Christiani, iamque religio esset celebris, præsertim si ab ea (ut legitur) Tiberius non abhorruerit, propterea hanc rem extollens Clemens, inquit, Romanos recepta Christiana pietate, ab Idolotum cultu discessisse.

IN Cap. 26. recognosce easdem hæreses numeratas ab Ignatio, in quibus animaduerte illud idem, quod in decimo septimo Cap. tertii libri dictum est de Deo, qui est supra omnia. Hoc loquendi more à Clemente accepto usi sunt Ignatius, & Iustinus, cum Trinitatis personas distinxerunt. quod quoties occurret, reuoca in memoriam, quæ de hac re in eo loco annotata sunt. ita enim omnis erroris suspitio aberit.

EX SEPTIMO LIBRO.

IN Cap. 23. Non debes mirari, quòd ieiunium ante baptismum præcipitur, cum præcipue ob eam causam puteim Catechumenos olim in nocte magni Sabbati baptizatos. Narrat Cassiodorus Burgundiones, cum uexati ab Hunnis

nis in Galliam transissent, Christianamq; pietatem recepissent, à quodam Episcopo baptizatos fuisse, indico ipsis prius octo dierum ieiunio. Tertullianus in libro de
 » Baptismo, Ingressuros, inquit, baptismum, orationibus
 » crebris ieiuniis, & geniculationibus & peruigiliis orare
 » oportet, & cum confessione omnium retrò delictorum.

IN Cap. 24. quartæ & sextæ feriæ ieiunium præcipitur, quod diu mansit in Ecclesia, nunc (quod est dolendum atque lugendum) cum aliis optimis maiorum institutis in dis-fuetudinem abiit. Præcipitur quoque sabbati celebritas, quam tamen cum diei Dominici cultu minimè æquatam, ostendit huius libri caput trigesium quartum. non est autem mirandum Apostolos æconomia, atque consilio u-fos, aliquid Synagogæ ad Ecclesiam migranti concessisse, altè enim in ea infederant ueteres ceremoniæ, ut non ad-eò facile aboleri possent. Fuit tamen hic mos (ut uidimus in secundo libro) ita retentus, ut in eo die medita-tio diuinæ legis esset, non manuum cessatio. Concilium Laodicenum iubet in Sabbato congregari Ecclesiam, idemq; prohibet, eum diem more Iudæorum custodiri. Etiam quod hîc statuitur de unius magni Sabbati ieiunio, agnosco priscum morem, sed eundem accessione melio-rum legum exoletum. nam Ecclesia Romana, quæ Apo-stolica utens potestate, singula pro conditione tempo-rum in melius mutat, non fuit contenta unius Sabbati ie-iunio, sed instituit, ut idem mos in omnibus Sabbatis seruaretur. de ea re, atq; aliis eò spectantibus extat præcla-ra Innocentii primi epistola ad Gaudentium Egubinum Episcopum.

IN Capite. 39. nota Patrem appellari Deum ingentum, ali-bi filius dicitur Deus genitus. quæ uoces & si molliores sunt, suspectæ tamen fuerunt patribus, cum ab Arianis u-furparentur, qui ingenti & geniti differentiam induxe-runt, putantes ex ea filii naturam diuersam fieri à patre. Duces illi Ecclesiæ, & si uoces non aspernabantur (non enim id efficiunt, quod uolebant Ariani) tamen quoniam

in

in scripturis non reperiuntur, & eis utebantur hæretici; quorum etiam uocabula timēda sunt, ideo in eis recipiendis, cautionem adhibendam censuerunt; lege Epiphaniī diſputationem contra Aerium, & Baſilii cōtra Eunomium. Magnus Athanaſius in epiſtola de ſynodis Arimini & Seleucia, duo inquit ſignificare ingenitum, id quod exiſtens, factum non eſt, & id quod ſuæ naturæ auctorem non habet: ad priorem ſignificationem reſpiciens, filium ingenitum uerè dicere poterit, idem ſi alteram ſpectet, id de ſolo Patre uerè affirmabit. poſtea idem ſanctiſſimus Pater, ſciens iis uocibus uſos priſcos, præſcribit nobis, quemadmodum in eorum libris hæ uoces ſint intelligendæ; inquit enim, Non ignoramus eos, qui dixerunt unum eſſe ingenitum Patrem; non eo animo ſcripſiſſe, quaſi Verbum Dei genitum, hoc eſt factum, & opus eſſe uellent, ſed ideò, ut oſtenderent, Patrem ſui auctorem non habere, ſed illum Patrem ſapientiæ eſſe, & omnia genita, hoc eſt quæ facta ſunt, in ſapientia feciſſe. Cum igitur incidet in hæc uerba (incidet autem ſæpe) noli exiſtimare ea iniecta ab Arianiſ, & ſi ipſi iis uocibus delectati ſunt, ſed illa accipe quem admodum Athanaſius eſt interpretatus. nunc cum expulſo Arianorum errore integra ſynceraque manſerit Homouſſi fides, hæ uoces non ita perhorreſcimus.

IN Cap. 40 dicitur Chriſtus genitus beneplacito Patris, non quòd uoluntas Dei Patris ei ortum dederit (omnibus enim creaturis, ut inquit Hilarius, ſubſtātiā, Dei uoluntas attulit, ſed Filio natura dedit) ſed dicitur genitus beneplacito Patris, quatenus in eo naturaliter genito quieſcit beneplacitum Patris, Hic eſt enim, inquit, Filius meus dilectus, in quo mihi complacui. pari ſententia Origenes inquit, Patrem protuliſſe germen uoluntatis.

IN Cap. 43. ſunt hæc uerba, [*poſt hæc adorat ipſum unigenitum Deum, poſt ipſum, & propter ipſum gratias agens ipſi,*] quorum uerborum hæc eſt ſententia. adorat unigenitū Deum poſt ipſum, ideſt poſt Deum Patrem, ut ex eo intelligatur ordo originis, & in Patre principii dignatio, ut iam diximus,

S C H O L I A.

mus, & propter ipsum, siue per ipsum, idest per Filium gratias agat ipsi Patri.

IN Cap. 42. 43. 44. habes benedictionem olei Catechumenorum, aquæ baptismalis, & Chrismatis. intelligendum est autem priscos illos magnam uim tribuisse horum elementorum sanctificationibus. Tertullianus in libro de Baptismo sic inquit, Igitur omnes aquæ de pristina originis
 » prærogatiua sacramentum sanctificationis consequuntur, inuocato Deo; superuenit enim statim Spiritus de
 » Coelis, & aquis superest, sanctificans eas de semetipso, &
 » ita sanctificatæ uim sanctificandi combibunt. Cyprianus
 » ad Ianuarium. oportet uerò mundari & sanctificari aquam
 » quam prius à sacerdote, ut possit baptismo suo, peccata
 » hominis, qui batizatur, abluere. Augustinus tract. 80.
 » in Evangelium Ioannis, Detrahe uerbum ab aqua, quid
 » erit nisi aqua, accedit uerbum ad elementum & fit sacramentum.
 » Antehos Dionysius in Capite de baptismo exponit quemadmodum aqua per Spiritus sancti inuocationem, & sacri Chrismatis permissionem sanctificata, præparabatur ad baptismum. Cyprianus in sermone de Chrismatis unctione, sanctificatis (inquit) elementis
 » iam non propria natura præbet effectum, sed uirtus diuina potentiùs operatur. Cyrillus Hierosolymitanus, qui has ipsas baptismi ceremonias tradidit, de oleo exorcizato, (ita enim appellat oleum Catechumenorum) post multa alia hæc inquit, Quemadmodum insufflationes sanctorum, & diuini nominis inuocatio, quasi uehemens flamma urit atque fugat dæmones, ita hoc oleum exorcizatum, inuocatione Dei, & oratione tantas acquirit uires, ut non solum ardentia peccatorum uestigia deleat, sed etiam omnes inuisibiles dæmones expellat.

IN Capite. 44. uerba sunt obscura, [*uniuscuiusque enim manus impositionis uirtus hæc est*] si mendum absit, sententia (nisi fallor) est huiusmodi, In qualibet manus impositione tam ea quæ fit in baptismo, quam ea quæ fit in sacramento confirmationis, uirtus hæc est, idest uirtus in sanctificatis elementis.

mentis confistit , quatenus sacramenta illa requirunt materiam per inuocationem Spiritus sancti sanctificatâ atque præparatam , sine qua sacramentum ritè administrari non potest : quæ sententia ualde conuenit iis , quæ mox sequuntur. [*nisi enim super quodlibet horum inuocatio fiat &c.*] in quibus uerbis esto cautus , & primùm illud tibi statue , sanctificationē materiæ baptismi magis requiri præcepti , quàm sacramenti necessitate . Sancti Patres tamen , tam ii , quorum uerba protuli , quàm alii non pauci , illam inuocationem Spiritus sancti super aquam magno opere extollunt , atque ei immensa tribuunt , ut non mirum sit Clementem quoque adeo eam commendasse . nam eius dictis minimè aduersatur , ut quis non adhibita ad baptismum aqua sanctificata , uerè sit baptizatus , & si absit contemptus uel negligentia , sacramenti fructum consequatur . non enim negat Clemens illum esse uerè baptizatum , sed inquit , non abiecisse eum animæ sordes , hoc est , non esse affectum baptismi effectum . quod intellige , si præter necessitatem , seu aliam æconomicam rationem eam omiserit .

CONVERSIONEM ad Orientem explanans . S. Cyrillus , cuius sæpè mentionem feci , hæc inquit , Quando abrenuncias sathanæ , omni testamento , ueterique pacto in inferno cum eo inito rescisso , aperitur tibi paradisi Dei , quem plantauit ad Orientem , unde propter præuaricationem primus pater noster fuit expulsus , cuius rei signum est , cum ab Occidente conuerteris ad Orientem , qui lucis est locus . Omnes alias baptismi ceremonias à Clemente expositas , Dionysius , Tertullianus , Cyprianus , Cyrillus , Augustinus , & denique præci omnes agnoscunt .

CAPVT 47. continet hymnum Angelorum , quem quoniam , S. Hilarius , paucis mutatis , in latinum conuertit , atque in missam inclusit , Concilium Toletanum quartum , & quidam alii eum huius hymni auctorem faciunt .

IN Capite primo, in quo sermo est de Episcopis impro-
bis, quasi ii non sint ueri Episcopi, caue ne hæc sententia
tibi sit occasio sequendi errorem Hulsitarum negantium
Episcopum, presbyterum uel mortali peccato obstrictum
esse Episcopum, uel presbyterum. non enim ita est acci-
pienda Clementis sententia, quasi uelit eos, qui huiusmo-
di sunt, amittere potestatem, quam in ordinatione ac-
ceperunt, sed eos negat esse Episcopos, quatenus officia
ac munera, quibus funguntur, non sunt grata atque ac-
cepta Deo, immo neque electio ipsorum ei tribuitur, sed
hominibus. sunt igitur hi Episcopi quo ad potestatem:
non sunt Episcopi, quo ad Deum attinet, quia institutio-
nes ipsorum, atque officia, quæ postea exercent non sunt
probata Deo. Ioannes Chrysostomus hanc quæstionem
pertractans, ad eius explicationem produxit Clementis
sententiam, cuius uerba audiamus. Diaconis autem &
» Presbyteris secundum præuidentiam suam, illis uidetur
» Deus iniungere ministerium Diaconatus aut Presbyterat-
» tus, qui sunt iusti; qui autem inueniuntur iniusti, illos or-
» dinasse homines uidentur non Deus. ab exitu ergo rei co-
» gnoscitur, qui à Deo ordinatus est, & qui ab hominibus.
» qui enim ministerium suum bene consummauerit, appa-
» ret quia ex Deo fuerat ordinatus, qui uerò ministerium
» suum non bene consummauerit, ex hominibus ordinatus
» est. Quomodo autem quidam sacerdotes ex hominibus or-
dinantur, manifestè in libro octauo Canonum Apostolorum
dicitur. Hieronymus quoque in Cômmentariis in Epi-
stolam ad Galatas asseuerat, eos esse ab hominibus ordina-
tos, qui indignè, fauore populi, patientiam Domini con-
temnentes, diuino sacerdotio contra meritum ordinan-
tur. tales igitur non sunt sacerdotes. hoc est Deus non ele-
git eos, ut essent sacerdotes, neq; ipsorum muneribus ac-
quiescit diuini beneplaciti consensio, quâquam ex ui ordi-
nationis consequuntur diuinitus sibi delatam potestatem.

IN Cap. 3. uideid, quod etiam in Dionysio legitur, signum externum, quo instituuntur Episcopi & cœlestem accipiunt potestatem, esse impositionem libri Euangeliorum ceruicibus illorum, qui instituuntur; cuius rei rationem cognosces ex eodem Dionysio, ex qua plura possunt intelligi, quàm mihi modò breues annotationes scribenti, & offensiones uitanti, explananda uidentur.

IN eodem Capite tertio, Pater appellatur cunctorum opifex per Christum, qui (ut diximus) est ars & sapientia patris, per quam facta sunt sæcula.

IN quarto præcipit Catechumenis, ut se commendent Deo ingenito per Christum, & meritò, per eum enim habemus accessum ad Patrem.

IN nono & decimo cap. qui illuminantur, sunt ii Catechumeni, qui de fide instructi, & diu in Ecclesia uersati, breui erant ad baptismum accessuri.

IN cap. decimo sexto, attende uerba præfationis, quibus etiam nunc utimur, ab Apostolis manasse. ac ne constitutio nouitatis suspicionem tibi afferat, lege Cyrillum, qui in mystagogicis orationibus hunc ipsum Liturgiæ morem exposuit; totidem uerbis de Clemente translaturum. ex quo facillè intelligitur liturgiam Clementis Hierosolymis in usu fuisse. eadem uerba leguntur in Basilio, & Ioanne Chrysostomo, Iustinus & si uerba non retulit, tamen eorum uim expresse. In eodem cap. dicitur Filius uoluntate & potentia Patris generatus, quibus uerbis explanatur recta de origine filii sententia. est enim potentia generatiua Patris principium generationis filii, cuius æterna uoluntas est comes.

IN cap. 17. [*ut ostendat hunc panem corpus Christi tui*] hoc est ut efficiat, hanc enim uim habet Græcum uerbum. Eadem uerba sunt in Liturgia Iacobi, Basilio, Chrysostomi, quæ ne mini suspicionem afferre debent, quasi aliis uerbis, quàm iis, quæ à Domino accepta se nobis tradere affirmat Paulus, putauerint ii Patres panem & uinum in corpus & sanguinem conuerti. constans enim & perpetua fuit omnium

patrum sententia, uerbis Domini tantum mysterium administrari. Quod uerò hoc loco dicitur, ad superiora uerba respectum habet, & ad illa referri debet. ut enim quæ ante consecrationem dicuntur, ad oblationem corporis & sanguinis Christi dirigenda sunt, sic quæ post consecrationem mysticè precatur, & facit sacerdos, ad unum peractæ consecrationis actum trahuntur. Sacerdos ante consecrationem tenens manu patenam, & calicem, dicit se offerre hostiam immaculatam pro peccatis, & calicem salutaris, quæ actio respondet oblationi corporis & sanguinis faciendæ, tunc anticipatione quadam sacerdotis mente atq; proposito conceptæ, ita post consecratam eucharistiam inuocatur Spiritus sanctus illorum munerum sanctificator, & peracti operis unà cum Patre & Filio effector, quæ inuocatio non est separanda à priore actione, qua sacerdos, uerba Domini proferens, panem & uinum consecrauit, sed ad eundem actum reuocari debet, immo ad idem temporis momentum, quo illa admirabilis conuersio facta est. nam cum omnia simul, atque uno tempore fieri non possint, ordine, ac temporis interuallo disponuntur. quæ uerò sermone & tempore diuiduntur, cogitatione atque intelligentia sunt in unum coniungenda. Græci cum in Concilio Florentino interrogati essent, cur post uerba Domini prolata, quibus consecratio absoluitur, precarentur Deum ut panem & uinum in corpus & sanguinem conuerteret, responderunt, se constanter credere consecrationem uerbis Domini perfici, preces autem illas eam uim habere, atq; idem ualere, quod in Latinorum Liturgia oratio, quæ post consecrationem dici consueuit, Supplices te rogamus omnipotens Deus iube hæc perferri per manus sancti Angeli tui in sublime altare tuum, in conspectu diuinæ maiestatis tuæ.

IN cap. 18. habetur oblatio pro Prophetis, Apostolis & Martyribus, quæ fortè alicui uidebitur absurda, eo quòd iniuriam (ut inquit Augustinus) facit Martyri, qui orat pro Martyre. Tu uerò intellige hoc loco non modò nihil absonum

sonum fieri, sed etiam maximè pietatem coli. audi autem non me, sed Cyrillum, cuius nomen toties repetui, hanc sanctorum memoriam exponentem iis uerbis, Atq; hoc
 » sacrificium tibi offerimus, ut memores simus, primùm
 » eorum, qui dormierunt, Patriarcharum, Prophetarum,
 » Apostolorum, Martyrum, ut Deus orationibus & inter-
 » cessionibus ipsorum nostram deprecationem suscipiat.
 » deinde ut in memoria habeamus sanctos patres, qui dor-
 » mierunt, atque Episcopos, & deniq; omnes, qui nos præ-
 » cesserunt, magnam utilitatem credètes accessuram eorum
 » animabus, pro quibus offertur, ex oratione sancti & tre-
 » mendi sacrificii. Habes in Cyrillo duplicem ordinem dor-
 » mientium, quorum in sacrificio fit mentio, unum constan-
 » tem ex Patriarchis, Prophetis, Apostolis, Martyribus, qui
 » ideo memorantur, ut nostræ necessitatis ipsi memores, ro-
 » gent Deum pro nobis, alterum ordinem eorum, quorum
 » necessitati nos oratione & sacrificio subuenimus. Præter
 » hæc, quæ dicit Cyrillus, uidetur Christianæ pietati maxi-
 » mè consentaneum, ut sacrificium etiam pro Patriarchis,
 » atq; Apostolis offerri dicatur, non quidem ad delictorum
 » expiationem, sed ad gratiarum actionem. aguntur enim
 » gratiæ Deo, quòd illi athletæ, & pugnatore magni, post
 » tot susceptos labores, & gloriam Dei celebratam, dignam
 » suo certamine gloriam acceperunt. De aliis autem, qui-
 » bus sacrificio opem præstamus, nihil iam attinet dicere,
 » cùm continuata traditione, constantiq; omnium patrum
 » testificatione, certum iam sit ab incunabulis Ecclesiæ, toto
 » Orbe Christiano, atque omnibus temporibus, mortuo-
 » rum memoriam supplicationibus & sacrificiis cultam ac
 » celebratam fuisse.

IN Cap. 17. memoratur impositio manuum, quæ fiebat
 Diaconissis, quod pugnat cum decimo nono Canone Con-
 ciliij Nicæni, negante Diaconissas manuum impositionem
 habere. Item quod dicitur de imponenda manu Hypodia-
 conis, & iis, qui in minoribus gradibus collocantur, est
 omnino mihi dubium, cùm canonica auctoritate constet,
 manuum

manuum impositionem infra diaconatum nō descendere.
IN Cap. 35. ne sit tibi mirum creaturam, Dei inuocatione,
 solemnique precatione sanctificatam, adipisci facultatem
 expellendorum morborum, quæ etiam dæmones fugare
 soleat. refert S. Thomas se in historiis legisse, Anachore-
 tas, qui in Aegypti solitudine uitam ducebant, uicinis mit-
 tere solitos oleum benedictum ad curandos morbos ido-
 neum.

IN eodem cap. ancilla libidini domini obsequens recipitur.
 cum enim ipsa sui corporis potestatem non habeat, meri-
 to culpa non in eam, sed in dominum est reiicienda.

PRÆCEPTIO quiescendi in diebus Apostolorum, fortè post
 tempora Apostolorum adiecta fuit, quanquam incredi-
 bile non est Apostolos suum exitum in Dei gloriam, & fi-
 dei propagationem futurum prospicientes, uoluissè, ut
 iis diebus fideles in commemorandis eorum certaminibus
 & Christi nomine celebrando essent occupati.

CONSTITUTIO iubens seruum & ancillam separari; intel-
 ligenda est, si ii inuitis dominis, seu omnino non iustis
 nuptiis sint copulati.

IN Calce ultimi Capituli, in quo de institutione sacrificii a-
 gitur, habentur uerba quædam, quæ ansam præbere pos-
 sent, ut ii libri sint contemnendi. inducuntur enim tres de-
 cim Apostoli dicentes se à Christo ordinatos; quod mirum
 esset si Christus omniū Ecclesiæ munerum institutor, & au-
 ctor, suam excellentem potestatem sacramentis alligasset,
 uel eam certis finibus circumscriptam, unum in locum in-
 cluisset. Matthias supra quem cecidit sors, hoc est (ut
 Dionysius interpretatur) signum uisibile apparuit, ut
 Apostolus, sic sacerdos à Domino est electus: Paulum,
 non ab hominibus, neque per homines electum, omnia
 munera ab eo accepissè, censendum est, qui eum uas ele-
 ctionis instituit. Subiungit Clemens in personam Apo-
 stolorum. Qui propter nos factus homo, & spirituale sacri-
 ficiū Deo suo & Patri offerens, ante passionem nobis
 præcepit solis, ut hoc faceremus, quanquam nobiscum
 essent

» essent alii, qui in illum crediderant. Iis uerbis aiunt Cle-
» mentem censere tresdecim Apostolos fuisse cùm Dominus
mysticam cenam celebravit. quæ tamen uerba non sunt re-
ferenda ad superiora, sed intelligenda solùm de iis, qui tunc
præsentes fuerunt. nosti enim ex mea obseruatione, Cle-
mentis morem ita inducentis Apostolos loquentes, ut ser-
mo præsens ad præterita referatur, & quamuis omnes lo-
qui uideantur, iis tamen solis tribuatur narratio, qui-
rei, quam exponunt, præsentes interfuerunt.


F I N I S.

RERVM, ET VERBORVM MEMO-
RABILIVM, QVAE HIS CLEMENTIS
LIBRIS CONTINENTVR, INDEX
LOCVPLETISSIMVS.

GVIDO MELDINAEVS ANGL. LECTORI S.

Si Indice hoc nostro commodè uti uolueris, numerorum notas deprauatè multis in locis à Typographis appositas emendabis, & ubi literam A, inuenies, rem aut uocem, quam inuenire uolueris, in cartæ fronte perquires, ubi autem, B, intergo: & laborem nostrum boni consules.

A



BREVNCIATIO Sathana per baptizandum. car. 108. b

Abyssus uasto hiatu comprehensa. 121. b

Accusatus iniuste, beatus est apud Deum. 10. b. & seq.

Accusatores quales esse oporteat. 36. a

Accusatoris mores et qualitates diligenter scrutetur index. 36. a

Accusatoribus, & calumniatoribus facile non est credendum. 30. a. b

Aequinoctium uerni temporis obseruandum. 72. a

Affectiones, nisi maiori freno compescantur, cum homine consenscunt. 129. b

Agapa à Domino, nomine conuiuij nominata. 26. b

Agricolæ erant Judas & Iacobus. 44. b

Alienigena & non Lenita offerre & ad altare sine sacerdotibus accedere non poterat. 25. b

Altare Dei, est uidua. 25. b. 48. a. 51. a

Amuleta facientes improbantur. 131. b

R R Andrea

I N D E X.

<i>Andrea sub persona loquitur Clemens .</i>	116. a
<i>Angeli placidi , animarum piarum custodes .</i>	135. a
<i>Anima corpori formato in utero , conciliatur .</i>	107. a
<i>Anima incorporea .</i>	80. b
<i>Anima ex nihilo creatur .</i>	122. a
<i>Anima immortalitatem qui olim negauerint apud Iudaeos .</i>	77. b
<i>Antitypa mysteria corporis & sanguinis Christi .</i>	69. a. 100. b
<i>Antitypum corporis Christi offerre .</i>	93. a
<i>Antichristus , mundi deceptor , ueritatis hostis , mendacii patronus .</i>	102. b
<i>Anuli aurei , scortationis indicia .</i>	3. a
<i>Apis Aegyptiorum .</i>	4. a. 86. b
<i>Apim Aegyptium olim coluerunt Hebraei .</i>	67. b
<i>Apis ictu aculeum perdit , sterilisq; redditur .</i>	51. b
<i>Apostoli Constitutionum à Clemente scriptarum auctores enumerantur .</i>	83. a
<i>Apostoli Christi à Caipha , Alexandro , & Anna saepe plagis affecti .</i>	61. a
<i>Apostolorum succissua opera , ne ociosi comederent .</i>	44. b
<i>Apostolos duodecim loquentes inducit Clemens .</i>	47. b
<i>Apostolorum Epistola .</i>	82. a. b
<i>Aqua in baptismo cur .</i>	52. b
<i>Aqua in potum & mundiciem à Deo creata .</i>	121. b
<i>Aquae mystica benedictio .</i>	109. a. b
<i>Aquae benedictae uis .</i>	130. b
<i>Aquila & Niceta , Clementis Episcopi & ciuis Romani , fratres .</i>	79. a
<i>Argentei triginta in domus figuli emptionem .</i>	68. b
<i>Anarus qui argentum alijs non impartitur , serpenti similis .</i>	55. b
<i>Audire lectionem Legis , Euangelij , & Prophetarum , quibus non liceat .</i>	31. b
<i>Augurij studium ad Idololatriam homines perducit .</i>	96. a
<i>Auream palam digitis non gestandam esse .</i>	3. a

B

B <i>ALNEI hora mulieri quae congrua .</i>	6. b
<i>Balneo uirili non muliebri , uir utatur .</i>	4. b
<i>Baptismo in ipso quae fiunt mysticè , enarrantur .</i>	52. b
	Baptis-

I N D E X.

<i>Baptismus iterare non oportet.</i>	83. b
<i>Baptizatus unguento inungitur.</i>	109. b
<i>Baptizandus adultus, ieiunet.</i>	99. b
<i>Baptizare non debent mulieres.</i>	49. b
<i>Baptizare qui possint.</i>	50. a
<i>Baptizandi sunt pueruli.</i>	84. a
<i>Baptizandi forma.</i>	52. b
<i>Barbae pili non sunt corrumpendi.</i>	3. a
<i>Barba carere mulieribus decorum, uiris non item.</i>	3. a
<i>Bartholomei sub persona loquitur Clemens.</i>	128. a
<i>Basmotheorum heresis.</i>	77. b
<i>Benedictio aquae & olei.</i>	130. b
<i>Benedictio primitiarum.</i>	134. b
<i>Benedictio magna, & parua.</i>	50. a
<i>Bigamia post professionem iniqua habenda est.</i>	46. a
<i>Bruta animae rationalis expertia non esse, quidam crediderunt.</i>	80. a

C

C AD AVER, funus & sepulchrum, tangentis animam non foedant.	91. a
<i>Cadavera sanctorum sancta.</i>	93. a
<i>Caiphas falsi nominis Pontifex prophetauit.</i>	113. b
<i>Caiphas sibi mortem consciuit.</i>	113. b
<i>Calumniator conuictus, non est sine nota relinquendus.</i>	37. a
<i>Calumniator quo pacto puniendus sit.</i>	33. b
<i>Canere carmen Ethnicum et cantilenam meretriciam, non licet Chri- stianis.</i>	67. a
<i>Canones de Episcopis, Presbyteris, Diaconis & reliquis Clericis.</i>	130. a. b
<i>Canones uarij Pauli Apostoli.</i>	131. a. & infra
<i>Capillos in unum complicare, discerniculo, discriminare, calami- strisq; crispare, & flauos facere non licet.</i>	3. a
<i>Captiuos redimere oportet.</i>	57. b
<i>Catechumeni ab Episcopo benedicendi.</i>	116. b
<i>Catechumeni quo pacto instituendi.</i>	107. b
<i>Catechumenis martyrium in ueriores baptismum cedit.</i>	63. a

I N D E X.

<i>Causas in secunda sabbatorum oportet cognoscere .</i>	35. a
<i>Charismata à Deo per Spiritum dantur .</i>	111. b
<i>Charismata , quæ sint .</i>	112. b
<i>Chorales .</i>	131. b
<i>Christus quorum delictorum à Iudeis insimulatus .</i>	69. a
<i>Christus cur ieiunauerit .</i>	99. b
<i>Christus non seruata Romanarum legum dispositione morti addi-</i> <i>ctus .</i>	69. b
<i>Christus ex Iuda ortus .</i>	80. b
<i>Christus Pacis uia est .</i>	19. b
<i>Christus uiri in uia iustitiæ ambulantis caput . est .</i>	5. a
<i>Christus prius facere , postea docere cœpit .</i>	9. b
<i>Christus uenit peccatores saluare per pœnitentiam .</i>	22. b
<i>Christi resurrectio , pignus est & arra nostræ futuræ resurrectionis .</i> 64. b	
<i>Christi sanguis .</i>	41. a
<i>Christum ex concubitu Ioseph & Mariæ natum , qui olim opinati sint .</i> 77. b	
<i>Christum qui iterum crucifigant .</i>	83. b
<i>Christum negare , exitialis & tremenda res est .</i>	61. b
<i>Christiani laus præclara , cum nullo habere negocium .</i>	34. b
<i>Christiano transactio potius , quàm lis conuenit .</i>	34. b
<i>Christianum esse , in nostra situm est potestate .</i>	113. b
<i>Christiani ad Monomachias olim damnabantur .</i>	57. b
<i>Ciborum bonorum uorator non sit Episcopus .</i>	9. a
<i>Clemens Apostolorum cooperator .</i>	86. a
<i>Clemens Episcopus & ciuis Romanus , Pauli coapostolus .</i>	79. a
<i>Clementis Episcopi fratres Niceta & Aquila .</i>	79. a
<i>Clero ex ipso quilibet in cuius figuram constitutus .</i>	25. a. b
<i>Cœmeteria Apostolorum ætate .</i>	93. a
<i>Cœmeteriis in ipsis conuenire ad legendos sacros libros , & psallen-</i> <i>dum in his pro defunctis . 93. a. ibidem , & missæ celebrabantur .</i>	
<i>Coeundum non est cum uxore menstrui tempore , ne filij cum morbo</i> <i>nascantur .</i>	92. a
<i>Coeundum non est cum uxore prægnante .</i>	92. a
<i>Collyrium acre uulnera tumentia complanat .</i>	32. b
<i>Coma neutiquam nutrienda est .</i>	3. a
	Con-

I N D E X.

<i>Concordes in pietate esse debemus .</i>	39. b
<i>Concupiscens uxorem alienam , aut rem , nisi eum pœniteat , iam mente est fur & adulter .</i>	1. b
<i>Condemnans aliquem iniuste , contra seipsum pronunciat .</i>	33. a
<i>Conditoris Dei uaria opera enumerantur .</i>	103. b. 104. a
<i>Confessor non ordinatur .</i>	129. a
<i>Consuetudo piorum impijs sepe utilis .</i>	58. a
<i>Controuersia & altercatio , Christiano homini non est conueniens .</i>	34. b
<i>Contumeliam pro contumelia non debemus rependere .</i>	2. a
<i>Conuualia precepta nonnulla .</i>	26. b
<i>Corpus & sanguis Christi .</i>	126. a
<i>Corpus Domini cum timore ministrare oportet .</i>	41. a. cum timore accipiendum ibidem .
<i>Crucis trophæo se signabat Pontifex sacra mysteria celebraturus .</i>	120. b
<i>Cultus corporis prohibetur .</i>	2. b
<i>Cupiditas omnis & iniquitas fugienda est .</i>	1. b
<i>Curiosum de ijs , qui male & perditè uiuunt , neminem esse oportet .</i>	3. b

D

D AEMONIS mali retia multa .	6. b
<i>Dæmones qui eijciunt , non omnes præditos pietate .</i>	113. b
<i>Dæmones inscitia oppressi .</i>	113. b
<i>Dæmonibus nulla pietatis scintilla inest .</i>	113. b
<i>Davidis Hymnos psallere oportet .</i>	3. b
<i>Deabus Græci sacrificulas instituebant .</i>	50. a
<i>Decalogum legis , Christus in Euangelio in summam redigit , stabilit , ac perficit .</i>	1. b
<i>Decima & primitia quomodo erogandæ .</i>	23. b
<i>Decima & primitia quæ erant olim , nunc oblationes sunt .</i>	25. a
<i>Decima ad quid offerrentur .</i>	130. b
<i>Decimas dari præcipit Christus in Euangelio .</i>	29. a. b
<i>Delectationis nostræ causa , à Deo aliqua creata .</i>	135. a
<i>Delictis diuersis , pœna diuersa imponendæ sunt .</i>	76. a
<i>Deus pœnitentibus , pristinam dignitatem restituit .</i>	22. b
<i>Deus natura inuisibilis .</i>	127. a
	Deo

I N D E X.

<i>Deo quo tempore gratiæ agendæ .</i>	30. <i>a</i>
<i>Deuterofes .</i>	4. <i>a</i>
<i>Diabolus in die iudicij condemnabitur .</i>	102. <i>b</i>
<i>Diabolus multa prædicat .</i>	113. <i>b</i>
<i>Diaconus quæ curare debeat .</i>	34. <i>a</i>
<i>Diaconus pro quibus orare debeat .</i>	41. <i>a</i>
<i>Diaconus Christi figuram habet .</i>	25. <i>b</i>
<i>Diaconus omnia ad Episcopum referat .</i>	34. <i>a</i> . <i>Episcopi est auditus ,</i>
<i>oculus , os , cor , anima . b</i>	
<i>Diaconus sine Episcopo nihil agat .</i>	27. <i>b</i>
<i>Diaconi auctoritas , & Diaconissæ .</i>	130. <i>a</i>
<i>Diaconi in templo cura .</i>	40. <i>b</i>
<i>Diaconi ordinatio .</i>	128. <i>a</i>
<i>Diaconi ad portam uirorum , in Ecclesia maneat .</i>	120. <i>b</i>
<i>Diaconi peccatorem eiectum ab Episcopo , teneant , & pro eo Episcopo- pum rogent .</i>	15. <i>b</i>
<i>Diaconi septem Iacobo .</i>	39. <i>a</i>
<i>Diaconorum dignitas quæ sit .</i>	27. <i>a</i>
<i>Diaconissa , ad introitus mulierum in templum , maneat .</i>	40. <i>b</i>
<i>Diaconissa ad mulierum ministeria eligebatur .</i>	52. <i>a</i>
<i>Diaconissæ ordinatio .</i>	128. <i>a</i>
<i>Dies dominicus , dies est hilaritatis , & letitiæ .</i>	66. <i>b</i>
<i>Die dominico nihil præter sanctitatem dicere aut facere licet .</i>	66. <i>b</i>
<i>Dies sequens quid pariat , nescimus .</i>	84. <i>a</i>
<i>Diuites non reuereatur Episcopus , nec assentatione sibi conciliet .</i>	9. <i>a</i>
<i>Diuitiarum non est æterna possessio .</i>	103. <i>a</i>
<i>Dynasta .</i>	25. <i>b</i> . 136. <i>a</i>
<i>Dysurus mensis .</i>	72. <i>a</i>
<i>Dogmatum absurdorum auctores .</i>	78. <i>b</i>
<i>Domini corpus in Eucharistia .</i>	41. <i>a</i>
<i>Domini aduentus secundus cum terra motu .</i>	102. <i>b</i>
<i>Domus quando psallendum .</i>	133. <i>a</i>
<i>Dominicus dies resurrectioni dicatus .</i>	74. <i>b</i>
<i>Dona uaria fidelibus uariis largita .</i>	112. <i>b</i>

I N D E X.

E

E BIONEI heretici, Apostolorum temporibus exorti.	77. b
Ecclesia Dei, pax est, & portus tranquillus.	19. a
Ecclesia catholica, est Dei plantatio, & uinea.	1. a
Ecclesia ab ipsa qui abscindendi sint.	32. a. b
Ecclesia manè ac uespere quotidie à populo frequentanda.	42. a
Ecclesia ordinis & dispositionis est magistra.	131. a
Ecclesia constat ex integris & piis membris.	33. b
Ecclesie forma quæ esse debeat.	40. a
Ecclesie assidentes, de Ecclesia alendi.	24. b
Eleemosynæ pauperibus pro defunctis.	135. b
Eleemosynas ut pauperibus præbeat, populum moneat, hortetur, sacerdos.	57. b
Eleemosynis & fide, peccata purgantur.	97. b
Energumeni, idest uexati ab immundis spiritibus.	117. a
Enoch & Helias mortem non sunt experti.	64. a.
Epibata.	40. a
Episcopus Ecclesie medicus est.	19. a
Episcopus mediator Dei & fidelium. 24. a. uerbi minister, & scientiæ custos.	25. a
Episcopus in iudicando, Dei sententiam sequatur.	20. b
Episcopus meditatione, ac studio inuigilet in dominicis libris.	9. a
Episcopus non debet esse turpis lucri cupidus, nec fideiussor, nec aduocatus.	9. b
Episcopus os Dei. 27. a. Episcopi dignitas, ibidem.	
Episcopus Dei dignitate ornatus est.	25. b
Episcopus unius uxoris, quæ semel nupserit, uir.	8. a
Episcopus Regibus, Principibus, Dominis, & sacerdotibus omnibus præest.	12. a
Episcopus peccatoris culpam in se transferat.	18. b. 24. b
Episcopus quomodo & à quibus eligeretur.	114. b
Episcopus laicorum sibi subiectorum scopus est.	24. b
Episcopus Laico seditioso non debet obsequi.	14. a
Episcopus non minor sit annis quinquaginta.	7. b
Episcopus imperitia, aut nequitia cumulatus, Episcopus non est.	

I N D E X.

<i>Episcopo subditi, eius sunt propinqui.</i>	8. a
<i>Episcopus sine iudicio parcens peccatori, in culpa est.</i>	11. b. quomodo iudicare debeat.
<i>Episcopus post Deum, noster pater, Dux, Rex, & Dynasta.</i>	25. a
<i>Episcopus redargutos, qui ad bonam frugem non redeunt, uitare de- bet.</i>	11. a
<i>Episcopus à quot Episcopis ordinaretur.</i>	54. a
<i>Episcopus etiam iuuenis esse potest.</i>	7. b
<i>Episcopus à quot Episcopis ordinandus.</i>	130. a
<i>Episcopus quando deponi possit.</i>	130. a
<i>Episcopi, prouentus Ecclesie soli consumere non debent, sed & egenis distribuere.</i>	23. b. 24. a
<i>Episcopi auctoritas.</i>	130. a
<i>Episcopi sedes in templo, quo loco esse debeat.</i>	40. a
<i>Episcopi uiuentibus Apostolis ordinati.</i>	110. a. b
<i>Episcopi Christum sibi ipsis tanquam scopum proponere debent.</i>	23. a
<i>Episcopi uictus, & uestitus qualis esse debeat.</i>	23. b
<i>Episcopum qualem esse oporteat.</i>	7. b. 8. a. b. 9. a. b. 10. a. 11. a. 15. b. 16. a. 19. a. b. 23. a. b. 40. a
<i>Episcopum personarum acceptorem esse non oportet.</i>	9. a
<i>Episcopum de omnibus sollicitum esse oportet.</i>	17. a
<i>Episcopo sermone uel factis detrahens, Deum offendit.</i>	27. b
<i>Episcoporum ordinationis innuocatio.</i>	115. a. b
<i>Episcoporum dignitas quæ sit.</i>	27. a
<i>Episcoporum actiones, & dispensationes à nobis non sunt in examen uocanda.</i>	29. b. nec in iudicandi.
<i>Episcopis quomodo obedire oporteat.</i>	30. a
<i>Episcopi laicos ut filios diligant.</i>	18. a
<i>Episcopis ligandi & soluendi super terram, est à Christo tributa fa- cultas.</i>	ibidem 12. a. 16. b
<i>Episcopatus onus non est facile nec leue.</i>	24. b
<i>Eporcista non ordinatur.</i>	129. b
<i>Euangelium dum legitur in templo, Diaconi & laici cum silentio as- surgant.</i>	40. b
<i>Euangelium quomodo Episcopus debeat interpretari.</i>	9. b
<i>Euangelium quarum sit scripturarum complementum.</i>	3. b
<i>Eucharistia acceptabilis oblatio.</i>	93. a
	Euchari-

I N D E X.

<i>Eucharistiam sacram accipientes, quid consequantur.</i>	124. b. 126. b
<i>Exempla pœnitentiæ.</i>	20. a. b. & seq. 31. a. b
<i>Experientia peccatorum deuitanda est.</i>	12. b
<i>Ezechielis locus declaratur.</i>	10. a

F

F ACIEI medicamen non esse adhibendum.	6. b
Fato & fortune peccata tribuebant Pharisei.	77. b
Femoralia, & crepidas improba arte consuere non licet.	3. a
Feruor iuuenilis ætatis ad fornicandum propensus.	58. b
Festa cur Deus præceperit.	105. b
Festi dies qui.	68. a
Fides Christiana clarissima.	27. a
Fidem infirmam habentibus, opem ferre oportet.	14. a
Fideles coram infidelibus non litigent.	34. b
Filiorum sanctitas, patrum gloria.	100. a
Flabello ad abigendas muscas à poculis sacrificantium, utebantur	
Diaconi.	120. b
Flabella ex tenuibus membranis, pauonum pennis, aut uelo tenui.	
120. b	
Fœminarum diuersæ ætatis, & conditionis, loca in templo.	40. b
Fornicatio est propria carnis corruptio.	91. b
Fortuito casu omnia constare, qui olim opinati sint apud Iudæos.	
77. b	
Fratrū falsorum consuetudo fugienda est.	60. b
Fucare faciem non debent mulieres.	6. b

G

G ENTILIVM libros haudquaquam esse legendos.	3. b
Gorpyæus mensis.	73. b
Græci resurrectionem non credebant.	64. b
Græcorum impietates omnes fugiendæ sunt.	44. a
Gratiarum agendarum formula.	100. a. b
Gratiarum actio nocturna.	133. b

SS Hæresis

H AERESIS non una apud Hebraeos.	77. b
Hereses unde ortae sint.	78. a
Hereticorum absurda quaedam opiniones.	90. a. b
Hereticorum societas fugienda est.	85. a. b
Hereticorum multi errores enumerantur.	79. b. & infra
Hegesippus & Tertullianus in summis citati.	44. b
Helluones, & uiri nequam subsidio indigni sunt.	8. b
Hemorobaptistae heretici.	77. b
Hessai heretici.	78. a
Hircum Desum, uel Mendesium, qui coluerint Iudaei.	67. b
Homo mundi ornamentum.	104. a. 122. a
Homo iniquus ab Ecclesia segregandus.	16. a
Hominiбус omnibus benefacere oportet.	46. b
Homicidium magistratibus iustum.	95. a
Honorandus quilibet pro sua dignitate.	131. a
Hostia Missae, rationalis & incruenta, à sacerdote per Jesum magnum Pontificem ad altare adducitur.	24. a
Hypodiaconi in templo ad portam mulierum maneant.	120. b
Hypodiaconi auctoritas.	130. a
Hypodiaconi ordinatio.	128. b

I

I ACOBUS frater Domini, Episcopus Hierusalem.	110. a
Iacobi sub persona loquitur Clemens.	120. b. 129. a. 133. a
Idololatria nullum peccatum grauius est.	22. b
Idololatria fugienda est.	67. a
Ieiunans die dominico, peccat.	74. b
Ieiunandum.	68. a. 70. a. 72. a. b. 74. b. 99. b
Ieiunandum quibus diebus, & quibus non ieiunandum, & cur.	99. b
Ieiunijs peccatorem Episcopus affligat.	15. b. 16. a
Ignis cur à Deo creatus.	121. b
Impiorum pecuniam accipere coacti sacerdotes, in quos usus eam erogare debeant.	57. b. & seq.
Impenitentes atque omnino obdurati, ab Ecclesia abscindendi.	32. b. 33. b

I N D E X.

<i>Incantationes & uaticinia figere oportet .</i>	44. a
<i>Incarnationis Seruatoris nostri sermo imperfectus, inderisum ab infidelibus ne trahatur periculum est .</i>	47. b
<i>Indigenti cuilibet benefaciendum .</i>	46. b
<i>Indignorum largitiones non accipiendas esse. 49. a. b. 56. a. b. 57. a. b</i>	
<i>Infirmis in fide, opem ferre oportet .</i>	14. a
<i>Initiatum qualem esse oporteat .</i>	10. b
<i>Innocentem ciciens, & redeuntem non recipiens, fratricida est, & interfeclore audacior .</i>	20. a
<i>Ioannes Christi ad pectus cur recubuerit .</i>	68. b
<i>Ioannis in persona loquitur Clemens . 40. b. 57. a. 68. b. 127. b</i>	
<i>Iobeleum .</i>	106. a
<i>Joias septimo anno praeuit populo .</i>	8. a
<i>Iosias octo annos natus regnavit .</i>	8. a
<i>Ira Satanae amica, qua sit .</i>	30. b
<i>Israël, terrena Ecclesia .</i>	104. b
<i>Ite in pace in fine Missae .</i>	127. b
<i>Iudas auarus. 68. b. loculos habebat, pauperum res furabatur. ibid.</i>	
<i>Iudas, confessionem sonat .</i>	43. a
<i>Iudas cum Dominus discipulis mysteria tradidit, non aderat . 69. a. b. & seq.</i>	
<i>Judus fur erat & pauperum facultates surripiebat .</i>	95. a
<i>Judei Apostolorum etate dispersi, & uagi .</i>	90. a
<i>Judei excidium Hierusalem & Christi fidem latè diffundendam, insciji praedixerunt .</i>	89. b
<i>Judeos iustis suis uti, non sinebant Romani .</i>	89. b
<i>Judex personarum non sit acceptor . 33. a. qualis esse debeat. 36. a. b partem utranque audiat .</i>	37. a
<i>Judices uelut interijciebant, causam diligentius cognituri . hac de re-Magius in Miscellaneis .</i>	37. b
<i>Judices Ethnici quomodo causas cognoscerent .</i>	37. b
<i>Judicandum non est, reo non audito .</i>	19. a. b
<i>Judicare quenquam temerè, non oportet .</i>	19. b
<i>Judicio alterius qui praest, similis est ei qui caudam canis manibus tenet .</i>	37. a
<i>Jurare per elementa, uel caelestia corpora, non debemus .</i>	67. b

I N D É X.

<i>Iusiurandum iustum saltem iurandum .</i>	95. b
<i>Iusta mortuorum , quibus diebus facienda .</i>	135. b
<i>Iusta cum peragerentur , comedebant sacerdotes .</i>	136. a
<i>Iustitia nostra quo pacto abundet .</i>	29. b
<i>Iustus uiuens cum iniquo , cum eo non perit .</i>	13. a
<i>Iuueniles perturbationes , & externa calumnia , qua etate superentur .</i>	7. b

L

L <i>ABOREM detrectans non manducet .</i>	45. a
<i>Labori unde uictus comparatur , indulgendum .</i>	44. b
<i>Laicus sacerdotis munus sibi non arroget .</i>	26. a. 50. a
<i>Laicos Diaconis quomodo oporteat parere .</i>	27. a. b
<i>Lauare cum uiro mulier non debet :</i>	6. b
<i>Lectoris ordinatio .</i>	129. a
<i>Legem naturalem non sustulit Christus , sed inducta per Deuteriosim , quanquam non omnia , extinxit .</i>	88. b
<i>Liberorum procreatio pura est .</i>	92. a
<i>Libidini sine pudore inseruiendum esse , hæretici nonnulli affirmabāt .</i>	80. a
<i>Libri subditij sacris scripturis non adnumerandi , qui sint .</i>	84. a
<i>Libri in templo legendi .</i>	40. a
<i>Libri externi & falsi Prophetæ , leues à fide abducunt .</i>	3. b
<i>Libris à quibus abstinere oporteat .</i>	3. b. & seq.
<i>Libros Gentilium haudquaquam esse legendos .</i>	3. b
<i>Locus non sanctificat hominem , sed homo locum .</i>	133. a
<i>Loca in Ecclesia quomodo distribuenda .</i>	40. a. b. & seq.
<i>Loth hospitalis .</i>	39. a
<i>Loti manè ut orare debeamus præcipitur .</i>	132. a
<i>Ludius .</i>	131. b
<i>Lux è thesauris prolata .</i>	121. b

M

M <i>AGIA prohibetur .</i>	95. a
<i>Magistratus Regis , ut Dei ministri honorandi .</i>	98. a
<i>Magistros nobis Dei sermonem explicantes , parentibus pluris ducere oportet .</i>	97. a
<i>Maledicere alienum à Christiano .</i>	51. b. & seq. 95. b
	Malorum

I N D E X.

<i>Malorum filias unde proveniat .</i>	98. b
<i>Maledictum in caput iniuste maledicentis reuertitur .</i>	51. b
<i>Mandatorum decem admonitio .</i>	29. b. 30. a
<i>Mandra similitudinem habet Ecclesia .</i>	40. b
<i>Manuum impositio, conciliabat credentibus Spiritum sanctum .</i>	32. a
<i>Manus cur abluant sacerdotes .</i>	120. b
<i>Maranatha .</i>	101. a
<i>Martyr sanctus, quis efficiatur .</i>	59. b
<i>Martyribus pro ipsis oratio in cœmeterijs .</i>	23. a
<i>Matthæi sub persona loquitur Clemens .</i>	23. a. 31. a. 40. b. 129. a.
130. b	
<i>Mediator Dei & fidelium Episcopus .</i>	24. a
<i>Memoria Martyrum colenda est .</i>	125. b
<i>Memoria defunctorum celebrande .</i>	135. q. quibus diebus . ibidem
<i>Mens anime auriga, sensibus præfecta .</i>	104. a
<i>Menstrua Deo non odiosa .</i>	92. a
<i>Menstrua in mulieribus, cur à Deo instituta .</i>	92. a
<i>Menstruis apparentibus, cum mulieribus non coeundum .</i>	92. a
<i>Milites quales esse debeant .</i>	131. b
<i>Miraculis impij omnes non ducuntur .</i>	112. a
<i>Missæ sanctum mysterium .</i>	126. b
<i>Missæ sacrum .</i>	120. a. b. & infra
<i>Missæ ostia rationalis & incruenta .</i>	24. a
<i>Missæ sacrificium in cœmeterijs celebrari poterat .</i>	93. a
<i>Missæ in celebratione, pro uita functis orandum .</i>	125. b
<i>Mœchus carnem in partes duas diuidit .</i>	95. a
<i>Mors non est supplicium .</i>	64. a
<i>Morienti in peccato, nulla relinquitur pœnitentia .</i>	12. b
<i>Moritur pius sine tristitia .</i>	12. b
<i>Mortui Christo, peccandi consuetudinem amittunt .</i>	10. b
<i>Mortuorum, qui pij dum uiuerent fuerant, sine honore non manent reliquie .</i>	93. a
<i>Mortuis profunt orationes uiuentium .</i>	93. a. 135. a. b
<i>Mortuis Missæ sacrificium prodest .</i>	125. b
<i>Mortuorum memoria celebrande .</i>	135. b
<i>Mortuos deducere debemus psallentes .</i>	93. a
<i>Mortuos tangens non inquinatur .</i>	93. a
<i>Mor-</i>	

I N D E X.

<i>Mortuos excitare, & mundū producere, eiusdem est facultatis.</i>	65. a
<i>Moses & Helias Christi incarnationis passionumq; testes in transfiguratione.</i>	86. a. b
<i>Moses altare extra Hierusalem constitui, legemq; extra Indæ fines legi uenit.</i>	90. a
<i>Mulier soli uiro suo placere studeat.</i>	5. b
<i>Mulier quæ se ipsam comit, & si hoc homines alliciendi causa non facit, nihilominus peccat.</i>	6. a
<i>Mulier uiri corpus est.</i>	49. b
<i>Mulier non doceat.</i>	47. b. & seq.
<i>Mulier procax & contentiosa damnatur.</i>	6. b. & seq.
<i>Mulier uiro quo pacto subdita esse debeat.</i>	5. a. b
<i>Mulier demissis oculis capiteq; uelato uiam suam ingredi debet.</i>	6. b
<i>Mulier cum uiro lauare non debet.</i>	6. b
<i>Mulier mala damnatur.</i>	6. a
<i>Mulier in plateis caput uelare debet.</i>	6. b
<i>Mulier ubi & quo tempore lauare debeat.</i>	6. b
<i>Mulieris nulla pars ornatum desiderat.</i>	6. b
<i>Mulieris bonæ præstantia & utilitas.</i>	5. b
<i>Mulieri contentio deuittanda est.</i>	6. b
<i>Mulieres in Ecclesia non doceant.</i>	47. b
<i>Mulieres capite uelato ad sacram Eucharistiam accedant.</i>	41. a
<i>Mulieres uiris suis subiectas esse oportet.</i>	5. a. & quomodo. 92. b
<i>Mulieres separatim in templo sedere debent.</i>	40. a
<i>Mulieres faciliè capiuntur.</i>	4. b
<i>Mulieres quæ fuerunt Prophetissæ.</i>	114. a
<i>Mulierum quæ ætas, bigamie suspitione uacet.</i>	45. b
<i>Mulieribus à malis sibi cauendum esse, earumq; illecebras esse declinandas.</i>	4. b
<i>Mundane res, diuinis non præferenda.</i>	43. a
<i>Mythicum ad sacrificium apparatus.</i>	120. a
<i>Mystica seruitus quæ.</i>	127. b

N

N ICOLAITAE heretici.	78. b
<i>Nilus sanguine perfusus.</i>	112. a
<i>Non cur à Deo inducta.</i>	121. b. 132. b. 133. b
<i>Nonif-</i>	

INDEX.

Novissimorum temporum predictio.	102. b
Nuditas corporis ad libidinem allicit.	4. b
Nuptie tertie, incontinentie sunt argumentum.	46. a
Nuptie quarta & ulteriores, manifesta fornicatio, & non dubia in- temperantia indicantur.	46. a

O

O BEDIENTIBVS Deo, quæ sit lex imposta.	2. a
Oblatio in Missa pro sanctis uita functis.	125. a
Oblationis tempore, porta templi clauderetur.	120. b
Oblationes à quibus non recipienda.	56. a. b. & sequenti.
Octauæ celebritas.	73. a
Oleum in baptismo cur.	52. b
Oleum ad quid creatum.	130. b
Oleum chrismatismatis benedictio.	109. a
Opem ferendam esse indigentioribus.	8. b
Opera ad salutem spectare apparet.	12. b
Orandum est ter in die.	100. a
Orandum est assidue.	38. a
Orare pro defunctis. 93. a. pro Martyribus.	ibidem
Oratio pro defunctis.	135. a. b
Oratio pro mortuis.	125. b
Orare quibus horis oporteat.	132. b. & cur. ibidem.
Oratio Orientem uersus.	41. a. 109. b. & seq.
Oratio Dominica.	53. a. 100. a
Orationis dominicæ locus declaratur.	39. b
Oratio matutina quæ esse debeat.	110. b
Oratio in prandio.	ibidem.
Oratio uespertina.	111. a
Oratio nocturna.	133. a. b
Oratio pro illuminandis.	117. b
Oratio eorum, qui dudum sunt initiati.	110. a
Oratio pro Emergentibus.	117. a
Oratio auxilij iustorum.	106. b. & seq.
Oratio Manassis Regis Iudæ pulcherrima et pia. 21. b. & sequenti.	
Oratio pro pœnitentibus.	118. a
Oratio	

Oratio ordinationis Presbyterorum .	127. b
Oratio ordinationis Diaconissa .	128. b
Oratio post communionem .	126. b
Oraturi manè lauentur .	132. a
Ordinum cœlestium turba .	104. b
Orienter uersus cur orantes aspicere debeant . 41. a. Orientem uersus templum .	40. a
Ornare se ipsum, cultuiq; corporis indulgere, nemo debet .	2. b
Ornatum nulla pars mulieris desiderat .	6. b
Ornamenti in pulchro accessio, artificis artem dedecorat .	6. b
Ornatus corporis prohibetur .	2. b
Ornatus uiri mulieribus perniciosus .	2. b
Orphanos quo pacto pietate amplecti debeamus . 54. b. ipsis quomodo providere debeat Episcopus .	55. a
Ostarius, ad introitus uirorum in templum manere debet .	40. b
Ovis pastori non obediens punitur .	17. b

P

PALMORVM interpres .	131. b
Panum calidorum primitia .	101. b
Paradisus ubi plantata .	122. a
Parentes spirituales tanquàm beneficos & ad Deum legatos, honorare debemus .	28. b
Parentes spirituales, uita & mortis in iudicandis peccatoribus potestatem habent .	28. b
Parentes quo pacto se erga filios habere oporteat .	58. a
Parentes colendi, & consanguinei non despiciatui habendi .	98. a
Partem utranque Iudex audiat .	37. a
Pascha bis in anno celebrandum .	72. a
Pascha quomodo agendum sit .	71. b
Passionis Christi sermonem imperfectum si quis edat, derisui ansam Infidelibus præbet .	47. b
Pastophoria templi .	40. a. 126. a
Pastor negligens erga oves, punitur .	17. b
Pastores perniciosos fugere debemus .	17. b
Paulus in nomen sanctum blasphemauerat, & multa mala p̃is intulerat	

I N D E X.

<i>lerat ante quàm Christianus fieret.</i>	23. a
<i>Paulus electionis uas.</i>	114. b
<i>Paulus & Aquila scœnas faciebant.</i>	44. b
<i>Patientiam Christi æmulari debemus.</i>	62. a
<i>Pauli sub persona loquitur Clemens.</i>	131. a. 132. a
<i>Pauperes ab Episcopis contemnendi, aut opprimendi non sunt.</i>	9. a
<i>Pauperibus indigentioribus, opem ferendam esse.</i>	8. b
<i>Peccans de industria, Deum tentando, remissionem non consequitur.</i>	22. b
<i>Peccandum non est spe uenie.</i>	22. b
<i>Peccatum operis à peccato propositi, conuicij, & suspicionis differt.</i>	35. b
<i>Peccatum suum agnoscantibus, quid dicat Spiritus sanctus.</i>	16. b
<i>Peccatum quod pœnitenti non condonatur.</i>	22. b
<i>Peccatum non repressum deterius fit, & in alios grassatur.</i>	16. a
<i>Peccati expers nemo præter Christum.</i>	16. b
<i>Peccata eleemosynis & fide purgantur.</i>	97. b
<i>Peccatorum experientia uitanda est.</i>	12. b
<i>Peccatorum confessio.</i>	97. b
<i>Peccator correptus, pœnitentiam agere recusans, pro Ethnico habendus.</i>	31. a
<i>Peccator prius indicandus est, mox cū misericordia excipiendus.</i>	12. b
<i>Peccator exemplo delinquentium, in peccato confirmatur.</i>	16. a
<i>Peccatorem pœnitentem qui non recipit, insidiatoribus tradit.</i>	12. b
<i>Peccatorem ad pœnitentiam inuitare oportet, bonam spem illi ini- ciendo.</i>	15. a
<i>Peccatorem pudore affici oportet.</i>	15. b
<i>Peccatorem foras eiciat Episcopus exacerbatus, mox à Diaconis ro- gatus recipiat.</i>	15. a. b
<i>Peccatores non pœnitentes cum orant, Deum irritant.</i>	57. a
<i>Peccatores separatim increpandi.</i>	31. a
<i>Peccatores non nitet Episcopus.</i>	15. a
<i>Peccatores quomodo indicare debeat Episcopus.</i>	12. a
<i>Peregrinorum admonitio, & adhortatio ualde accepta.</i>	41. b
<i>Periculis non se exponat fidelis.</i>	62. b
<i>Petri sub persona loquitur Clemens.</i>	35. a. 40. b. 57. a. 66. a. 68. b. 78. b. 81. a. 100. a. 114. b. 132. a

I N D E X.

<i>Pharisæi peccatorum actiones, fortune, & fato tribuebant.</i>	77. b
<i>Philippi sub persona loquitur Clemens.</i>	128. a
<i>Phoenix anis, resurrectionis futura argumentum.</i>	64. b. & infra.
<i>Phœnicis anis historia.</i>	64. b. & infra
<i>Pigritia famis mater.</i>	8. b
<i>Pœnam ad infligendum, promptus non sit sacerdos.</i>	15. a
<i>Pœnitentem qui non recipit, Christum irritat.</i>	23. a
<i>Pœnitentem recipere oportet.</i>	13. a
<i>Pœnitentes, in pristinum gradum Deus restituit.</i>	32. a
<i>Pœnitentibus, pristina a Deo dignitas restituitur.</i>	22. b
<i>Pœnitentiæ exemplum magnum in quibus olim.</i>	20. a. b. & seq.
<i>Pœnitentiæ quis sit modus & quo pacto rectè ea peragatur.</i>	15. a. b
<i>Pontifice pro ipso orandum est.</i>	41. a
<i>Populus in templo initia uersuum hymnorum Davidis cōcinebat.</i>	40. a
<i>Populi ignorantis peccatum, in Episcopum non docentem recidit.</i>	10. a
<i>Populi scopus est Episcopus.</i>	16. b
<i>Populum ad benefaciendum pauperibus incitet sacerdos.</i>	57. b
<i>Potestatem diuersa faciendi qui habet, habet & uariè providendi fū-</i> <i>cultatem.</i>	127. b
<i>Prædicationis Apostolicæ expositio.</i>	80. a
<i>Presbyteri sunt senatus & consessus Ecclesiæ.</i>	26. b
<i>Presbyteri in formam Apostolorum censi debent.</i>	25. b. 26. b
<i>Presbyteri, & Diaconi post ordinationem, uxores accipere prohiben-</i> <i>tur.</i>	84. b
<i>Presbyteri auctoritas.</i>	130. a
<i>Presbyteri ordinatio.</i>	127. b
<i>Primitiæ & Decimæ quomodo erogandæ.</i>	23. b
<i>Primitiæ ad quid offerrentur.</i>	130. b
<i>Procax & contentiosa non sit mulier.</i>	6. b
<i>Prodigia solos bona mente præditos mouent.</i>	112. a
<i>Propheta munere qui utuntur, non omnes esse sanctos.</i>	113. b
<i>Prophetae mulieres multe.</i>	114. a
<i>Proiidentiam qui negarent.</i>	79. b
<i>Psalmum sexagesimum secundum manè, uespere uerò centesimum</i> <i>quadragesimum, olim dicebant.</i>	42. a
<i>Psalmi. 81. locus declaratur.</i>	25. b
<i>Psalmi. 109. locus.</i>	26. a
	<i>Psalmi</i>

I N D E X.

<i>Psalmi Davidis, cantilenarum desiderium lenire possunt.</i>	4. a
<i>Pueri stent in templo penes parentes.</i>	40. b
<i>Pulchritudo nobis à natura tributa, cultu adiecto non est exornanda, sed cohibenda, & quo pacto.</i>	3. a
<i>Punitur nullus pro alio.</i>	13. b
<i>Pusillanimis, ualde insipiens est.</i>	31. b. Consolandus est. ibidem

Q

Q UADRAGESIMAE ieiunium. 68. a. quam memoriam contineat.	ibidem
---	--------

R

R EI mores & qualitates consideret iudex.	36. b
<i>Reliquiae sanctorum sanctae.</i>	93. a
<i>Reo non audito, iudicare, periculosum est.</i>	19. a. b
<i>Resurgemus immortales.</i>	63. b
<i>Resurrectio est rerum manentium.</i>	65. a
<i>Resurrectio debetur rationali hominum creaturae.</i>	64. a
<i>Resurrectio corporum. adstruitur. 63. b. & infra latè.</i>	
<i>Resurrectionem qui negauerint.</i>	79. b
<i>Rex à Domino eligitur, ideo timendus.</i>	98. a
<i>Rex impius, pro Rege non est habendus.</i>	113. b
<i>Regis olim quod munus esset apud Hebr.</i>	29. a
<i>Reges qui à Deo defecerunt, breui tempore interisse.</i>	4. b
<i>Regibus omnibus praesunt Episcopi.</i>	12. a
<i>Regum historiam legens, in fide edificatur.</i>	4. b

S

S ABBATVM, natura condita est monumentum.	99. b
<i>Sabbatum cur institutum.</i>	105. b. & seq.
<i>Sacerdos peccata non contemnat, nec ad puniendum promptus sit.</i>	15
<i>Sacerdos, Angelus Dei est.</i>	26. b
<i>Sacerdotes idololatrarum in honore olim habiti & sacrosancti existimati.</i>	27. a

I N D E X.

<i>Sacerdotes quomodo oporteat honorare.</i>	28.b
<i>Sacerdotes, pro principibus & Regibus habendi.</i>	28.b
<i>Sacerdotium regno excellentius.</i>	75.b. & cur ibidem
<i>Sacerdotium quantum regno præstantius sit.</i>	29.a
<i>Sacerdotalem aliquam ad dignitatem seipsum demittere, res tremenda est.</i>	25.b. & seq.
<i>Sacrificium cruentum, rationale, incruentum, ac mysticum.</i>	89.a
<i>Sacrificium ad mysticum apparatus.</i>	120.a
<i>Salutatio mutua osculo in templo.</i>	41.a
<i>Sanctorum festiuitatibus quiescant serui.</i>	132.b
<i>Sanguis Christi cum pudore, ac timore accipiendus.</i>	41.a
<i>Sathan lapsu locali non decidit.</i>	117.a
<i>Scandalo alieno causam qui præstiterit, peccat.</i>	3.a
<i>Scœnas faciebant Paulus & Aquila.</i>	44.b
<i>Scopus populi, est Episcopus.</i>	16.b
<i>Scriptura sacra, Historica, Poetica, & Sophistica, seu quæ ad sapientiam pertinent, continet.</i>	4.a
<i>Scripturæ quos libros legere oporteat.</i>	3.b
<i>Sedere in templo, & stare, qui debeant.</i>	40.b
<i>Seditioso laico, Episcopum obsequi non oportet.</i>	14.a
<i>Senes in Ecclesia sedent.</i>	40.b
<i>Sententiâ mortis in reum pronuntiaturus, quid facere debeat.</i>	37.b
<i>Sermo aut affirmet, aut neget sine iuramento.</i>	67.b
<i>Sermo nocturnus.</i>	133.a. b
<i>Sermo & oratio post communionem.</i>	126.b
<i>Sermones Christi in memoriam reuocare, & meditatione completi continuò debemus.</i>	3.b
<i>Serpentes à Deo creati.</i>	122.a
<i>Serpentes in thesauris dormire creditum.</i>	55.b
<i>Seruator cur in hunc mundum venerit.</i>	4.a
<i>Serui erga dominos, & domini erga seruos, quales esse debeant.</i>	97.b
<i>Serui quibus diebus quiescere debeant.</i>	132.a. b
<i>Seruorum timor, dominorum honor.</i>	100.a
<i>Seruos erga dominos et dominos erga seruos, quales esse oporteat.</i>	58.b
<i>Sexuum differentia ad quid.</i>	80.b. 91.b
<i>Sibylle de futura resurrectione carmina.</i>	64.b
<i>Sigillum in baptismo cur.</i>	52.b
<i>Simon</i>	

I N D E X.

<i>Simon Magus, contra naturam volans, attritus est.</i>	13.b
<i>Simon Samaritanus à vico Giithon, Magus.</i>	78. a
<i>Simonis Magi hìstoria.</i>	79. a. b
<i>Simonis Canitis sub persona loquitur Clemens.</i>	129. b
<i>Simonem Magum in Ìtaliã aufugere, compulit Petrus.</i>	79. a
<i>Sodomiticum facinus respuitur tanquã nefarium, et sceleratum.</i>	80. b. 91. b. 95. a.
<i>Sodomiticum facinus execrabile, à sodomitis profectum.</i>	95. a
<i>Sodomiticum facinus mundi dissolutionem quarit.</i>	91. b
<i>Solis ara.</i>	64. b
<i>Solomon duodecimum agens annum regnavit.</i>	8. a
<i>Sors in qua quis collocatus est neutiquam deserenda.</i>	136. b
<i>Speñacula indecora, & Theatra cum Gracoriũ ludis fugienda.</i>	44. a
<i>Speculatores Episcopos esse oportet.</i>	10. a
<i>Spiritus sancti.</i>	25. b
<i>Spiritus sanctus quando nos destituat.</i>	90. b
<i>Spiritus malus improba canentem inuadit.</i>	67. a
<i>Subditorum forma sit Episcopus. 15. b. & seq. hi Episcopo quomodo obedire debeant.</i>	18. a

T

T <i>ABERNACVLVM testimonij per omnia Ecclesiam designabat.</i>	24. a
<i>Templi forma quæ esse debeat.</i>	40. a
<i>Templi portæ ne infideles ingrederentur, custodiri solebant.</i>	41. a
<i>Templa portam virorum, & portam mulierum habebant.</i>	120. b
<i>Terræ ornamenta quæ sint.</i>	121. b. 122. a
<i>Tertullianus & Egesippus in summis citati.</i>	44. b
<i>Testes contra Christum varij, & inter se dissidentes reperti.</i>	69. b
<i>Testes falsi contra Steph. anum pro humartyrem.</i>	36. b
<i>Testes quales esse debeant.</i>	36. b
<i>Thaddai sub persona loquitur Clemens.</i>	129. b
<i>Thomæ sub persona loquitur Clemens.</i>	128. b
<i>Trigamia incontinentiæ est argumentum.</i>	46. a
<i>Tuba Dei Episcopus eiusq; voluntatis testis, ac omnium peccata portans.</i>	24. a
<i>Tuba sonus post apparitionem signi filij hominis.</i>	102. b
	Velli-

V ECTIGALIA & tributa pendere debemus.	98. a
Velum interijciebant iudices causam diligenter examina- turi.	37. b
Verborum obscœnitas vetatur.	96. a
Vestitus Episcopi, vsui & dignitati accommodatus.	23. b
Via duæ, altera vitæ, alter a mortis.	94. a
Victimæ quæ olim erant, nunc orationes sunt.	25. a
Victui accommodata, non sunt improbanda.	99. a
Vidua pro eo qui victum ipsi suppeditauit, Deum precetur.	51. a
Vidue adolescentiores ad vidualem statum non ordinandæ.	46. a
Vidue falsæ quæ sint.	48. a. b
Vidue non ordinantur.	129. b
Vidue quot annos natæ, constituendæ sint.	45. b
Vidue & orphani, cuius gestent figuram.	25. b. 48. a
Vidue veræ quæ sint.	46. b. 47. a
Vir & uxor qua ratione vnum sint.	95. a
Vir aduersus uxorem qualem se præstare debeat.	2. b
Virum erga uxorem qualem esse oporteat.	92. b
Virgines figuram turibuli & incensi gestant.	25. b
Virgines non ordinantur.	129. b
Virginitatis propositum non ad nuptiarum uituperationem, sed ad e- xercitium pietatis.	129. b
Virginitatis nullum extat præceptum.	59. a
Vnguenti mystici benedictio.	109. b
Virtutes cœlestes concordēs sunt.	39. b
Vitæ & consuetudines veterum iustorum & Patriarcharum cur con- scriptæ sint.	16. b. 17. a
Voluptatem non appetat Dei amicus.	92. a
Voluptatem solam sequendam esse aliqui affirmabant.	79. b
Vox quomodo formatur.	121. b
Vulnerum curatio.	32. b
Vxor, vitæ consors, ac socia.	83. a. b
Vxores Presbyterorum, & Diaconorum. 84. b. item Cantorum, Le- ctorum, & Ostiariorum. ibidem. Episcoporum.	8. a

I N D E X.

X

XANTICVS *mensis.*

68.a

Z

ZACHAEVS *olim Publicanus, Episcopus Caesarea Palestina.*
110.a.

F I N I S.

ERRATA SIC EMENDABIS.

<i>In Epistola</i>			<i>exemplar</i>
<i>In praefatione.</i>			<i>ἀναταπόδοτον.</i>
<i>Car. 1</i>	<i>b vers. 23</i>		<i>ad expetendum</i>
13	<i>b</i>	8	<i>fideiubeat.</i>
24	<i>a</i>	4	<i>insomnis</i>
31	<i>a</i>	4	<i>obdurucrit</i>
38	<i>b</i>	3	<i>quadringentas</i>
38	<i>b</i>	18	<i>filiy.</i>
40	<i>a</i>	29	<i>epistolas</i>
57	<i>a</i>	13	<i>pecunias</i>
64	<i>b</i>	17	<i>susceperit</i>
74	<i>a</i>	1	<i>dominum seruus.</i>
118	<i>a</i>	25	<i>adoptione</i>
125	<i>b</i>	22	<i>certamine..</i>
115	<i>a</i>	24	<i>coronam inuenerunt</i>
144	<i>a</i>	25	<i>duo</i>

Regeſtum.

A * * * * * B C D E F G H I K L
M N O P Q R S T V X Y Z
A A B B C C D D E E F F G G H H I I
K K L L M M N N O O P P Q Q R R S S.

VENETIIS, M. D. LXIII.

Ex officina Iordani Zileti.



12.12



